

興仁縣補志複製說明

興仁縣補志三，十五卷，偽縣長葛天乙等修，王仰慕三、霍錄勤三纂輯，初稿成於民國三十二年，無序文及目錄。現據興仁縣檔案館藏初稿本複製。複製時，除據內容擬具目錄外，並據有關史籍作了初步的校勘，凡經刪改、增補之處，均與原文對照，列校勘記於書末，以便讀者參考。

本志成書於抗日戰爭末期，對國民黨反動統治，歌頌備至；對紅軍入黔，則進行污蔑。所有這些，務需批判利用。

興仁縣補志

複製本如有不妥之處，歡迎讀者指正。

承興仁縣檔案館借給藏本，謹此致謝。

貴州省圖書館

一九六六年元月

三原稿中縫題「興仁縣志」，以其內容多係補充民國二十年「興仁縣志」之不足者，經徵得原藏者同意改題。

三據興仁縣檔案館一九六四年九月二十一日來函題名。

三據原稿部分封面及本館所藏貴州方志檔案題名。

興仁縣補志目錄

修纂委員會名單

興仁縣畧圖

大事志

卷一

年紀一 自殷迄晉

卷二

年紀二 自南北朝迄五代

卷三

年紀三 自宋迄元

興仁縣補志

卷四

年紀四 明

卷五

年紀五 清

卷六

年紀六 民國

人物志

卷七

列傳一 鄉宦

卷八

列傳二 氏族

卷九

列傳三 德行

卷十

列傳四 忠義

卷十一

列傳五 儒林

卷十二

列傳六 列女

賢明
貞孝

節烈

賦役志

興仁縣補志

卷十三

田賦 役政

食貨志

卷十四

物產

風俗
氣候
附氣

別錄志

卷十五

公牘

興仁縣補志修纂委員會名單

職 別姓 名 年齡籍貫備考

主任委員 葛天乙 四二 湖北通城 興仁縣長兼

委員 胡祖述 三八 江西高安 第三區專署秘書兼

丹晋如 三二 河北高陽 興仁縣黨部書記長兼

朱仲葵 六九 貴州興仁

龍雨蒼 六十 貴州興仁

纂輯 霍錄勤 六一 貴州興仁

楊純夫 五二 貴州興仁

龍壽眉 四七 貴州興仁

興仁縣補志

李觀文 四六 貴州興仁


張相宜 四八 貴州興仁

楊景周 四八 貴州興仁

鄒西樵 四六 貴州興仁

朱體乾 四二 貴州興仁

興仁縣畧圖



例圖

- 縣界
- 河
- 路
- 公
- 大
- 縣
- 村
- 橋
- 梁

興仁縣補志卷一

大事志 年紀一 自殷迄晉

新輯貴州通志稱方志分門類叙條貫為難郭青螺紹述東萊兼用刻錄縣紀年之例首記大事極得體要茲襲遵義府志年紀之名擇事之有年可紀而又不涉瑣細者依次錯列俾一方鉅要統匯於篇備學古之士考焉

殷

尚宗三十二祀伐鬼方次於荆

竹書紀年

其後三十四祀王師克鬼方氏羌來賓

竹書紀年

興仁縣補志

卷一

按新輯貴州通志前事志託始於殷伐鬼方惟鬼方有北方國及漢先零羌諸釋必有次荆之文然後虞氏註之坤為鬼方不為孤證鑿空故通志兼采後漢西羌傳湯伐鬼方諸文茲從割棄至竹書紀年王師克鬼方條本應竝列為綱茲以其共為一事特加其後二字易為前綱之目藉資條貫惟已非直錄原文後例準此

東周

齊桓公時

周莊王二十一年襄王九年

牂牁與兵車之會

牂牁殷周舊國遵義府志齊桓公既北伐山戎南伐

楚西為蔡邱之會

宰孔告晉
獻公語

於是乘車之會九兵車

之會三九合諸侯一匡天下南至吳越巴牂牁

不庾離題黑齒荆夷之國莫敢違命

管子小
匡篇

按莫與儔地理考稱管子以牂牁與吳越巴荆並
言則其國必不小惟安順志引作吳越巴牂牁
不庾離題黑齒且稱巴即南巴今即湖南是不庾
即大庾今江西是峽字書無之或當是峽從爪辰
聲即振字之異文今辰州是雕題即八蠻之咳首
與黑齒同今在雲南徼外牂牁近在峽己之旁而
為荆域之內其列於衣裳之會固其宜矣其後蓋

興仁縣補志

卷一

二

屬於楚未註所據何說姑錄備考

報王三十八年

楚頃襄王二十二
年秦昭王三十年

楚將莊蹻克夜郎遂

西略地

西南夷君長十數夜郎最大其西靡莫之屬以什數
滇最大皆魍結耕田有邑聚皆巴蜀西南徼外蠻夷
也始楚威王時使將軍莊蹻將兵循江上略巴蜀黔
中以西莊蹻者即莊王苗裔也蹻至滇池地方三百
里旁平地肥饒數千里以兵威定屬楚欲歸報會秦
擊奪楚巴黔中郡道塞不通因還以其眾王滇變服
從其俗以長之

史記西
南夷傳

名且蘭為牂牁國分侯支黨

傳數百年詳見國志

案史記秦本紀昭王三十年蜀守若伐取巫郡及江南為黔中郡又六國表楚頃襄王二十二年秦拔我巫黔中郡並當周赧王三十八年太平寰宇記云史記及漢書皆云楚威王時使莊蹻略巴黔以西蹻至滇池欲歸會秦奪楚巴黔中因以其衆王滇後十餘歲秦滅案楚自威王後懷王三十年至頃襄王之二十二年秦昭襄王遣兵攻楚取巫黔中後漢史則云頃襄王時莊豪王滇豪即蹻也若蹻至威王時將兵略地屬楚秦昭王黔中郡道塞不還凡經五十二年

興仁縣補志

卷一

三

豈得如此淹久或恐史記誤班生因習便書范氏所記詳考為正又莊蹻王滇後十五歲頃襄王卒考烈王立二十五年幽王立十年負芻立五年而楚滅十五年秦亡斯又未之詳也今案樂氏以史漢威王為非而以後書頃襄王為近其說是也考荀子議兵篇故齊之田單楚之莊蹻秦之衛鞅燕之繆蠆是皆世俗之所謂善用兵者也是其巧拙強弱未有以相君者也若其道一也又云楚人鮫革犀兕以為甲鞫如金石宛鉅鐵鈍慘若蠶蠶輕利漂遊卒如飄風然而兵殆於垂沙唐蔑死莊蹻起楚分為三四是無堅甲

利兵也其所以統之者非其道故也楊倞註引史記
索隱曰莊躡楚將言其起為亂後楚遂分為四又引
韓子曰楚王欲伐越杜子曰臣患目能見百步而不
見其睫王之兵敗於秦晉莊躡為盜境內吏不能禁
而欲伐越此智之如目也躡初為盜後為楚將原注
所引左傳商子弱民為楚國之巨齊疾而均速若輻
非喻也左傳商子弱民為楚國之巨齊疾而均速若輻
風宛鉅鐵銳利若蠶蠶骨鯁犀兕堅若金石秦師至
鄢郢舉若振槁唐蔑死於垂涉涉形莊躡發於內
楚分為四垂涉之事商鞅死之久當韓許外傳四楚
兵殆於垂沙唐子死莊躡起楚分為三四史記禮書

興仁縣補志

卷一

四

楚兵敗於垂沙唐昧死莊躡起楚分而為四參三書
之文畧與荀同皆言唐蔑死莊躡起而楚地分考史
記楚世家及六國表秦與齊韓共攻楚殺楚將唐昧
取重邱而去在楚懷王廿八年廿九年秦取楚襄城
三十年懷王入秦秦取楚八城頃襄王元年秦取楚
析及十五城分為三四即謂此是莊躡伐夜郎取滇
當以後書頃襄王時為確之明證也至韓非謂楚莊
王欲伐越而杜子舉莊躡為盜境內以止之莊懷之
譌也莊王稱霸事具春秋傳及史記安有喪地秦晉
之事惟懷王十七年與秦戰丹陽秦大敗我軍斬甲

士八萬虜我大將軍裨將軍七十餘人遂取漢中之
郿懷王乃悉國兵復襲秦戰於藍田大敗楚軍韓魏
聞楚之困乃南襲楚至於鄧楚聞乃引兵歸廿年昭
雖又有王雖取地於越不足以刷恥之語在史記楚
世家可見欲伐越而言喪地於秦晉即指十七年事
其為懷王之誤無疑蓋躡在懷王時為盜至頃襄時
起而為將故楊倞曰躡初為盜後為楚將也躡之略
地南中意止在頃襄廿年前後三代用兵未有淹久
至三四年外者特無徵未敢定王世貞云楚有兩躡
一莊王大盜一莊王裔孫將軍平滇自王者此特就

興仁縣補志

卷一

五

史記韓非為說未加鈞稽參證殊無足取考呂氏春
秋介立篇莊躡之暴郢也註莊躡楚成王之犬盜又
異用篇躡與企足得飴以開閉取鍵注躡盜躡企足
莊躡也皆大盜人名也以飴取人鍵牡開人府藏竊
人財物也高誘獨以躡為成王時與諸家異蓋緣史
記言躡在威王時承而用之轉寫譌成為成耳至後
書之豪呂覽之企足與諸書之躡雖頗歧出實無三
人企足近躡之切音且後書本篇復有滇王莊躡之
後之語呂氏介立亦書作躡而郭子章莊躡考必以
王滇之躡為非盜謂遷固既譌頃襄為威王又惡知

不譌豪為躡當從范氏莊豪為正馬氏豪即躡之說
為非此特以正德間雲南欲祠躡因賈誼賦躡踞廉
兮李奇注躡楚之大盜故不果思曲為之護不足辨
也至樂氏謂躡王滇後十餘歲秦滅且為算年謂未
知其詳考史漢言躡王滇繼言秦時通五尺道於此
國置吏十餘歲秦滅十餘歲謂通道置吏至秦亡之
年樂氏檢核偶未審馬氏文獻通考亦沿其說

案華陽國志稱南中在昔夷越之地滇濮句町夜
郎侯王國以十數編髮左衽隨俗遷徙莫能相雄
長周之季世楚威王遣將軍莊躡泝沅水出且蘭

興仁縣補志

卷一

六

以伐夜郎植牂牁繫船於是且蘭既克夜郎又降
而秦奪楚黔中地無路得返遂留王滇池躡楚王
苗裔也以繫船因名且蘭為牂牁國分侯支黨傳
數百年與前載異者夜郎外有夷越濮句町之可
考耳然興仁自是夜郎無俟深求牂牁之名見於
管子不始於莊躡之繫船其說不無抵牾惟且蘭
仍名牂牁分侯支黨傳數百年數語足以覘躡王
滇後此邦形勢故綴於史傳之後

秦

始皇三十三年略取南越地置象郡

南越即百越亦曰揚越史記漢書注 犍姓與楚同祖漢書

初始皇既滅六國分天下為三十六郡在始皇二十六年據史記

又利越之犀角象齒翡翠珠璣乃使尉尉尉即都尉屠睢發

卒五十萬為五軍一軍塞鐔城之嶺按鐔城為黔中郡屬縣其治在

今廣西龍勝縣境一軍守九嶷之塞在今湖南江華縣境一軍處番禺

之都一軍守南野之界一軍結餘千之水在今湖南江西南境中

三年不解甲弛弩使監祿無以轉餉又以卒鑿渠即

由湖南通廣西之興安渠而通糧道以與越人戰殺西嘔一作君

譯吁宋而越人皆入叢薄中與禽獸處莫肯為秦虜

相置桀駿以為將而夜攻秦人大破之殺尉屠睢伏

興仁縣補志

卷一

七

尸流血數十萬淮南子三十三年發諸嘗逋亡人贖

墾賈人為兵略取南越陸梁地置桂林南海象郡以

誦徙民五十萬戍五嶺與越雜處漢書按史記秦始

十三年發諸嘗逋亡人贖墾賈人使尉佗將之以戍

越略取陸梁地置桂林象郡以適遣戍百越之君乃

偏首係頸委命下吏文辭小異足資參證

象郡治臨塵去長安萬七千五百里漢書高帝紀注其北境

沅水出焉山海經

案山海經稱沅水出象郡遵義府志因定今平越

都勻地為古之越地秦之象郡地象郡治在今之

越南而東北兼有平越都勻地則興仁實舉於其

中秦起五軍與南越戰據淮南子雖在貴州境外而越人入叢薄中與禽獸處以後恐即指貴州西南徼外後置象郡諸地而言謫戍雜處此方自不能例外矣

二世皇帝三年秦南海尉趙佗擊併象郡自立為南越武王

佗真人既略定揚越與越雜處十三歲用為南海龍川令至二世時南海尉任囂病且死召佗語曰聞陳勝等作亂秦為無道天下苦之項羽劉季陳勝吳廣等各共興軍聚衆虎爭天下中國擾亂未知所安

興仁縣補志

卷一

南海僻遠吾恐盜兵侵地至此吾欲興兵絕新道林

云即秦所通越道

自備待諸侯變且番禺負山險阻南海東

西數千里有中國人相輔此一州之主也可以立國

郡中長吏無足與言者故召公告之會病甚即令佗

代行南海尉事囂死盜兵且至佗急絕道聚兵自守

因漸以法誅秦所置長吏以其黨為假守秦已破滅

佗即併桂林象郡自立為南越武王其後漢高帝時

佗自號為南越武帝高后崩佗又以兵威邊財物賂

遺閩越西甌駱役屬焉東西萬餘里迺乘黃屋左纛

稱制與中國侔孝文帝元年以陸賈為太中大夫往

使南越讓佗佗甚恐為書稱謝去帝制然居國竊號如故至武帝建元四年卒佗孫胡為南越王火記南越尉佗傳

漢

武帝元光五年通南夷置犍為郡通鑑夏發巴蜀卒治

南夷道漢書武帝紀

初秦始皇二十七年治馳道史記始東窮燕齊南極

吳楚江湖之上濱海之觀畢至道廣五十步三丈而

樹厚築其外隱以金椎樹以青松漢書賈山傳南夷諸國

頗置吏焉史記西南夷傳常類漢書作畧通道於延江即今

與仁縣補志

卷一

九

江以北其處險阨故道纔廣五尺參漢史正義及漢書師古注

漢武帝建元六年八月大行王恢擊東越殺王郢恢因

兵威使番陽令唐蒙風指曉南越漢書越南越食蒙

枸醬枸樹似桑實長二三釐蒙問所從來曰道西北祥

柯江江廣數里出番禺城下蒙歸至長安問蜀賈人

賈人曰獨蜀出枸醬多持竊出市夜郎夜郎者臨牂

牂江江廣百餘步足以行船南越以財物役屬夜郎

西至桐師然亦不能臣使也蒙乃上書說上曰南越

王黃屋左纛地東西萬餘里名為外臣實一州主也

今以長沙豫章往水道多絕難行竊聞夜郎所有精

兵可得十餘萬浮船牂牁江出其不意此制越一奇也誠以漢之強巴蜀之饒通夜郎道為置吏甚易上許之乃拜蒙為中郎將將千人食重萬餘人從巴屬笮關入遂見夜郎侯多同蒙厚賜喻以威德約為置吏使其子為令夜郎旁小邑皆貪漢繒帛以為漢道險終不能有乃且聽蒙約還報乃以為犍為郡發巴蜀卒治道自犍道指牂牁江史記西南夷傳作者數萬人千里負擔餽率十餘鍾致一石貨志

案漢書地理志華陽國志均稱犍為郡為建元六年置今依遵義府志採通鑑輯覽上文碑建郡治

興仁縣補志

卷一

十

道同時互參關係益密時犍為郡治犍縣在今遵義綏陽間其領有犍道江陽符南廣漢陽郁郾朱提等縣應不越烏江而南惟治道所指之牂牁江即興仁以南之江水以犍道即今四川宜賓縣興仁時地在道西自不免與作之擾

八月使筮川公孫弘往視巴蜀夜郎道史記

當是時巴蜀四郡原注四郡蜀廣漢犍為巴鑿山通西南夷千餘

里載轉相餉數歲道不通士罷餓離暑濕死者甚眾

西南夷又數反發兵興擊費以巨萬計而無功上患

之詔使公孫弘視焉還奏事盛毀西南夷無所用上

不聽

通鑑漢書

六年南夷置郵亭

史記將相名臣表

七月上使中郎將司馬相如至南夷責唐蒙祥炯盛覽

從相如學文教始開

唐蒙畧通夜郎發巴蜀卒治道郡多為盜轉漕萬餘

人用軍興法誅渠帥巴蜀民大恐上聞之使相如

責唐蒙因喻告巴蜀民以非上意

史記司馬相如傳

祥炯人

盛覽

西京雜記

字長通名士也問相如以作賦相如曰合

纂組以成文列錦繡以為質一經一緯一宮一商此

賦之迹也賦家之心包括宇宙總覽人物斯乃得於

興仁縣補志

卷一

十一

內不可得而傳覽乃作合組歌列錦賦而退

郢遠平續宏簡

錄蓋相如入西南夷覽從學以授鄉人文教始開

府志據漢書按

元朔三年秋罷西夷置南夷夜郎兩縣一都尉

武帝因文景之富即位數年蕭然煩費唐蒙司馬相

如始開西南夷鑿山通道千餘里以廣巴蜀巴蜀之

民罷焉其後又通西南夷

原皆作尼

作者數萬人千里負

擔餉餽率十餘鍾致一石散幣於邛焚以輯之

平準書作

集數歲而道不通

史記平準書

是年春公孫弘為御史大

夫時又東置蒼海北置朔方之郡弘數諫以為罷敞

中國以奉無用之地願罷之天子使朱賈臣等難以置朔方之便發十策弘不得一弘乃頓首曰山東鄙人不知其便若是願罷西南夷蒼海而專奉朔方上乃許之秋罷西夷獨置南夷夜郎兩縣一都尉稍令犍為自葆就

漢史西南夷傳

案漢使唐蒙通南夷夜郎其地在今為滇黔使司馬相如通西夷邛笮其地在今為蜀之西南徼外雖旋罷西夷而獨置南夷尉縣然未幾復並事西夷十年之間卒滅且蘭而置牂牁郡即於是時並建武都越巂沈黎汶山諸郡

皆以西夷地置此

史漢所由

興仁縣補志

卷一

十二

併西南夷為傳也

元狩元年遣博望侯張騫因蜀犍為發間使四道並出指求身毒國於是始通滇國乃復事西南夷

通鑑

滇自莊蹻王其地並分侯支索於牂牁國傳數百年秦併蜀通五尺道置吏主之漢興遂不賓

華陽國志南中志

自是張騫使大夏來言臣在大夏時見邛竹杖蜀布問安得此大夏國人曰吾賈人往市之身毒國在大

夏東南可數千里其俗土著與大夏同而卑濕暑熱其民乘象以戰其國臨大水焉以篤度之大夏去漢萬二千里居西南今身毒又居大夏東南數千里有

蜀物此其去蜀不遠矣今使大夏從羌中險羌人惡之少北則為匈奴所得從蜀宜徑又無寇天子既聞大夏之屬皆大國多奇物土著頗與中國同俗而兵弱貴漢財物誠得而以義屬之則地廣萬里威德遍四海欣欣然以蕃言為然乃令因蜀犍為發間使四道並出出駝出筴出徙邛出欒皆各行一二千里其北方閉氏筴南方閉嵩昆明昆明之屬無君長善寇盜輒殺畧漢使莫能通身毒國然聞西可千餘里有乘象國名滇越而蜀賈間出物者或至焉於是漢以求大夏道始通滇國滇王與漢使言曰漢孰與我大

興仁縣補志

卷一

十三

及夜郎侯亦然以道不通故各自以為一州主不知漢廣大使者還因盛言大國足事親附天子注意焉初漢欲通西南夷費多罷之及騫言可以通大夏乃復事西南夷

漢書張騫傳參史記西南夷傳

元鼎六年冬平南夷置牂牁郡

初元鼎五年夏四月南越王相呂嘉反秋上遣越馳義侯遺

越人也

因犍為發南夷兵下牂牁江會番禺且

蘭君恐遠行旁國據其老弱與其衆反殺使者及犍為太守漢乃遣別將巴蜀罪人嘗擊南越者八校尉擊破之六年冬南越破馳義侯遺兵未及下上便令

中郎將郭昌衛廣引兵還行誅頭蘭頭蘭者嘗隔滇道之且蘭君也斬首數萬遂平南夷為牂牁郡華陽國志

云以吳霸為太守夜郎侯始依南越至是南越已滅遂入朝

上以為夜郎王時冉駹諸國亦皆震恐請臣置吏以

為越嵩沈黎汶山武都郡其後元封二年滇王舉國

降又以為益州郡滇王以首難離散西南夷獲賜印

復長其民西南夷君長以百數獨郎滇受王印史記西南

夷傳參漢書武帝紀牂牁郡領縣十七曰故且蘭鐔封豨漏卧

平夷同並談指一作宛温毋欽夜郎毋單漏江西隨

都夢談彙進桑句町漢書地理志

興仁縣補志

卷一

按興仁為牂牁郡夜郎談指談彙三縣間地說具

前志地理疆域沿革篇中

元封二年分牂牁置益州郡華陽國志

初上以王然于以越破及誅南夷兵威諭滇王入朝

滇王者其衆數萬人其旁勞深靡莫皆同姓後漢書西南夷

律稱滇王者莊踰之後也未肯聽勞深靡莫數侵犯使者吏卒上

於是遣將軍郭昌中郎將衛廣發巴蜀兵滅勞深靡

莫以兵臨滇滇王舉國降請置吏入朝於是以為益

州郡賜滇王王印復長其民割牂牁越嵩各數縣配

之後數年並昆明地皆以屬之西南夷君長以百數

獨夜郎滇授王印滇小邑也最寵焉時漢滅兩越平

西南夷置初郡十七原注臣瓚曰元鼎六年定南越地以為南海鬱林蒼梧合浦九

真日南交趾珠崖儋耳郡定西南夷以為武陵牂牁越嵩沈黎汶山郡及地理志西南夷傳所置犍為零

陵益州郡且以其故俗治毋賦稅南陽漢中以往郡

各以地比給初郡吏卒奉食幣物傳車馬被具斥初

郡時時小反殺吏漢發南方吏卒往誅之間歲萬餘

人費皆仰給大農大農以均輸調鹽鐵助賦故能贍

之然兵所過縣唯以訾給毋乏而已不敢擅言賦法

矣據史記及漢書

五年初制部刺史牂牁郡屬益州部

與仁縣補志

卷一 十五

武帝元封五年初置部刺史掌奉詔條察州秩六百

石員十三人後漢書本紀注改梁州曰益州牂牁屬益州前漢

書地理志

案益州刺史駐蜀郡即今四川省會成都市

昭帝始元元年牂牁談指同並皆反遣水衡都尉呂破

胡南中志作擊破之遵義府志

始元元年益州廉頭姑繒牂牁談指同並二十四邑

皆反遣水衡都尉呂破胡南中志募吏民及發犍為

蜀郡犇命擊牂牁大破之漢史西

元鳳五年秋罷象郡分屬鬱林牂牁

當南越趙佗將其東閩越千人衆號稱王其西越駱

裸國亦稱王史記南越傳起及元鼎六年漢立破南越置

九郡史記南越傳起改象郡曰日南漢書地理志而北境未服

也漢書地理志漢連出兵三歲誅羌滅兩越即番禺以止至

蜀南置初郡十七目也以其故俗治毋賦稅南陽漢

中以往郡冬以地比師古白地比諸依其給初郡吏

卒奉食幣物傳車馬被具而初郡時時小反殺吏漢

發南方吏卒往誅之間歲萬餘人費皆仰給大農大

農以均輸調鹽鐵助賦故能贍之然兵所過縣唯以

訾給毋乏而已不敢言賦法矣漢書食貨志及是象郡北

興仁縣補志

卷一

十六

境復來屬罷屬鬱林詳柯太守漢書地理志

棠牂柯屬縣十七筦由犍為分采或志郡之初即

已來隸其烏江南岸夜郎談指諸縣諒多自此始

來隸惜其詳不可考耳

成帝河平二年十一月牂柯太守陳立誅夜郎王興漢書地理志

春秋

河平中牂柯太守陳立討夜郎王興誅之威震南裔

初武帝因文景之富即位數年蕭然煩費唐蒙司馬

相如開西南夷鑿山通道千餘里以廣巴蜀巴蜀之

民罷即疲焉數歲道不通蠻夷因以數攻吏吏發兵

誅之悉已罰租賦不足以更之乃募家民田南夷人粟縣官而內受錢於都內漢書食貨志粗得安息者十年

西應遠初置牂牁武都諸郡而諸郡又時時小反殺

吏志昭帝始元元年牂牁談指同並等廿四邑反

者三萬餘人遣水衡都尉呂破胡募吏民并發蜀郡

犍為郡犛命萬餘人應劭曰舊時郡國皆有材官騎士以赴急難今夷反兵常不足

以討之故權選取精勇往擊乃大破之漢書西南夷傳武帝紀

及是夜郎王興鈞町王禹漏卧侯俞鈞町即句町其治今在雲南通

海縣有建水以北之地漏卧治在今雲南通更舉兵相攻牂

牁太守請發兵誅興等議者以為道遠不可擊乃遣

興仁縣補志

卷一

太中大夫蜀郡張匡持節和解興等不從命刻木象

漢吏立道旁射之杜欽說大將軍王鳳曰太中大夫

匡使和解蠻夷王侯王侯受詔已復相攻輕易漢使

不憚國威其效可見恐議者選更復守和解太守察

動靜有變乃以聞如此則復曠一時王侯得收獵其

衆申固其謀黨助衆多各不勝忿必相殄滅自知罪

成狂犯守尉遠藏温暑毒草之地雖有孫武將賁育

士若入水火必焦沒智勇無所施屯田守之費不可

勝量宜因其罪惡未成未疑漢家加誅陰勅旁郡守

尉練士馬大司農豫調穀積要害處選任職太守往

以秋涼時入誅其王侯尤不軌者即以不毛之地亡
用之民聖王不以勞中國宜罷郡放棄其民絕其王
侯勿復通如先帝所立累世之功不可墮壞亦宜因
其萌芽早斷絕之及已成形然後戰師則萬姓被害
王鳳亦是薦金城司馬陳立為牂牁太守立者臨邛
人前為連然長不韋令蠻夷畏之及至牂牁諭告夜
郎王興興不從命立請誅之未報乃從吏數十人出
行縣至興國且同亭召興興將數千人往至亭從邑
君數十人見立立數責因斷其頭邑君曰將軍誅亡
狀為民除害願出曉士衆以興頭示之皆釋兵降鉤

興仁縣補志

卷一

十八

町王禹漏卧侯命震恐入粟千斛牛羊勞吏士立還
歸郡興妻父翁指與興子邪務收餘兵迫脅旁二十
二邑反至冬立奏請募諸夷與都尉長吏分將攻翁
指等翁指據阡為壘立使奇兵絕其餉道縱反間以
誘其衆都尉萬年曰兵久不決費不可供引兵獨進
敗走趨立營立怒叱戲下令格之都尉復還戰立引
兵救之時天大旱立攻絕其水道蠻夷共斬翁指持
首出降

漢書西南夷傳立威震南裔

華陽國志南中志

案鉤町縣治在今雲南通海縣漏卧縣治在今雲
南廣南府其地蓋均東接夜郎者也

平帝元始四年更益州曰康部明年更牂牁曰同亭郡
時王莽專政謂堯典有十二州後定為九州漢家廓
地遼遠州牧行部遠者三萬餘里不可為九謹以經
義正十二州名分界以應正始從之改益州曰康部
明年又改牂牁郡曰同亭夜郎縣亦曰同亭毋欲縣
曰有欲句町縣口從化各郡縣以亭者三百六十以
應行命後復更一郡至五易其名而還復其故吏民
不能紀每下詔書輒繫其故名其後新莽始建國元
年正月又改郡國官名州刺史曰州牧郡太守曰大
尹都尉曰大尉縣令長曰軍其他皆以同官易之曰

興仁縣補志

卷一

十九

夷僭號稱王者皆更為侯遣五威將奉符命齎印綬
四出王侯以下及官吏名吏者外及匈奴西域徼外

蠻夷皆受新室

莽號新國

印綬因收故漢印綬

漢書王莽傳

新莽天鳳三年王莽遣平蠻將軍馮茂征句町同亭久
不克徵還誅之更遣寧始將軍廉丹庸部牧史熊進

擊之

初五威將帥出改句町王為侯王邯怨怒不附莽誣

牂牁大尹周歆

西南傳作欽

詐殺邯邯弟承起兵攻殺歆

據傳文及通鑑

於西南夷皆亂天鳳元年益州蠻

夷殺大尹程隆三邊盡反遣平蠻將軍馮茂將兵擊

之三年十月，馮茂擊句町，士卒死者十六七。馮茂就民財十取五，益州虛耗而不克徵還，下獄死。吏遣寧始

將軍廉丹與庸部牧史熊孟康曰：莽改益州為庸部。擊句町，頗斬

首有勝。莽徵丹、熊，丹、熊願益調度，必克乃還。後大賊

歛就都大尹通鑑註：莽於郡置都大尹。馮英不肯，給上言

自越，馮遂久仇牛、同亭、邪豆之屬。馮茂曰：遂久，縣名也。仇牛，等越，馮考

邑。反叛以來，積且十年。郡縣距擊不已，績用馮茂、苟

施一切之政，焚逆以南山，險高深茂，多毆衆，遠居費

以億計。史士雜毒殺死者十七。今丹、熊懼於自說，期

會調發諸郡兵，穀復訾，民取其十四，空破梁州，功終

興仁縣補志

卷一

不遂，宜罷兵。屯田明設，贖賞莽，怒免英官。漢書：莽傳西南夷傳

六年，莽召更始將軍莽傳：天鳳六年，莽復以寧始將軍為更始將軍。以應，符命廉丹

還，更遣大司馬護軍郭興、庸部牧李翬擊句町、同亭

等夷。

六年，更始將軍廉丹擊益州，不能克，徵還。更遣復位

後大司馬護軍郭興、庸部牧李翬擊蠻夷。若豆等地

皇二年，遣國師和仲曹放助郭興擊句町。傳六年，棟

蠶若豆等。原註：案後書棟蠶若豆兩種夷。起兵殺郡守，越嵩夷人大

牟亦叛，掠殺吏人。莽召丹還，更遣大司馬護軍郭興、庸部牧李翬擊蠻夷。若豆等地。皇二年，復遣國師和

仲曹放助郭興擊句町皆不能克軍師放縱百姓重困通鑑

後漢光武建武元年本安順府志牂牁郡功曹謝暹與郡大姓

龍傳尹董氏遣使從番禺江奉貢新輯貴州通志

公孫述時三蜀大姓龍傳尹董氏與郡功曹謝暹保

境聞世祖在河北乃遣使從番禺江出奉貢漢朝世

祖嘉之疏為義郎華陽國志

按是年公孫述自稱天子於成都十一年十一月吳漢臧宮始破

之六月己未光武始即帝位於鄴其征河北又在

六月以前則暹等奉貢在是年六月以前審矣

興仁縣補志

卷一

六年罷郡國都尉官後漢書本紀

桓帝永興元年武陵太守奉興學校牂牁郡毋欽縣人

尹珍從受業焉

應奉字世叔汝南南頓人父彬歷官武陵太守奉自

為兒童及長凡所經履莫不暗記桓帝永興元年秋

武陵蠻詹山等四千餘人反執縣令屯結深山連年

四府舉奉才堪將帥詔拜武陵太守到官慰納山等

皆悉降散於是興學校舉側陋政稱變俗後漢書應奉傳尹

珍字道真毋欽人本三蜀大姓又有夜郎尹貢以名德官彭城相號南州

士以生遐裔未漸庠序乃至武陵師事奉學園緯通

三材華陽國志奉旋坐公事免傳珍乃遠從汝南許

慎授五經還以教授於是南域始有學焉華陽國志

延熹六年牂牁尹珍為荊州刺史康熙通志

初珍以經術選用歷尚書丞郎華陽國志延熹五年冬十

月武陵蠻叛寇江陵南郡太守李肅坐奔北棄市江

即今湖北江陵縣南即太守守荊州刺史並治其地辛丑以太常馮緄為車騎

將軍討之後漢書緄以應奉有恩威為蠻夷所服上

請與俱征拜從事中郎應奉十一月緄進擊武陵蠻

夷斬首四千餘級受降十一萬人荊州平定南蠻緄

推功於奉薦為司隸校尉後漢書而珍為荊州刺史

興仁縣補志 卷一

師生並顯華陽國志

案珍是時蓋佐馮應定荊州即以武功鎮其地

靈帝中平五年改各州刺史曰牧以劉焉為益州牧

漢武帝置十三州刺史秩六百石成帝綏和元年改

更名牧秩二千石哀帝昭平二年復為刺史經王莽

變革至建武元年復為牧十八年仍改刺史後漢書

紀至是太常劉焉見王室多故建議以為四方兵寇

由刺史威輕且用非其人宜改置牧伯選清名重臣

以居其任從之選卿尚書為州牧各以本秩居任通鑑

覽焉初內求交趾牧欲避世亂議未及行意更在益

州會前刺史郝儉賦歛煩擾乃以馬牧益州勅至州
即收儉治罪以道路不通住荊州東儉為黃中馬相
攻殺及黃龍破走黃中乃選史卒迎馬徙治絲竹務
行寬惠以收人心迨獻帝興平元年馬卒子璋繼領
益州牧建安十九年劉備據益州自領益州牧備卒
諸葛亮以丞相兼領益州牧據各本傳

獻帝建安十九年劉備定蜀建康降都督治朱提郡南
昌縣

建安十九年劉先主定蜀遣安遠將軍南郡鄧方以
朱提太守康降都督治南昌縣方輕財果毅夷漢敬

興仁縣補志

卷一

二十三

其威信

華陽國志

康降地名去蜀三千餘里時未有寧州

南中立此職以總攝之

裴松之注三國志

統牂牁建寧朱提

南廣永昌雲南及後建之興古等七郡

華陽國志南中志

按莫友芝康降都督傳稱南中諸郡土地廣遠州
牧在蜀不易控制乃分立康降都督康降即朱提
郡本犍為南部建武後更為犍為屬國蓋參後漢
書及三國志華陽志而言裴注稱康降地名又稱
後此移治之平夷非康降之本地則南昌又名康
降似此無疑惟竊以為康降應是此地都督之加
號義取招來降附後人遂以官名地而已初治既

在南昌則庾降屬南昌應無異辭南昌故治蓋在今雲南昭通鎮雄倚四川宜賓間

蜀漢

昭烈帝章武元年以李恢為庾降都督移治牂牁郡平夷縣

恢字德昂建寧俞元人先主領益州牧以為功曹書佐主簿更選別駕從事章武元年庾降都督鄧方卒先主問恢誰可代者恢對曰人之才能各有短長故孔子曰其使人器之且夫明主在上則臣下盡情是以先零之役趙克國曰莫若老臣臣竊不自揆惟陛

興仁縣補志

卷一

二十四

下察之先主笑曰孤之本意已在卿矣遂以恢為庾降都督使持節領交州刺史住平夷縣

三國蜀志

案華陽國志稱平夷縣有婁樂水即今黔北之赤水河也又稱自契道南廣有八亭道通平夷鄭珍

牂牁問答謂即四川叙州即今宜賓縣出永寧至貴州

大定之路疑今畢節縣即漢晉平夷縣治所在

後主建興元年夏牂牁太守朱褒據郡反

初益州郡耆帥雍闓殺建寧太守正昂因交州太守

士燮求附於吳又執太守成都張裔以與吳以闓為

永昌太守永昌功曹呂凱府丞王伉率吏士閉境拒

守閩不能進使郡人孟獲誘煽諸夷諸夷從之牂牁太守朱褒越雋夷王高定元皆叛應閩諸葛亮以新遭大喪皆撫而不討務農殖穀閉關息民民安食足然後用之

資治通鑑

三年春三月丞相諸葛亮南征四郡皆平

亮率衆討雍闓參軍馬謖送之數十里亮曰雖共謀之歷年今可更惠良規謖曰南中恃其險遠不服久矣雖今日破之明復反耳今公方傾國北伐以事強賊彼知官勢內虛其叛愈速若殄盡鑑類以除後患非仁者之情且又不可倉卒能也夫用兵之道攻心

興仁縣補志

卷一

二十五

為上攻城為下心戰為上兵戰為下願公服其心而已亮納其言至南中所在戰捷自安上由水路入越雋而別遣馬忠伐牂牁李恢向益州高定元自旄牛定笮多為壘守亮欲俟定元軍衆集合併討之軍卑水定元部曲殺雍闓孟獲代闓為主亮既斬定元馬忠亦破牂牁先是李恢向建寧諸縣糾合圍恢軍於昆明時恢衆少敵倍又未得亮聲息給南人曰官軍糧盡欲規退還吾中間久斥鄉里乃今得還不能復北欲與汝等同計謀故以誠相告南人信之故圍急緩於是恢出擊大破之追奔逐北南至盤江東接牂

河與亮聲勢相援夏五月亮渡瀘孟獲收圍餘衆以拒亮獲素為夷漢所服亮募生致之既得使觀營陳之間問曰此軍何如獲曰向者不知虛實今蒙賜觀若祇如此即易勝耳亮笑縱使更戰七縱七擒而亮猶遣獲獲止不去曰公天威也南人不復反矣亮遂至滇池益州永昌牂牁越雋四郡皆平亮即其渠率而用之或以諫亮曰若留外人則當留兵兵留則無所食一不易也加夷新喪破父兄死傷留外人而無兵者必成禍患二不易也又夷累有廢殺之罪自嫌釁重若留外人終不相信三不易也今吾欲使不

興仁縣補志

卷一

二十六

留兵不運糧而綱紀粗定夷漢粗安故耳亮於是悉收其俊傑孟獲等以為官屬出其金銀丹漆耕牛戰馬以給軍國之用自是終亮之世夷不復反

資治通鑑

案三國志蜀志稱李恢向建寧追奔逐北南至槃江東接牂牁其地應指今雲南境內之南槃江而言興義府志稱槃為古盤字即今盤江當屬可從特未就東接牂牁四字審定其地之尚在雲南境耳蓋今興仁及安南普安盤縣尚是當日牂牁郡夜郎談彙之地不屬益州郡也又李恢即建寧人有久斥鄉里乃今得還之言而南人亦信之也

秋分建寧牂牁置興古郡以馬忠為牂牁太守

建興三年秋諸葛亮平四郡改益州為建寧分建寧越雋置雲南郡又分建寧牂牁置興古郡以馬忠為

牂牁太守移南中勁卒青羌萬餘家於蜀為五部所

當無前軍號飛原註舊校云闕分其羸弱配大姓焦雍婁爨

孟量毛李為部曲置五部都尉號五子故南人言四

姓五子也以夷多剛狠不賓大姓富豪乃勸令出金

帛聘策惡夷為家部曲得多者奕世襲官於是夷人

貪漢繒物以漸服屬於漢成夷漢部曲亮收其俊傑

建寧爨習朱提孟琰或作改及獲為官屬習官至領軍

興仁縣補志

卷一

二十七

琰輔漢將軍獲御史中丞出其金銀丹漆戰馬給軍

國之用都督即陸降都督常用重人

案華陽國志又稱晉時寧州刺史尹奉割興雲南

之槃江來如南零三縣置西平郡盤江一縣以地

臨盤江得名或係從興古析出前人多以興義府

為興古地蓋由康熙時纂修貴州省通志稱普安

州即興古也然興仁此時應仍隸於牂牁之夜郎

談指二縣不應再隸興古時興古所領為宛溫句

町漏卧鐔封進桑西隨六縣牂牁所領減為且蘭

談指夜郎毋欽覽平夷六縣至漢時之談彙縣此

時存廢不明晉始復見

十一年庾隆都督馬忠移治味縣

故滇國都也在今雲南呈貢縣東南

建興九年李恢卒蜀郡太守張翼繼其任持法嚴不得殊俗歡心者率劉胄背叛作亂翼舉兵討胄未破丞相亮以參軍馬忠代之徵翼還羣下咸以為宜便馳騎即罪翼曰不然吾以蠻夷蠢動不稱職故還耳然代人未至吾方臨戰場當運糧積穀為滅賊之資豈可以黜退之故而廢公家之務乎于是統攝不懈伐到乃發馬忠因其成基以破殄胄丞相亮聞而善之以為前軍都督并加忠監軍奮威將軍封博陽亭

興仁縣補志

卷一

二十八

侯初建寧郡殺太守正昂縛太守張裔於吳故都督常駐平夷至忠乃移治味縣逼處民夷之間以鎮反側其後牂牁興古獠種復反忠命前斬劉胄之張嶷領諸營往討嶷納降得二千人悉傳詣漢中

資治通鑑忠

字德信巴西閬中人為人寬濟有度量但詠唱大笑忿怒不形於色然處事能斷恩威並立是以蠻夷愛而畏之及卒莫不自致喪庭流涕盡哀為之立廟祀

迄今猶在

三國志本傳

魏元帝咸熙元年三月巴蜀庾隆都督霍弋以南中四

郡降魏

通鑑

弋字紹先峻子後主立太子以弋為中庶子後為參軍庾隆屯副都督又轉護軍統事如前時永昌郡夷獠恃險不賓以弋領永昌太守率偏軍討平之遷監

軍翊軍將軍領建寧太守還統南郡景耀六年進號

安南將軍三國志霍峻傳炎興元年即魏景四年魏伐蜀鄧艾潛

師入陰平漢主使羣臣會議或以為南中七郡阻險

斗絕易以自守宜可奔南光祿大夫譙周以為若奔

南則當早為之計然後可果今大敵已近禍敗將及

羣小之心無一可保恐發足之日其變不測何至南

之有乎漢主猶欲入南狐疑未決周上疏曰南方遠

興仁縣補志 卷一

二十九

夷之地平素無所供為猶數反叛自丞相亮以兵威

逼之窮乃率從今若至南外當拒敵內供服御費用

張廣他無所取耗損諸夷其叛必矣漢主乃遣侍中

張紹等奉璽綬以降於艾通鑑弋與巴東太守羅憲各

保全一方霍峻傳

案譙周傳注載孫盛論周勸降事曰禪雖庸主實

無桀紂之酷戰雖屢北未有土崩之亂縱不能君

臣固守背城借一自可退次東鄙以思後圖是時

羅憲以重兵據白帝霍弋以強卒鎮夜郎若悉取

舟楫保聚江州召徵南中乞師東國則姜廖五將

自使雲從吳之一師梁二國志晉書雖其傳志
承命雷朴何投奔之無所而慮於必亡哉魏書
聞魏兵至欲赴成都蜀主以備敵既定不聽

成都守弋素服大臨三日諸將咸勸弋宜速降

弋曰今道路隔塞未詳主之安危去就大故不可

苟也若魏以禮過主上則保境而降不晚也若萬

一危辱吾將以死拒之何論遲速耶得禪束遷之

問始率六郡將守原注南中七郡而此言六郡者

中條越嶲朱提牂牁雲南上表曰臣聞人生在三

事之如一惟難所在則致其命令臣國敗主附守

興仁縣補志

卷一

三十

死無所是以委質不敢有二晉主善之拜南中都

尉委以本任通鑑

分益州置梁州牂牁仍隸益州

時益州統蜀犍為汶山漢嘉江陽朱提越嵩牂牁等

八郡梁州統漢中梓潼廣漢涪陵巴西西巴東等七

郡

案分置梁州三國志魏紀及通鑑均作景元四年

十二月壬子之事今依新修通志改

晉

武帝時建萬壽縣於且蘭北境移牂牁郡治焉據晉書地理志

及宋書州郡志

萬壽去洛五千六百一十里南中志去寧州一千五百

里晉志蓋在故且蘭縣北九十里後漢志國志

秦始皇七年閏五月詔交趾三郡南中諸郡無出今年戶

調晉書武帝紀

八月分益州南中四郡置寧州曲赦四郡殊死以下晉書

武帝紀

初劉備以越嵩牂牁益州永昌四郡置庾降都督自

馬忠為都督後繼之者成都張表字伯南郡閬字文

平枝江霍弋表有威儀風觀為時名士清望踰忠字

興仁縣補志

卷一

威風稱績皆不及忠而夙有功幹於事精勤弋甚善

參毗之禮及代翼撫和異俗為之立法施教輕重允

當迄晉仍因其任弋卒子在襲領其兵和諸姓至是

以益州大分南廣永昌雲南興古四郡為寧州鮮于

嬰為刺史南中志秦始皇七年武帝以益州地廣分益州

之建寧興古雲南交州之永昌合四郡為寧州統縣

四十五畢氏晉地志補正建寧郡領味存駝談橐沈

漢舊縣屬牂牁晉武帝立瀾江亦同畢母單同瀨漏

沅晉地志補正洪亮吉東晉疆域志同母單同瀨漏

江牧麻雙柏俞元修雲等縣十七餘縣為昆澤新定

池印漢興古郡領句町宛温漏卧毋檄賁古滕漢志休

鐔漢志封漢興前後漢書不見洪氏引進乘前漢書

作乘都詹二年置興古之都唐縣疑是等縣十後增

律高領十一雲南郡領姑復等縣九餘縣為雲平雲

龍標榆遂永昌郡領舊唐等縣八比蘇雍鄉南淳茂

南博是時益州統郡八縣四十四江陽郡領縣三江

陽符漢安朱提郡領縣五朱提南廣漢陽南秦堂狼

牂牁郡領縣八萬壽且蘭洪氏云故且蘭沈志稱晉

太康地志無郡國志註指談洪氏云談指漢舊縣屬

經地道記縣有沅水夜郎毋劔洪氏云毋劔漢舊縣屬

談柏當屬字誤夜郎毋劔洪氏云毋劔漢舊縣屬

志作毋劔并渠覽平夷晉書地理志及畢

興仁縣補志

卷一

按是時夜郎談指二縣隸益州之牂牁郡而談索

則隸寧州之建寧矣寧州治畢氏晉志補正雖云

理雲南郡而據晉書地理志應在建寧之味縣見注

蜀漢建興十一年麻降都督移治條雲南郡治姑復縣則在今雲南

永北縣

太康三年原作五年依晉罷寧州諸郡還益州置南夷

校尉持節如西夷皆舉秀才賢良華陽國志

太康三年罷寧州置南夷以天水李毅為校尉持節

統兵鎮南中統五十八部夷族都監行事每夷供貢

南夷府入牛金旃馬動以萬計毅後永昌呂祥為校

尉祥後數人李廣漢為校尉

遼義府志

四年六月祥柯獠二千餘落內屬

晉紀

十年西南夷二十餘國各遣使來獻

晉紀

惠帝元康元年南夷二十四部並詣校尉內附

通鑑

太安元年冬十一月復置寧州增統牂牁益州朱提三

郡以李毅為南夷校尉

永寧元年冬十月李特反於蜀

特字玄休巴西宕渠人元康中氏齊萬年

反關西擾亂頻歲大饑百姓流移就穀漢川特隨入

蜀至劍閣箕踞太息顧盼險阻曰劉禪有如此之地

豈非庸才邪至是聲益盛

據通鑑

李毅為南夷校尉建

興仁縣補志

卷一

三十三

鈍無治政以賄成俊奪大姓鐵官令毛銳中郎李叡

遵義府志作督註後賢志作序案致說弟耐罪朱提

大姓太中大夫李猛有才幹分當察舉而俊約受都

督雷逢賄舉逢子炤孝廉不禮猛猛等怨之太安元

年秋誅叡

原書下衍猛字遵義府志更作督猛朱提夷也今刪

逐俊以叛猛

亦遂約應之作亂衆數萬毅討破之斬說首叡走依

皇耶五茶

原書作蔡註云當作茶今按後賢志遵義府志並作茶又原書云與為婚曰皇耶

夷帥于陵承猛箋降

原書猛箋詞曰生長避荒不達禮教徒與李雄和先合勢雖不

能營帥於五丈畧地渭濱冀北斷襄斜東據永安退

考靈符晉德長久誠非狂夫所能干輒表革面歸罪

有毅惡其言遂誘殺之行部永昌從事江陽孫辦上

南中形勢七郡斗絕晉弱夷強加土人屈塞道義府志作寒

應復寧州以相鎮慰冬十一月丙戌詔書復置寧州

增統牂牁益州朱提合七郡為刺史加毅龍驤將軍

進封成都縣侯民國貴州通志據南中志及遵義府志

案五茶通鑑注為寧州附寨部落落名大定府志

謂即後此之烏撒蓋以音定之耳今威寧縣為元

明烏撒土司地

二年秋七月李雄據成都三蜀民南入寧州

秋七月朔雄入郫城李流盡移營據之三蜀民南入

寧州東下荊州晉書載記作東下江陽南入七郡城邑皆空野無煙

興仁縣補志

卷一

二十四

火雄軍鹵掠無處尋亦饑餓據通鑑

閏十二月建寧朱提夷復反晉民入交州永昌及牂牁

毛詵之死也李叡犇五茶原作峇夷帥于陵承原作丞二

年于陵承詣毅請恕叡罪毅許之叡至羣下以為詵

叡破州土必殺之毅不得已許諾及叡死于陵承及

詵猛皇耶怒扇動謀反奉建寧太守巴西馬恢為刺

史毅方疾作力出軍初以救恢及聞其情乃殺恢夷

愈強盛破壞郡縣會毅疾甚軍連不利晉民或入交

州或入永昌牂牁半為夷所困虜夷因攻圍州城毅

但併力固孤城病篤不能戰討時李特李雄作亂益

州而所在有事救援莫至毅上疏陳謝不能式過寇虐疾與事遇使虜游魂兵穀既單器械窮盡而求救無望坐待殄斃若必不垂矜憂乞遣大使及臣尚存加臣重罪若臣已死陳屍為戮

南中志

光熙元年春三月寧州刺史李毅卒

自太康三年以李毅為南夷校尉持節統兵鎮南中統五十八部夷族都監行事每夷供貢南夷府入牛金旗馬動以萬計皆豫作忿恚致校尉官屬其供郡縣亦然南人以為饒自四姓子弟仕進必先經都監夷人大種曰昆小種曰叟皆曲頭木耳環鐵裹結無

興仁縣補志

卷一

三十五

大侯王如汶山漢嘉夷也夷中有桀黠能言議屈服種人者謂之耆老便為主議論好譬喻物謂之夷經今南人言論雖學者亦半引夷經與夷為婚曰違耶諸姓婚為自有耶世亂犯法輒依之藏匿或曰有為官所法夷或為報仇與夷至厚者謂之百世違耶恩若骨肉為其違遷之藪故南人輕為禍變恃此也

志寧州頻歲饑疫死者以十萬計五茶

原作

夷強感

州兵屢敗遂圍州城

通鑑

光熙元年春三月毅薨子釗

在洛還赴到牂牁路塞停住交州文武以毅女秀明

達有父才遂奉領州事秀初適漢嘉太守廣漢王戴

後賢志作新野志載將家避地在南故共推之久以載領南

夷龍驤參軍秀獎勵戰討食糧已盡人但樵草炙鼠

為命秀伺夷怠緩輒出軍掩破首尾三年劍乃得達

丁喪文武復逼到領州事南中志後賢志又稱毅疾疫

病莞於窮城懷帝嘉其忠追贈少府諡曰威侯毅性

通博居情雅厚賑卹寒貧篤於故舊人咸愛歸之子

到世秉儒學有格望以父任為謁者除壽林侯相不

就為尚書外兵郎自表赴難至牂牁夷斷道不得進

經年以寧州城中無穀父疾病未知吉凶不食穀惟

茹草迄至奔喪至朱提至上應有官字後王遜表到為朱提太守事可見越

興仁縣補志

卷一

舊太守西夷校尉

懷帝永嘉元年就越雋牂牁置郡縣居益州流民

永嘉元年春益州刺史羅尚施置關戍至漢安燹道

時益州民流移在荆湘州通鑑是年八月分荆江八郡為湘州及越雋

牂牁尚施置郡縣蓋義府志作尚書置郡縣就民所在又施置諸

村參軍大同志

案此為僑置郡縣所自昉

十二月以王遜為寧州刺史

遜字邵伯魏興人也任郡察孝廉累遷上洛太守惠

帝末西南夷叛寧州李毅卒城中百餘人奉毅女固

守經年永嘉四年治中毛孟詣京師求刺史

通鑑有
屢上奏

三不見省孟固陳曰君亡親喪幽閉窮城萬里訴哀

不垂愍救既慚包胥無哭秦之感又愧梁妻無崩城

之驗存不若亡乞賜臣死朝廷憐之乃以遜為南夷

校尉寧州刺史使於郡使之鎮遜與孟俱行道遇寇

賊逾年乃至

晉書

四年刺史王遜至寧州

遜代毅未至遙舉建寧董敏為秀才郡久無太守功

曹周悅行郡事輕敏不下其板遜至怒殺悅悅弟秦

臧長周嵩合夷叟謀以趙濤父渾昔為建寧有德惠

興仁縣補志

卷一

三十七

欲殺遜樹濤遜誅之并殺濤夷晉莫不惶懼表剄為

朱提太守治南廣禦雄時荒亂後倉無斗粟眾無一

旅官民虛竭繩紀廢弛遜惡衣菜食招集夷民夷徼

厭亂漸亦返善勞來不怠數年克復以五茶

當作
峇夷

昔為亂首圖討之未有致罪會夷發夜郎莊王差遜

因此遂討滅之及

當作
又

討惡獠剛夷數千落威震南

方

南中
志

愍帝建興元年分牂牁置夜郎郡

晉元帝時牂牁太守建寧孟才以驕暴無恩郡民王

清范朗

遵志
作期

逐出之王遜怒分斃半

原註當作平
下當有夷字

平夷郡夜郎以南為夜郎郡時牂牁領縣四萬壽且

蘭廣談毋劔平夷屬縣二平夷覽夜郎屬縣二夜郎

談指遜遣子澄奉表勸進於元帝案鑑書遜與荀組

建武元年然彼年又紀所書無遜名鑑豈以遜傳有

此請而併入之歟抑別有據考史永嘉五年洛陽陷

沒傳祇荀藩等推瑯琊王睿為盟主又平嘉太守雷

勳後始云置平夷等郡則遜傳勸進或指瑯琊主

事稱元帝者亦以後此睿即元帝不加細別而預稱

之耳置郡為建武後以帝嘉之累加散騎常侍安南

將軍假節校尉刺史如故遜以地勢形便分牂牁為

平夷郡分朱提為南廣郡分建寧為夜郎郡分永昌

為梁水郡又改益州郡為晉寧郡事皆施行又稱太

興仁縣補志

卷一

安二年惠帝復置寧州分建寧以西七縣為益州郡

永嘉二年改益州郡曰晉寧分牂牁立平夷夜郎二

郡事在永嘉五年今依晉書然其時其地再為李雄

郡改列並以南中志為正原是時其地再為李雄

原作李所有晉書地理志

明帝太寧元年王遜卒子堅繼為寧州刺史

遜專仗雄威鞭撻殊俗晉書本傳而嚴猛太過多所誅鋤

南中建興四年十六國疆域志引後五月平夷太守

雷炤害南廣太守孟桓率二郡三千餘家叛降於李

雄晉紀南中志作犍為太守朱提雷炤流民陰貢先

是越雋太守李釗為李雄所執自蜀逃歸復以釗為

越黨太守李雄遣李驥任回攻劉劍自南秦與漢嘉

太守王載共距之戰於温水按東晉疆域志律高下水引水經注云劉惔寬與

古郡治溫音書地道記治律高有溫劉劍敗績載遂以

二郡附雄後驥等又渡瀘水寇寧州遊使將軍姚崇

爨琛康縣音州通志作琛距之戰於堂螂大破驥等崇追至瀘

水透水死者千餘人崇以道遠不敢渡水遊以崇不

窮追也怒囚羣帥執崇鞭之怒甚髮上衝冠冠為之

裂夜中卒遊在州十四年州人復立遊中子堅行州

府事詔除堅為南夷校尉寧州刺史諡遊曰壯音書本傳

興仁縣補志

卷一

同以遊傳遊在州十四年語推之當以是年為是嘉永

自四年起至六年止凡三年此後建興四年建武一

年大興四年永昌一年至此凡十五年多一年由至

官時數也並由此可證遊之至官確在永嘉四年乾隆貴

州通志師旅考以堂螂戰繫之永昌元年與華陽國

志晉書均背康熙貴州通志更書承永嘉四年平夷

置郡條下下連書毛璩為牂牁太守註出南中志今

考南中志無璩事晉書璩傳璩安帝時為益州刺史

其弟璠及瑗乃官寧州康熙貴州通志殆誤姚岳各

書作岳遜傳獨作崇當亦誤

三年以尹奉為寧州刺史始置西平郡

荆州刺史陶侃以寧州刺史王堅不能禦寇是歲表
零陵太守南陽尹奉為寧州刺史以代之先是王遜
在寧州鑿首梁水太守爨量益州太守李暹皆叛附
於成遜討之不能克奉至州重募徼外夷刺爨量殺
之諭降李暹州境遂安通鑑王遜時爨量保盤南一作
盤南與益州太守李暹梁水太守量僅保與南建寧
以盤南平奉以功進安西將軍封前陵伯乃割與
去盤南之盤江來南志
三縣為西平郡

案西平郡殆即唐置之西平州元建寧益州者也
南齊領有新城縣或疑即今興仁地姑并所存備

考

興仁縣補志

卷一

成帝咸和八年春三月李雄據南中將柯謝恕獨保郡
為晉

七年秋李壽征寧州

晉書作雄遣李壽攻朱提

以費黑為司馬與

即通鑑及華陽志擊為前鋒由南廣入又別遣任回于

調由越巂入冬十月費黑至朱提大守董炳固城通鑑

作城

寧州刺史尹奉遣建寧太守霍彪大姓費深嘉慶

一作一魏志

等助炳時壽已圍城欲逆拒之黑料城中食

少霍彪等雖至齋糧不多宜令入城共消其穀猶嫌

其少何緣拒之彪等皆入城城久不下壽欲急攻之

黑諫曰南中道險俗好反亂宜必待其詐勇已困但

當日月制之全軍取勝以求有餘潤卒之物何足汲汲也壽必欲戰采不利乃悉以軍事任黑

華陽國志

八年

春正月壽拔朱提董炳霍彪皆降壽威震南中三月寧州刺史尹奉降

通鑑

奉威刑鈍緩政治不理咸和八年遂為雄弟壽所破復南中盡為雄有

南中志

壽領寧

州特雄志

八月建寧牂牁二郡降

通鑑

九年成主雄分寧州置交州

原註成分寧州之興古永昌牂牁越巂夜郎等郡為

州交

以霍彪為寧州刺史爨深為交州刺史

通鑑

爨深以建寧大姓拒李壽事已見前嘉慶一統

興仁縣補志

卷一

四十一

志有傳稱之為興古人又為郡太守與謝恕終不

降成甚誤民國貴州通志較正茲具錄又交州至

咸泰四年四月李壽始省之而夜郎已後入晉矣

附識於此

咸康二年冬十月廣州刺史鄧岳遣督護王隨等擊夜

郎興古並克之加岳督寧州

通鑑

岳字伯山陳郡人大司馬陶侃使岳討郭默默平遷

督交廣二州軍事咸康三年遣軍伐夜郎破之加督

寧州

晉書本傳

梁岳傳伐夜郎在三年與通鑑微異應姑並存

四年秋八月李壽分寧州置安州

咸康四年分牂牁夜郎朱提越舊四郡為安州尋越

舊後還益州

晉書地理志

案洪亮吉十六國疆域志以安州為李漢所領文

云安州氏統舊郡三增置郡二縣二十四牂牁郡

縣四萬壽且蘭毋劔并渠夜郎郡縣四夜郎廣談

談樂談指朱提郡縣四朱提堂狼漢陽南秦晉志

於置安州本叙在其後李壽分寧州為漢州下其

為漢置無疑民國貴州通志依遵義府志仍列為

晉置案云今考興古夜郎鄧岳之役固似屬晉牂

興仁縣補志

卷一

四十二

牁以下六年有漢李奕攻謝恕事似亦入晉然越

舊則實屬漢

據下五年李權在越舊又李演在朱越舊上書勸奔歸正兩事知之

提自尹奉降成後別無著文似亦屬漢又後建元

元年漢置漢州同領興古越舊朱提則實漢有也

查夜郎興古岳傳只云破鑑乃作克或者破其軍

而未有其地也牂牁亦後此復叛故奕攻之

按特勢志亦云恕舉境為晉壽破之惟南中志云恕保

境獨為晉或云漢置安州壽初破恕日後恕復叛

而為晉南中志云終獨為晉者指後言也然則安州洪氏漢置之說容

是晉書多誤又黔在漢晉蠻徼荒忽古書於一事或繫連前後各別或統言細述各分遂致後人迷

眩此即一例

五年三月廣州刺史鄧岳將兵擊漢寧州漢建寧太守孟彥執其刺史霍彪以降

通鑑

夏建寧太守孟彥率州人縛寧州刺史霍彪於晉舉

建寧為晉壽遣右將軍李位都討之

特確期勢志

案興義府志稱是年鄧嶽伐蜀建寧太守孟彥擒

霍彪來降於是漏江縣亦復民國貴州通志案云

建寧復則所領味談橐等十二縣當同復不獨漏

江也興義府志此類偏筆蓋專就一府而言固不

勝其糾駁興仁為漢晉夜郎談指談橐三縣間地

興仁縣補志

卷一

四十三

故凡舉轄郡領縣即已眩其中讀者審之也

六年三月漢人攻拔丹川拔之

原註五年孟彥以建寧降丹川疑在建寧界

三月漢人攻拔丹川原註五年孟彥以建寧降丹川疑在建寧界守將劉

齊李秋皆死

通鑑

案鑑注疑丹江在建寧界民國貴州通志因疑牂

牂郡之丹南縣由丹川而得丹川蓋即紅水江云

按牂牁郡領有丹南沈志江左立疑名即由丹考川得意即紅水江時建寧屬地故多黔土也

山海經有赤水出昆侖東南經蒼梧西境窮於南

海之文於今紅水江極似豈丹江赤水均紅水之

別名歟今紅水江固以水挾泥砂其色紅赤得名

或今古一轍也又山海經別有丹水萬大章貴州
史地考定為獨山膽然河南出為南江者也謂丹
南縣名由此具山
水篇

七年十二月地理志李壽罷安州晉紀夜郎郡復隸寧州

晉書地理志

咸康四年分牂牁夜郎朱提越嵩四郡置安州八年
又罷并寧州以越嵩還屬益州

康帝建元元年秋八月庾冰都督荆江寧益梁交廣七

州通鑑

案自成帝咸和八年李雄據有南中夜郎建寧隸

興仁縣補志

卷一

四十四

於成漢者互十年中間分置交州安州及其省并
史蹟甚明晉末嘗復領其地朝命都督寧州軍事
多兼他州蓋皆遙領而已興義府志有是年興古
夜郎郡縣又沒於蜀之說未知何據至民國貴州
通志於咸康二年鄧岳擊夜郎興古一事謂岳傳
只云破鑑乃作克或者破其軍而未有其地也其
說甚是乃又云鄧岳克復入晉後史無再入於蜀
之文此時興古隸蜀實由咸康六年丹川之失文
興古自咸康二年鄧岳克復入晉後史無再設於
蜀文查興古牂牁接丹南屬牂牁貴陽志沿革
今丹江廳都勻等地皆是莫氏云丹南蓋毋劍南
境則丹川或在興牂之界此時興古之隸蜀實由

咸康六年丹川之失鑑註疑 殊嫌歧誤

穆帝永和三年蜀滅寧州郡縣咸復故安順府志與義

溫滅蜀興古夜郎郡縣復為晉有

孝武帝寧康元年苻堅取寧州即苻夜郎皆歸之案此後所

稱夜郎詳柯西南夷皆寧州陷沒於漢秦以後史蹟不著泛稱今滇黔間地非後專指夜郎詳柯郡縣矣

初仇池氐楊世以地降於堅既而歸順於晉世死子

纂代立遂受爵命於晉堅遣其將苻雅楊安與益州

刺史王統先取仇池進圍益寧纂敗出降纂降繼在咸安元年

是歲據下云明年平蜀漢則是指咸安二年有大風從西南來俄而晦

冥恒星皆見又有赤星見於西南太史令魏延言於

興仁縣補志

卷一

堅曰於占西南國亡明年必當平蜀漢堅大悅命秦

梁密嚴戒備至是遣楊安王統毛當徐成寇蜀益州

刺史周仲孫率騎五千奔於南中安當進兵遂陷寧

州於是西南夷即苻夜郎皆歸之堅以安為右大將

軍益州牧鎮成都姚萇為寧州刺史領西蠻校尉書

載記民國貴州通志云按十六國疆域志云苻堅時所得益州當止得蜀江陽二郡江陽領縣四為江陽

苻漢安樂又寧州晉書寧康元年苻堅以姚萇為寧州刺史屯墊江益州刺史竺瑤等率眾攻墊江姚

萇兵退屯五城堅以萇守為寧州刺史領漢郡三蜀郡一按苻秦未嘗得寧州地今考前秦錄及載記云

益州刺史屯墊江又云退屯五城是苻秦以梁州所屬三巴及廣漢郡別置州遙取寧州之名耳領郡巴

巴西巴東廣漢巴郡屬縣四江州臨江墊江枳文屯今考晉書本紀萇傳及堅此傳均無萇屯墊江文屯

於揚安等皆書鎮此獨云屯又同有邛笮夜即皆歸
語則恐非別置或係暫駐耳又興義府志作咸安二
年興古夜即郡沒於符秦案語云晉志云咸安二年
貴州通志寧康元年從貴州通志云云
茲考晉志無咸安語興義府志殆誤

太元二年春西南夷遣使入貢於秦

通鑑

迨太元七年益州西南夷海東諸國皆遣使貢其方

物據晉書

載記

民國貴州通志云案二年條載記不載此條鑑又
不載載記本未言年月然文承命呂光征西域下
而云是歲今考光征西域
鑑在七年八月故錄置此

十年益州平西南夷邛笮夜即復入晉

民國貴州通志云又案云夜

部入晉諸書不載考鑑太元八年符堅既敗於淝九
年晉諸將圍恢復後荆益夏四月竟陵太守趙統攻襄

興仁縣補志

卷一

四十六

鴻奉州刺史都督合志陽鑑列註云晉湯秦點中
郡六月將軍劉平攻魯陽都貴命遷長安七月州
刺史桓石虔據魯陽北復州也又云五月梁州刺
史楊亮率眾五萬伐蜀秦益州刺史王廣遣巴西
守庾回等拒之七月回兵數敗退還成都梓潼太守
蜀人以涪城未降十年二月乙酉秦益州刺史王
以蜀人江陽太守李孟本紀作李平為益州刺史守
成都乙丑將軍所部奔還漢西夏四月蜀郡太守任
權政杖成縣斬李孟復取益州閏五月以廣州刺史
羅友為益州刺史鎮成都此復益州也荆州復於九
年益年復於十年又此後八月某即鑑堅於新平休
寺符秦由此衰亡然則夜即等之復入晉當在此時

義熙元年正月戊戌以毛璩為征西將軍都督益梁秦
涼寧五州軍事璩弟瑗為寧州刺史

通鑑

初桓玄既篡遣使加益州刺史毛璩散騎常侍左將
軍璩執留玄使不受命以桓希為梁州刺史分命諸

將戍三巴以備之璩傳檄遠近列玄罪狀遣巴東太守柳約之建平太守羅述征虜司馬甄季之擊破希等仍率衆進屯白帝約之等聞玄死進軍到枝江聞

何無忌等與桓振戰敗於靈溪亦引兵退桓振玄佐

江陵故縣思等擊之俄而述季皆病約之詣振偽降謀襲振事

泄振殺之約之司馬時延祖涪陵太守文處茂收其

餘衆退保涪陵十二月振以林放之為益州刺史屯

西陵處茂擊破之放之走還江陵通鑑至是桓振死安

帝反正詔曰夫貞松標於歲寒忠臣亮於國危益州

刺史璩體識弘正誠契義旗受命偏師次於近畿匡

興仁縣補志

卷一

四十七

翼之勳實感朕心可進征西將軍加散騎常侍都督

益梁秦涼寧五州軍事又詔西夷校尉瑾璩為持節

監秦梁二州軍事瑾弟蜀郡太守瑗為輔國將軍寧

州刺史初璩聞振陷江陵率衆赴難便瑾瑗順外江

而下使參軍譙縱領巴西梓潼二郡軍下涪水蜀人

不樂秉征縱因人情思歸於五城水口反還襲涪害

瑾璩遣參軍王瓊討反者相距於廣漢燹道令何林

聚黨助縱而璩下人受縱誘說遂共害璩及瑗并子

姓在蜀者晉書縱殺璩及瑗滅其家縱稱成都王以從

弟洪為益州刺史弟明子為巴州刺史於是蜀大亂

鑑通

民國貴州通志案云譙縱之亂鑑稱氏王楊盛乘
釁攘有漢中秦攻之降秦秋秦命之都督益寧殆
授以虛銜使相圖非實有也

八年十二月寧州刺史朱容子率兵從朱齡石伐蜀

民國貴州通志 又案容子事史鑑不載考南史王曇首

傳稱文帝入奉大鏡朱容子抱刀在平乘戶外不
解帶者累旬及即位以容子為右軍將軍事在元

嘉前未知是否或
二書容容異字 名見宋書袁豹傳傳稱劉裕遣

譙縱使豹為檄文豹文有即命振威將軍朱容子
提寧州之銳渡瀘而八神兵四臨天網宏掩云云

疑寧州自義熙元年委毛瑗未至後鑑書命瑗在
正月瑗死在

興仁縣補志 卷一

二月故
疑未至朝廷即以容子代之鑑書裕命齡石在是

時故據豹檄編補又是年道規以疾求歸朝廷命

劉毅都督荆寧秦益九月劉裕欲計毅復以司馬

休之都督荆雍梁秦寧益又十年七月齡石斬譙
縱益州平黔屬蜀之地

當於是時
同入晉

晉末母稚為夜郎太守

母稚已郡臨江人晉時西南夷不靖以稚為夜郎太

守殊俗感而仕之乾隆貴
州通志晉末夜郎太守有母稚者

郡人為之立碑安順府志

民國貴州通志云案遵義府志引一
統志雅作稚今一統志未見此條

案各縣志多泛錄史載之郡縣守令今志太守從
省縣令則稍從繁然無政績者仍不錄夜郎及談
指談豪縣令之可稱者前無所聞有聞者自稚始

興仁縣補志卷二

大事志 年紀二 自南北朝迄五代

南朝宋

武帝永初元年六月高祖受禪奄有晉土是時寧州領郡十五建寧牂牁平蠻夜郎朱提南廣西平興古梁水等郡屬之民國貴州通志

建寧太守領縣十三談彙漏江同竝毋單原註均漢舊縣漢屬

牂牁晉屬建寧味存駝同樂牧麻同瀨昆澤均漢舊縣漢志

牂牁新定萬安新興均江左牂牁太守領縣六萬壽武

帝且蘭漢志作故且蘭毋歛漢舊晉樂丹南均江左新

興仁縣補志 卷二

寧何徐不注置立平蠻太守領縣二平蠻漢均縣牂牁太守

守領縣四夜郎談柏漢均屬牂牁廣談晉太原地牂牁

樂江左立宋書州郡志

南齊

太祖高帝建元元年五月詔遣使分行四方以交寧道

遠不遣使齊紀

案宋書世祖本紀稱大明八年以蕭惠開督益寧

二州惠開至蜀欲廣樹經畧對賓僚及人士說收

牂牁越嵩以為內地綏討蠻濮闢地徵祖迨亦未

能見諸實際是牂牁越嵩不附已久夜郎建寧又

尚在其西南朝命之不能及甚為顯然至齊謂交
寧道遠不遣使者飾詞耳意自晉咸和八年李成
陷寧州建寧牂牁二郡其降獨遲其後牂牁謝恕
更能保郡為晉歷宋齊梁陳至隋境日擴而勢日
盛越舊諸郡遂亦視倣又值中原多故朝廷第相
羈縻粗保無事足矣一切征役久已不問故有惠
開經畧之言自咸和至是百五十餘年嗣此又百
五十年而始至唐此邦於齊梁周隋仍若即若離
夷漢紀綱不復如蜀漢建制之密故雖唐代武功
能及西北而牂莊琰矩諸州旋置旋廢終不能脫

興仁縣補志

卷三

二

謝趙諸族之自領亦讀史者之宜參究也

世祖永明三年置東牂牁郡隸郢州

東牂牁郡領鎮六宜南平陽西平陽東新市西新市

南新市

齊書州郡志

永明三年戶口簿新置無屬縣志時

談彙縣隸建平郡案建平即建寧改名治同樂縣今

雲南曲靖縣境內夜郎談指仍隸夜郎郡

齊書州郡志

案此時南中郡縣朝命已不能及說具見前故牂

牁郡史列為南牂牁郡領且蘭萬壽毋歛晉樂綏

寧丹南等六縣而又別有東牂牁蓋皆謝氏拓境

擅自增置觀唐代謝氏共有牂莊充矩應琰六州

而莊稱南謝應稱東謝殆即兩牂牁州所遞改唐書地理志稱牂牁武德三年以牂牁首領謝龍羽地置南蠻傳稱牂牁國兵數出侵地數千里通典稱牂牁巨帥惟謝氏舊臣中國代為本土牧守隋末大亂遂絕舊唐書南蠻傳又稱隋大業末龍羽據牂牁州近時又經考定牂牁州即漢晉之牂牁郡說具地亦可見郡之改州雖始於隋唐而自稱為牂牁國或尚不始於隋唐蓋謝氏以牂牁侵武陵東牂牁郡治宜縣蓋即廣西三江縣治明清所稱古宜鎮者也應即為漢武陵郡鍾成縣治之所在統詳萬大章貴州史地考宋齊間或已如是矣至夜郎談指

興仁縣補志

卷三

三

談囊之地唐代改置琰州稱為西謝此時或已併入牂牁國中齊書地理志雖有建平郡領談囊等

縣夜郎郡領夜郎等縣之記載亦名存實亡耳茲並錄置東牂牁郡一條而附著其說備考又通鑑

註稱稱齊州有二十三揚南徐豫南豫南兗北兗北徐青冀江廣交越荆巴郢司雍湘梁秦益寧也

郡三百九十有寄者有新置者有俚部僚部荒部左郡無屬縣者有或荒無民戶者郡縣之建置雖

多而名存實亡境蹙於宋大明之世矣亦可參證當日之兩牂牁郡及建平夜郎豈即所謂俚部僚

部荒部左郡之列耶

梁

高祖武帝天監九年夜郎內屬

民國貴州通志云夜郎陳伯之傳稱是年詔臨

川王宏北侵宏命丘遲與伯之書有密今皇初聖明夜郎滇池解辯請職語是夜郎是時內屬矣

武帝奄有舊吳務恢境宇頻事經畧開拓閩越克復

淮浦平俚洞破牂牁又以舊州遐闊多有析置治書地理志

是時梁之境內有州二十三郡三百五十縣千二

十二是後州名浸多廢置離合不可勝紀魏朝亦然

鑑通

大同三年都督益寧梁等十三州諸軍事益州刺史蕭

興仁縣補志

卷三

紀開建寧越雋貢獻方物

天監十三年七月立皇子紀為武陵王梁書本紀本年九

月以紀為都督益寧梁等十三州諸軍事益州刺史

通鑑紀字世詢武帝第八子大同三年為都督益州刺

史以路遠固辭帝曰天下方亂惟益州可免故以處

汝汝其勉之紀歛獻既出復入帝曰汝嘗言我老我

猶再見汝還益州也紀在蜀開建寧梁書作越雋貢

方物十倍前人南史傳天監時出為武陵太守弟鱣張緬

九年為使持節都督湘桂東寧三州諸軍事其述職

經途作征賦中有南通珠崖夜郎西款玉京華墨莫不內清奸宄外弭苛慝羅屏京師是貴州是時實為內地然不自紀始開又南史稱益州刺史太尉

武陵王紀頗有武畧在蜀十七年南開寧州南史作
建寧越為西通資陵吐谷渾內修耕桑鹽鐵之政外
通商賈遠方之利故能殖其財用器甲殷積及開國
難謂條佐曰七官文士豈能匡濟既東下以黃金一
斤為餅百餅為籩銀五倍之其他錦罽繒采稱是每
戰則懸金帛以示將士終不賞賜寧州刺史陳智祖
請散金銀募勇士不聽慟哭而去通鑑梁書作死自
是人有雞心莫肯為用而魏陷益州通鑑載在承聖
二年八月因寧州事有專
條不復泛及附識備考

十一年以徐文盛為寧州刺史

晉末以來刺寧州者宋武帝永初二年有應襲文帝
元嘉五年有周籍之九年有王天寶十五年有徐循
十九年有周萬歲三十年有桓閔世祖孝建元年有
尹懷順大明二年有杜叔文三年有符仲子四年有

興仁縣補志

卷三

五

費景紆五年有費伯宏明帝泰始六年有孔玉後廢
帝元徽二年有劉延祖五年有柳和齊武帝永明二
年有程法勤三年有董仲舒十年有郭安明海寧工
延興元年有李慶綜明帝建武二年有董巒梁武帝
天監十四年有任太洪績皆不著齊書宋書及外紀至是

徐文盛文盛字道茂彭城人世仕魏為將父慶之天
監初率千餘人歸歛未至道卒文盛仍統其眾稍立
功績高祖甚優寵之大同末持節督寧州刺史先是
州在邊遠所管羣蠻不識教義貪欲財賄劫纂相尋
前後刺史莫制齊高帝建元二年遣使分行四方亦

以道遠不遣及文盛至推心撫慰示以威德夷獠感之風俗遂改

梁書莫與儔貞定遺集云按隋書地理志梁武帝奄有舊吳務恢境宇頓事

經畧開拓閩越克復淮浦平俚洞破祥柯又以舊州

遐闊多所析置既而候景構禍臺城淪陷墳籍散逸

記註無遺郡縣戶口不能詳究逮於陳氏土宇彌廢

威力所加不出荆揚之域據此是梁時所隸祥柯諸

郡較齊當尤有恢闡觀天監時有寧州刺史任太洪

耳

魏書梁書有寧州刺史徐文盛可見特籍記無徵

太清元年湘東王繹以武陵郡置武州領武陵南陽夜

郎三郡

夜郎郡在沅陵郡辰溪縣境隋平陳乃廢

據隋書地理志

案梁武經畧祥柯後夜郎建寧間事蹟可考者仍

興仁縣補志

卷三

六

少隋志夜郎郡竟在沅陵辰溪境內應是晉懷帝

初永嘉元年羅尚施置郡縣就民所在之例此夜

郎郡仍領夜郎一縣方輿紀要稱為梁置殆疑為

武帝經畧所創然竊以為李雄有南中後謝恕保

祥柯郡又領寧州刺史雖未必至州而就謝氏東

侵武陵以建東祥柯之事其進據夜郎當屬可能

或李漢以後據其地而復被壓東遷遂有僑據辰

溪之事其時或不始於梁陳也辰溪之夜郎至隋

雖廢而唐復建夜郎縣領於獎州後改名峩山縣

據考其治在今岑鞏縣境中興義府志謂辰陽僑

置之夜即為湖南辰州地蓋未深考其去興仁已遠應不復錄惟僑治之蹟亦不容廢故並載備考簡文帝大寶元年寧州刺史徐文盛入援京師蠻氏族

據其地太清元年侯景圍臺城據通鑑二年文盛聞國

難乃召募得數萬人來赴世祖嘉之以為散騎常侍

左衛將軍督梁南秦沙東益巴北巴六州諸軍事授

以東討之畧於是文盛督眾東下會景密遣騎從間

道襲陷郢州軍中洵懼遂大潰文盛奔還荊州旋以

賊汚怨望下獄死梁書南寧自徐文盛被徵蠻璿遂竊

據一方隋書梁睿傳案睿傳又稱南寧近代分置

興古雲南建寧朱提四郡是南寧乃分寧州

興仁縣補志

卷三

東南境置而夜郎郡不屬然蠻氏勢力所及應不為時政府所限耳蠻本國名因為氏

族戰國時巴陵蠻襄見魏策蜀漢建興三年諸葛亮

南征改益州為建寧以李恢為太守移南中勁卒為

五部分配大姓焦雍婁蠻孟暈毛李為部曲號五子

故南人言四姓五子即蠻碑所云望標於四姓收其俊傑蠻習為

官屬習官至領軍魏咸熙初建寧蠻谷為交趾太守

蠻谷卒後蠻能等將兵今按蠻能事見晉書看弋領交州條李雄稱帝

建寧大姓蠻暈蠻深附之通鑑晉永興二年此劉宋

以前蠻氏之所由強也陸耀通金石續編

世祖文帝天嘉二年九月南寧州入貢於周

周保定元年

即陳天嘉二年

九月南寧州遣使獻滇馬及蜀

鎧書

案周書孝閔帝元年

即陳高祖保定元年

益州總管于謙令

司錄賀若昂奉表詣闕昂還具陳京師事勢

時楊堅專

政謙以世受國恩漸圖復興遂舉兵署官司所管

益潼新始龍昂青瀘戎寧汶陵遂合楚資眉普十

八州及嘉渝臨渠蓬隆通興武屬十州之人多從

之此時建寧等郡已別建南寧州應不復錄但此

時此方事蹟少附識於此備考

興仁縣補志

卷三

三年

周保定二年

十月周分南寧州置恭州

周書

案方輿紀要稱廢恭州在曲靖府

即今雲南曲靖縣

東北

古朱提地也廢協州亦在府東北古夜郎地也唐

天寶末沒於蕃俱徙置戎州境內是夜郎殆不在

南寧領下而據實相據錄此備考

高宗宣帝大建十三年

隋開皇元年

隋益州總管梁睿討

南寧

睿字恃德安定烏氏人隋高祖總百揆代王謙為益

州總管行至漢川而謙反高祖命睿為行軍元帥率

步騎二十萬討之斬謙於市睿時威振西川夷獠歸

附唯南寧酋帥襲震恃遠不賓睿上疏曰竊以遠撫
長駕王者令圖易俗移風有國恒典南寧州漢世牂
牁之地近代以來分置興古雲南建寧朱提四郡戶
口殷衆金寶富饒二河有駿馬明珠益寧出鹽井犀
角晉泰始七年以益州曠遠分置寧州至僞梁南寧
州刺史徐文盛被湘東徵赴荊州屬東夏尚阻未遣
遠峇土民黨瓚遂竊據一方國家遙授刺史其子震
相承至今而震臣禮多虧貢賦不入每年奉獻不過
數十匹馬其處去益州路止一千朱提北境即與戎
州接界如聞彼人苦其苛政思被皇風伏維大丞相

興仁縣補志

卷三

九

匡贊聖朝寧濟區宇絕後光前方垂萬代關土服遠
今正其時幸因平蜀士衆不煩重興師旅押獠既訖
即請畧定南寧自盧戎以來軍糧須給過此即於蠻
夷徵稅以供兵馬其寧州朱提雲南西蠻並置總管
州鎮計彼熟獠租調足供城防倉儲一則以肅蠻夷
二則裨益軍國今謹件南寧州郡縣及事意如別有
大都督杜神敬昔曾使彼具所諳練今并送往書未
答又請曰竊以柔遠能邇著自前經拓土開疆王者
所務南寧州漢代牂牁之郡其地沃壤多是漢人既
饒寶物又出名馬今若往取仍置州郡一則遠振威

名二則有益軍國其處與交廣相接路乃非遙漢代
開此本為討越之計伐陳之日復是一機以此商量
決謂須取高祖深納之然以天下初定恐民心不安
故未之許後竟遣史萬歲討平之并因廢之策也

後主長城公至德元年

隋開皇三年

隋以韋沖為南寧州總

督爨震爨訛皆詣府降

沖字世沖周汾州刺史隋高祖踐祚徵為兼散騎常

侍歲餘出撫稽胡

時發南汾州胡築長城胡亡叛

尋拜石州刺史甚

得諸胡歡心以母憂去職俄而起為南寧州總管持

節撫慰沖上表固讓詔曰西南夷裔屢有生梗每相

興仁縣補志

卷二

十

殘賊朕甚憐之已命戎徒清撫邊服以開府器幹堪
濟識畧英遠軍旅事重故以相任知在艱疾日月未
多金革奪情蓋有通式宜自抑割即膺往旨沖既至
南寧渠帥爨震及西爨首領皆詣府參謁上大悅下
詔褒揚之其兄子伯仁隨沖在府掠人之妻士卒縱
暴邊人失望上聞而大怒令蜀王秀治其事益州長
史元巖性方正案沖無所寬貸沖竟坐免

隋書

隋

大業末謝龍羽據牂牁

牂牁巨帥惟謝氏舊臣中國代為本土牧守隋末大

亂遂絕

通

牂牁蠻其地北去充州

本作充州依地理志及元和郡縣志

改一百五十里西至昆明九百里無城壁散為部落

而居其首領謝龍羽大業末據其地勝兵數萬人

唐書

書南蠻傳

案謝龍羽至唐初朝貢授牂牁刺史州治在今甕

安東北三十五里之猴場舊唐書傳所稱北去充

州百五十里西至昆明九百里者也而新書傳稱

昆明東九百里即牂牁國兵數出侵地數千里與

舊書甚同但以牂牁國名是知國治雖在牂州而

統治數千里之地蓋包唐代謝氏分據之牂莊充

興仁縣補志

卷三

十一

應矩談六州而言充談等州又稱牂牁別部也

充州以牂牁別部見唐書地理志

興仁之地在唐代琰州境內隋時

入牂牁國已無可疑至文帝開皇九年廢辰陽之

夜郎郡置靜人縣雖與梁置郡有關此時則無復

可紀隋志有開皇初置牂州領牂牁賓化二縣之

文據考隋牂州即唐牂州仍應納入牂牁國內但

州小國大不當以牂州該及夜郎且照隋虛有州

名與宋齊之沿舊紀載者無異故不復言

唐

高祖武德三年八月丁酉南寧西蠻蠻遣使入貢

康州貴州

志

武德元年開南中置南寧州舊唐書地理志因故同樂縣置

治味新唐志初隋末蠻酋爨翫反誅諸子沒為官奴棄

其地帝即位以翫子弘達為昆州刺史令持其父尸

歸葬益州刺史段綸因遣使招諭其部落皆來降通鑑

案通鑑又稱武德元年唐王既克長安以書諭諸

郡縣於是來自商洛南盡巴蜀郡縣長吏及盜賊

渠帥氏羌酋長爭遣子弟入見請降今南寧入貢

在三年而元年先已置州豈爨氏子弟固曾於元

年隨巴蜀長吏一度入見請降邪史文不備附識

興仁縣補志

卷二

十二

備考

四年十二月舊州治中吉弘緯使南寧諭昆彌遣使內

附

蠻蠻西有昆明蠻一曰昆彌以西洱河為境即葉榆

河也武德中舊州治中吉少弘緯使南寧因至其國

諭使入朝貢求內屬發兵戍守自是歲與牂牁使偕

來新唐書南蠻傳

七年命韋仁壽檢校南寧州都督

仁壽性寬厚有識度初為蜀郡司法書佐所論囚至

市猶西向為仁壽禮佛然後死時西南夷內附朝廷

遣使撫之類皆貪縱遠民患之上聞仁壽名命檢校
南寧州都督仁壽既受命將兵五百人至西洱河周
歷數千里蠻夷望風歸附仁壽承制置七州十五縣
各以其豪帥為刺史縣令法令清肅蠻夷悅服各遣
子弟入貢

通鑑
輯覽

案興仁此時或在仁壽所督七州十五縣中惟州
縣之名亦不可復考矣

開置西平州

武德七年開置西平州屬戎州都督府

太平寰
宇記

案西平復改盤州領附唐平夷盤水三縣容後詳

興仁縣補志

卷二

十三

述

太宗貞觀三年西趙及夷子遣使來朝

西趙蠻在東謝之南其界東至夷子西至昆明南至
西洱河山洞阻深莫知道里南北十八日行東西二
十三日行其風物產與東謝同首領趙氏世為酋
長有戶萬餘貞觀三年遣使入朝

新唐
書

案續觀十三年通鑑載有侯弘仁自牂牁開道經

西趙出邕州以通交桂一事又註云東謝蠻西接
牂牁蠻南接西趙蠻牂牁之別帥曰羅殿今廣西
買馬路自桂州至邕州橫山寨二十餘程自橫山

至杞國二十二程又至羅殿十程此即侯弘仁所
通者也又引蘇軾曰西洱河即牂牁江均足與舊
書南蠻傳相證東謝唐置應州其地在今獨山縣
以東牂牁唐置牂州在今平越縣以北夷子貴陽
安順兩志謂在都勻南丹間而鄒漢勳謂叙州西
南大定興義泗城諸府州皆昆明夷所居通鑑注
所稱牂牁之別帥羅殿應即明一統志稱在省南
一百五十里之羅番邊蠻軍元史稱以羅阿資為
羅甸國邊蠻軍安撫使者也羅番在今惠水縣境
內侯弘仁開道南出邕州之橫山寨廣西通志稱

興仁縣補志

卷三

十四

在宣化縣

即今廣西南寧縣

北至牂牁則應是甕安之猴

場亦可考知興義府志謂貞豐有珉球石即從此

以西趙地置明州之界石亦可相證然則興仁應

在貞豐西或已無西趙地惟竊疑唐代州郡多依

漢晉以來之縣治而設琰州應設於夜郎盤州或

設於琰橐明州亦疑即琰指設治則興仁東境在

唐或仍隸於西趙之明州至唐西洱河有二方輿

紀要謂在大理府東形如人耳者蓋為南詔蠻俾

所稱崔佐時盟閣勸於點蒼山以盟畫之一沈於

西洱河者通鑑注引蘇軾說為牂牁江而仍辭連

南詔且有形如同抱珥之說遂生疑誤唐書稱西
趙南北十八日行東西二十三日行說者亦致疑
於其境之西達大理均不足采要知唐時此間之
交通不便繞越山水程途良多而西趙之境應不
出今貞豐羅甸惠水貴筑諸縣間自應以南至西
洱河一語斷其南境為今之南盤即所謂古牂牁
江也又西趙改置明州見後鄒漢勳貴陽苗蠻傳
叙有貞觀二年明州山獠反交州都督李道彥擊
走之云云諒必有據今西趙來朝在前事後一年
豈因道彥擊敗而遂迫之入朝邪附識備考

興仁縣補志

卷二

十五

四年置琰州

琰州貞觀四年置縣五武侯望江應江始安東南

本浙

元豐九域志作來南貞觀中又領隆降

一作

昆琰川二縣後省

唐新

審地理志

案琰川蓋以夜郎縣地置說具縣志疆域沿革篇

八年改西平州為盤州

唐書地理志

盤州下武德七年開置西平州貞觀八年改為盤州

領縣三與州同置附庸

方輿紀要作附唐

平夷盤水即舊興

古郡也在京師西南五千三十里北接郎州南接交

州隸於戎州都督府

舊唐書地理志

案方輿紀要稱附唐縣即黃草壩即今之興義縣治平夷在善安州西百二十里即今雲南平夷所盤水在今善安州東盤江上今興仁縣應有盤水縣地

十一年黔州兼督琰州

唐初改郡為州太守並稱刺史其緣邊鎮守及襟帶之地置總管府以統軍戎武德七年改總管府為都

督府

唐書

黔州本漢涪陵縣地

在今四川彭水縣東

漢獻帝時分

為四縣置屬國都尉至蜀先主又增置一縣改為涪陵郡晉永嘉後地沒蠻夷經二百五十六年至宇文

周保定四年涪陵蠻帥田恩鶴內附因置奉州建德

興仁縣補志

卷二

十六

三年改為黔州隋開皇十三年置彭水縣治州郭大

業三年改州為黔安郡

黔中郡治在今湖南沅陵縣西廿里與周隋黔州隔越

政廢大唐復為黔州

地理志

貞觀四年於黔州置都督

府總務施業辰智祥充舊應莊九州

元和志

至是改督

思辰施宰費夷巫應播充莊祥琰池矩十五州

十三年渝州人侯弘仁自牂牁開道經兩趙出邕州以

通交桂蠻俚降者二萬八千餘戶

通鑑

二十一年十二月壬申西趙酋長趙磨帥萬餘戶內附

以其地為明州

通鑑

貞觀中兩趙酋領趙酋摩率部萬餘戶內附以其地

為州州按前摩刺史新唐書
尚鑿傳

永徽元年十二月瑛州獠寇邊梓州都督謝萬歲死之

新唐書本紀

永徽元年十二月庚午梓州都督謝萬歲充州都督
謝法興與黔州都督李孟嘗討瑛州叛獠萬歲法興
入洞招慰為獠所殺通鑑

案胡三省通鑑注謂梓州當作牂州充州當作充
州黔史謂梓州當作莊州充州都督當作充州刺
史以牂充均無都督也然考莊州都督舊唐志雖
有貞觀十一年已設之說而民國新修通志考定

興仁縣補志

卷三

以寰宇記載之聖曆元年始設為書說詳下引然
則此時亦尚無莊州都督惟唐書地理志序稱唐
初改郡為州武德七年改總管府為都督府豈牂
州充州固嘗以緣邊置督而黔史所謂莊州為鑿
府都督者仍非無據邪姑存舊文備考

三年秋七月乙丑郎昆梨盤四州酋長王伽衝等率眾
內附通鑑

案郎州係貞觀八年以南寧州改置昆梨二州亦
鄰接郎州者也附識備考

麟德二年四月丙午曲赦桂廣黔三都督府管內大辟

罪以上

舊唐紀

總章二年始定黔中等州縣官以土人補授

唐黔州通志

定銓注法其黔中嶺南閩中州縣官不由吏部委都

督選擇土人補授

唐紀

上元三年八月壬寅

本紀仍書上元三年因是年十一月始改元儀鳳也置南選

使簡補廣交黔等州官吏

唐舊唐紀

八月壬寅勅桂廣交黔等都督府比來注擬土人簡

擇未精自今每四年遣五品以上清正官充使仍令

御史同往注擬時人謂之南選

通鑑

聖曆元年罷黔州都督府以莊州為都督府

太平寰宇記

興仁縣補志

卷三

十八

貴州通志云考舊唐地志貞觀十一年黔州督思辰

等十五州下續云其年罷都督府置莊州都督景龍

四年廢按貞觀十一年丁酉至景龍四年庚戌計

七十四年以播州為都督先天二年廢按景龍

四年庚戌至先天二年癸丑計四年復以黔州為

都督新唐書地志莊州下云貞觀十一年置都督府

景龍二年罷太平寰宇記黔州下云聖曆元年按

是年戊戌在貞觀十一年後六十二年罷黔州都

督府以莊州為都督府景龍四年按聖曆元年至

此十三年又罷莊州以播州為都督府先天二年

復以黔州為都督府諸說至為紛歧而廢黔州之

年唐書與太平寰宇記相差至六十餘年之久果唐

書為無誤則貞觀十一年以後之事即應不再書黔

州都督然考史載永徽元年李孟嘗之討瑛州叛獠

顯慶元年李子和之討平矩州謝無靈永淳元年謝

祐通零陵王自殺黔州官坐免皆作黔不作莊安

順府志引貴州紀年云永徽初有黔州都督府有莊

州都督府而莊州為蠻府都督說無據今特依太

平寰宇記以罷黔州置莊州都督事移書於聖曆元

年如此則莊州置督祇十四年可免一切抵牾

中宗景龍二年又罷莊州都督府復以播州為都督府

元和志 民國貴州通志云案廢莊置播舊唐書作景龍四年遷義府志作景龍元年太平寰宇記同舊唐書考景龍無四年依元和志

案莊州治石牛縣殆即今獨山縣治漢毋斂縣治之所在也

玄宗先天二年罷播州都督府復以黔中為都督府

和元志

案播州治遵義縣遵義府志謂在今綏陽界中

開元中降琰及祥莊二州為羈縻州

唐興初未暇於四夷自太宗平突厥西北諸蕃及蠻

興仁縣補志

卷三

十九

夷稍稍內屬即其部落列置州縣其大者為都督府以其首領為都督刺史皆得世襲雖貢賦版籍多不

上戶部然聲教所暨皆邊州都督都護所領著於令

式蠻隸江南道黔州都督府者為州五十一曰牂曰

琰曰莊曰充曰應曰矩釋皆前見曰明州治在今貞豐縣曰蒞未詳

曰勞州治在今荔波縣東南一百二十里之勞村曰義九域志作義州治在今黔西縣東北

曰福在今廣西曰捷在今大定縣東北曰邗州治在今都勻縣東北曰水司

曰清州治在今貴陽清鎮間之曾周馬場曰莪州治在今荔波縣北莪蒲里曰蠻治

在今開陽縣曰蘇州治在今黎平縣北九十里曰濡曰琳曰蠻曰雙

城曰稜曰延曰懸曰撫水曰思源曰那俱在今廣西曰

令九域志作今在曰冕在今湖南曰總曰殷曰鴻俱

今四川曰姜曰敦俱在今雲南曰暉在今緬甸曰都今

大定縣南應依曰侯曰樊並在今黎平曰添在今鎮遠

曰普寧在今安順曰功縣在今修文曰亮即今黎平縣

寨曰茂龍即今廣西曰訓縣在今盤曰卿即今丹寨曰

逸曰整俱在都勻曰南平即今平曰勳即今火塘縣

曰襲九域志作襲曰寶在今大定初祥琰莊充應

矩六州皆為下州至是降祥琰莊三州為羈縻其後

天寶三載又降充應矩三州為羈縻始為五十一羈

縻之制亦稱之諸蠻州而開元二十一年分江南道

興仁縣補志

卷三

置黔中道後諸蠻州並隨黔府改隸焉唐書地理志

二十一年分天下為十五道設黔中道置黔中採訪使

治黔州通鑑

唐初以隋季喪亂羣盜初附權置州郡倍於開皇大

業之間貞觀元年悉令併省始依山河形勢分天下

為十道景雲二年分天下郡縣置二十四都督府以

統之議者以權重不便尋罷之至是分天下為十五

道於江南道增置黔中道設採訪使檢察非法如漢

刺史之職唐書地理志

二十六年於黔中置採訪處置使又隸五溪諸州入黔

中道仍加置經畧使元和郡縣志

是年於邊境置節度經畧使式過四夷唐書地理志又改

黔中為採訪處置使二使皆以都督渾瑊為之元和郡縣志

志民國貴州通志云案遵義府志按云本書一指

元和郡縣志云黔州今為黔州觀察使理所夷珍

漆播並所管州則採訪處置經畧使自亦並管諸州

也觀察使置年未詳考察觀察使乃肅宗乾元元年停

採訪使改黔陽使所置八見後此時黔州尚無觀

察使元和郡縣志云今為黔州觀察使理所就作志

時言也又採訪使二十一年設黔中道時所置一見

前一此時特加處置之名且至五溪諸州經畧使則

親屬黔中道僅管五溪諸州不能如採訪使則

訪使處置使之並管夷珍漆播諸州也

天寶元年改黔州為黔中郡改州為郡刺依舊督施夷

播思費珍漆商九州按連黔始有九州又此時尚有

興仁縣補志卷三錦巫業辰溪南等州而不列入

未知又領充明勞義福建新志邦邦

何故又鼓嶺儒琳驚令那暉赤都總敦侯候免冕柯契樊

稜添普寧功亮筏龍茂龍延訓鄉卿雙雙城整懸撫

次水撫水矩思源逸般南平勲姜龍襲襲小等五十州

新唐書無牝般龍三州外有皆羈縻寄治山谷舊唐

應為實鴻四州作五十一州

案是各州皆改為郡而琰莊諸州無郡名蓋自開元中州降羈縻固已視同化外矣

九載南詔閣羅鳳反取夷州三十二縣通鑑民國貴

注云夷州謂西南夷附化羈縻州也石阡府志歸旅

考唐天寶九年南詔閣羅鳳反取夷州石阡府志歸旅

殊誤

十載後趙國珍為黔中都督

民國貴州通志

趙國珍牂牁之苗裔也

通鑑注云國珍牂牁別部天
元州蠻酋趙君道之裔

實中以軍功累遷黔府都督兼本管經畧等使時南

蠻閩羅鳳叛宰臣楊國忠兼劍南節度使遙制其務

屢喪師徒中書舍人張漸薦國珍有武畧習知南方

地形國忠遂奏用之在五溪凡十餘年中原與師唯

黔中封境無虞代宗踐祚特嘉之召拜工部尚書大

曆三年九月以疾終贈太子太傅

舊唐書

開元中牂牁

以趙氏為酋長其裔趙國珍天寶中有戰功閩羅鳳

叛以國珍有方畧授黔中都督屢敗南詔護五溪十

興仁縣補志

卷三

二十二

餘年天下方亂其部獨寧終工部尚書

新唐書

葉舊唐書南蠻傳稱牂牁蠻西至昆明九百里其

首領為謝龍羽說已具前開元十年閏五月大酋

長謝元齊死詔立其嫡孫嘉藝襲其官封二十五

年大酋長趙君道來朝且獻方物而新唐書稱開

元中牂牁酋長元齊死孫嘉藝襲官封其後乃以

趙氏為酋長又此後牂牁謝氏朝貢仍史不絕書

寶曆元年遣使謝良震來朝僅其一例別無趙氏

纂謝之迹然則謝趙之於牂牁殆合一而不可分

所不可知者牂牁趙氏與西趙是一是二耳

十五載正月甲子南陽節度使魯吳率嶺南黔中山南
東道兵禦安祿山按新唐書五月以魏王巨為河南節
度任兼統嶺南黔中南陽三節度兵救南陽

安祿山反魯吳於帝前畫攻守勢濬南陽太守兼守
捍防禦使以嶺南黔中山南東道子弟五萬屯漢水
南賊將武令珣畢思琛等擊之舉眾沒賊時嶺南節
度使何履光黔中節度使趙國珍未至子弟半在軍
挾金為資糧至是遇賊皆棄之賊資以富五月丁巳
吳乘潰走保南陽賊就圍之太常卿張洎薦夷陵太
守沈王巨有勇畧以巨為陳留譙郡太守河南節度

興仁縣補志

卷二

使兼統嶺南節度使何履光黔中節度使趙國珍南
陽節度使魯吳國珍本祥柯夷也戊辰巨引兵自藍
田出趣南陽賊聞之解圍走通鑑

肅宗至德元年即天寶十五載七月丁卯上皇制以

永王璘充山南東道嶺南黔中江南西道節度都使

通鑑

天寶十五載六月玄宗幸蜀至漢中郡下詔以永王

璘為山南東路及嶺南黔中江南西路四道節度採

訪等使江陵郡大都督餘如故舊唐書

升五溪經畧使為黔中節度使領黔中諸郡通鑑貴州通

志云案通鑑注云唐末始於黔州置節鎮疑此時趙國珍未得建節至明年通鑑書置黔中節度必有所據考唐書職官志云至德之後中原用兵大將為刺史者兼治軍旅遂依天寶邊將故事加節度使之號

過制數節國珍於天寶中已授黔中節度使兼本管經畧等使此時統軍在外隨例建節並無可疑惟通鑑叙述黔中節度使為黔中節度使先後稍欠檢耳又云案唐書黔州通志此條下有以趙國珍為之一語蓋此時國珍統兵隨號王巨備城南陽一帶依邊將故

兼領節鎮然自此以後迄昭宗大順元年賜黔州觀察使號武泰軍節度中開百有餘年無有稱節度者國珍之建節或因致歟

乾元元年復以黔中郡為黔州都督府唐書地理志

時諸郡復改為州同上

上元二年以嶺南五管黔中都督府得即任土人為官

興仁縣補志

卷三

二十四

唐書選舉志 民國貴州通志云案總章二年已定黔中等州縣官得以土人補授此或申命

代宗永泰元年黔中觀察使趙國珍入朝民國貴州通志

國珍為嗣徐王延年婿請以延年子前施州刺史

為嗣因封嗣徐王舊唐書 民國通志云案趙國珍

使按肅宗乾元元年制傳採訪使改黔中使為觀察

使又觀察使位亞於節度使後為節度使兼職無節

度之州亦特設之領一道或數州兼領刺史益足徵

天寶至德間黔中節度使乃軍事上臨時設置也

大曆三年九月丁亥工部尚書趙國珍卒舊唐書本紀

七年十二月牂牁等國並遣使朝貢舊唐書本紀

案牂貢獻自開元中降牂莊琰三州為羈縻州後

二十五年即有大酋長趙君道及天寶八載之二

次其時各州事蹟尚覺分明不宜以別州牽及琰州也此後所言牂牁似較廣遠又有等國字自應專載

十二年置黔州經畧招討觀察使

方鎮表

自肅宗至德之後中原用兵刺史皆治軍戎遂有防禦團練制置之名要衝大郡皆有節度之類寇盜稍息則易以觀察之號黔州觀察使治黔州

新唐書地理志

先是大曆四年置辰溪巫錦業五州都團練守捉觀察處置使治辰州

方鎮表

十年奉制却隸黔府至是乃合

置黔州經畧招討觀察使

據元和郡縣志

興仁縣補志

卷三

二十五

德宗貞元三年南詔遣使道祥柯入朝

按貞元州封南詔紀畧

昆明牂牁本使臣蔡襲嘗奏請分布軍馬從黔府路

入又言蠻王蒙異牟尋積代唐臣徧霑皇化天寶年

中其祖閣羅鳳被邊將張乾陀讒搆部落驚懼遂違

聖化北向歸投吐蕃贊普以贊普年少信任讒佞欲

併其國蒙尋遠懷聖化北向請命故遣和使乞釋前

罪願與部落竭誠歸附緣道遐阻伏恐和使不達故

三道一道出石山從戎州路入一道出牂牁從黔府

路入一道出夷獠從安南路入

蠻書

六年三月戊午牂牁來朝

舊唐書本紀

七年二月授牂牁

酋長趙主俗官

舊唐書南蠻傳

七年二月授牂牁酋長趙主俗官以其歲初朝貢不絕褒之也自七年至十八年凡五遣使來朝

舊唐書南蠻傳

案舊唐書本紀又有八年十二月甲戌牂牁使朝貢一條而南蠻傳稱貞元十三年正月西南番大酋長正議大夫檢校蠻州長史繼襲蠻州刺史資陽郡開國公賜紫金魚袋宋鼎左右大首領朝散大夫前檢校邛州刺史賜紫金魚袋謝汕左右大首領繼襲蠻州巴江縣令賜紫金魚袋宋萬傳界首子弟大首領朝散大夫牂州錄事參軍謝

興仁縣補志

卷三

二十六

文經

疑有

黔中經畧招討觀察使王礎奏前件刺

史建中三年一度朝貢自後更不許隨例入朝今年懇訴稱州接牂牁同被聲教獨此排擯竊自慙

耻謹遣隨牂牁等朝賀伏乞特賜優諭兼同牂牁

刺史授官其牂牁兩州

按此文似有脫誤應指宋鼎等蠻州而言蓋謂該蠻

州等殷盛强大與牂牁

相同望比牂牁一例待遇

耳乃云

牂牁兩州不可解矣案字記牂牁蠻兩州亦未

戶口殷盛人力强大鄰側諸番悉皆敬憚請

比兩州每年一度朝貢仍依牂牁輪環差定並以

才幹位望為象推者充勅旨曰宋鼎等已改官訖餘依舊等語是牂牁每年一貢書不勝書嗣此均

應從畧而凡書入貢之國皆此間州國較大者亦

可知矣

新唐書於此作建中三年大酋長檢校蠻州長史資陽郡公宋鼎與諸謝朝賀德宗

以其國小不許訴於黔中觀察使王礎以州接祥柯願隨祥柯朝賀礎奏祥蠻二州戶警力強為鄰

番所憚請許三年一朝詔從之民國貴州通志案云此事新舊唐書南蠻傳所載出入至巨考建中

三年元全柔為黔中觀察使貞元十一年王礎始為黔中觀察新傳乃以王礎奏請屬於建中二年

已誤舊傳明云前件刺史建十三年一度朝貢

上新傳乃云以其國小不許一至貞元十三年始

訴於王礎相距已十六年矣一舊傳初音曰宋

鼎已改官訖餘依舊一係依舊不許入朝也新傳

乃云詔從之今依舊傳

十八年十二月戊申黎州蠻祥柯使入朝 舊唐書本紀

高宗顯慶三年及望州內附之黎州民國貴州通志云新唐書作黎州隸戎府

興仁縣補志

卷二

二十七

憲宗元和二年祥柯南詔並朝貢夏五月詔黔南觀察使

押領祥柯等使 舊唐書本紀

元和三年 誤二 年五月初自今已後委黔南觀察使差

本道軍將充押領祥柯昆明等使 舊唐書本紀

四年正月將柯遣使來朝是月遣中使魏德和領其使

兼費國信物降爾書賜其王馬 舊唐書南蠻傳此為祥柯稱王首見也

閏月 閏三 己酉以旱禁嶺南黔中福建掠良民為奴婢

者舊唐書本紀

上以久旱欲降德音翰林學士李絳白居易上言以

為欲令實惠及人無如減其租稅又言富人驅使之

餘其數猶廣事宜省費物貴徇情又請禁諸道橫斂以充進奉禁掠賣皆如二人之請己未雨綈表賀曰乃知憂先於事故能無憂事至而憂無救於事舊唐書李

傳

八年牂牁蠻上表請盡歸牂牁故地新唐書南蠻傳

昆明東九百里即牂牁國也兵數出侵地數千里元

和八年上表請盡歸牂牁故地新唐書南蠻傳牂州諸夷雜

處其部落有七曰盧鹿蠻者即今羅羅也俗尚鬼號

正祭者為鬼主今猶謂之羅鬼居普里即今普定數出兵侵牂牁

地為羅甸國元和八年上表請盡歸牂牁地嘉靖貴州通志

興仁縣補志

卷三

二十八

民國貴州通志云按牂州武德三年開置盧鹿蠻時居普里稱羅甸國本為牂州諸夷之一額出侵牂州地至數千里今乃求附請盡歸前所侵牂州諸地也史混稱牂牁蠻牂牁國請歸牂牁地致不知所侵者為何地所歸者又為何地廉輿各志都未載

案牂牁國至此始漸明元和四年以信物降靈賜牂牁王已見前六年正月帝御麟德殿對南詔渤海牂牁等使賜宴有差見冊府元龜本年又有牂牁遣使朝貢之文見新唐書本紀因不勝錄附此備考

禁黔中等道不得以口饋遺

房瑄孫啟為桂管觀察使州邸以賂請有司飛驛送

詔既而憲宗自遣宦人持詔賜啟啟畏使者邀重餉
即曰先五日已得詔使者給請視因馳歸以聞啟自
陳獻使者南口十五帝怒殺宦人貶啟虔州長史死
始詔五管福建黔中道不得以口饋遺博易罷臘口
等使

新唐書

十一年十二月牂牁遣使來賀正

舊唐書

穆宗長慶元年定黔中邕管容管安南等合九十七州

不申戶賬

舊唐書本紀

二年黔中蠻叛西川節度使段文昌諭却之

段文昌素洽蜀人之情以寬政為治嚴靜有斷蠻夷

與仁縣補志

卷二

二十九

畏服長慶二年雲南入寇

新唐書南蠻傳作黔州蠻叛

黔中觀察

使崔元畧上言朝廷憂之乃詔文昌禦備文昌走一

介之使以喻之蠻寇即退

舊唐書

春正月以用兵

河朔叛亂

權停嶺南黔中今年選補

舊唐書本紀

敬宗寶曆元年牂牁遣謝良震來朝

舊唐書南蠻傳

文宗太和七年以比年用兵雨雪嶺南五管及黔中等

道選補宜權停一二年

舊唐書本紀

開成元年鬼主阿珮內附

新唐書南蠻傳

武宗會昌二年牂牁遣使入朝

舊唐書本紀

封牂牁別帥

為羅殿王

世襲爵新唐書南蠻傳

自曲州靖州西南昆川曲軌晉寧喻獻安寧距龍和
城通謂之西蠻白蠻自彌鹿升麻二川南至步頭謂
之東蠻烏蠻

唐書兩蠻蠻傳

阮賜御蠻龍顏碑叙云今曲靖已在雲南皆二蠻之苗裔也

西蠻國南寧之渠帥梁時通焉自云本河東安邑人
七葉祖事晉為南寧太守屬中國亂遂王蠻夷梁元
帝時南寧州刺史徐文盛徵詣荊州有蠻瓚者遂據
南寧州地延袤二千餘里俗多華風有震翫統其衆

太平寰宇記

唐武德元年復置南寧州四年置總管府七年改為
都督貞觀六年罷都督置刺史八年改南寧為郎州

興仁縣補志

卷二

三十

唐書地理志

蠻之西有徒莫祇蠻儉望蠻貞觀廿三年

內屬以其地為傍望覽丘求五州隸郎州都督府白
水蠻地與青蛉弄棟接郎州亦隸弄棟西有大泐弄
小泐弄二川蠻其西與黃瓜葉榆西洱河接其東完
富與蜀埒無酋長喜相仇怨永徽初大泐弄楊承顏
私署將帥寇麻州都督任懷玉招之不聽高宗以左
領軍將軍趙孝祖為郎州道行軍總管與懷玉討之
至羅侯山其酋禿磨蒲與大鬼主都干以衆塞箐口
孝祖大破之夷人尚鬼謂主祭者為鬼主每歲戶出
一牛或一羊就其家祭之送鬼迎鬼必有兵因以復

仇云新唐書南蠻傳文宗開成元年鬼主阿珮內屬會昌中

封其別帥為羅殿王世襲爵其後又封別帥為滇王

皆牂牁蠻也

新唐書南蠻傳

案新舊唐書南蠻傳於牂牁謝氏趙氏及所謂牂
牁國牂牁別帥其叙序頗混後此方志對於牂牁
別帥之所謂羅殿王者亦有異說以今考之牂牁
國應總謝氏之牂莊充應矩琰六州及西趙之明
州未受唐封前而言其初治在牂州即新唐書所
謂昆明東九百里即牂牁國是也謝趙前已有考
其牂牁別帥封羅殿王者無姓名然前六年有內

與仁縣補志

卷三

三十一

屬之鬼主阿珮又前二十二年有請歸牂牁侵地

之牂牁蠻而羅殿王固與別封滇王之別帥同號

牂牁蠻見新唐書南蠻傳此三十年中羅殿日盛

之迹史既有徵其封王距趙國珍之卒至七十年

之久其稱別帥又非如牂牁別部之充州謝氏有

名可稽之首領又稱鬼主而無姓與謝趙二氏迥

殊其非謝趙之族可知太平寰宇記之稱西蠻新

唐書之叙卽州鬼主地既近而事極類應一可參

証也惟新唐書南蠻傳所稱東蠻烏蠻七部落為

一阿芋路二阿猛三夔山四暴蠻五盧鹿六磨彌

欽七勿鄧興義府志稱羅殿為暴蠻未指確據或
不如嘉靖貴州通志稱為盧鹿羅之較早而信耳
已引見元和八年又稱鬼主房普里或當可信惟
請歸祥柯故地條
羅甸國之稱羅殿即見於元史與明一統志者其

事雖在唐後而其書均在嘉靖志以前引已見貞

趙入是為先後移居仍須續考附奇揚府志云水

火本姓羅氏建寧郡人家家有部曲諸葛武侯之

征也濟火率部曲助征且僅以濟軍武侯令世長

其部曲漢武帝太清之亂蠻氏種有寧州中園呼

之為蠻蠻又號為烏蠻亦呼昆明蠻羅氏世傳保

氏已而羅氏漸衰羅氏求保竹子嶺故亦號烏蠻

別為盧鹿部盧鹿者羅之肆演也西南俗尚鬼崇

時必合聚部落以祭鬼推其酋長者為鬼主唐武

宗會昌中羅氏鬼主阿珮內附封為羅殿王世襲

興仁縣補志

卷二

三十二

焉羅殿亦作羅甸即今貞豐之羅番甲後又封其
別帥為滇王旋改善寧王元之普里即其地今安
順舊州是也善寧蠻語演為普露靜後唐明宗天
成二年昆明大鬼主羅殿王普露靜王九部落入
本書沿革九部落一阿宇路居曲州靖州故地二
阿猛三蠻山四暴蠻五盧鹿蠻二部落分保竹子
嶺六唐鑪斂七勿鄧外併有武龍訓州二部一各
遣使者附祥柯以來五代之末改羅殿王為順化
王普寧王為奉化王宋初仍之而蠻俗稱
王為王子又別自分王子弟亦稱王子

六年春正月祥柯昆明等國遣使入朝舊唐書

宣宗大中十三年冬十一月南詔僭號寇陷播州通鑑

初韋皋開清溪道以通羣蠻使入貢又選羣蠻子弟

聚之成都教以書數以羈縻之既而軍府厭於稟給

又蠻使入貢利於賜與所從僉人浸多杜棕奏減其

數南詔豐祐怒入貢不時頗擾邊境豐祐死子酋龍立朝廷以名近玄宗諱遂不行冊禮酋龍乃自稱皇帝改國號大禮遣兵陷播州同僖宗乾符初太原人楊端乃應募領兵復之世為明州刺史明史

懿宗咸通十二年定黔中所奏州縣官及大將管内官

即任準舊例處分

舊唐書本紀

昭宗大順元年賜黔州觀察使號武泰軍節度使方鎮表

先是文德元年夏四月荆南節度使王建肇為歸州

刺史郭禹所逐奔黔州自是詔以禹為荆南節度使

建肇為武泰軍節度使據通鑑民國貴州通志云建肇據黔州亦襲藩鎮積習

興仁縣補志

卷三

三十三

朝廷命官不得赴鎮蓋自是而後唐廷威令不復及黔中矣

乾寧三年夏四月黔南觀察使王肇以其地降於王建

牂牁諸州不通中國蠻酋分據其地自置為刺史陸

貴州通志

唐季之亂蠻酋分據其地自置為刺史宋史均善在

通志云案黔地附蜀嘉靖通志及康熙通志均善在大順二年考史大順二年乃建始得成都之日非肇

畏侵附蜀之時肇為武泰節度則武泰領土之心與否自當以肇之已否降附為斷况世宗文明言以

其地降時肇黔州見奪於趙武所以者非思播等九州及五十蠡糜而何一考太平寰宇記云天寶元年

改黔州為黔中郡依舊都督施夷思播費添珍南九州又領充明勞義福捷和琰清莊我蠻群鼓儒琳

令那暉和總教侯是柯樊稜添普寧功亮茂龍延刻御整懸撫水矩思源逸殷南平勳姜襲等五十州本

州考異作五十三州皆竊糜寄治山谷乾元元年改爲武泰軍
以黔中郡爲黔州都督府自大順元年改爲武泰軍
節度天復三年後僞蜀割據移黔南就涪州爲行府
以道路僻遠就便近也皇朝因之至太平興國三年
因延火燒發公署五年却歸黔州置理所仍轄黔內
思南費漆夷播六州只從黔州差衙前權知云云據
此是武泰節度所領與黔中都督全同至宋初猶然
不特五代時如此也各志殆以宋史溪峒傳詳於
郡地條有唐末王建據西川由是不通中國語又諸
書書大順二年王建入成都遂誤以建據西川之日
爲武泰入蜀之年也至貴陽府志沿革疑詳牂不通
中國在天復三年其說亦誤蓋乾寧三年史既明云
以地附建天復三年王宗武所取爲夔忠施萬夔忠
萬時隸荆南施雖武泰領土之一然與牂牁無闕一
隸黔中道一凡此皆謬誤之顯然者故此事自當以
乾志建置說爲是又王肇誌書或作肇一前蜀世家
乾隆通志等一或作建肇一通鑑紀事本末貴陽府
志等一未知孰是武泰節度或作黔南觀察一乾隆
通志一或作黔南節度一前蜀世家一據上錄太平

興仁縣補志

卷二

寰宇記說一改武泰在大順元年清一統志
方輿紀要說同一當以稱武泰節度爲得

五代

梁太祖開平元年四月前爲唐天祐四年九月詔定奉使諸道住

期黔桂許二十日民國貴州通志

九月辛丑敕以近年文武官諸道奉使皆于所在分

外停住踰年涉歲未聞歸闕非惟勞費州郡抑且侮

慢國經臣節既虧憲章安在自今後兩浙福建廣州

安南邕容等道使到發許住一月湖南洪鄂黔桂許

住二十日舊五代史本紀案是年蜀王建稱帝國號大蜀改元建武

後唐莊宗同光三年滅蜀得黔渝等六十四州康熙志

民國貴州通志云通鑑作得節度十註即武德武
信永平武泰鎮江山南武定天雄武興昭武州六十
四云據歐史職方考前蜀所有只黔涪
渝瀘等五十三州是武泰此時八後唐

明宗天成二年八月乙酉牂牁使宋朝化及昆明使者

來新五代史

羅殿王普露靜王九部落各遣使者來使者號若夫

附牂牁以來牂牁蠻首領姓謝氏其名見於唐至天

成二年書一至其使者曰清州八郡刺史宋朝化寇

帶如中國貢草豆蔻二萬個朱砂五百兩蠟二百斤

新五代史 舊五代史作八月乙酉昆明大鬼主一
職方典無此五字一羅殿王普露靜王九部落各差

使隨牂牁清州八郡刺史宋朝化等一百五十
三人來朝進方物各賜官告繒線銀器放遣蕃

與仁縣補志 卷二

長興元年冬孟知祥以崔善權武泰留後

唐兩川節度使董璋孟知祥連兵反冬十月知祥以

故蜀鎮江節度使張武為峽路行營招收討伐使十

一月戊辰張武至渝州遣先鋒將朱偓分兵趣黔涪

朱偓將至涪州武泰節度使楊漢賓棄黔黔南奔忠州

知祥以成都支使崔善權武泰留後通鑑紀事本末
民國貴州通

志云此事殆即諸書所謂孟知祥據西川牂牁復不
通中國時貴陽府志沿革謂在清泰元年誤

晉高祖天福八年十二月南寧蠻附於楚

十二月寧州酋長莫彥殊以所部温那等十八州附

於楚寧州即唐之南寧州天寶末沒
於蠻唐末復置寧州於清溪鎮其州無官府惟

立牌於岡阜畧以恩威羈縻而已通鑑云案弘治貴州
州圖經新志云晉天福五年都雲西長戶懷昌率其
十二部牂牁酋長張萬溶率其思夷等州皆附於楚
王希範又貴陽府志沿革云通鑑晉天福四年黔南
巡內溪州刺史彭士慈引獎錦州蠻寇辰澧州遣使
乞師於蜀蜀主不許明其時尚附蜀故為攻伐以悅
蜀也楚遣劉勅劉士明等破士慈士慈降於勅於是
南寧州酋長莫彥殊率其本部十八州都雲酋長尹
懷昌率其昆明等十二部牂牁張萬溶率其夷播等
七州皆附於馬氏見五代史記楚世家天福五年事
也吳時牂牁諸羈縻州又盡屬楚矣又其土司志云
南寧者本在今之曲靖府唐末東徙於清溪鎮始在
今定番州南蓋相距千里矣云云查通鑑書彥殊之
降在八年而嘉靖通志作五年五年乃舊史叙述士
慈降附之時新史以懷昌等事連記於下者謂降附
之因由此非謂降附之時同此也時日通鑑必別有
據不知嘉靖通志何本通鑑只書彥殊而不及懷昌
萬溶康熙通志則又只書懷昌萬溶而不及彥殊昆
明乃臨蕃落種名見太平寰宇記不載入武恭領域

興仁縣補志

卷二

而貴陽府志乃造為攻伐悅蜀之說以明牂牁之隸
屬恐亦牽強又嘉靖通志及康熙通志有五年羅甸
附楚一事興義府志案語云天福五年羅甸王遜附
於楚王馬希範馬氏亡又附於蜀孟氏蜀封為順化
王註見五代史宋史案五代史不載宋史亦僅有順
化奉化名稱興志殆本康熙通志而托之於史也

案南寧本晉宋以來之建寧唐為郎州其後部族

東徙為羅殿國前此已多可參求通鑑註稱此之

寧州即南寧各志遂逕稱羅甸似欠實證羅甸羅

殿聲既相同前考羅殿依元史及明一統志在省

南一百十五里見貞觀三年西趙來朝條元史又有卧龍番南

寧州安撫司明一統志亦稱在省南一百里是南

寧距羅甸近今通鑑所稱寧州領下之温州待續

考惟那州應在今廣西那地州境內

元史地理志思州安撫領

下有地州明史謂即那地州又別有那州在其左近

而此聞莫氏以彥殊為

最早見此後莫氏又以南丹為盛那地南丹均於今惠水一方為近未知此省南百里之地果即鑑註所稱之清溪鎮否耳至羅殿王前此無姓此時之莫彥殊恐非嫡系或為南寧別帥如牂牁謝氏外有趙宋耳宋初有龍彥瑫俟後再詳與仁此時是否在南寧十八州中無由質亦姑錄備參考耳

興仁縣補志卷三

大事志 年紀三 自宋迄元

宋

太祖乾德五年知西南蕃南寧州蕃落使龍亮瑫亮宋

熙通上 等來貢詔授以官通考 宋史本紀云六月

獻方物九月甲午西南蕃順化王子部

一溪峒傳作武才等遣使獻方物

西南諸夷漢牂牁郡地隋大業末首領謝龍羽據其

地勝兵數萬人唐末王建據西川由是不通中國後

唐天成二年牂牁清州刺史宋朝化等一百五十人

來朝其後孟知祥據西川復不通朝貢乾德三年平

興仁縣補志

卷三

孟昶五年知西南夷南寧州蕃落使龍彥瑫等遂來

貢詔授彥瑫歸德將軍南寧州刺史蕃落使又以順

化王武才為懷化將軍武才弟若啟為歸德司階武

龍州部落興義府志謂地在清興義之龍王子若溢

東山部落地在清興王子若差羅波源部落地在清

羅王子若臺訓州部落未詳案興義府志於開寶

地刺史上狀事謂即本條所錄八部各皆注以在今某

州其意是否謂訓王子若從難平部落永寧州之難場

坪王子若冷戰洞部落地在清黔王子若磨羅母殊

部落地在清羅斛王子若母石人部落地在清貴陽

之羅殊亭

王子若藏並為歸德司戈

宋史漢峒傳 氏國貴州通志云案廬費二志等疑

史紀六九兩月為二事實則非也蓋漢峒傳文上云西南諸夷牂牁郡下云西南夷南寧州其意故以為南寧州可稱牂牁亦可稱西南夷也夷即蕃故通考職方典皆止以彥瑫一人領書之紀之六九兩月迭見者或六月諸夷身受朝官九月朝後使人復貢也順化王子據傳實止武才一人又興義府志所註各部落未便足據錄之姑備一說

案南寧蕃落應仍即唐季以來之羅殿王觀所稱

王子某某與唐之鬼主阿珮等多已相合惟龍彥

瑫有姓豈此時已漸華風不復如前之簡陋邪抑

龍固所謂三蜀大姓自漢著稱牂牁迄唐而益盛

耶蓋不當臆為之說矣依興義府志則興仁此時

興仁縣補志

卷三

二

應為龍州秉山羅波源訓州四部落間地惟別無

確證亦備考而已

開寶二年秋七月戊辰西南夷順化王子武才等來獻

方物

宋史

二年武才等一百四十人又來貢以武才為歸德將

軍衆人乞賜武才鉅函手詔以舊制所無不許

同上

四年南寧州刺史蕃落使龍彥瑫卒

康熙貴州通志

四年其國人詣涪州言南寧州蕃落使龍彥瑫卒歸

德將軍武才及八刺史狀請以彥瑫子漢瑤為嗣詔

授漢瑤南寧州刺史兼蕃落使

宋史 貴陽府志云是時諸蕃以龍氏為

宗稱西
南蕃主

七年

康熙通志貴陽府志並
作乾隆七年誤今改

普貴

原作宋普貴誤據
各書改說見下條納

土賜爵為王

康熙貴州通志

羅甸王直色東出掠地居於矩州之石人山謂之石人部落西南人謂王為王子諸羅自五季時又各自王其子弟亦號王子但不得單稱王於是王子遂為夷人官號七品之一直色既得矩州遂為石人部落王子唐明宗天成二年昆明大鬼主羅殿王及普露靜王九部各遣使附牂牁以來普露靜實普寧之演轉也石人部落即在九部之中直色卒別子仍居石

興仁縣補志

卷三

三

人山而長子阿更襲位反居濛阿宋乾德五年矩州石人部落王子若藏入獻方物命為歸德司戈尋又使其子普貴納土太祖嘉之封以王爵命為矩州刺史矩州語謠為貴州太祖因其俗授之勅書大定勅府志勅曰予以義正邦華夏蠻貊罔不率服惟爾貴州遠在要荒先王之制要服者來貢荒服者來享不貢有征伐之兵攻討之典予往歲為扶播州楊氏之弱勞我王師罪人斯得想亦聞之有司因請進兵爾土懲問不貢予則曰遠人不服則修文德以來之窮兵黷武予所不忍尋乃班師近得爾父子狀知欲向化乃布

茲文告之爾若挈土來庭爵土人民世守如舊故茲
制旨想宜知悉職方典於是始有貴州之名開寶中石

人部為宋氏所逐仍退居延江之南夾水之地大定府志

八年八月西南蕃順化王子若廢宋史漢峒傳及康熙乾隆二志作發等

來獻名馬宋史本紀

八年三十貴陽府志沿革疑十為州之誤云三州謂善寧茂龍訶州也九部順化

王子若發等三百七十七人來貢馬百六十四匹丹砂

千兩宋史漢峒傳

太宗太平興國五年八月甲申南寧州遣使入貢貴陽府志

五年夷王本紀作西南蕃主康熙通志作南寧州蠻長龍漢瑤遺其子羅

興仁縣補志 卷三

若從并諸州蠻七百四十七人以方物名馬來貢宋史

及通考

案龍漢瑤其子羅姓足徵其世系非若謝趙之可

考而稱為蠻氏裔者亦非蓋蠻氏子孫自漢晉相

沿其姓固與謝趙等不應至唐而棄也惟廬鹿部

族之說為似

雍熙元年黔南言溪峒夷獠疾病擊銅鼓沙鑼以祀鬼

詔釋其銅禁宋史

案黔南溪峒應在今惠水長順間似於興仁無關

惟銅鼓祀鬼及多鑄銅鼓之俗黔省各縣多同附

錄備考

二年八月癸巳西南王子以慈來貢九月己未西南蕃

主遣使來貢

宋史本紀

二年八月奉化王子以慈等三百五十人以方物來

貢夷王龍漢璿自稱權南寧州事兼蕃落使遣牂牁

諸州酋長趙文橋率種族百餘人來獻方物名馬並

上蜀孟氏所給符印授漢璿歸德將軍南寧州刺史

以文橋等並為懷化司戈

宋史本傳

端拱元年三月龍漢璿請開道效貢許之

玉海

明年漢璿又貽書五溪都統向通漢約以入貢又明

興仁縣補志

卷三

五

年八月庚午使其弟漢興入貢

並據宋史

淳化三年冬十月戊子西南蕃遣使入貢

宋史本紀

三年夷王

廣陽府志作西南蕃主

龍漢興及都統龍漢璿刺史

龍光顯龍光益及順化王兩滯

廣陽府志云司云即以植

馬朱砂

宋史本傳

至道元年九月龍漢璿遺其使龍光進率西南蕃牂牁

諸蠻來貢方物詔授漢璿寧遠大將軍封歸化王

宋史

黔州涪州徼外其西南夷部漢牂牁郡唐南寧州牂

牁昆明東謝南謝西趙兗州諸蠻也其地東北直黔

涪西北接嘉叙東連荆楚南出宜桂俗椎髻左衽或

編髮隨畜牧遷徙亡常喜險阻善戰鬥部族共一姓
雖各有君長而風俗畧同宋初以來有龍蕃方蕃張
蕃石蕃羅蕃者號五姓蕃皆常奉職貢受爵命至道
元年祥柯王龍漢瓊遣其使龍光進率西南祥柯諸
蠻來貢方物太宗召見詢以地理風俗譯對曰地去
宜州陸行四十五日土宜五穀秧稻以木弩射麋鹿
充食每二三百戶為一州州有長殺人者不償死出
家財以贖國王居有城郭無壁壘官府惟短垣上因
令作本國歌舞一人吹瓢笙如蚊蚋聲良久數十輩
連袂宛轉而舞以足頓地為節詢其曲則名曰水曲

興仁縣補志

卷三

六

清波雜志作上大
笑令氣無此句

其使十數輩從者千餘人皆蓬髮

面黧黑狀如猿猴使者衣虎皮氍毹以虎尾插首

為飾以上清波雜
志通考均同詔授漢瓊寧遠大將軍封歸化王

又以歸德將軍羅以植為安遠大將軍保順將軍龍

光盈龍光顯並為安化大將軍光進等二十四人並

授將軍郎將司階司戈其本國使從者有甲頭王子

刺史判官長史司馬長行儻人七等之名宋史
海云至道

元年十月二十八日龍漢瓊遣使率西南祥柯諸蠻
貢方物一祥柯諸蠻在宜州之西累世不通至道元

年九月丙午始貢方物一召見詢問地理風俗令作
本國歌舞一人吹瓢笙名曰水曲其使衣虎皮氍毹

賜冠帶銀象傳與
崇德殿上壽宴

三年以牂牁思夷等州分隸荆湖與劍南之東西三路
職方輿地 下為十五路曰荆湖南路荆湖北路曰劍南東路曰
荆南西路是時思夷等州雖屬宋之地
地理志及其他地理志均未詳始存俟考

咸平元年其王龍漢瓊遣使龍光腴唐通志作瓊又率牂

牁諸蠻千餘人來貢詔授光腴等百三十人官宋史

牂牁牁謝再殊等來貢賜卮酒勞之玉海案明年有張文照等貢

馬見王海及史傳而本紀亦作西南蕃來貢張著已遠於今之興仁茲不復錄

五年南寧州遣使八貢貴陽府志

五年龍漢瓊又遣牙校率蠻部千六百人馬四百六

興仁縣補志 卷三十一

十匹并藥物布帛等來貢賜冠帶於崇德殿厚賚遣

還宋史

景德元年詔牂牁諸國進奉使令廣南西路發兵援之

康熙貴州通志

景德元年詔西南牂牁諸國進奉使親至朝廷者令

廣南西路發兵援之勿抑其意先是龍光進等來朝

上矜其道遠人馬多斃因詔宜州自今可就賜恩物

至是懇請詣闕者從之宋史

大中祥符二年八月龍漢瓊遣使奉貢賀東封賜錦袍

銀帶玉海

元年十二月壬子西南蕃等入賀封禪二年八月甲辰西南蕃龍漢琬等來貢賀東封加漢琬寧德大將

軍

宋史本紀

八年降敕書安撫南寧州夷族張聲進

貴陽府志

八年夔州路上言南寧州夷族張聲進遣使進奉為

蕃落使龍漢琬邀奪警刦不已乞降敕書安撫

宋史

案前此二年漢琬貢方物名馬見玉海後仁宗天

聖四年景祐三年康定元年復有龍光凝光辨光

琇等入貢茲皆不書非以其邀奪警刦刦之也夷

族連年朝貢自難分述且所謂入貢類皆利朝廷

興仁縣補志

卷三

八

之賜予又藉以營商業沿途騷擾其動機甚非純潔觀唐代以來屢不許入貢之請及南寧屢次貢馬均人多於馬其情可知前後仍有著錄畧以見此方羈縻之大要而已又後此慶曆元年史有鑄賜烏蠻王子得蓋姚州印一事後為羅氏鬼國亦稱羅甸於南寧龍氏族類甚同惟別有建置在今大定平遠間不應更錄

仁宗慶曆五年西南夷龍以特來貢

宋史本紀

慶曆五年先辦與龍以特俱至者七百十九人詔以安遠將軍知蕃落使龍光辨為寧遠大將軍寧遠將

軍知靜蠻軍

宋史漢州衙下龍光淑承宣武寧大將軍

魯為武寧大將軍

貴陽府志後皇祐二年龍光瀚

激又來貢

據史

至和二年南寧州及諸蕃酋並入貢

貴陽府志

至和中龍以烈龍異靜首領張漢陞王子羅以崇等皆入貢命其首領而下九十三人為大將軍至郎將

宋錫龍以烈等三十一人推恩制曰汝等獻琛奉贄

絕不測之險頰首交臂并見于天子庭下其誠心蓋

可足嘉者夫賞篋金而賜龜綬古之制也宜加寵命

興仁縣補志

卷三

九

以慰其來享之勤嘉州集卷十九人推恩制有宜被爵號

以諱於殊俗語茲不具錄又史傳嘉祐八年張

四知州異時蠻使朝貢假道與方伯抗禮田獵坐

亡命西南龍蕃從其使入貢凡十反至是龍以烈來

後從之曰吾其人謁詰責之欲并斬以烈叩流血

請命曰汝罪當死然事幸在新天子即位赦前汝

自從朝拜乞恩乃密請貸其死貴陽府志又云大率

刺其數於蠻是後南寧州龍氏漸衰不能統一詩

英宗治平四年十二月靜蠻軍蕃落使龍異閣來朝

治平四年十二月知靜蠻軍蕃落使上廢曆五年龍

軍其屬二百四十一人各授將軍及郎將史傳敕曰省

所附進馬一匹朱砂八兩事具悉汝莫居絕徼久服
外簿贍北關以馳風旅大庭而來享載嘉勤蓋宜有
賚頒今回賜汝江中錦旋襖衫一領八兩渾鍔銀腰
帶一條衣著二十疋至可領也故茲示諭想宜知悉
勸諭 嘉勤 漢集

神宗熙寧六年夏四月西南龍蕃諸夷來貢 宋史本紀

六年龍蕃羅蕃方蕃石蕃八百九十人入覲貢丹砂

覲馬視視帶錢身有差 宋史漢明傳

察漢義府志稱羅國此時遷於今之羅番甲今人
訛為羅煩甲附識借考

興仁縣補志 卷三

八年夏四月乙卯詔西南蕃五姓樂五歲一入貢 通鑑

自六年後諸蕃比歲遞來龍蕃象至四百人往返萬

里神宗憫其勞詔五姓蕃五歲聽一貢人有定數無

輒增加及別立首領以息公私之擾命宋敏求編次

諸國貢奉卷省四方館撰儀皆著為式 宋史

哲宗紹聖四年西南蕃羅氏入貢 宋史本紀

元祐五年八年紹聖四年龍蕃皆貢方物龍氏於諸

姓為最大其貢奉尤頻數使者但衣布袍及假伶人

之衣入見蓋實貧窶所冀者恩賞而已故事蠻夷入

貢雖交趾于闐之屬皆御前殿見之獨此諸蕃見於

例貢未絕元祐二年尚有石蕃以定不及限而齋

宋史 峒傳下

表特貢之事康熙通志又有元豐元年張蕃同添貢奉人至三百詔故事以七十人為額不許一條但皆畧而不書茲條於龍氏當日情

狀可畧考故仍錄焉

高宗紹興三年即廣西邕州置司提舉市馬於羅殿嘉靖

貴州通志

廣馬者建炎末廣西提舉峒丁李械始請市戰馬赴行在紹興初隸經畧司三年春即邕州置司提舉市

興仁縣補志

卷三

十一

於羅殿自杞大理諸蠻未幾廢買馬司帥臣領之宋史

志七年胡待制舜陟為帥歲中市馬二千四百匹詔

賞之其後馬益精土人云其尤駟駿者在其出處或

博黃金二十兩日行四百里但官價有定數不能致

此耳然自杞諸蕃本自無馬蓋又市之南詔南詔者

大理國也去自杞國可二十程而自杞至邕州橫山

峇二十二程橫山峇至靜江府又二十餘程羅殿國

又遠於自杞十程建炎以來朝野雜記 王象之輿地紀勝引中興小曆又云紹興二

年初五路既陷馬極難得韓侂胄建議宜即邕州置市馬場取馬嶺表以資國用 民國貴州通志云案

據桂海虞衡志羅殿王歲以馬至橫山互市是羅甸市馬蓋始於唐不過唐時羅甸自至橫山此則直置

國於具
國耳

七年市馬於雞殿

是年命邕帥胡舜陟市馬於羅殿歲得二千四百詔

書褒之其後馬益精歲費黃金五鎰白金兵志原作中金二

百五十鎰錦四百端綺四千匹廉州鹽二百萬斤得

馬千五百匹馬必四尺二寸乃市之其直為銀四十

兩每高一寸增銀十兩有至六七十兩者土人云尤

駟駿者在其出處或博黃金廿兩日行四百里宋史兵志

二十四年夏四月辛丑西南小張蕃貢方物己酉羅甸

國貢名馬宋史本紀義府志云是時羅蕃復稱羅殿南渡之後

興仁縣補志

卷三

其國寔微尋宋將王氏黃氏據有其地羅蕃乃東徙

于今貞豐東之定番羅斛微有今貞豐東地自後

羅蕃羅元非今貞豐全境地矣註見宋史云云查王

黃二氏據羅甸事史未載興義府志所見不知何指

一查上錄附定炎四年之貴陽府志其土司名黃淮

王盛此疑與為一然彼稱二人為羅斛昂亭土千總

此云黃王逐羅甸於定番羅斛事又各異檢漢峒各

傳及宋史均不見興義府志好以其所旁揀成推斷

之詞雜史一二節以著見而註云見史以微實及證

諸史則皆虛如彼所云羅番稱羅甸羅甸稱羅番羅

甸東徙西徙等不知何得而皆云出史大足誤後人

附正如此一又小張蕃貴陽府志土司只作張蕃並

云自後張蕃絕不見史傳

孝宗淳熙二年知靜江府張栻奏上籌備牂牁羅甸各
邊策

張栻孝宗時知靜江府經畧安撫廣南西路所部荒

殘多盜賊至簡州兵汰冗補闕籍諸州黥卒伉健者為
效用日習月按申嚴保伍法諭溪峒酋豪弭怨睦鄰毋
相殺掠於是羣蠻帖服朝廷買馬橫山歲久弊滋邊氓
告病而馬不時至棧究其利病六十餘條奏革之諸蠻
感悅爭以善馬至宋史本傳棧奏本路備邊之郡九而邕管
為最重邕之所管幅員數千里而左右兩江為重自邕
之西北有牂牁大理羅甸西南有白衣九道安南諸國
皆其所當備者然邕之戍兵不滿千人所恃以為籬落
者惟左右兩江谿峒共八十餘處民兵不下十萬首領
世襲人自為戰如古諸侯民兵之制則去邕管近者餘

興仁縣補志

卷三

三百里遠者近千里所恃以維持撫馭之者惟提舉
盜賊都巡檢使四人各以戍兵百餘為谿峒綱領其
職任可謂不輕矣可不遴選其人謹護其土以為南
方久遠之蔽乞依大觀指揮許本司奏辟從之續通鑑
理宗紹定元年升武泰軍節度為紹慶府領羈縻州五

十六

紹慶府本黔州黔中郡軍事武泰節度紹定元年升

府羈縻州四十九南渡後羈縻州五十六宋史地理志

貴州通志云宋史地理志所謂南渡後之五十六州
不載其名只四十九州註南字遠疑清蘇知璧製成
邦鑑勞義福儒令邦善寧緣即蠻絲印數冕侯雙添
羅雙城訓師缺茂龍登樂善梅水思元逸思南平黔

善被鴻和武輝壹鼓懸與唐新舊地志及寰宇記所載數既不合名亦多異姑照錄存

寶祐五年于矢一作榆市普里等部附於元元始置于矢普定二萬戶府尋改于矢為普山府

先是蒙古兵出靈關羅鬼國即遣使報思播言蒙古有事大理實欲取道西南大入中國當預為之備思播守者聞諸朝宋廷臣皆言蒙古主生長朔方恃馬騎為用隆冬草枯盛夏蛇出便當返北若踰番詔必須多歷時月滇黔之間岡嶺欹折策馬奔馳料不得逞縱使安據南詔方行東向須得交廣以攻吳楚是謂仰攻地利不便為此慮者非迂即誣及大理已入

興仁縣補志

卷三

十四

蒙古假道幹腹遂其始謀乃出烏蒙趨瀘江過黑湖通道嘉定重慶直抵合州濟蜀江然後順流東下一

軍歷邕桂至潭州一軍由廣南至衡州太弟忽必烈自北發師由汝南入大勝關渡江圍鄂州與羅鬼先

見之言符合而宋室遂不可支馴至滅亡宏錄錄續通鑑云

寶祐四年五月帝命輔臣曰秋防不遠宜事事為之備董槐曰羅鬼國報思播州謂北兵留大理招養蠻

人為嚮導此甚可憂帝曰彼不能支駭駭及我矣乙巳董槐言濫叙之上鹽井設險以待敵兵此事不可

吝費程元鳳曰宜令播州以兵助羅鬼制司以兵助播州詔以銀萬兩使思播約羅鬼為援元普

安路南詔東邊東襲烏蠻七部落居之其後襲首阿

宋據其地世為酋長憲宗七年內附命為于矢萬戶

元史地理志 尋改普山府 嘉靖貴州通志 羅甸普里普東二部內

附詔以其地為善定府 安順府志 民國貴州通志 羅甸國地乃羅鬼狍狍可劉苗民所居號善里部宋

因之元初內附置善定縣隸善安路尋改善定府隸

雲南行省領安順永寧鎮寧習安四州永寧州元為

達安州夷名打罕尋改永寧州鎮寧州宋為善東部

元於羅黎寨置和弘州尋改鎮寧州安順州宋為普

里部元置習安州屬善定府洪武十六年改安順州

據此則習安改安順在後善定府領安順四州珠誤

元史地理志善里部鑿元初內附置善定府大德七

年改為路領州三永寧鎮寧習安不言安順則安順

由習安改在洪武時其說至碯紀安及安順府志並

沿通志之誤又考王圻續通考及明一統志皆云永

寧鎮寧二州古荒服地元始置州隸善定路由上諸

說觀之則永寧鎮寧皆置路後更名

習安亦後置初置州止和弘達安也

案興仁此時入於元為普山善定二府間之地至

興仁縣補志

卷三

遣報於思播二州之羅甸國宋史作羅氏鬼國附

案已見大中祥符八年安撫張聲進條

端宗景炎元年元命愛魯開烏蒙道

愛魯昔里鈴子初世祖征雲南假道吐蕃嫌其回曲

至元十三年思播二州平改道從蜀入命愛魯開兩

道陸出烏蒙水由馬湖江烏蒙合都掌圈豕鴉夷諸

種拒命累戰始服自是水陸驛傳皆達叙州又開兩

江道達於邕州平溪洞蠻僚五十餘州 新元史

案愛魯開烏蒙道距今興仁甚遠其間邕州之兩

江道應亦不及興仁惟開道為此間大事錄備參

案愛魯開烏蒙道距今興仁甚遠其間邕州之兩

考

元改于矢萬戶府為普安路總管府隸雲南

元史地理志

至元間改置普安路領和龍八納習舊普定四部隸

雲南

嘉靖貴州通志 仍在八部山總管

興義府志云府治仍以于矢酋為之

元

世祖至元十四年立普安路招討司

元史地理志

至元間改普安路置普安路尋改為普安安撫司後

復為普安路

嘉靖貴州通志

案經世大典康熙貴州通志大定府志及新元史

蠻夷傳均載至元十五年羅甸國主羅柯察

一作阿榨

興仁縣補志

卷三

十六

納土安撫使據元史本紀及通鑑阿察為羅氏鬼

國主已非唐宋之羅殿又十六年三月諸夷降附

置八番羅甸等處軍民宣慰使及都元帥府於貴

州見嘉靖貴州通志及圖書集成而地理志於十

六年亦有招降西南諸番以羅阿資為羅甸邊蠻

軍安撫使龍文求為卧龍番南寧州安撫使等文

其地均在定番所領甚小已非前此之羅殿南寧

可比於興仁已無關均不錄

十六年三月

原文為十三年 茲依通鑑錄

諸夷降附置八番羅甸等

處軍民宣慰使司及都元帥府於貴州

弘治貴州圖經新志

十六年荆湖行省右丞阿里海牙遣劉繼昌徇下八
番羅甸蠻以其總管龍文兒入見置宣慰司八番羅
甸甸龍羅番大龍過蠻盧番小龍石番方番洪番程
番並置安撫以鎮之元史海牙本傳明年置行中書省以李
德輝為安西行省左丞西南夷羅施鬼國既降復叛
詔雲南湖廣四川合兵三萬人討之改鬼國為順元
路以其酋為宣撫使嘉靖貴州志作十六年以李德輝奏更羅甸為順元軍民安撫司元史
李德輝傳 隸八番等處軍民宣慰司都元帥府嘉靖貴州志

案此時所置之八番羅甸宣慰初重黔南之八番

興仁縣補志

卷三

而似兼有西北部之羅氏鬼國殆國既降復叛改
設順元宣撫而八番始不若順元之重惟史志多
以鬼國與羅甸混稱為李德輝傳明言歸在元朝
順元路而嘉靖貴州志乃稱更羅甸為順元軍
民安撫司新元史八番傳亦有羅氏又名羅殿之
說皆不知名國之別在西北也每易令人眩瞖至興仁此時所隸
之善安善定領於曲靖宣慰不受領於順元及八
番羅甸以順元職崇而關係多並錄備考

改善安招討使司為宣撫使司興義府志

善安路總管府十六年改宣撫司方輿紀要善安路領鎮

寧永寧習安三州善定永山石梁羅山西縣隸曲靖

宣慰司

嘉靖貴州通志

十九年置順元路軍民宣慰司經理諸蠻

亦奚不薛

即水西之譯音

叛置順元等路軍民宣慰司以速

哥舊元史作蘇克

為宣慰使經理諸蠻

元史速哥傳志云此後順元亦

貴陽

吳不薛皆置宣慰司而八番羅甸宣慰司廢矣

二十二年罷普安宣撫司為路

元史地理志

二十九年春正月丙申制仍以善定路隸雲南省

元史本紀

三月己酉罷八番羅甸宣慰司改順元等處宣慰司

為八番順元等處宣慰司兼都元帥府

新元史本紀

二十六年春二月乙卯復八番羅甸宣慰司置八番

興仁縣補志

卷三

十八

羅甸元帥府以斡羅思

舊史作烏魯斯

為宣慰使藥刺海劉

德祿並為都元帥

貴陽志

秋八月癸酉以八番羅甸宣

慰司隸四川十月乙卯改隸湖廣省

元史本紀

二十七年

斡羅思等奏言招到羅甸國扎哇希古并龍家宋家

犵狫苗人諸種蠻夷四萬六千六百戶阿卜阿芽者

來朝為曲靖宣慰司同知脫因及普安路官所阻會

雲南行省言羅甸即普里也歸附後改善定府印信

俱存隸雲南行省三十餘年賦役如期今創羅甸宣

慰安撫司隸湖南行省斡羅思擅以兵脅降普定土

官矣資男扎哇希古等勒令同其入覲邀功希賞乞

罷之仍以其地隸雲南從之元史地理志二十九年三月

己酉中書省臣言亦奚不薛及八番羅甸既各設宣慰又復立都元帥地甚狹而官多宜合二司帥府為

一詔從之且命亦奚不薛與思播同隸湖廣省羅甸

還隸雲南以八番羅甸宣慰使烏魯斯等並為八番

順元等處宣慰使都元帥佩虎符元史本紀

三十一年冬十二月庚子普安夷酋入貢

十二月庚子曲靖徵江普安等路夷官各以方物來

貢元史本紀

成宗大德六年普安諸蠻攻掠州縣也速解兒討平之

興仁縣補志

卷三

大德元年八百媳婦叛寇徹里遣野先不花討之不

克四年用雲南右丞按元史本紀深前為雲南行省左丞五年二月始以中書右丞

出征此云劉深計發兵二萬立征八百媳婦萬戶府右丞未覈

二出四川雲南囚徒從軍人給貶一作子六十索深

等將兵取道順元路督雲南調民供給土官宋隆濟

給其衆曰官軍徵發汝等將盡翦髮黥面為兵身死

行陣妻子為掠勢所必至衆惑其言遂叛新元史八百媳婦傳

五年八月水西土官婁蛇節叛應宋隆濟本紀六年二

月罷劉深等官時烏撒烏蒙東川芒部及武定威楚

普安諸蠻因蛇節之亂皆以供輸煩勞為辭乘釁起

兵攻掠州縣焚燒堡砦也速解兒等將兵會國傑討之時國傑方討順元蠻不及來會也速解兒等率師分道並進次第平之

元史紀事本末

十年夏四月壬戌雲南行省平章政事也速帶兒討羅

雄州普定路叛蠻獲其酋阿邦龍

應遣少字斬之

元史本紀

壬戌雲南羅雄州軍火主阿邦龍少結豆溫巨虛

定路諸蠻為寇右丞汪惟能進討賊退據越州諭之

不服遣平章伊蘇岱爾率兵萬人往捕之兵至曲靖

與惟能合從諸王寶保齊伊勒吉帶等進壓賊境獲

阿邦龍少斬之餘衆皆潰命伊蘇岱爾留軍二千戌

興仁縣補志

卷三

二十

之元史本紀大德九年孟古岱討普安羅雄州叛賊阿填

晝衣不解甲一日之間合戰者九禽阿填殺之

元史本紀

案茲事史紀及通鑑作普定路而孟古岱律及雲

南溪洞傳作普安以畏接羅雄論應以普安路為

是又史紀於七年十月庚子有改普定府為路隸

曲靖宣慰司以故知府容苴真適姑適恭為總管

一條普定距今與仁地已遠不錄惟興仁此時實

介普安普定二路間附識備考

仁宗延祐四年以普安路總管益智為懷遠大將軍襲

普安路總管

益智普山夷長有謀畧善安輯官至懷遠大將軍曲
靖宣慰使掌普安路總管府諸蠻服其威信樹德政
碑頌之乾隆貴州通志後智卒孫那邦襲以功升雲南行省

參知政事仍領普安路事元末寇盜充斥那邦保境

自宣民胥賴之那邦老妻適恭攝職興義府志國貴州通志云

案此又一遺恭與大德七年襲普安土府之容直妻

各別蓋此遺恭為那邦妻又其襲職考紀要在洪武

時其所襲為普安軍民一紀要普安明洪武十六年

置軍民府註云初置軍民府授土官那邦妻適恭適

恭卒子普旦襲云云一又容直妻之適恭二丈紀作

適姑或姑訛為恭適當為十鄉由行次通稱譯事同

恭耳

趙將任為善定路軍民總管府判官

興仁縣補志

卷三

二十一

趙將任延祐四年為善定路軍民總管府判官立學
校明禮義通商賈芟惡植善政蹟大著陰陽學正羅
進為撰德政碑記

空與仁此時與善定應少關係惟將任興學通商
政蹟既著或仍不無影響此時蓋智為普安總管

又善定驛以徵一時之環境甚佳不能以蒙古治
化之差而少此一方也又史紀載延祐七年七月

壬午立善定府屯田分烏撒烏蒙路屯田軍赴之
亦足以見此時此方建設之大要附識於此

六年定雲南等處邊遠子弟廢叙法

延祐六年部議福建兩廣海北海南左右兩江雲南
四川甘肅等處廢叙之人如父祖始仕本處止以本
地官叙用據腹裏江南歷仕升等遷往者其子孫弟
始承廢又註遠方誠可憐憫今將承廢人等量擬叙
用福建兩廣八番官員擬江南廢叙減資升等

新元
史百
志官

興仁縣補志卷四

大事志 年紀四

明

太祖洪武十四年冬十二月貴州衛指揮僉事顧成克普定進克普安

太祖既平蜀規取雲南大師集辰沅欲并剪諸蠻以通蠻道十四年九月壬午朔命傅友德為征南將軍藍玉沐英為左右副將軍帥步騎三十萬征雲南諭曰朕覽輿圖識雲南阨塞當先遣一軍自永寧向烏撒而大軍自辰沅入普定分據要害然後進師曲靖

興仁縣補志

卷四

曲靖雲南咽喉彼必并力於此以抗我師既下曲靖一將軍向烏撒以應永寧之師大軍直擣雲南彼此牽制疲于奔命破之必矣雲南破分兵還趨大理可勿頓刃也十二月友德師至湖廣分遣都督胡海郭英陳桓帥兵由永寧趨烏撒而自帥大軍由辰沅趨貴州指揮僉事顧成為先鋒克普定留成列柵以守蠻衆數萬來攻成出柵殺數十百人賊退走餘賊猶在南城成斬所俘而縱其一曰吾夜二鼓來殺汝夜二鼓吹角鳴礮賊聞悉走獲器甲無算諸蠻隸普定者悉平大軍進克普安

明史

十五年春正月丁亥置貴州都指揮使司明史兵志作十四年治

貴州宣慰司其民職有司則仍屬湖廣四川雲南三

布政司明史地理志

十三年正月改大都督為中左右前後五軍都督府

分領在京衛所及在外各都司衛所明史本紀至是置貴

州都司衛所隸右軍都督府明史兵志汝南侯梅思祖署

都司尋卒平涼侯費聚署都司改貴州衛隸焉康熙

通志案貴州衛設時隸於貴州宣慰至是改隸又

明史兵志稱設貴州都司在十四年乃就創議時書

十五年置普安衛屬雲南都司

興仁縣補志 卷四

二

正月甲午帝遣使傳諭傅友德等曰比得報知雲南

已克然區畫布置尚煩計慮前已置貴州都指揮使

司然去雲南尚遠今必置都司於雲南以統諸軍既

有土有民又必置布政使司及府州縣治之其烏撒

烏蒙東川芒部建昌之地更宜約束渠長留兵守禦

禁民勿挾兵刃至如靄翠輩不盡服之雖有雲南亦

難守也明史紀事本末置普定衛屬四川都司尋升軍民指

揮使司升軍民指揮使司在三月置普安衛屬雲南都司後改屬

貴州都司明史地理志

按明史又載十五年置東川烏撒烏蒙芒部諸衛

指擄使司詔諭諸郡人民以雲南已降附宜益效
順中國以享昇平復諭諸部長曰今置郵傳通雲
南宜率土人隨其疆界遠近開築道路各廣十大
準古法以六十里為一驛符至奉行又敕征南將
軍傅友德等曰烏蒙烏撒東川芒部諸酋長雖已
降恐大軍一還仍復嘯聚符到日悉送其酋長入
朝又諭貴州已設都指揮使然地勢偏采今宜於
宵卜所居之地設司以便控制卿其審之云云此
雖專指烏撒衛言與今興仁無關然烏撒即今威
寧其地相近附錄於此亦足見當年此方建設之

興仁縣補志

卷四

三

大略

三月改元普安路為普安軍民府隸四川都司

乾隆圖志

三月改元普安路為普安府屬雲南布政尋升軍民

府

乾隆圖志作十六年改普安路為普安軍民府無路改府府又升軍民府說

改普定路

為普定府以安順習安鎮寧永寧四州屬之尋升軍

民府屬四川都司

民國貴州通志

十六年以土酋那邦婁適

恭為知府

嘉靖貴州通志

適恭卒子普旦襲

康熙貴州通志

史載本年四月烏撒東川芒部復叛帝諭友德曰
烏撒諸蠻伺官軍散處即有此變朕前已慮之今

果然然雲南之地如曲靖普安烏撒建昌勢在必

守其來川芒部烏蒙未可遽守也且留屯大軍蕩掃諸蠻戮其渠長方可分兵守禦耳乃命安陸侯吳復為總兵平涼侯費聚副之征烏撒烏蒙諸叛蠻并諭勿與戰於關索嶺上當分兵掩襲直搗其巢使彼各奔救其家之不暇必不敢出以抗大師俟三將軍至破禽之此時之普安方面形勢重要略已可見

十六年以土酋那邦婁適恭為普安知府

嘉靖貴州通志

其後

適恭卒子普旦襲

康熙貴州通志

二十年遣普定侯陳桓等率諸軍駐普安屯田

興仁縣補志

卷四

四

二十年桓同靖寧侯葉昇征東川俘獲甚衆就命總

制雲南諸軍再平九溪蠻

九溪有三一在古州等處一在澧州一在普定左近

立營堡屯田又詔徵普定安順等州六長官赴京命

以銀二十萬備糴遣普定侯陳桓等率諸軍駐普安

屯田

明史

按是年十一月壬午又有陳桓葉昇總制諸軍於雲南定邊姚安立營屯田經理畢節諸衛之史蹟附見當日形勢又明紀載十七年亦佐縣土酋安

伯作亂沐英討降之因定普定廣南諸蠻通田州

糧道亦佐治在今雲南平夷驛於普安為鄰廣南

田州又滇桂地近普安而遠普定史載普定即非
善安之訛亦應舉善安與仁於其中附識備考

二十二年春正月乙未傅友德破越州故治在今雲南曲靖縣東南十

五里南城村土目阿資於普安

二十一年九月越州土目阿資叛阿資故囉囉種若

麻部王師南征沐英駐兵其地之湯池山諭降之至

是叛明通鑑阿資越州土官龍海子也沐英南征駐

兵其地龍海先降遣子入朝詔以為越州知州

尋為亂英討禽之徙之遼東至蓋州而卒阿資襲職

益桀黠至是搆羅雄州營長發束等作亂詔英會征

南將軍傅友德討之傅友德等將兵討之阿資等復帥眾寇普

定燒府治大掠友德進擊之斬其渠滿已青二十二

與仁縣補志

卷四

五

年春正月阿資退屯普安倚崖壁為寨友德以精兵

蹙之蠻象皆緣壁攀崖墜死者不可勝數生禽一千

三百餘人阿資遁還越州沐英遣寧正從友德擊阿

資于越州大敗之斬其黨火頭弄宗等五十餘人初

阿資之遁也揚言曰國家有萬軍之勇而我地有萬

山之險豈能盡滅我輩英乃請置越州馬隆二衛扼

其衝要分兵追捕之阿資窮蹙降明史地事本末

三月升普安衛為軍民指揮使司明史地事本末罷普安軍民

府新立

二十一年普旦康熙貴州通志作與越州阿資本府

普安土知府普旦

馬乃等連兵叛命襲陷普安府二十二年天兵討平
罷普安府置普安軍民指揮使司嘉靖貴州通志並置樂民
平夷二守禦千戶所屬普安衛明史地理志

按史紀有三月升普安軍民府為軍民指揮使司
一條民國貴州通志云考明制凡衛升軍民衛則
衛指揮升軍民指揮府則升至軍民府而止此條
明史地理志作衛升軍民指揮安順傳及明紀均
作軍民府升軍民指揮將毋軍民府與衛同歟云
云查府衛異制不容疑此條自是紀誤應以地理
志為正竊意未改普安衛指揮為軍民指揮使以

興仁縣補志

卷四

六

前土官勢強所設之普安軍民府或仍是土官為
之非土官外別有流官至此罷土升衛而土官之
迹始泯嘉靖康熙兩貴州通志因史紀有升軍民
府為軍民指揮使之說不察其誤乃別有普安土
知府普旦之目不知明史又有二十二年越州叛
苗阿資率象寇普安燒府治大肆剽掠征南將軍
傅友德擊走之普定軍民知府普旦詣軍門降遂

改軍民府為指揮使司一條引見民國貴州通志雖所稱寇

普安應是寇普普定軍民知府應是普安軍及改

府為司均誤而普旦為軍民知府已有鐵證至民

國貴州通志亦似疑普旦之為土知府而非謂軍
民府因於紀事本末所稱阿資等寇普定燒府治
為寇普安燒府治之誤豈知寇燒普定在前退屯
普安在後本末所叙甚明惟普定廢府在十八年
此時仍稱燒府治當指所燒者為廢甫數年之舊
府治而已否則已經改易鑿枘愈多矣至嘉靖貴
州通志襲陷普安府之說亦誤因有馬乃連兵之
文應仍錄存而詳為辨析亦使讀者知諸書乖異
其誤失固別有在也

二十三年普安百夫長密即叛沐英討平之

興仁縣補志

卷四

七

西平侯沐英奏普安百夫長密即叛殺屯田官軍及
驛丞試百戶調指揮張泰討之於盤江木窄關官軍
失利更調指揮蔣文統烏撒畢節永寧三衛軍剿之
乃遁明史

置安南安籠二守禦千戶所隸普安衛明史地理志按興義府志謂史

志係隸貴州衛誤又謂應隸貴州都司亦恐未當

正月置安南衛隸貴州都司民國貴州通志

洪武十五年正月置尾灑衛嘉靖貴州通志作尾堡

應於此尋廢二十三年正月復置更名明史地理志

二十四年十二月平羌將軍何福調普安官軍置寧越

堡

阿資復叛何福為平羌將軍帥師進討屢敗賊衆會連月靈雨水溢阿資援絕辛巳降福擇曠地列柵以置其衆西南有木荅箐賊常出沒處復調普安衛官軍置寧越堡鎮之

明紀

二十六年詔諸土司皆立儒學

明紀

惠帝建文中置貢寧安撫司

明史地理志

成祖永樂元年春正月設普安安撫司以土目慈長為安撫賜銀印設流官隸四川布政司

普安州本貢寧安撫司建文中置屬普安軍民府永

興仁縣補志

卷四

八

樂元年改善安安撫司隸四川布政司

明史地理志

永樂

元年慈長言建文時父

昌

任是職宜襲吏部罷之本

境地闕民稠輸糧三千餘石乞仍前職報效命仍予

安撫

明史

按普安軍民府於洪武二十二年三月罷而升普

安衛為軍民指揮使司已見前建文時改設安撫

或是隸軍民指揮明史地理志應誤至永樂復設

安撫隸四川布政諒不誤原設之軍民府固隸四

川布政也嘉靖志及明一統志均作隸普安衛疑

誤蓋此時之普安軍政隸屬雲南而民政隸四川

此亦各衛之常不足異也惟紀事本末明言設安撫以土目慈長為之又有設流官三字與義府志謂設流官吏目一當別有據興義府志又云建文中始於普安衛地置貢寧安撫司隸普安軍民府以于矢酋之裔者昌興義府志紀年案語云者昌普旦弟為安撫使昌卒子慈長襲四年罷永樂元年慈長入朝上言本境地闊民稠歲於普安軍民府輸糧三千餘石且路當衝要乞仍設司督治為便成祖曰祖宗大經大法萬世不可改其他若時有不同後世當以時損益以便民豈可執一不知變通之道乃仍置

興仁縣補志

卷四

九

司改為普安安撫司仍以慈長為安撫使

安隆所櫺鉢寨苗賴子據陵元堡反調普安曲靖兵討平之

永樂元年設安隆長官司以岑子得為長官撫其衆

明史土 隸廣西泗城州明史地理志 民國貴州通

司傳 賴子亂始建所設官留兵戍守非是考明史洪武十

四年 傅友德克普安路即留兵戍守十五年置普安

衛 尾灑衛設官二十三年即設安南所安籠所是洪

武 中已建所設官留兵戍守不始於永樂元年也案

興 志此說似遇彼殆因安隆與普安尾灑各地接近而志爾時省界有黔桂之分遂以黔之衛所牽合及桂也竊意興舊志留兵之說始專指容軍考廣西志經政門引百粵風土記云永樂初調湖廣貴州軍征廣西蠻遂留戍其地葉盛王文成征討斷藤峽八寨

猴章奏稱述亦同是廣西爾時省兵不敷自衛必藉

他省力興舊志之說或即由此安隆若本隸廣西泗城錄見上即於是時有調普安曲靖兵征戍事故云始留戍也惟安隆所置於洪武二十三年則固早所有官舊志並云始設非是將毋連帶叙及歟案安隆所在今安龍縣治安隆長官司則在今廣西西隆州於興仁地已遠惟設司或在平賴子後不無關係故並錄備參

十一年二月始置貴州布政使司

太祖初平陳友諒兵威振南服貴州思南宣慰田仁智思州宣撫田仁厚率先歸附即以故官授之命世守其地及洪武年宣慰孺翠同知宋欽及普定女總管適爾等先後來歸皆予以原官世襲賦稅聽自輸

興仁縣補志

卷四

十

納已而思南田宗鼎與思州田琛構怨相仇殺朝廷屢禁之不能止至是帝命鎮遠侯顧成帥兵擒之送

京師詔分其地為八府四州設貴州布政使司而以

長官司七十五分隸焉貴州為內地自此始通鑑永

樂初思州宣慰使田仁智子琛思南宣慰使田茂安

子宗鼎各嗣立以爭沙坑故日尋兵上遣行人蔣廷

瓚往勘之琛從廷瓚入見上白事自言思南故思州

地當歸之又數宗鼎罪狀上曰思南舊歸明玉珍時

汝何不取以自屬乃今言耶且罪惡在彼汝何與焉

亟歸守爾土靖爾封疆慎勿構釁啟兵端再犯吾磔

汝矣琛歸與宗鼎仇殺如故屢禁之不能止至是上
密遣鎮遠侯顧成率校士數人潛入二境執琛宗鼎
去二人既就執城中猶寂無知者忽一日使出揭榜
諭諸羅曰朝廷以二光日構殺荼毒百姓故特遣使
執問狀首惡既擒餘一無所問敢譁者族諸羅帖然
琛宗鼎至京師俱斬之乃命戶部尚書夏元吉等曰
思州思南苦田氏久矣不可令遺孽復踵為亂其易
為府治改思州宣慰司為思州府思南宣慰司為思
南府易置諸官僚遂設貴州布政司立三司等官治
貴州宣慰司本司及思州思南鎮遠石阡銅仁黎平

興仁縣補志

卷四

十一

六府善安永寧鎮寧安順四州全筑安撫司及善定
新添平越龍里都勻畢節安莊清平平壩安南赤水
永寧興隆烏撒威清十五衛普市千戶所屬焉

紀事本末

二月辛亥朔始設貴州布政使司與都指揮使同治
設布政使一人分思南地置思南鎮遠銅仁烏羅四

府分思州地置黎平新化思州石阡四府

明紀

以蔣廷璣為布政使而以貴州宣慰司全筑安撫司及新置

八府屬焉

貴陽府志

每府所屬不過三四長官司每長官

司人民不過一二百戶官多民少其地山峭地瘦夷

情猾詐朝廷遣將征討多藉土司之力土司貪財好

殺但分疆界不顧婚姻惟頗畏官府利賞賜卮酒寸
鬻驅之即往我利其自相戕賊可以破散陰黨彼從
命屠戮時似不識人暨事畢結好如故惟水西為最

春明夢
餘錄

十三年改普安安撫司為普安州直隸貴州布政司

地理志

史明

永樂元年置安撫司以土酋慈長為安撫十三年長
復謀不軌因改為州隸貴州布政司領羅羅夷民十
二部號十二營謂部長曰營長名勝志州初治撒麻
巖尋遷海子復遷衛郭萬曆十三年遷入衛城

嘉靖
貴州

興仁縣補志

卷四

十二

通志十二營者馬乃鼠場樓下

今普安縣地

捧鮓布雄黃坪

今興義縣地魯土歸順狗場普陌毛政簸箕

今普安縣地

營長

皆世襲

興義府志

十四年普安州始設流官

十四年慈長謀占營長地強娶民人妻為妾殺其夫
閹其子事聞命布政使孟驥按狀慈長糾兵萬餘圍
驥驥以計擒之逮至京死於獄

史明

乃裁土知州降為

土判官於是始設普安州流官知州廢普安軍民府
以其地入州土判官隸州轄

興義府志

案十四年按治慈長各書無改土知州說疑十三

年改州即是設流官之始今姑依府志著錄備考

建善安州學

莫與傳
建學記

命貴州士子赴雲南鄉試

雲南鄉試始於永樂六年至是貴州亦附焉

續通考

仁宗洪熙元年令貴州就試湖廣

明史

初洪武鄉試取士雖有定額自十七年詔毋以額限

後遂多寡不一仁宗改元與侍臣議定其額乃定鄉

試南京國子監及南直隸共八十人北京國子監及

北直隸共五十人江西如之其次浙江福建又次湖

廣廣東又次河南四川又次陝西山東山西皆自五

興仁縣補志

卷四

十三

而殺廣西二十人雲南交趾各十人貴州應舉者就

試湖廣未及行而宣宗即位遂詔頒式於天下著為

令

明紀

宣宗宣德二年定會試南北中卷數以貴州入中卷

是歲定南北中為三以百人為率則南取五十五名

北取三十五名中取十名中謂四川廣西雲南貴州

及鳳陽廬州二府滁徐和三州也

通鑑輯覽

仍命貴州附雲南鄉試

續通考
康熙志

大國貴州通志云案
事詔雲貴合鄉試定

額十名乾隆貴州通志選舉令貴州就試雲南均元

並同時命貴州就試湖廣則此十名中固無餘額據
續通考復令貴州就試雲南係本年事故錄從正史

普安諸苗與水西蠻作亂蕭授討平之

水西蠻阿閉妨宜作亂授結旁寨苗以計誅之而西堡蠻阿骨等與寨底豐寧清平平越普安諸苗復相擊為寇四川筠連諸蠻應之授且捕且撫諸蠻先後聽命承制赦之以豐寧酋稔惡械送京師伏誅

明史

四年增雲貴解額一名

四年增雲貴解額一名雲南十人貴州一人共十一

名

康熙貴州通志

七年增雲貴解額四名

雲南十人貴州五人共一十五人

康熙貴州通志

興仁縣補志

卷四

十四

八年建安南衛學

是年建平越安南都勻普定威清平壩各衛學以安

順永寧二州附普定安南學

建學記

十年十月詔天下衛所皆立學

明紀

英宗正統三年普安衛及安隆

明史作籠

所安南所改隸安

順州

興義府志

是年設安順州流官直隸貴州布政司

康熙通志

而普安

衛及安隆所安南所改隸安順州

民國貴州通志云此條明史不載與

義府志謂說出舊志

五年定雲貴解額二十名

續通考

六年增雲貴解額五名雲增三名貴增二名共二十

名康熙貴州通志乾隆貴州通志作貴州取中七

加宣德五名次加今歲五名合之適二十名通考所

言蓋總計開科以來之成數又通考作五年者就詔

命時言二志作六年者就取士

日言六年歲甲為辛酉故也

十年四月徙安南所於羅渭江明史地理志

安南所城舊在揚那山正統十年徙羅渭江在今興

義之羅渭村遺址尚存興義府志

十二年增雲貴解額五名乾隆貴州通志稱是

雲增二名貴增三名共二十五名康熙貴州通志

十四年安南苗反圍衛城

興仁縣補志

卷四

是年鎮遠苗金臺反黔苗皆應之安南苗鄔卜班以

妖術作亂遂圍安南衛城明年即景泰元年指揮蕭能平

之興義府志

景帝景泰元年詔增雲南解額十名續通考

初洪熙宣德間定禮闈取士之額分南北中卷以百

人為率正統中增額至百五十人而分地如故至是

從大理寺丞李奎之請仍循永樂間例閏正月癸亥

詔明年會試取士無拘額本年鄉試亦如之明通鑑是

科貴州中十二名乾隆貴州通志

夏四月吏部侍郎何文淵請罷貴州布按二司部議不

允

正統時英宗命王驥等三征麓川

明通鑑 麓川路明置麓川

平緬宣慰司至是思任發叛命驥等討之其地在今雲南騰衝縣

驥盡調雲南貴州兵

運兵十年將士多死列衛空虛於是苗獠乘間竊發攻圍城堡貴州之東路閉時苗賊所在西至貴州龍里東至湖廣沅州北至武岡南至播州之境不下二十萬所至人民皆遮泣陳苗害驥曰吾奉命征麓川不奉命平苗也十四年九月丙午貴州鎮遠苗蠻金臺偽稱順天王與播州苗相煽為亂圍平越新添等衛半年中官兵逃者九千餘人巡按御史黃鎬死守

興仁縣補志

卷四

十六

糧盡掘草根食之王驥頓兵辰沅不進詔調雲南四川兵會驥討之時上皇北狩廷臣劾王振并及驥以驥方在軍且倚之平苗置不問十二月辛亥以王驥為平蠻將軍充總兵官討貴州叛苗侍郎侯璉總督軍務時平越圍尚未解苗勢益熾衆至十餘萬明史王驥傳至是何文淵題臣訪得貴州地方洪武年間止設貴州思南思州宣慰司管屬土民仍設都司衙門鎮守其地太祖高皇帝命鎮遠侯顧成在彼鎮守事簡民安遠人畏服永樂十一年湖廣布政司參政蔣廷瓚具奏於貴州開設布按二司將思南等三宣慰司

地方改六府每府所管不過三四長官司人民每司不過一二百戶官多民少點差弓兵皂隸門子庫子驛夫等項應答不前官吏在彼廉潔者少貪墨者多又從取索民財土民受逼日漸困窮以致去歲苗賊反叛殺害軍民總兵官官聚又生事激變水西等處土官共起謀逆刳殺地方燒毀衙門驅虜人口官軍征討屢嘗交鋒殺人盈野自去春以來米糧艱難人多死亡傷天地之和召水旱之災未必不由於斯今兵疲民困又遣將南征師旅之行糧餉為先湖廣四川雲南三布政司僱運供給勞苦萬端恐生他變貴

興仁縣補志

卷四

十七

州地方山嶺高峻林木深奧雖有雄兵猛將急難成功又且土人之性叛服不常如蒙乞救兵部會多官計議其被賊燒毀衙門弗復起蓋布按二司并各府大小官吏及從征官軍俱各取回地方止照洪武年間設立宣慰司衙門管屬土人設都司衙門都指揮等官以鈐束軍衛遣大將一員前去鎮守仍降敕書出給賞賜命大臣一員便於言語者前去招撫便宜行事宣布恩威賞勞土官土人候西北胡寇寧息另行計議復設衙門於今多事之秋且置此小寇於度外民國貴州通志時邊警方亟衆唯唯謂文淵言是獨兵部

尚書于謙執不可以為太祖高皇帝開創於前成祖
文皇帝經營於後迄今將百年矣法制已定勢不可
更比來邊將處置乖方加以征南之師數出遂致賊
寇竊發勞師遠征然且一年之間各該城池雖被圍
困而官將死守未之稍變今總督總兵參將三司等
官初未嘗言此地可棄請兵請餉亦未嘗言此地難
守也夫土地者祖宗之土地人民者祖宗之人民萬
一缺軼猶宜補救今堂堂布按盡轄其地小有枝梧
而動言棄擲日蹙國百里伊誰之咎文淵先曾奉使
貴州備諳山川險易夷情向背量從陞職給敕以往

興仁縣補志

卷四

十八

令相度形勢便宜行事至賞賜銀幣即就彼官庫支
給不必京師運發議定請旨帝是謙言然亦不復差

官祇着侯璉梁瑤整理進討

貴陽府志

命保定伯梁瑤為

平蠻將軍都督方瑛為右副總兵代王驥討叛苗始

另置貴州巡撫以修撰王恂為之

民國貴州通志

及秋七月

副總兵田禮進兵解平越圍侯璉調都指揮鄭儒及

都盧等寨宣慰隴宜剗水西梁瑤調雲南兵由烏撒

會於畢節調普安州土官隆本援安南衛遂克彌勒

安南等二十餘寨降河蒙等五寨賊復圍平越璉回

兵擊却之分哨七盤坡羊腸河楊老堡解清平圍仍

哨清平迤東至重安江與王驥兵會自是隆安至鎮
遠道路皆通而普定之圍未解璉選雲南善射者為
前鋒自將之至普定疾戰矢下如雨賊大敗驅之時
田禮等以兵來會遂大破龍里寶橋及新添平越清
平都勻諸賊貴州平乾隆貴州通志 興義府志於
此役案云是年總兵梁瑤檄普
安土判官隆本帥土兵援安南師至安南安南衛指
揮蕭能出城夾攻擒賊首二斬七十餘級賊據紫塘
總督侯璉自帥師攻之隆本克十餘寨降阿蒙等五
寨安南苗平隆本慈長之四世孫也世襲土判官事
平叙功升鎮遠同知仍襲
土判官原註見明史通志

二年六月乙卯詔貴州各衛修舉屯田

明史本紀

五年二月仍分會試為南北中以貴州入中卷

明史

興仁縣補志

卷四

十九

上即位之二年辛未會試禮部方奉行而給事中李
侃爭之言部臣欲專以文詞多取南人刑部侍郎羅
綺亦以為言下禮部覆奏臣等所奉詔書非私請也
上命遵詔書不從侃議去年給事中徐廷璋復請依
正統間例從之至是禮部奏請裁定亦是復分南北
中卷南卷應天及蘇松諸府浙江江西福建湖廣廣
東北卷順天山東河南山西陝西中卷四川廣西雲
南貴州及鳳陽廬州二府滁徐和三州自是遂著為

令明通

七年定雲貴解額三十名雲南二十八人貴州十人

康熙通志

先是雲南解額二十五名七年貴州布政使蕭儼請

增貴陽府志五名

八年冬十一月謫南京刑科給事中王徽為普安州判官

徽以疏論中官牛玉謫普安州判官徽至普安興學

教士士始有舉於鄉者却土官隴暢及白千戶賄治

甚有聲居七年棄官歸

明史

憲宗成化三年增雲南解額十名續通考

四年增雲貴解額十名雲增四人貴增六人共四十

人康熙通志貴州取中十六名乾隆貴州通志民國貴州通志云

興仁縣補志 卷四

二十

案此次增額通考作三年二志作四年殆仍一據詔

命一據開科時日也

孝宗弘治五年春二月兵部請敕岑接退還岑應所侵

貴州一十八城及土官印信民國貴州通志

先是泗城土知州岑應據上林長官司及貴州鎮寧

等處一十八城時恩城土官岑欽攻奪田州府遂知

府岑溥應與欽黨既而復相仇五年岑欽走岑應所借兵總鎮檄應捕欽

欽遂殺應父子兩家父子交相仇殺已而應弟接伴以兵送欽亦殺欽父子以報

事聞兵部奏欽連年構禍而應黨之復據上林長官

司流毒不少今天厭禍假手相殘實地方之幸應所

占鄰境及土官印信數多亦宜勘斷以除禍本並令
應弟接退還侵地及印信乃許承襲泗城地廣兵多
宜選頭目量授職銜分轄以殺其勢詔下總鎮官區
處接遣入朝上賜綵緞鈔錠明史

增雲貴解額共五名

續通考

雲增二名貴增三名

康熙貴州通志

民國貴州通志云前書增額只云雲南此兼言雲貴殆雲貴自此有分科之漸矣

十一年以南籠守禦千戶所隸廣西

乾隆通志

十二年九月普安賊婦米魯作亂

明通鑑

米魯者霑益州土知州安民女普安司土判官隆暢
妻也初以罪為暢所出居其父家暢老子禮襲禮土司傳

興仁縣補志

卷四

二十一

作前有營長曰阿保者與米魯通因諷禮迎歸土司傳

魯令阿保

諷禮迎己同悉之暢聞怒誅禮燬阿保寨阿保挾米

魯與其子阿鮓等攻暢暢走雲南時東寧伯焦俊為
總兵官與巡撫錢鉞和解之既歸米魯于道中毒暢
死遂與阿保據寨反暢別有妾曰適烏生二子出居

安南衛米魯欲並殺之築寨圍其城又別築三寨於
普安而令阿鮓等防守名所居寨曰承天自號無敵

天王官軍不能制鎮巡官以聞乃發十衛及土兵萬

三千人分道討之

明史土司傳

乾隆貴州通志及

較詳其辭曰暢別有妾適烏生二子曰珀曰瑤居安南堡魯欲並殺珀瑤絕暢後於安南城外築阿先硬

寨阿保與魯親守之而別築青黑猴場查刺三硬寨於善安州拖長江諸處令阿斡莫阿歹兒互為防守更名所居寨曰承天號無敵天王出入建黃纛御史張淳飭捕之不克賊益橫鎮巡官以聞

案方輿紀要有弘治十一年官軍討善安亂賊營於保甸堡側為賊所襲死者甚眾云云應即指米魯始亂而言輿義府志紀茲事亦始十一年或即據此又謂隆賜為隆本之孫自必有據

十四年七月令南京戶部尚書兼左都御史王軾提督軍務討米魯

十五年黔國公沐崑發十衛官軍及諸長官司土兵萬三千有奇分道進兵責安民殺賊自贖安民乃攻斬

興仁縣補志

卷四

阿保父子於查刺寨沐崑擊米魯破之米魯遁東寧伯焦俊奏賊據苗寨百三十有奇殺傷官民無算米魯尚匿安民家宜責安民剿餘賊獻米魯自贖安民承命佯進剿陰資米魯兵五百襲殺賜之妾與子又密遣營長福祐助米魯據別寨米魯且投牒鎮巡官乞襲女土官巡撫錢鉞副使周鳳都指揮劉英吳達太監楊友總兵焦俊皆受米魯賄請宥罪聽襲巡按御史黃珂劾鉞俊後得罪以曹愷代嚴旨責鉞等必得米魯乃已按察使劉福自詭知兵眾倚之率兵進剿營於安南之阿馬坡

原註即今之哈馬坡又名下馬坡

而移文取

賊賄故緩師期賊薄官軍官軍大敗都指揮吳達被
執善安幾陷

興義府志

十四年秋七月癸亥命南京戶部

尚書王軾兼左副都御史督貴州軍務討善安賊婦

米魯是時貴州守臣請兵上以命軾軾未至而楊友

等議招撫賊揚言願降益擁衆攻圍善安南衛城

斷盤江道于是賊勢益熾又乘間劫執友右布政使

閻鉦按察使劉福都指揮李宗武郭仁史韜李雄吳

達等皆死焉

明史王軾傳

民國貴州通志云發各

後錢鉞以俊鉞時為總兵巡撫也興志乃直係於命

沐崑下考崑傳只十二年有平善安功一語興志不

免武

興仁縣補志

卷四

二十三

時有貴前衛指揮洛忠獨能竭力捍禦安南諸城賴

以保全

原黔州通志

十五年七月王軾平善安

先是軾至師以便宜調廣西湖廣雲南四川官軍土

軍八萬人合貴州兵分八道進使致仕都督王通將

一軍是年正月參將趙晟破其六墜砦賊遁過盤江

都指揮張泰等渡江追擊指揮劉懷等遂進解安南

衛圍而愷通及都指揮李政亦各破賊砦賊復還攻

平夷衛及大河扼勒諸堡都御史陳金以雲南兵禦

之賊遁歸馬尾籠寨至是官軍環攻益急僉事王懋

中土官鳳英等追及之英臨陣格殺米魯餘黨遂平
用兵凡五閱月破賊砦千餘斬首四千八百有奇俘
獲一千二百捷聞賜敕嘉勞尋召還錄功加太子少
保已改南京兵部尚書參贊軍務 明通鑑明史本紀
民國貴州通志
云案米魯之亂明史土司傳謂始於十一年明紀明
通鑑之書于十二年九月者始記其據寨叛逆之月
日至命軾督師在十四年七月討平在十五年七月
諸史皆同今康熙貴州通志貴陽府志紀米魯之反
于十一年而興義貴陽二府志以王軾之奉命督師
為十三年又平魯年 康熙乾隆二貴州通志與義
府志及黔史皆作十六年黔史更以是役之功屬之
陳金說至歧誤 考軾傳稱是役用兵凡五月而自
十五年正月趙鼎始破六堡時計之則至十五年
五月已平賊史之書七月者殆猶據其奏報時日言
也

興仁縣補志

卷四

二十四

武宗正德九年普安苗阿則反巡撫曹祥平之

是年普安苗阿則煽亂巡撫曹祥帥師平之武宗賜

璽書金幣慰勞

興義府志

肅宗嘉靖二年安南衛地震

是年癸丑安南衛地震聲如雷壞城垣明史書安南

衛地震後又書各處地震

興義府志

神宗萬曆三十年以安南衛新城所等隸安順府

是年升安順州為軍民府九月以普安州及普安安

南二衛安南安隆新興新城四所並隸安順府

興義府志

同年夏安南及今縣地地震

是年夏安南及今縣地震山崩死者甚衆

興義府志

熹宗天啟六年普安監軍副使朱家民築十一城內阿
機奏膚二城在今縣境

是年普安監軍副使朱家民與參將許成名等討平
盤江阿野魯頗諸寨苗乃相度要害築十一城宿兵
以衛民

興義府志

考十一城在今縣境者二曰阿機在今

縣治東二區之阿計屯曰奏膚在今縣治東一區之
白屯

莊烈帝崇禎四年築五城成內阿機城在今縣境

是年五月五城成內阿機城在今縣境莊烈帝錫以

興仁縣補志

卷四

二十五

名曰石基

永明王永曆六年

即清順治九年

孫可望迎永明王居安隆所

改安隆所為安龍府

是年孫可望附於永明王求封大國王不允後封可

望為秦王二月可望遣兵迎王居安隆所改安隆所

為安龍府

興義府志

十四年

順治十七年

四月馬乃營土目龍吉兆拒清兵於馬

乃營陷安南衛泗城阿計各處

馬乃營地為今縣所屬清初隸普安州是年馬乃土

目龍吉兆聯結鼠場土目龍吉佐樓下營土目龍吉

祥反遙應明將李定國陷泗城土寨及安南衛阿計
屯諸處所過屠戮安南衛守備程璧請討之清總督
趙廷臣巡撫卞三元招撫不降乃合疏請討興最府
志東華

錄

十五年順治十年設普安縣治於新城

是年馬乃龍吉兆被滅以其地建普安縣設治城於
新城即今縣地隸安順府

興仁縣補志

卷四

二十六

興仁縣補志卷五

大事志 年紀五

清

清世祖順治十六年裁安南衛指揮設守備裁新城所千戶設千總

順治十六年即明永曆十三年裁安南衛指揮改設衛守備領千總經歷儒學教授各一改安南衛之五所地編為六里曰新化淳德安仁會昌興仁興讓隸安順府又裁新城所千戶設千總其淳德即今縣屬屯安仁大小羅白屯二里撥入今縣治

興仁縣補志

卷五

聖祖康熙二年開爛木橋之水銀廠

是年七月開水銀廠廠在爛木橋又名爛木廠今名迴龍廠初開時廠隸普安縣後改隸貞豐州嘉慶五年又改隸興義府今撥入縣屬興義府志

是年建文廟武廟社稷宮

十二年十二月吳三桂反附近廳衛州及普安縣皆陷沒賚塔復之

是年十二月吳三桂反附近廳衛州及普安縣皆陷沒至十九年清平南大將軍賚塔復之

二十二年裁新興所徙普安縣治於新興所城

是年裁新興所徙善安縣治於新興所即今善安縣

治興義府志

二十五年普安縣及附近各廳州衛改食川鹽

普安及附近各地舊食滇鹽價昂民頗苦之二十五

年總督范承勳奏請改食川鹽人民稱便興義府志

三十年普安及附近諸處仍食滇鹽

是年部議普安南籠安南等處仍食滇鹽限月銷三

萬斤總督范承勳奏請減為月銷二萬斤以紓民力

從之興義府志

三十四年定普安南籠安南諸處永食川鹽

興仁縣補志

卷五

二

是年總督王繼文奏請南籠普安安南諸處永食川

鹽從之興義府志

三十八年定普安縣學額取文武附生各八名廩貢照

例並設訓導

按縣境於明初始設所隸安南衛就童試於普安

軍民府神宗萬曆三十年升安順為軍民府以安

南衛隸之縣境隨之入安順府學矣明鼎革順治

十八年黔巡撫卞三元減馬乃土目乃以其地設

普安縣治城與新城所同一城康熙二十二年徙

治城於新興所縣境仍隸之為時未久吳藩懷不

臣之心清廷注意戎政未暇顧及之至是巡撫王
燕始奏請定普安縣學額設訓導其疏畧云黔省
州縣有未設學者有附試他縣庠者無學宮則不
獲聲容之盛陶淑無由附試他庠者則不免跋涉
之勞寒單致阻黔省民苗雜處非絃誦詩書無以
柔其獷悍之心使之登進庠序亦服化荒徼之要
道也請將附學之普安縣設訓導一員照小學例
取文武附生各八名廩貢照例遵行庶生童免跋
涉之苦得承師儒之教至於學宮之建造則公同
捐設人文將日盛矣詔從之

興仁縣補志

卷五

三

四十三年設普安縣教諭

是年增設各學教官普安於是設教諭一員蓋巡撫
于準奏請添置補助訓導者也

學政全書
及名臣傳

是年設南籠義學移普安訓導駐南籠

巡撫于準又疏請於南籠諸處應立義學以便土司
所轄苗民子弟得入義學讀書令教官督飭教授文
理通明者由學官彙送學院一體考試倘人文漸盛
鄉試歲試再請增額從之於是設義學於南籠移普
安訓導駐南籠以訓教之

學政全書及
興義府志

是年又奏定普安南籠安南秋糧留作安籠鎮營兵米

先是黔省以秋糧供兵米各府州縣或兵多糧少或糧多兵少其不足者撥有餘之府州縣運供靡有定程四十三年巡撫于導始請鎮營各派定近邇府州縣供給勒為成規從之普安南籠安南秋糧成定留撥安籠鎮營兵米

興義府志

五十年移新城右營遊擊駐南籠城

提督王文維疏請將新城右營遊擊撤回本鎮從之五十四年始設南籠廳學改普安縣訓導為南籠廳訓導

南籠舊無學附普安州學六十二年南籠通判張士

興仁縣補志

卷五

佳請設南籠廳學巡撫劉蔭樞疏請從之於五十四年設學額進文武生各八名改普安縣訓導為南籠

廳訓導

學政全書

世宗雍正五年七月升南籠廳為府以普安州永豐州普安縣安南縣隸之

是年七月雲貴總督鄂爾泰疏請黔粵畫紅水江為界割泗城西隆之江北地設永豐州

即今貞豐

升南籠廳

為府領普安永豐二州普安安南二縣至是今縣地隸于興義府矣

仁宗嘉慶二年南籠府紳苗反逾十月亂平

是年二月仲苗王抱羊與其女王囊仙等挾妖術反圍南籠府城陷永豐州及冊亨圍安南普安威勤公勒保平之計叛僅十月

五年水銀廠改隸興義府直轄

水銀廠康熙二年初開廠歸普安縣轄後改歸貞豐州轄至本年由興義府親轄

道光十二年普安縣設卷田

是年普安縣紳士陳三策等與邑人捐金五百有奇購田為卷田以歲租四十五石有奇為邑文武童生

科歲試卷之費

興義府志

興仁縣補志

卷五

五

咸豐元年興義府戒嚴知府張鏐行變通保甲法防堵廣西逆匪

先是廣西逆匪竄府境府城戒嚴本年四月奉文行變通保甲法防堵廣西逆匪潛入府境知府張鏐於舊法外議行變通八條祛弊八條飭興義縣普安縣

安南縣貞豐州冊亨州同因地制宜變通行之安南縣知縣陳整議行保甲事宜十六條皆聞於大吏張鏐祛保甲舊法八弊說其畧云良法豈無流弊知弊預祛斯盡美盡善舊法牌簿月更季換然小民多來去無常月季而更既不符實即易藏奸今宜信宿勾

留皆令註簿祛弊一舊法事發連坐十家而郡民多
遠出經商家惟婦孺概責容隱冤坐何堪今宜事發
株連稍分區別祛弊二舊法舉首責重甲長然甲長
而有身家每懼反噬甲長而稍狡黠即易誣良今宜
密訪相參俾更危悚祛弊三舊法查核委之吏役狐
假虎威保無需索得財包庇轉恐容奸今宜變為親
查匪難匿跡祛弊四舊法保長朔望點卯風雨往來
無窮貽累不惟失業兼有破家今宜變為就詢告擒
亦捷祛弊五舊法稽巡不及山洞閭雖靖盜藪仍
留今宜兼責輪查庶絕狡窟祛弊六舊去稽察不及

興仁縣補志

卷五

六

徑路露宿夜行匪仍伏莽今宜道途詭秘亦許稟聞
祛弊七舊法匝月兩番取結徒恃虛文毫無實際今
宜但嚴誅匿無取具文祛弊八祛此八弊庶于蔣薰
留素堂集所言之三弊彭鵬古愚集所言之七累張
惠言茗柯集所言之三無益七不可皆可免而于黃
六鴻福惠新書所言之保甲十八條于成龍政書所
言之保甲十二條皆可賅於古名臣王守仁劉宗周
行法之意無乖矣貴在變通濟時張鏐誠卓見哉

四年冬十月巴林武生涂令衡稱平西王叛清逾月事

平

涂令衡偕王伯黨等挾忠順里十四甲糧戶叛清陷安南新城普安各城逾月事平

十二月普安廳同知毓琨赴普安縣安民

普安縣新遭喪亂新尹未至人心惶惶毓琨救災恤鄰親至安撫以回民張凌翔為隊長回變伏礮於此矣

九年十一月初五日回民陷新城為亂者十三年

回酋張凌翔率回民叛清先陷亦資孔城蔓延普安廳縣毗壤興義知府胡霖澍蹀妄嘉功築七大營於海子鋪禦之率戰不知兵之烏合民團以擊之潰敗

興仁縣補志

卷五

七

回勢益熾不請兵討反酬金議和希圖彌縫是藉寇兵而資盜糧也回馬得不漠視官府為黔虜之技乎回以新城居五屬中心易於策應首撲縣城胡霖澍復屠府城回族而助焰加薪為叢驅番縣城被圍四十餘日外絕援兵內乏飲料冬月初五日城陷據而作亂者十三年

同治四年回首張定中詐降夏四月大府委新城縣丞田汝霖蒞任五年復叛田汝霖回省

是年春二月雲貴總督勞崇光委天主教士任國柱及候補知縣袁利川至新城招撫適值馬忠納款忠

回之健將也張定中懼討請人至滇請撫因前一年回總酋張凌翔馬河圖被戕回象已失統馭乃舉張定中為酋無復初變時之囂張矣至是受撫貴州巡撫張亮基乃委田汝霖蒞任五年誘殺馬忠復叛汝霖回省

十一年滇黔軍合圍新城回

是年夏四月貴州巡撫曾璧光派督辦吳德溥提督周達武雲南派督辦沈壽榕各率滇黔軍合圍新城十二年地方紳士稟請督辦吳乃提督周以善安縣仍還舊治

興仁縣補志

卷五

八

回平後舉人陳占書貢生楊文泰廩生霍宗敬附生熊子漁軍功劉定中耆民熊邦彥等以新城居六屬腹心事繁治劇非職小者所能勝任加以喪亂初平懇請仍還正縣或另設專員始能鎮攝各等情向吳德溥督辦及周達武提督求轉稟上憲

十二月地方紳士公稟增補城垣

城中流亡於外者漸次歸集紳陳占書等以城池狹隘踰回曾拓修而工程草率且無城門月城之規模即以增補城垣以資保障等情稟於督辦吳提督周

宗載前志

同年貴州提督周達武以楊現龍署新城縣尹留經武
左營新前營鎮撫營駐防並安插回民於盤善二縣
境內精壯者編入營以張定中統之

金萬兆於城復時檻平送貴陽至是傳首示衆達武
以分統楊現龍署理新城縣丞留經武左營新前營
鎮撫營駐防將新城回族老弱交歸軍營土二營十
司安置於透家莊魯上營撫拿翁等處擇其精壯五
百餘名編為新撫營以張定中統之班師回安順
十三年三月紳耆公榮領取沒收各回房金以充公用
舉人陳占考廩生霍宗敬等公榮撫鎮道周康祿以

興仁縣補志

卷五

九

金萬兆所修房屋改作書院張定中之房改昭忠節
孝二祠馬家屯張品秩之房屋撤入城中培修各廟
宇

夏四月新前營經武左營鎮撫營兵變旋平
各營兵因餉餉嘩變統領游中華劉百姓出走辦理
上游鎮撫事宜湖北題奏道周康祿及縣丞楊現龍
均死之城申官紳設策應付逾數月事平

五月以道員徐達邦為督辦同知嚴雋熙為提調辦理
新城善後

兵變事干巡撫曾璧光以道員徐達邦為督辦同知

嚴雋熙為提調辦理新城離亂後一應善後流離人民始稍漸集各承領被回佔據產業乃稍具昇平之象焉

秋七月通判丁翥奉命至督修新城城垣

上年復城後紳耆陳占書等稟請補修城垣吳督辦德溥周提督達武據情上聞至是委通判丁翥為督工至新城督修城垣

冬十月嚴雋熙請以逆絕租為新城昭忠祠祭祀費立為檔案永無挪移

雋熙辦理善後得逆絕租二百餘石地方紳士霍宗

與仁縣補志

卷五

十

敬等以新城遭劫最久死難較多稟請將逆絕租作昭忠祠春秋祭祀之費得札批准立為檔案垂諸永久

光緒元年秋九月紳士等請設專員於新城以資鎮攝上年何宗翰請款修官署於本年四月工已告竣轅門鼓亭六房監卡俱備五月李松安接篆仍為縣丞地方人士大失望拔貢楊忠烈歲貢霍宗敬廩生熊子漁附生陳連奎團耆劉定中等再以地方多故人心難安續請設縣或委專員治理

六年秋七月貴州巡撫岑毓英按臨紳士等再以請設

時備英授貴州巡撫由雲南履任改道巡視盤陽各屬按臨新城拔貢楊忠烈軍功劉定中等再以請設專員以資鎮攝上稟

同年地方紳士楊忠烈等稟請岑毓英將逆絕兩產撥歸新城學校

逆絕兩產自提調嚴雋熙批准作新城昭忠祠祭祀之費後光緒二年即被縣丞李徽生提去作縣丞署津貼地方紳士頻年具稟大吏均未得回至是毓英按臨歲貢霍宗敬適居安義鎮幕將逆絕兩產撥歸

興仁縣補志

卷五

十一

新城學校各情形繕稟星夜送交楊忠烈劉定中熊子漁劉文淵等囑之面呈忠烈等公同晉謁定中與毓英反覆辯難侃侃不為屈並請設縣治事均得毓英許可旋批新城逆絕兩產共租二百八十石內有青山公租十六石應撥給青山義學其餘准如所請以三十石作為添設義學一堂以四十石撥歸慰忠祠尚有一百九十四石為書院歲修膏火之用自本年起即公舉城鄉紳士按年輪管毋庸由縣丞收支仰署興義府守轉飭善安縣遵照辦理另呈輿圖圖記均已收閱合併飭知稟發仍繳等因逆絕公租自

此始復仍歸地方管理

七年春二月巡撫岑毓英命新城全體紳士往迎普安縣還新城不果

上年毓英許以縣還舊治至是命新城全體紳士赴普安縣城迎請知縣還駐新城普安縣城聞之紳民會議結合上四里人民欲以武力對付普安知縣又恐激成變端於是稟覆毓英邀懇縣從緩移毓英旋解任而縣還舊治及請設專員等之議從茲寢寂矣夏四月地方紳士復再稟請撥還絕逆公租

絕逆公租自毓英批准後即由地方經理突普安縣

興仁縣補志

卷五

十二

已交卸之劉典史失名估將此項公租收去一百石以

為津貼至本年二月新任劉典史失名又復援例親赴

納租地方縱差鎖押各佃拔貢楊忠烈廩生熊子漁

藍翎軍功劉定中等復以批定公租永歸學校等情

再稟毓英得批該項絕逆公租業經批歸新城學校

仰遵原批辦理此後敢有何人藉口收取津貼仰即

指名稟究不貸各等因絕逆公租始永歸地方管理

夏六月地震

是月丙午日地震屋牆震震有聲人皆昏暈移刻始

息

八年設培風書院

道咸間培風書院係藉設城外南將軍祠平回後熊
子漁劉定中霍宗敬劉文淵等稟請貴州巡撫岑毓
英以回酋金萬兆所修客廳改為書院仍前名在城
東新平街西三楹兩進東西兩廂拾貳間膏火之資
道光初年取給於城中棉花及公種捐歲約入款銀
肆百餘金勒碑俾後繼以洋紗盛銷棉業消索捐款
無著始提撥新城善後查辦歸公之逆絕產穀計田
捌拾畝零年收租約壹百捌拾餘石今歸教育局經
收矣

興仁縣補志

卷五

十三

九年春正月考試月課著為例

上年書院之設僅規定收入公租一百九十四石除
短收拖欠及催收小費外實收不過一百五十石左
右加以穀價甚低每租一石值市銀七錢計所入約
銀一百兩許除山長束脩外所餘無幾膏火一項補
助甚微本年辦理甚難地方復公議將留齋肄習改
為月課考試預計每年所入除請看試卷者之津貼
外其餘平均分配為十二份以作十二個月月課獎
資如此則書院雖停學務不廢公決永著為例

十年耿小六亂縣城戒嚴逾數日事平

奸民耿小六者住耿家屯其地為普安縣盤縣興義縣交壤地為藏盜潛莽之叢藪蓋此擊而彼竄也小六素為巨盜至是為陳南興黃永奎等鼓動陰其中兵欲大舉撲城城中戒嚴防禦周詳未果逾數日小六偽為商人至附郭偵探被擒械送興義府戮之從此安謐

十三年夏五月縣丞郭燮經估收地方牲畜稅與地方人互相揭稟

燮經以縣丞一缺異常清苦出示收牲畜稅無論何物值錢一百文者收稅五文照此遞推一時輿情大

興仁縣補志

卷五

十四

詳幾欲罷市霍宗敬劉定中孔毓珩等合同公稟請收回成命以恤民隱燮經不允即與地方紳士互為揭控

十五年己丑春三月貴州巡撫嵩崑批免縣丞徵收牲畜各稅並飭地方勒碑永禁

自城紳與縣丞揭稟至此已年餘經迭控藩道未得直至是貴州巡撫嵩崑蒞任又詳籲請得批以新城迭經燮亂現難承平瘡痍未復官斯土者宜如何盡心撫字以恤民艱乃該縣丞郭燮經不惟不諒地方疾苦反巧立名目徵收牲畜各稅殊屬顯預已極不

應嚴加查辦惟念初議抽收事實未成自可從寬免議既據該紳士等公稟請予停止以恤民艱前來准即停止永免收取除札仰該縣丞遵照外仰該紳等迅將批示勒石以垂永久地方人士深為感激夏五月紳耆等勒巡撫嵩崑批示於真武山岩地方奉到永免徵收牲畜等稅批示即於夏五月勒之於真武山岩蓋恐碑久而為之毀也其勒蹟尚存惟字已剝蝕過半矣

十六年夏六月大疫

是年六月瘟疫流行城中每日約死人二百餘有未

興仁縣補志

卷五

十五

半月而全家均死者通計城中約死二千餘人

十七年夏五月大饑設施粥廠於兩湖會館

上年久旱秋收過歉本年夏四月又雨冰雹以致每米一斗售銀八錢餘遂大饑楊興驥鄒國璽陳光耀熊邦彥等募捐五百餘兩設粥廠於兩湖會館每日施粥二次每次每人一碗每日計煮米二石五月初起六月中止存活饑者六七千云

十九年春三月白蛾蔽天由東飛西三日始盡

白蛾千萬成羣自東徂西如雲蔽天三日始盡聞白蛾悉集善安廳城下水死未一月而劉燕飛之亂

自庚

二十一年夏五月旱

自春和夏歷三閱月均無滴雨至閏六月二十一日始降甘澍耕種過晚

二十二年置冊報租一百石

先是邑有入泮者學官冊報需索費儀苛而無限至有因此傾家者地方紳耆等屢經倡議置學租二百石作學官每歲收學子入學費儀之費俾免苛索至是熊邦彥楊興驥鄒國璽等募捐銀數千兩置魚塘寨旱龍井彌勒屯等處學租一百石零

興仁縣補志

卷五

十六

二十四年春三月大火

三月二十八日回人以火炮迎還東嶽神愿者所燃火炮着草屋時炎亢而風大火勢熊熊自辰至未場壩周圍及附南門外一帶民房焚為灰燼計百餘棟

二十五年秋八月大水

本年自七月起霖雨不休至八月尤滂沱連日四鄉稻田頓成澤國田中稻皆生芽順河之稻均被水衝包穀未實雨至九月底始稍晴而一切農作物只一成收入而已

二十六年夏四月饑集資平糶

上年以水潦故毫無收成本年四月斗米售銀一兩
有奇遂大荒鄒國璽楊興驥熊邦彥等集資平糶於
城米價賴以不漲
冬十一月游匪上竄城鄉戒嚴縣丞李秉恭遣人犒以
食物游匪繞城去

新城汎千總潘開科解組之後安義鎮總兵蔣宗漢
委監修花江橋是月有游匪百餘人溯盤江下游上
至花江欲渡而橋未成另無舟楫齎集對岸各持快
槍甚為精良開科知必有異乃乘其未渡先即謀報
新城時游匪方猖獗黔鄰桂沿邊一帶興義府貞豐

興仁縣補志

卷五

十七

州等地均駐重兵防之新城居各屬中心所駐防軍
均調防邊地極為空虛游匪偵知欲渡花江乘虛以
據新城遂晝夜兼程次日午正至距城三十餘里各
村落縣丞李秉恭守備成友循防軍程國柱釐局委
員楊詠棠千總黃雲山外委李昇慶耆紳熊軾鄒國
璽等倉卒會議設城防開火藥局取出儲貯之軍械
遍散城中各任戶選壯丁登城守陣次置置大銅礮
於大東門城樓上復調楊得貴率團兵紮望城坡以
為聲援已時接探報匪已至籬箕地耆紳等謀遣廣
商張錦堂勸其改道他往若必至城恐兩皆不利錦

堂至狗爪地即過之動以利害遂命改道老鶯窩望
城坡趨興義縣約城中不得攔截追擊並供給食錦
堂反命借邑人鼎占魁以食物五擔饋之於望城坡
脚游匪遂去次日解嚴

十一月普安縣知縣陳鳴惠委員辦理新城城防佈散
門牌人民不堪其擾

時游匪新退鶴唳風聲土匪乘機蠢蠢欲動鳴惠以
新城居各屬之中特別防範委所屬典史范森辦理
新城城防森至先籍詞清查內奸佈散門牌每户須
繳牌費銀三錢遲則鎖押縣丞獄卡幾滿人民不堪

興仁縣補志

卷五

十八

其擾物議沸騰

十二月邑人以范森殃民狀上聞大府森被撤職

按范森蒞任巧立名目擅設門牌淫刑以逞罔恤民
困城紳劉乾清陳行健曾應奎李憲文楊嗣綰張德
懋以狀具稟藩司曹鴻勳嗣經查實森被撤職閭閻
賴以寧謐

三十一年冬十月普安知縣查秉鈞提公租廟租歸普

安縣學校

初新城請轉稟立案興學通學院朱福詵按試興義
府縣丞慮稟由正縣層轉時日遷延致誤良機遂逕

詳興義知府李祖章請予轉稟學院以縣丞有逕稟知府之例也福詵得稟果予奏准立案迨行文普安縣知縣查秉鈞惡縣丞之越級藐視即從中阻撓故意挑剔以新城辦一學堂需款不應如此之多逼歲貢熊軾職員蕭詩庭等立將逆絕公租二百餘石之冊簿繳出提作普安縣日新小學堂之常年經費並提去雙泉寺租四十石及紫霞馬嶺二山廟租六十石以益之

同年設勸學所於新城分縣

是年設勸學所於新城分縣即今縣治

興仁縣補志

卷五

十九

三十二年春三月雨雹

是月十二日雨雹大如盞夾以雷電烈風古木摧拔房舍傾毀煙苗禾稼損壞無遺

三十三年夏四月設膏捐局於新城以知縣楊壽榕為總辦辦理膏捐

上年清政府與英國訂約禁煙限十年禁絕自丁未年起至丙辰年止清政府若實行禁種英人則逐年減少輸入清政府乃於各省府州縣設膏捐局加重捐稅蓋寓禁於徵也是年照章設局於斯以知縣楊壽榕總辦其事次年撤局以膏捐事宜歸併新城釐

局辦理

三月彗星現

彗星現於東方長五丈餘極光明子丑時出天明始沒凡十餘日

原校者按彗星現乃宣統二年三月非本年事見原稿採訪

夏五月邑人陳行健由省動議請設縣治六月舉定張德懋霍仰賢等具稟興義府及安義鎮

行健入省垣自治研究所聞興義各屬留省同鄉欲議請大府設中學校於新城適有每府設一中學之

興仁縣補志

卷五

二十

規定以新城居各屬中心各縣相距多不逾三日程誠設中學校之最適中地也惟新城僅駐縣丞官職甚卑不能為中學校之監督因是屢經磋商行健以此函邑人熊軾等請立即籌請設縣熊軾等接函後召集地方討論進行各界公舉張德懋霍仰賢等赴興義府具稟知府江良純及安義鎮總兵李寶書

秋七月邑人張德懋晉省偕行健具稟大府請設縣治是月以行健函催復公舉張德懋晉省會商進行具稟貴州巡撫龐鴻書藩司全楸績臬司嚴雋熙勸業道王玉麟巡警察道賀國昌旋得鴻書批查新城設

立縣治是否可行仰普安縣明白稟覆再行酌奪
大小洛白圭人民以禁煙事聚眾毆禁煙委員於楊家
冲並斃安南縣差役二名

白圭大洛小洛地方時隸安南距縣寫遠禁煙委員
張宜焱親至其地督令剷去煙苗人民以為生計斷
絕立聚眾千餘人伏楊家冲兩山俟委員入冲即突
出兩山頂置罵萬端委員所帶安南縣差役開槍示
威欲駭散其眾兩山人民一聞槍聲亂石雨下伏冲
灣內者當頭迎擊立將委員打丟濫田中立斃開槍
之差役二名登時四散旋委員跟丁由草林中出將

與仁縣補志

卷五

二十一

委員員士往報圍首杜炳隆立以聚眾抗劇毆官收
兵請詞飛稟興義府禁煙總辦鮑世壽

張俊頴附言民國十九年春俊頴奉令視察北路政
務先君鑑清公來函勉訓引白圭擊斃委員事蓋肇
釁於從人之強姦婦女足見非聚眾抗煙禁也時兵
訪稿所載因距縣寫遠民俗野蠻習於為盜以為煙
禁絕其生計之害為亂民恐傳聞誤會而司筆者竟
貿然加以亂民二字證實為抗命謀逆何粗忽乃爾
余故將亂民謀逆諸字抹刪去以符其實非曲予矜
全也世每有縱容下人蹂躪細民者董董者詆啣實

莫洩有何見識憑一時之忿激開計一切利害釀出
重案該事幸大府引鮑世爵之骨突者流不然劉辨
令下血流漂杵玉石俱焚冤哉一行作走者防患於
未然勿以斯僕而忽致蹈禁煙委員之罹死而不知
禍之所由作也悲夫

總辦鮑世爵轉請劉辨白堊大小洛等處不果

案至世爵不查虛實立予稟請大府將白堊大小洛
等處亂民剿洗三十里巡撫龐鴻書不以為然轉飭
安南縣知縣蕭富毅相機撫辦安南縣奉命時先
已將聚眾肇事之為首者三人拏獲繫獄及奉命立

興仁縣補志

卷五

二十二

以委員辦理不善幾激民變各情詳覆一面飭令肇
事處首人將煙苗限期剷盡其事遂寢

原校者按纂修志乘者於訪稿有鑒定之責徵實
則據而書之有疑則付諸闕如似不宜於此大事
記中評論前此主纂之人自乖義例而案書法
十二月勸業道王玉麟按臨新城

大府以白堊大小洛事恐善後有不安處特命玉麟
親巡視道經新城地方紳士又以請設縣治等情請
予轉稟

宣統三年秋九月貴陽政變集合下四生人民宣布脫

離善安縣關係暫設新城縣維持人心上稟諮議局及軍政府

是月貴州反正電文傳至邑人熊軾鄒國璽等集合忠順馬乃安逸阿計四里人民宣布脫離善安縣關係四里受其蹂躪已久積怨甚深加以撤縣原因身來視若水火一聞脫離歡聲雷動一面函致善安知縣呂聯奎請各劃疆而治一面稟知諮議局軍政府以時局變遷人心惶駭當此鶴唳風聲之際不有維繫之方恐生意外新城居盤陽各屬之中一有變遷大局不免因之牽動為大局計故特暫設新城縣以

興仁縣補志

卷五

二十三

資鎮攝遂公舉原任縣丞李誠榘任知縣事

宣布剪髮縣丞李誠榘守備潘濤先為之倡

誠榘等首先剪髮次日剪者約五百餘人

十一月樞密院長張百麟安撫上游至新城頒木質新

城縣印

百麟任樞密院長率兵兩營安撫上游至新城調各屬官紳會議首為反正問題邑人以新城設縣徵求同意均得各屬贊成百麟即權頒木質新城縣印仍以縣丞李誠榘暫攝縣事

十一月下旬哥老會開山堂於新城

司者會明才孤身用以聯絡志士而後明復清者也
原之德明會行流政久頓沒初心流以龐雜市僧匪
盜販夫走卒無不入會清政府雖嚴禁取締奈會中
消息靈通兼之清未官火飲糧猶醉敷衍塞責光宣
之際蔓延及於窮鄉幾於無村無寨無之其機關曰
碼頭或稱公口會中組織最尊者為龍頭大爺其下
有雷穿三爺總理會內一切事務有大五爺分內外
管事內則管理執法外則辦理交涉接洽招待各事
有巡風則探聽消息名曰吊線子有執法么大較諸
其他么大為有職權么大初入會者也漸次遞升至

興仁縣補志

卷五

二十四

大爺為止凡入會者須人介紹出資則量其富貧而
定給以簡帖名曰公事上載山水鄉堂為會中隱語
然必開山堂始能印製公事自革命軍起義武昌各
省響應貴陽有新軍一標張百麟遂利用哥老會以
為運動之工具頗收效反正後各縣風行不可制矣
新城有李茂章者即於是時開山堂各縣來城者約
萬人但會中人輕死生動輒白刃相向良懦頗受蹂
躪次年正月省令禁革其風始殺

興仁縣補志卷六

大事志 年紀六

民國

中華民國元年春三月頒木質普安縣新城縣丞關防令繳木質新城縣印仍令李誠榘為縣丞

先是樞密院長百麟頒新城縣印時已將清頒新城縣丞關防收去省政府以新城設縣於地理人事固不可少但與普安縣定界立碑劃撥丁糧公款尚多手續若貿然設縣有名無實成何事體為此暫頒木質關防仍令李誠榘為縣丞一俟委員先行撥插花次定疆界辦有頭緒時始能正式設立其前之新城縣印立即繳銷從此復為縣丞矣然亦足見大吏之鄭重將事也

是月設經費局及勸學所

春三月奉令成立經費局經理地方稅及各場捐款之收入以顧其心任局長又成立縣勸學所以劉坤文為勸學員

以興義知府聶樹楷新城釐局委員鄒少奎為劃撥興義各屬插花委員

省政府以先撥興義各屬插花劃撥完妥後始設縣

興仁縣補志

卷六

治以是委聶樹楷鄔少燿為劃撥興義各縣插花委員從事劃勘

五月聶樹楷至新城調各屬代表集新城會議

樹楷至新城檄安南普安盤州各舉代表每縣二人蒞新城會議劃撥插花設立縣治各事宜會議時議論夢如莫得要領惟邑人鄒國璽云憑各縣如何主張都不爭執惟新城之忠順馬乃阿計安遠四里對於普安蹂躪已久此次搬縣惡感更深只須民刑訟歸新城地段及丁糧屬普安無論設縣與否均不過問若不達此目的新城斷不仍隸普安而聽其蹂躪

興仁縣補志

卷六

二

躡也經知府宣佈詳釋都督再為核辦會乃散

九月以喬運亨為新城縣知事兼專辦各屬插花事宜運亨攜所頒木質新城縣印至

先是樹楷少燿以辦理棘手詳於都督府請委專員先設縣治繼撥插花始有步驟大府納之至是委喬運亨為知事兼興義各屬劃撥插花委員九月運亨攜所頒木質新城縣印至新城縣成

冬十月與普安縣立定界碑

運亨視事後首咨普安縣定期會集定界立碑十月五日運亨率邑人熊軾鄒國璽楊得貴霍仰賢李一

枝至耙耙鋪普安縣知事李上理率張連中王孟言
孫步雲何仁光亦至訂於次日分界立碑明日喬運
亨及李上理楊得貴霍仰賢李一枝張連中王孟言
孫步雲至卡子坡頂劃界立碑命霍仰賢執筆書立
兩縣均分公租清單各得二百五十餘石會詳省政
府立案

又新兩等小學校考試畢業

又新學校自查秉鈞挑別後即一蹶不振以學款既
絀設備不周有智識之學生又均他往至此縣治成
立故熊斌等始呈請考試畢業以維學務運亨轉呈
奉令准行考試畢業一班計二十人

興仁縣補志

卷六

三

十一月選舉國會議員

按本屆國會議員初選當選人為龍為霖楊嗣綰
劉乾安三人

二年五月改新城縣為新縣凡縣直隸道尹廢府屬制
是月奉部令新城縣名與各省同名者甚多貴州新
城縣改為新縣自奉改新縣後行三級制縣直隸貴
西道不歸興義府轄矣

三年春二月始祀武侯

是年奉省轉部令祀武侯鄉侯即諸葛亮

夏四月火

本月十一夜東街火時已夜半城內驟聞火警秩序
凌亂駐防哨長李逢春立率防兵將火撲滅并以兵
嚴守各街口不令人民持物出入頃間火滅秩序井
然深得維持火警之辦法故特載之

五月饑

本月斗米值銀一元三角幸災情時暫饑殍尚未載
道然匪盜充斥矣

七月選舉省議會議員

按貴州省議會議員初選當選人為朱華英張正

興仁縣補志

卷六

四

修劉乾安陳瑜白卿相朱明善熊開蘭饒有仁

九月將地方公有基地變價擴修城垣未果

邑紳熊軾鄒國璽等提議以地方公有基地向租民
間年湮代遠不免被霸佔且難於收租乃公議將之
變價即以其價為改修真武山城垣之用旋以事多
窒礙不果

冬十一月奉令祀天

是月知事喬運亨於冬至日以雙太牢祀天於南郊
蓋奉省轉部令故也

插花案定縣委張德懋會同各縣代表立定界碑

是月插花案定知事喬運亨令委邑人張德懋會同
南籠貞豐安南普安興義盤縣各屬代表勒石定定
界碑

官紳倡議塞大田壩消洞瀦為池旋中止

縣知事喬運亨以治城缺水集邑紳會議欲塞大田
壩消洞瀦為池以大田壩為全城水尾閘夏潦暴漲
頓成澤國秋初漸縮月餘消盡即種小春以有三消
洞也欲塞之使水不消瀦池以培風水如有民地被
淹者議蹂公廟田地償之邑紳劉乾清等力贊之募
捐得大洋百餘元從事砌塞上面消洞蓋會議時公

興仁縣補志

卷六

五

同議塞下二洞留上一洞築圍牆牆巔留洞以洩水
恐全塞而水無去路轉而為害也明年運亨調貞豐
邑人以大田壩地均砂土無泥質縱無消洞水亦浸
涸甚難瀦池適上消洞圍堤工方竣即中止焉

四年春二月火知事喬運亨令撤去城內草房不果
是月初一日夜後街火焚民房數椽適天炕幸撲救
甚速尚未燎原運亨從地方請明日令城中凡有草
房限本日一律撤去違者處罰午正新任何麟雲紅
示至撤房令不果行

真武山古樹自焚

山麓一古樹大可兩人圍漸枯少葉是月無故自焚
焰蒼綠三晝夜不盡附近居民灌以水一日始熄
以關岳合祀

是月奉令以關岳合祀蓋奉部令定歷代忠武將士
二十四人且飭修武成門

夏五月水

中區丫橋北區馬乃屯均被淹農作物損失甚巨蓋
自春末即滂沱未止者二月餘矣

經費局收礦區地租稅

源興裕豐兩公司成立後礦區未經租定至是向地

興仁縣補志

卷六

六

方租定礦區地面各為五百四十零畝年由公司各
納租金四十元交地方經費局並聲明現屬探辦俟
有成效租金議加

冬十月安南縣警兵打毀排杉界碑

安南縣南區區長陳能靜別具用心慫恿安南官紳
翻更插花原案謂劃撥之初原以山脉河流為根據
如仁安分界則應以獨脚河為天然界割興仁界碑
何得立出獨脚河外十五里之排杉安南縣知事周
敘彝不察底蘊偏聽輕舉立隨能靜親入縣屬下山
提緝人犯並不通知興仁視為轄境復於轉身時能

靜乘機噉令安南警兵打毀排杉界碑

邑人以打毀界碑事通稟各軍政長官

毀碑事聞邑人大忿幾釀軌外行動經邑紳鄒國璽
劉乾清霍仰賢陳行健等詳為開導制止願負完全
責任通稟力爭國璽等即以打毀界碑推翻插花全
案情詞通稟貴州督軍兼省長劉暨貴州全省游擊
隊總司令劉前撥插花專辦委員喬請求查辦

十一月委原辦興義各屬插花委員喬運亨密查排杉
毀碑事

上峯接邑人具毀碑稟後立委貞豐知事喬運亨密

興仁縣補志

卷六

七

查以其前曾辦理興義各屬插花故也奉命後派員
親至排杉密查情實

停止祀天

是月奉省轉部令各縣祀天一律停止

五年以邑人劉坤爻為蠶桑管理員設桑區於武侯祠
劃撥桑地實行種桑

自理禁厲行後政府以人民生計困難提倡蠶桑設
蠶桑總局於省城每縣設蠶桑管理一員專辦種桑
事宜預為計劃期以五年成功知事王敬彝奉文後
即以邑人劉坤爻為蠶桑管理員籌款培修武侯祠

桑區附設於內立劉公私各附郭地為桑區實行種桑

是年設警備隊

是年春袁世凱稱帝滇黔舉義師北伐恐土匪乘機擾亂省令各縣募警備隊駐於縣公署以劉乾毅為警備隊長

秋以紗錠捐為警兵費

初紗錠兩捐原作議會經常費上年議會解散停止抽收至是奉令募警兵以兵餉無出即呈准仍收紗錠捐作警兵餉項

興仁縣補志

卷六

八

六年開辦蠶桑講習所

知事王敬彝對於蠶桑極力籌劃雖上有督促提倡之者固不難風行草偃普及城鄉惟缺乏種養知識乃復籌款開辦蠶桑講習所以邑紳熊承禧霍仰賢劉乾毅劉坤爻等擔任教務經費純由知事籌給肄業各生取城鄉畢業高小者得六十五人委任技師秋七月土匪岑喬稱亂

岑喬邑南區抹二狎夷也與同寨楊伯械鬪民國四年知縣何麟雲繫之獄旋釋去至是防楊伯故招納亡命掠人勒贖泥堡被害者控之遊擊總司令部遂

以隊官鄭子立率兵緝之未獲土匪從茲滋蔓矣
八月嘉禾生

是月一禾有至八九穗者尤以毛栗寨梅子冲為多
亦豐稔之慶兆也

冬十月滇回商金奎擊傷匪首岑喬南一區長龍樾獲
之於箐密中解送遊擊總司令部

金奎滇回商也貿易來黔道經魯土營至山僻處即
遇岑喬等十餘匪正於民房內索食時金奎伙伴俱
前行僅渠一人持槍落後金奎至匪住民房對面時
為匪探瞥而槍擊奎奎始知為匪伏埂下還擊之節

興仁縣補志

卷六

九

節逼近並將門前哨探之匪擊斃匪等即閉門緊守
蓋奎槍利於匪槍也嗣奎見匪不出始取火焚其屋
火燃悍匪挾岑喬突煙而出奎尾追之傷其左腿匪
力挾奔去次晨南一區長龍樾派團丁於深箐中搜
獲立解興義縣遊擊隊總司令部

十一月蠶桑講習所舉行畢業

蠶桑講習所開辦之初係呈請修業六月嗣恐期限
短促造詣不深知事王敬彝復請延長三月以為實
習之期故於本月舉行畢業試驗計畢業學生四十
五人學績優良者委充技師及管理員

七年戊午春正月地震

是月二十七夜地震屋瓦搖蕩有聲

春邑潘家莊匪馬宗南張家坡匪張星五普安縣青山匪景小順吳長毛等燒劫馬乃屯黑岩等處縣長王敬彝上聞督帶劉顯用奉命討平之

潘家莊匪馬宗南以偷竊著恒為馬乃屯區長陶惠廷破截宗南銜恨勾結張家坡匪張星五普安縣青山匪景小順吳長毛等聚匪二百餘人首燒劫馬乃屯次燒劫黑岩惠廷隻身逃報城中大震立議防守委警備隊長劉乾毅率隊出擊敗匪等於楮皮田宗

興仁縣補志

卷六

十

南等即化整為零分擾各鄉縣長王敬彝上聞省委督帶劉顯用勦撫顯用立令回教長金品高收撫馬宗南張星五頑抗之景小順吳長毛以兵討平之八年己未春以營長鄔鼎三駐興仁鎮攝

時宗南等初平恐復燃死灰復令營長鄔鼎三來駐鎮攝

九年庚申春設縣志局修纂縣志

興仁設縣後邑人張德懋為勸學所長向團防局長劉乾清等商籌採訪縣志會德懋宦遊力囑霍錄勤輩極力從事縣長王敬彝接篆徇劉乾清等請積極

籌款從事採訪至是敬彝解組即設縣志局聘請敬彝修纂

夏鄆營撤去

地方秩序恢復鄆營奉命調省

冬十一月王敬彝攜未修竣縣志去

敬彝修志將次竣欲列從事人名矣後以文字過古不適近體立令改竄會省政變改竄未完敬彝返省將未修竣縣志攜之去期以明年春交還

十年辛酉春三月滇令楊支隊長立新援黔進駐縣城旬餘開赴貴陽至募役楚回縣城櫻城固守楊隊繞

興仁縣補志

卷六

十一

城北返滇

時黔政不綱滇欲據黔以援黔為名先派楊支隊長立新率隊進駐縣城立新所部純為收編漫無紀律除由縣供給糧秣外復任恣意向民間徵發人民不堪其擾幾瀕於亂幸旬餘後開赴貴陽至募役聞黔主政有人立楚回地方聞匪隊返恐遭劫擄由圍防總理劉乾清等請命姜縣長鳳翔圍結城人各執槍械櫻城守陴拒其入城一面飛調東一區長陳德麟由巴林躡匪隊後南一區長龍春衢北一區長陶惠廷星夜率團進駐城郊以防衝突部署方定匪隊大

至其前鋒至城脚詢其何故不許入城應以匪警時
生羣起自衛現值戒嚴不便延入匪隊見有備乃繞
城北忿忿去次晨探已出境始解嚴

冬十月娘娘山苗匪肇亂縣境苗种等族蠢蠢欲動時
結隊赴盤縣地方陰為戒備

盤縣娘娘山苗匪奉名稱朱國書者稱亂風聲所及
縣屬苗种各族似為煽惑三十五十結隊成羣前往
盤縣初時縣署認真盤詰欲事拘留因愈過愈眾恐
激生變以均無器械均聽之往縣署秘為上聞陰命
地方戒備

興仁縣補志

卷六

十二

十一年壬戌春三月全縣商人槍枝均為凌國先提去
先是興義縣設造槍廠督帶部訂定槍價令興仁縣
備價往購當由商人集資購買全縣共買槍六十餘
枝國先刻在興義成立團部與仁商人所購之槍純
為國先按冊提去以當時買槍姓名均註冊故也

夏五月縣屬上者臘河貞豐縣屬下者臘河苗響應娘
娘山苗稱亂進陷貞豐縣之龍場及縣屬之巴林兩
地貞豐興仁兩縣戒嚴旋為東一區長陳德麟率隊
驅出

娘娘山苗變蔓延日甚有進撲安南普安兩縣縣城

之勢上下者臘河苗楊阿昌曹忠誠等即結狝徠各夷率匪千餘分陷貞豐龍場及縣屬巴林兩地兩縣縣城同時戒嚴東一區長陳德麟聞警預知娘娘山苗匪已被普安縣隊長易德安一敗之於普安之南京礮再敗之於安南之下關苗已不支四竄立即率隊分赴龍場巴林兩地乘苗不意先後將之逐出時苗陷兩地僅一日也

六月東一區隊長王慶封率隊窮治苗狝各夷致駐者臘河天主堂外籍人士主持各夷晋省上訴

王慶封任東一區隊長奉命搜索肇事各夷因良莠

興仁縣補志

卷六

十三

不分多所殺戮致駐者臘河天主堂之外籍人士主持各夷晋省上訴

秋八月南二區區長邵退之拏獲娘娘山苗匪首領朱國書得其印信旗幟苗亂平

南二區區長邵退之聞娘娘山肇亂之苗匪首領朱國書竄匿其區界外接近安龍興義交界之狝夷處退之密往訪拏至處國書化裝幾不辨認惟據報者稱國書兩耳後均有紅痣一顆以是認緝回區行經細栗樹之龍潭執繩者不防國書躡身跳入潭內執繩者差被帶下以其潭在路下故也退之見潭深難

撈始將其跳潭情形及其旗幟印信呈報縣署旗乃一八尺見方之紅湖縐旗正中以青絨做一朱字旗旁係明大皇帝小字仍以青絨做成印係木質大如升文曰明皇帝印國書被執跳潭後苗亂平

冬十月省令軍法官汪鼎團長凌國先來謝苗夷控案未竟而去

苗夷被外籍人士主持上訴陳德麟朱明善暨貞豐之譚子瑜等汪鼎凌國先奉令來此治獄先後將譚子瑜朱明善拘禁陳德麟則將先後逐出龍場巴林苗匪情形侃侃陳詞地方人士復動公忿公呈陳德

興仁縣補志

卷六

十四

麟之急公好義捍衛地方驅逐苗匪種種情形德麟始未被逮會省政變鼎及國先相繼返省其事始寢十二年癸亥春正月滇軍長唐繼虞率軍援黔軍隊過境半月糧秣供應拉伕封馬極其滋擾

滇軍援黔大軍過境半月糧秣柴草供應不濟自由徵發拉伕封馬徧及鄉曲全縣人民不堪其擾邑之耆宿有被拉伕載出城家人雇人往替始行放回者秋七月滇軍師長吳學顯二次援黔率軍過境又逾旬日滋擾如前

吳軍過境因供應糧秣伕馬不濟縣長逃匿軍隊自

由徵發全城幾為一空民間習慣中元祀祖為之絕跡故當時有劫遭吳學顯不得祀祖先之諺十四年乙丑春二月滇軍旅長徐榮昌楊文吉率所部兩旅回滇駐此待命供應不支

滇軍回滇徐楊兩旅長率所部兩旅駐此待命日需軍米四十石月餘始去城鄉蓋藏又為一空

春三月貴州省第四路清鄉司令毛鴻祥率營長李九安駐此就食搜括人民餘食動及全縣義倉

滇軍去後黔軍毛團長鴻祥復率營長李九安駐此就食先是癸亥甲子兩年迭遭荒歉收成不及三分

興仁縣補志

卷六

十五

地方大饑加以滇軍過境搜括供應餓殍又復載途軍米早缺以是九安率隊逐戶搜米任意鞭笞官紳士庶不堪其虐始公請動義倉積穀以資接濟

夏六月駐軍李九安不奉省命省令營長徐澤膏率隊驅逐之

九安駐此鴻祥不能約束忿然而去鴻祥去後九安更無忌憚派款搜米任所欲為縣署秘為上聞省令調省九安抗不奉命省署始令徐營長澤膏率隊將九安逐去九安逃至廣順被執伏誅

縣長湯彥威率圍隊擊陳匪老七保匪開等幾為匪擒

商人劉福齋霍柱臣等集商往援得免

陳匪老七保匪開等於高武馬白菁等處擄人勒贖
攔途搶劫肆行無忌刻乘徐營解決九安部隊回省
城虛無兵有劫擄馬家屯後即進撲縣城企圖彥威
得報立調區長何文俊圍隊率同警備隊親身出擊
至雨江坡寨與匪接觸匪等初不支旋保開由側面
還擊圍警登即敗退保開老七追至高寨脚馬家屯
商人馬耀先等出抵匪等猶力進撲欲擒彥威時城
中已遙聞槍聲商人劉福齋霍柱臣始集合商幫三
十餘人馳赴馬家屯與匪對擊至日暮匪不支始由

興仁縣補志

卷六

十六

大人田退去福齋柱臣等跟追至法泥了口天黑始
將彥威迎回

匪首陳老七伏誅

老七為福齋等痛擊後當夜即竄至野猪窩次晨各
匪困憊羣倒眠當地人民來報了橋梁雲漢保長雲
漢率團往匪等猶熟眠立即開槍密擊當將老七及
從匪四五人格斃保開負傷逃逸

冬十月團長易德安奉命來駐

指興仁為易軍防地便就食也

十二月縣長湯彥威以呈報不密被團長易德安囚於

團部之衛兵室

駐軍就地食軍米外指禁烟印花稅為其業金彥威因印花稅款不能准時收入時被易隊凌逼彥威秘將其強橫情形據實稟省為德安覺察立將彥威囚於團部之衛兵室其父曉嵐去與義過此得聞立令釋出

十五年丙寅夏六月易團撤去

周主席主政後軍政統一易部奉令撤去

秋七月實行大洋制

西成主政實行大洋制以滇幣為小洋其他省鑄幣

興仁縣補志

卷六

十七

為大洋小洋換大洋一元須增水五角

十六年丁卯春二月令興仁繳禁烟罰金四萬元

初民國十年以後本省實行禁烟印花及內銷諸稅令興仁繳納每年不過一萬元初尚指貼烟土似有烟土者方繳稅款繼乃握戶派攤而無烟土者亦納稅款矣至是改為禁烟罰金令興仁攤繳四萬元

三月令興仁以禁烟罰金一萬元購存軍穀

禁烟罰金四萬元令下地方紳民以年遭軍匪蹂躪連年收成歉薄請減派禁烟罰金二萬元以恤民困等情公呈省府旋指令不允所請惟於四萬元中以

一萬元購買軍穀後遵令買存軍穀三百石

秋八月下山匪文紹武等肆行劫擄省令營長趙鵬武率隊勦下山匪

下山匪首文紹武等聚集匪徒分劫青山卡子屯橋丫口圍堡長坡嶺等處商旅不安縣長劉家驤據以上聞省令營長趙鵬武率隊由安南縣入境痛勦是役也老弱婦孺多所波及地方罹劫為之一歎

冬十一月黔軍援滇

黔軍援滇過境軍紀極嚴一洗拉伋封馬積習人民稱頌以糧秣已由禁烟罰金購買軍穀支給伋馬指

興仁縣補志

卷六

十八

向縣署問要之故

十七年春正月雇全縣民工運軍米赴盤縣

盤縣援滇部隊軍食緊急由此雇民工運往人給工資庶民子來

三月黔軍回

黔軍自滇回過境仍守軍紀

夏關小西門成

縣長陳世昌徇紳民之請以大水井城垣涵洞極小每值水潦暴漲全城潦水被城垣堵截不流一應糞泥倒流井中前此井曾淤為平地雖經將井淘出如

不闢一門以殺水勢死犬腐鼠恒流井中不惟妨害
飲料且恐仍填不易浚淘立以霍錄勤督工闢之
冬十月築興仁至各縣公路

先是夏五月省派法籍達德工程師來此勘測築興
仁至各縣公路線勘定後至是開工首控達貞豐至
安南上興義三縣毛路

十一月省政動搖去隊長岑國斌奉四十三軍軍長李
欒命來據興仁次日去

時四三軍軍長李欒與二五軍軍長周西成爭主黔
政支隊長岑國斌即奉李欒命來據興仁八民將縣

興仁縣補志

卷六

十九

長陳世昌徵收局長母重光等藏匿始迎岑國斌入
恐地方遭難也次日國斌聞二五軍團長楊素平由
貞豐來立率隊去素平至巴林函慰興仁士紳深明
大義仍令陳世昌續縣長職徵收局長母重光以次
均令繼續辦公興仁秩序如故

十八年己巳春正月汪朝柱矯李欒命率狎匪岑吉安
等來劫縣城縣長陳世昌等幾不救凡公務員均被
擄

時朝柱任連長職屬二五軍楊旅長維綱部聞李欒
由安南直趨昆明乘機率狎匪岑吉安等來劫縣城

欲殺縣長陳世昌等地方人以生命力爭縣長以次始免於難然雖免死凡公務員行李什物盡情擄去並將縣署任意破壞直待地方飛函二五軍周副師長積善由巴林率隊入城匪等始遁

縣長陳世昌欲殺城中人而甘心副師長周積善不許固積善率隊入城後縣長陳世昌等以汪朝柱岑吉安等均邑人以為城中必有勾結方能劫城力向積善媒孽欲殺城中人而甘心焉積善乃令黃營長燦如往約城紳霍錄勤張竹坪徧召東南兩門城內外花戶齊到副師長處訓話每戶須去一人如違以軍

興仁縣補志

卷六

二十

法從事迨花戶齊集積善令世昌親為識認因世昌有行劫者均東南城內外人之報告也世昌認時已逾二鼓認後向積善報告謂夜間難於辨認請為拘留待來朝認識積善覆以現無隊伍無從拘留汝只好收入監內待汝辦理世昌對以監獄曾被朝柱等打壞人犯卡差完全無存積善笑云似此不如喊他們轉去免汝麻煩以後有匪叫他們好好來報罪了此次人民不遭世昌殺戮實出積善之賜

二月地方捐款培修縣署并置行李什物賠各公務員人民見縣署被壞過甚公務員等被劫堪憐乃公議

捐款培修縣署並置賠各公務員什物行李時共捐款陸千元

二五軍師長猶國才率隊追李燊不允縣長陳世昌請李燊入滇後二五軍命師長猶國才率隊來追至此林覆縣長陳世昌函中有云此次被劫如此平昔為政可知刻尚不思反省作難人民何為等句因世昌對未殺城中人猶不甘心去函請求國才為之申雪故也國才到後接見紳民備極安慰而去國才進駐興義以營長周文斌留此鎮懾

文斌駐此為世昌慫恿動與人民為難藉故槍決邵

興仁縣補志

卷六

二十一

黃陸諸姓之子人心大憤但敢怒而已以營長係直隸周省主席之故

文斌至巴林大肆殺戮

李燊既入滇周主席恐其組織隊伍回黔乃授意文斌對縣屬巴林迴龍廠者臘河一帶以其接近李燊鄉里盡情窮治冀去羽翼一面勒令地方耆宿組織宣傳隊前往巴林等處宣傳周主席威德一面以收編之王木匠潛入者臘河迴龍廠向李之潛組部隊結盟文斌乘其宣傳結盟之際秘率部隊前往兜圍將者臘河結盟之四十餘人綁至巴林大劈於河東

西兩街屍橫滿地血流成渠真浩劫也

三月以參謀長陳嵩明攝興仁縣事釋隨犯百餘人
嵩明係猶師之參謀長由貞豐來攝縣事隨帶綑綁
人犯百餘人嵩明性嗜殺見此隨帶人犯以為必如
文斌之大加殺戮次日嵩明召集地方人至更以為
必當眾示威詎揣測不然嵩明向地方人曰請各位
來係為釋放我帶來人犯事我由貞豐來沿途部隊
均將人犯交我均謂向火線上擒來我一詳問均稱
係大老爺們叫我們來挖馬路其他不知云云似此
全屬無知愚民我本欲沿途釋去因我處境介在嫌
與仁縣補志

卷六

二十二

疑故請各父老作證便將一千人犯釋去說畢令去
羣即叩頭魚貫而出剛至頭門忽命眾犯回轉地方
人疑有變故嵩明曰我幾忘却如不給每人以通過
證若遇沿途部隊仍將擒回有負釋宥初意於是詳
詢令給通過證始全遣去

營長周文斌唐琅伯向嵩明請示清鄉嵩明嚴禁勿擾
嵩明以猶師參謀長來兼縣長營長周文斌唐琅伯
請示清鄉嵩明曰現在人民請力安撫慎勿殺戮我
為太醫汝等須為留着病人我始有行醫處如把病
人全都逐去我這太醫即無辦法甚盼清鄉循大道

去來慎勿清及箱櫃為帶兵官能少殺戮一人其子孫必為遠大汝等外出勿擾是所厚望

夏四月副軍長毛光翔駐此旋馳回省

二五軍副軍長毛光翔出巡盤江至興仁夜接李燦回黔急報立即分飭部屬於次日分由花江盤江兩路不分晝夜馳回省垣

李燦回黔循安南路去滇師長張鳳春奉命由興義來截毛光翔不果

李燦返黔率隊由安南直趨貴陽知毛光翔來巡盤江命滇師長張鳳春由興義直趨花江截其歸路鳳

興仁縣補志

卷六

二十三

春至興義故留不進致光翔聞報急回李燦欲截光翔使其全數繳械之計竟爾不果

毛光翔返省印委全隨行縣長陳嵩明將興仁縣印交地方臨時治安維持會

上年岑國斌來縣長陳世昌避匿地方立呈無政府狀態乃暫組臨時治安維持會以維持秩序汪朝柱來劫縣署時維持會亦繼維持刻間印委無存乃將臨時治安維持會組織擴大公推霍錄勤為正會長曾聚五王玉田為副會長并組總務文牘庶務交際各股推定股長股員共維地方治安臨時秩序故陳

嵩明行時將興仁縣印交臨時治安維持會保管
四十三軍軍長李燊委姚燧來攝興仁縣事

毛光翔全部行三日後姚燧始來城視縣事

滇師長張鳳春過境大使滇幣

鳳春聞光翔部已過盤江方拔隊前進至此大使滇幣商旅不堪其擾

五月張鳳春回滇令副官張振武率兵一連來索款扣留官紳勒逼

滇事亟滇調鳳春回不分晝夜由間道趨興義鳳春令副官張振武率兵一連來城索款五萬元將縣長

興仁縣補志

卷六

二十四

姚燧及臨時會會員霍錄勤朱仲莖楊必風等扣留勒逼勢將捆解興義姚燧乃令其科長持其以本縣所籌未收之電話款壹萬元向民間抵借繳解人民感動羣起釀款壹萬元交張振武官紳始得自由

六月李燊全部至設軍部於四川會館

李燊自貴陽來設四三軍部於四川會館內

李燊召盤江各縣官紳會議防守

李燊至立召盤江各縣官紳會議防守首重江防次及生產籌餉籌糧會議旬日茫無頭緒而二五軍渡

江急報日已數傳

秋七月李燾全部去地方又無政府姚燧仍將縣印交
臨時治安維持會

李燾會議方畢二五軍部已渡盤江李燾首赴青山
迎敵因聞敵由毛口河來迨至青山敵已渡過花江
盤江之報次第接到乃楚由冬瓜林趣興義其駐興
仁餘部全令撤至興義地方印委又隨走空姚燧仍
將縣印交臨時治安維持會

地方會議防守公推劉福齋霍柱臣為臨時隊長負責防
守及治安責任

李部既去印委無存四境多匪深恐乘機而地方治

興仁縣補志

卷六

二十五

安難於維繫乃公推商人劉福齋霍柱臣為正副隊
長將商人及民衆之有槍者編組成隊率之日夜巡
邏直待二五軍來始行解去責任

公推劉子華至高武歡迎二五軍

李部行後四日始聞二五軍已至下山遲遲不進地
方又時謠傳李軍勢必反攻地方焦慮深恐兩軍以
興仁為戰場公議將二五軍迎入意欲排除李軍反
攻謠諑免致匪徒乘機擾亂乃公推劉子華至高武
將二五軍之先鋒隊侯旅長小白迎入

師長猶國才至自巴林與李軍接觸李軍敗退

國才由巴林至午後李軍分由大丫口猴子坡兩路
攻來李燦身先士卒已攻至馬家屯其先鋒旅長王
定一將攻至城門國才部已退紮火神廟無何定一
足負重傷楚回馬家屯猴子坡之挺進軍為猶部之
侯小白擊退李燦見勢不可為乃退去

以母重光暫代興仁縣長旋免復以雷白珩代理

李軍退去猶部即以母重光暫代興仁縣長重光將
視事突免去代理職守以副官長雷白珩代理

李燦令教導師第一團長龍玉成率營長何讓清二次
反攻立退

興仁縣補志

卷六

二十六

玉成奉李燦命率讓清等二次反攻已攻入縣城旋
由猶部團長何少卿率部由巴林攻來玉成不支立
退入城方半日也

八月李軍三次反攻旋退去

李軍至興義整飭所部令師長馬懷冲率師來攻馬
由交那直指石門坎由深溝攻來未至深溝即為猶
部營長周文斌唐琅伯擊敗大丫口猴子坡兩路之
進攻部隊亦相繼敗退

同月以任文華代理興仁縣長

任文華由盤縣徵收局長來攝興仁縣篆

冬十一月省委王澤生代理興仁縣長

令柏指揮官健儒駐興仁鎮攝

李軍去滇二五軍嚴防乃令健儒駐此鎮攝

十九年庚午春二月地方奉令清理寺觀財產辦理學校及慈善校及慈善事業

時縣奉省令清理全縣寺觀財產辦理學校及慈善等事縣奉令後組織清理委員會清理全縣寺觀暨公私會館財產清提穀租五百餘石造冊呈縣縣設女子兩級小學校於江西會館

興仁女學自民初一度辦理私立進修女子小學校

興仁縣補志

卷六

二十七

後以無的款停辦至是始議以縣款辦理同縣男小校一律開支始設江西會館內

邑人劉蘊石劉俊民等創辦平民小學校旋廢

劉蘊石劉俊民等創辦平民小學校於玉皇閣內教授精神很得地方人信仰惜無經費兩學期後即停辦

夏六月柏健儒移防興義以團長何紹卿駐此

地方籌辦中學公議呈請提撥各公廟廟租為籌辦縣中基金

地方欲籌辦縣中苦無存款時各公廟因歷年駐兵

住持已早無存一應租穀又多收作軍食乃公議將各廟已無住持管理之廟租提作籌辦縣中經費當即公呈提撥玉皇閣三官閣梓潼閣東岳廟城隍廟各廟共約得穀租百數十石推定曾聚五朱仲莖王玉田等保管籌備

冬十月以團長宋醒駐此撥何紹卿歸其指揮

李燦在滇謠言蠱起反攻時播草木皆兵加以散兵土匪盜賊充斥商旅裹足政令無效省方乃以宋醒來駐以何紹卿為營長歸其指揮

二十年辛未春二月奉到保護寺廟財產條例上年所

興仁縣補志

卷六

提之私廟暨會館廟租均發還

縣府奉到省頒保護寺廟財產條例立將上年所提之私廟暨私會館各廟租均予發還

設佛教會以僧印周為指導員旋撤

印周奉命指導不守清規明年被縣長姚煌查覺呈請撤去

夏六月宋醒去連長楊鴻烈來駐

宋醒駐此恒化裝出緝匪徒聞匪所在不分晝夜不畏險阻必深入匪巢將匪擒獲而後已以是羣匪畏服如陳順清彭大眉毛支小順文老歪曹阿松等匪

首多為收編地方安靜商旅暢行其自題騎牛一小照云別人騎馬我騎牛牛的力大我的力小牛的工作有盡期我的責任何日了其負責任情見乎詞至是調往威寧治匪乃以連長楊鴻烈來駐

二十一年壬申秋七月奉猶軍部令植由巴林達興義界電竿未果

猶部令縣府植由巴林達興義界之電竿以委員未到提議而罷

冬十月調盤縣旅長劉明庠來駐旋去

楊鴻烈去後調劉明庠來駐明庠好整潔住宅大索

與仁縣補志

卷六

二十九

供應地方財政局正疲於奔命間忽奉命調去財政局始棄重負

二十二年癸酉春正月猶軍壓境令將軍殺辦糧秣

猶軍壓境軍糧龐大令將禁烟罰金所購軍殺辦糧秣糧秣軍用柴草仍令地方人民供應

二月旅長李成章率隊由安南直驅興仁遂走猶軍

猶軍駐此未滿一月王軍旅長李成章率隊由安南直驅興仁團長江文華由花江來會師將猶軍遂走

三月猶軍長國才至自滇以指揮官魏金榮率隊趨興

仁復將王軍團長江文華遂走

李成章遂走猶軍留其團長江文華在此鎮守成章返省至是國才至興義以指揮官魏金榮率隊趨興仁將江文華遂走

夏五月植巴林至興義界電竿

此項電竿上年奉令未果刻始辦到并設電線

秋九月丁糧徵實

猶軍鑒於歲歉欲足軍食下令將前此之折徵丁糧全數照徵實米

冬十月續挖興貞公路

時議先修通貴陽公路至是乃派民工續挖興貞公

興仁縣補志

卷六

三十

路

吳師長劍平至自滇師部駐興仁軍部移興義

吳劍平自滇來就師長職後軍部即移興義興仁惟駐師部

十一月猶部派員結地方代支軍糧帳不認王軍所耗地方以收入籌備中學公租抵銷

猶部前委地方人代辦軍糧對王軍在此月餘銷耗謂其何以不問之要現金公章米條完全不認并將代辦人扣留追賠地方處積威下不能分辯始公議以收存之中學籌備基金公租全數抵銷代辦人始

脫累

十二月掘劍平河池

興仁缺水劍平派員勘測欲引老鷹窩及流水溝兩水灌入城中乃征全縣民工掘由兩水源至城及西門外消碕之河並於東城脚掘池殺水勢藉培風景名劍平河劍平池以劍平倡掘藉命名也

二十三年甲戌春二月建築縣立中學挖去中學門外老城城垣填築中學操場

劍平駐此徇地方人士之請籌款建築中學前層校舍以霍錄勤董其事首掘校外老城城垣挑填操場

興仁縣補志

卷六

三十一

基地遷移住戶房屋十五所並勸四川會館捐出房屋三座其老城垣泥所填用之民基均指公地掉入由縣教育會給予印證

三月廢東岳祀以其廟辦幹訓班

時議辦幹部訓練班因無地址乃將東岳祀廢去以其廟辦幹訓班

夏五月建築市街路移城中鐘鼓樓於劍平池東

建築市街路毫無特工經費令變賣江西兩湖會館東大街上下排瓦屋四所即以其資着修兩旁暗溝特工經費移武廟側之鐘鼓樓於劍平池東以王玉

田董其事提賁三官閣大田壩之田租穀六石始以其價修復鐘鼓樓

六月設續整理縣志所繼續整理志稿

興仁志書自王蔬農未經修完民國丙寅霍錄勤索還其志稿後年來兵燹迭經未議修纂地方人恐單本易失也欲將志稿整理多印份數俾便分存後若有機續修免致散佚乃請於劍平令冉最縣長聘邑人張俊穎整理期以六月竣事

八月劍平河成河水不通

劍平河自上年冬末開掘中因農事關係至是全河

興仁縣補志

卷六

三十二

始成然以測量欠精緻中途較場壩一段掘深一丈五尺水猶不流復議再改掘原掘河左五丈餘

商人劉福齋捐資修劍平橋

劍平河掘後城外交通不便商人劉福齋出資建劍平橋及池東北之拱橋二座

二十四年己亥春二月暨中學後層校舍

上年六月暨中學前層校舍九間已上瓦砌牆至是復暨後層九間樓底三層高前層一層

以志繕付審查會審查

上年續辦整理志稿成提付審查會分門推定負責

人員審查以便付梓

三月調吳師長劍平赴前方勦共以團長何紹卿駐此留守

共軍事亟調吳劍平赴前方勦共以何紹卿留守於此

宋指揮醒至自安順

醒奉命至此議防共事時共軍已竄擾紫雲將次渡江西來故醒兼程至

吳師大隊由興義退城人舉家避難

貞豐電訊不通後何紹卿率吳師留守部隊暨軍用

興仁縣補志

卷六

三十三

品等向興義退城中人更形恐慌咸舉家爭先避難城中秩序已呈混亂霍錄勤於慌亂中往整理縣志所取得業經審訖志稿

宋醒退縣長趙德生攜印率一應公務員齊向興義退

宋醒率所部兩連至巴林欲連絡駐貞豐趙營長

趙

權方至屯礮丫口共軍漫山徧野來並聞側面海河

塘等處槍聲知不濟乃率隊繞城退縣長趙德生攜

印率公務員等齊向興義退走霍錄勤攜志稿隨逃

共首朱德毛澤東率共入縣城二日去

兵官相繼退去城中已為一空朱德毛澤東率共長

驅入城示惠貧民令為嚮導滿城搜括以笨重而不能攜帶者給予貧民中央軍追之急留城二日燒毀縣府檔案乃去

呂保長雲先為共軍拉去旋殺之

共軍過境惟任意搜擄未殺一人獨保長呂雲先因年老未逃共軍令為嚮導以事搜索雲先不從即為拉去後拉至興興義接界之四輪碑知呂曾任保長職殺之

剿匪軍總指揮薛岳率中央軍追共留討師長魏金榮團長李觀文鎮懾

興仁縣補志

卷六

三十四

中央軍追共去留金榮觀文駐此鎮懾並電退去興義之各公務員回縣復員

夏四月興仁縣縣長趙德生至自滇攜印回

金榮電去德生等已退達滇之師宗縣因恐共軍尾追之故接電後攜印回率公務員返縣服務

中央陸軍九二師營長李繼民連長張少臣連附周任追共殉職於觀音洞地方公葬封墓豎碑

中央軍前鋒營長李繼民連長張少臣連附周任力追共軍勇猛衝鋒盡職於觀音洞地方公葬於火神

廟宇塔右側並封墓豎碑以旌忠藎

六月設貴州省第三行政督察區并保安司令部於興仁以劉千俊為行政督察專員兼保安司令并兼興仁縣長

千俊奉命來此培修興仁縣府設行政督察區及保安司令部於內

實行國幣制

令行使國幣一元抵小洋二元

秋七月創辦聯立小學校於東岳廟

千俊鑒於籌備中學基金之公租全數提抵軍用如不以之辦理教育將來堆積不辦中學亦必消耗乃

興仁縣補志

卷六

三十五

以其所提公租及十九年清理委員會所提已還之私會館廟租集合辦一聯立小學校於東岳廟決定中學何日成立此項辦理租石立即歸還中學

八月召三區各縣官紳開清鄉會議

召三區所轄貞豐冊亨安龍興義盤普安安南興仁各縣官紳會議清鄉事宜以各縣匪徒尚假共名搶劫村莊之故

冬十月開始訓練壯丁

奉到實行征兵制令故本月令訓練全縣壯丁

十二月修城外五碉

時共軍蕭克賀龍竄擾黔東千俊預為之備以興仁無險可守乃召地方會議趕築北門外堰塘坡頂東門外石礮嘴東南角扇子岩頂南門外場壩坡頂西南角陳家坡頂石礮五座決定撤老文廟三官閣財神廟各大牆石及搬取新莊羅渭村各戶廢牆修理莫逃竣事

二十五年丙子春二月劉千俊奉調第五區

千俊奉調紳民攀留未允千俊難却輿情夤夜去以其秘書劉慕曾留辦交代

共禍亟秘書劉慕曾與地方紳民營長胡子訓極力防

興仁縣補志

卷六

三十六

守

蕭賀竄陷盤縣興仁大震慕曾與營長胡子訓及地方人極力防守四日夜共軍出盤境興仁解嚴

三月三區專員兼縣長王慶芳蒞任

興仁解嚴後王慶芳蒞任

夏五月興仁奉命徵工修江西坡一帶國道

興仁分修江西坡一帶國道奉命徵工編隊前往

六月中學後層暨好校舍為大風折毀

上年二月將中學後層暨好後共軍即來致未蓋瓦劉千俊到又以培修縣府作專署工程龐大中學培

修亦未繼續蕭賀竄盤縣時營長胡子訓因人民違戒嚴令處罰有款二千元交由王慶芳着指培修中學校舍後層牆垣之用地方人向慶芳請款續修王云胡手親交須胡親取其款即未領出中學校舍後層牆垣無款續修本月忽大風雨即將未蓋瓦之後層校舍折毀因下無牆垣故也時人惜之

秋八月二次徵工往修江西坡國道

江西坡國道因地極深狹時值酷暑瘴癘頻生徵往民工死者枕藉路工難完令續徵工乃捱戶徵工派米全縣大擾

興仁縣補志

卷六

三十七

冬十月築沙龍路

國道工竣繼令修築由沙子嶺至安龍公路以安南善安興仁興義安龍五縣民工修築

二十六年丁丑春三月沙龍路成劍平河填去一段特工向興仁縣黨部請願

本月路成較場壩至大操場一段已挖成之劍平河純為公路所經填去特工請總段長往量石方段長李及工程員等任意剋扣致特工李祥等百餘人賣盡器械不能轉家因如特工打石一百方段長工程員等只為算三十方之故如此扣剋特工公道無人

主持各特工始向興仁縣黨部請願

夏五月萬視察員某奉命來勘石方

築沙龍路特工請願後黨部易指導員召祁代呈省

黨部轉咨省政府始派萬視察來勘石方

沙龍路段長李某深夜逃

萬視察員受李某矇蔽李祥等冤不得申羣相尋之
拚命萬乃將李祥下獄示威其餘特工不服各持手
錘伺其出必毆死而甘心焉萬無法乃釋李祥出特
工等見李得釋偵伺稍疎李某乘深夜逃去

王慶芳領獲土方款藏專署

興仁縣補志

卷六

三十八

慶芳領獲人民築路之土方款既不分發人民又不
交地方保管惟藉口發給人民難得實數交之地方
保管無人以是竟藏專署

冬十月縣長李衡璋蒞任地方問王慶芳妻交土方款
時三區專署有移設安順之說故衡璋只以縣長蒞
任衡璋到時慶芳早去仍留其親信吳紹卿代辦交
代慶芳妻即乘車去地方人羣環車旁問索土方款
慶芳妻見難啟行始將土方款交衡璋而去時已被
謊報用去三萬餘元

二十七年戊寅春正月貴州省第三行政督察專員兼

保安司令劉時範蒞任以四川會館為專員公署暨保安司令部并轄江外六縣

初三區專署有設安順之謠至是仍決設興仁復以安順鎮寧普定即岱關嶺紫雲六縣撥隸三區專署連前八縣共轄十四縣立培修四川會館為專員公署暨保安司令部

三月建設城鄉電話

衡璋以土方款建設城鄉電話至是興仁電話網始成

籌辦縣立中學校

興仁縣補志

卷六

三十九

時範來地方以其關心教育積極呈請籌辦中學至是成立籌辦職中委員會從事捐款修理校舍置備器具購買書籍等一應工作因首欲辦職業中學也整理市容建修場棚

興仁趁集六日為期係在南門外之虎場壩每值趁集人稠市複市容極雜公議修建場棚一市容得整理二可場收租金以濟中學議定立據情呈准動用存縣之土方款培修仍以籌辦中學霍錄勤董其事場上計建築十二座每座十間羅家壩建築一座只六間此座着每日賣紗時用入租較場上為夥

秋七月興仁縣立初級中學成立

籌備中學委員會成立秉承劉時範籌款培修積極設備至是成立以聯立小學歸并城區小學將辦理聯立小學公租撥還中學移城區小學於東岳廟冬十月重建中學後層校舍

中學後層被大風折毀後社訓隊設俱樂部於中學前層將其折毀材料完全耗盡刻已寸木無存因校中辦公學生宿舍無所劉時範復勸商人霍柱臣以買儀器捐入中學之三千元立為捐出重建後層校舍并另籌款補建仍建九間兩層以張相宜督修

興仁縣補志

卷六

四十

二十八年己卯春正月培修玉皇閣辦幹部訓練班時敵據南寧三區欲召集全區幹部訓練乃以極朽壞之玉皇閣培修訓練

夏五月築興興公路暨市街路

興興公路猶軍駐時屢議興築未果至是始徵工修築并築城中之縣府街由北門入至大街老東門入至米市之各市街路

開老西門闢新南門

敵機屢在後方肆虐乃將久塞之老西門重開另由蕭家灣闢新南門以利人民疏散

秋八月建中山紀念堂於大操場將大操場掘寬三分之一

大操場入口右側豎抗敵陣亡將士紀念標處舊為一小坡清兵圍回時上曾建石碕一回扼守清兵死亡枕藉碕屹立清將於對碕山上鑿礮以轟碕只去一角亦未毀迨回平始撤廢為著名濫碕處民十八年挖興貞路經其下二十年宋醒掘平其坡連同公路作操場二十三年猶部以縣有營地向熊姓掉入附公路土地并籌款買入陳姓附操場土地擴而大之命名為大操場至是因建紀念堂於以公地掉入

興仁縣補志

卷六

四十一

之周姓地上以左右尚狹隘乃徵工將左右高埂完全掘去操場又寬出三分之一
冬十二月徵工修築冊亭之安八路

安龍至八渡公路興仁分得冊亭屬之一段需工八萬餘個興仁徵工兩千名每工以四十五日為期派工派米捱戶不遺較派修江西坡國道時為甚
二十九年庚辰春二月培修中學禮堂之前層

中學重修後層完工後以學生校舍猶不敷乃於舊有禮堂前面對廳上升高一層仍以張相宜督修

以望謨縣隸三區管轄

王母設縣後撥隸三區管轄

夏五月與安南安龍爭學產合議成

初安南將巴林兩級小學校撥歸興仁後安南在巴林附近學租顆粒未給巴林學校嗣後連年爭執本年劉時範始集安南興仁兩縣人士會議巴林附近學租仍歸安南將安南已提鳳凰山廟而不能收管之廟租由興仁價買安龍在興仁界內奶寨上羊場之兩處學租興仁安龍亦屢爭執亦同前會議一律由興仁價買合議定省府委馬省督學定國會同專員劉時範暨安龍安南興仁官紳書契交價息爭

興仁縣補志

卷六

四十二

秋七月教育部委校長陳明森設中山中學於興仁

陳明森到地方人即以縣立中學之舊有地址一半讓設中山中學

冬十月添修監所暨公務員室

縣長葛天乙視事後以監所狹隘不適衛生即劃南京會館空址修監所對面五間并修穿堂左側房五間為公務員室

十一月陸軍第六軍甘軍長麗初移駐興仁

甘軍駐此軍紀極嚴軍隊所至人民無擾并於所駐之處整潔嚴肅可為晚近軍隊模範

三十年辛巳春正月實行新縣制

三月築縣至泗源鄉之鄉村公路

泗源鄉甘部駐紮以其部隊聯合人民築泗源鄉至縣之鄉村公路

三區專署疏散至故所

時空襲緊急三區專署疏散至故所辦公

秋七月移中山中學於玉皇閣旋改為省立中學

時幹訓所停辦乃移中山中學於玉皇閣旋奉命改為省立中學

八月築縣至故所公路暨環城路市街路

興仁縣補志

卷六

四十三

以專署暫設故所故築并築東門至西門北面之環城路場壩由大南門至中大街由新南門至米市街由鐘鼓樓至雞窩井之各市街路

九月甘軍拔去

緬甸緊張甘軍拔往赴援

冬十月二十八師師長劉伯龍率隊至

甘軍拔後劉師繼續開此

十一月二次徵工修安八路

安八路修後因雨水冲刷路多崩壞刻奉令復修徵工之擾不下第一次

三十一年壬午春二月築興貞公路暨故所達泗源鄉之鄉村公路

興貞公路屢議建築至是始成并築故所達泗源鄉之鄉村公路

夏四月縣府培修辦公廳

葛天乙縣長以辦公廳過隘乃於上房左側培修辦公廳五間

冬十一月築興普公路暨赴馬嵐山支路

興普公路築成以馬嵐山為太平天國軍師錢江歸真地并有墓其上縣長葛天乙令築支路達山麓以

興仁縣補志

卷六

便遊人景仰

三十二年癸未春正月建築第三行政督察區中心衛生院

三區中心衛生院建築於翠屏山麓撤去藥王廟以其基址建築

建築東門至西門之環城公路并築支路接鹽務分局東門至西門南面之環城路前未接築至是始徵工

續築并築由場壩口接鹽務分局支路以便鹽車往來

附記 本志只載無從抄錄者如縣府實行新縣制

及專署司法處田賦管理處徵兵所稅務所電報局
郵政局衛生院金庫財務委員會鎮鄉公所保安隊
等各機關一應設施沿革均有抄案可紀本志故未
採入以省繁複聲明

興仁縣補志

人物志

蓮出污泥芝生腐壤雋特之士原非地所能限而風礪濯磨以底於成則政教之鑄造環境之涵濡膏有繫焉縣境自明建衛所清置流官中州人士踪跡戾止制科取士俊乂輩出卉服鳥言之鄉一躍而章甫說禮濟濟配南離文明之象矣其間健順異資夷險殊遇或懷瑾握瑜抱道自重或正身率屬遺澤在人或執戈衛國見危授命皆古所謂鄉先生歿而可祀於社者也即曲學方技才分不同精於其道斐然成章要皆乘時以自見

興仁縣補志

卷七

一

詎可任其湮沒耶地道無成恒德終吉矢節全貞時禁綽楔王者教孝教忠於茲有微權焉今以鄉宦氏族德行忠義儒林列女著於編見府志者不錄嫌掠美也鄉宦首陳忠尊譜牒也材重史實義守謹嚴覓片羽於劫灰搜明珠於滄海抱殘守闕有志未逮攻瑕苴漏敬俟來哲

興仁縣補志卷七

人物志 列傳一

歸官

陳 忠

李世名

白天鑒

周士藻

慎機燦
奎燦文

陳占書

明順清

李同梅

務時
昌附

蕭連城

連陞連
斗附

譚元輔

龍雲階

陳 忠

新城所人有膽畧初以軍功管本所操印按

志稿有管本所操印數字宜
為陳氏譜牒原文今仍之

永樂中官新添衛指揮

同知叛苗攻城忠堅守擊卻之後改官普定衛指揮

興仁縣補志

卷七

二

興義
府志

李世名

土井巷人幼讀書弱冠嫻弓馬擊刺諸技投

効行間乾隆中從征楚亂曾手殲悍酋得獎六品功

牌六十年隨大軍進剿鎮筸叛苗次永綏深宵被襲

營壘幾潰世名扼險死拒賊不能前退去大軍獲全

以功保千總嘉慶初調征四川妖匪事平補古州衛

千總卒於官

白天鑒

姑屯人其始祖於明洪武中隨軍南征官百

戶屯新城所後移居姑屯先世以行伍起家至天鑒

折節讀書兩應童子試不售棄文就武富膂力善射

中嘉慶丙子貴州武闈道光癸未殿試二等侍衛回籍投効安義鎮標以征苗功賜孔雀翎補銅仁都司黎平營守備咸豐三年調征髮匪次景德鎮營陷戰歿事聞予雲騎尉世職三世以後永襲恩騎尉

周士藻 字袞章邢家巷人雍正己酉科拔貢朝考報罷考取咸安官學教習積資授廣東潮州府普寧知縣丁巳到官普寧本瀕海區民習黠詐多不安分兼之商務殷繁龍蛇溷雜士藻待民以誠寬猛相濟閭閻乂安越三年卒於官其子慎機扶櫬歸葬坡寨慎機性醇平有文名乾隆癸卯恩貢生孫燦奎乾隆丁

興仁縣補志

卷七

三

酉科拔貢同年舉於鄉屢絀春官丙午大批二等補印江教諭印江縣志作訓導燦文以普安縣學歲貢生選授松桃廳訓導均以文行著能世其家燦奎於嘉慶初佐勒保討平南籠仲苗亟請移還縣治資鎮攝士論尤多之云

陳占書 字酉山家安逸里同治己巳科舉人辛未試春官不第歸里回亂初平佐長吏辦善後乃清釐田賦剔除中飽撫綏回苗安集流亡鄉里咸受其福事竣議叙以知縣分省儘先補用光緒己卯引見籤分廣西歷署博白河池思恩北流各州縣所至有聲初

補修文縣旌改宣化縣宣化附近南寧館穀粵西治理繁劇到官值甲申法越之役驛遞運輸軍務殷屏胥恃其部署事理而民不擾隨調補蒼梧縣事蒼梧又適與外人約開商埠地據珠江上游為粵省東西門戶交涉事多差務繁重游匪又常出沒卒能一一應付水到渠注境圉安堵以老告歸卒年七十四

明順清 字月朗北大街人嘉慶中以歲貢生官平越直隸州學正升都勻府教授在任獎藉人文以敦品力行為務喜表彰潛德嘗謀府詳請彙旌孝友貞節又請如朱文公故事建邑中社倉大著成效番款之

興仁縣補志

卷七

四

歲存活甚象故事諸生初謁學官均備贄儀學官視其貧富以定多寡順清以錙銖爭議有類市儈深失國家興學作人至意乃勸邑富室釀資購產計三年租益可抵歲科試新生所納印贄儀之數納之學官事成將產券繕冊申府通詳註檔定案於是寒畯之士深受其惠晚年艱似續告歸卒於家

李同梅 字雪樵土井巷人咸豐末以歲貢生選授天柱教諭時新城回警見告挈家之任下游苗匪亦迭起不以冷曹自嫌諄諄以人心風俗關係學官雖秩卑俸薄職固綦重訓導不稍怠同治初學使黎培敬

按試來黔先稽各學官職守有有學無官者有有學官而避居境外有有學官在而隱農商以自晦者得同梅勤劬狀大喜令隨柵襄辦試事按臨各府遇缺即札充該屬學官試竣奏保五品銜授江西廬陵知縣未赴任卒同時有楊時昌楊泗屯人道光乙酉拔貢生官餘慶教諭同治戊辰擢河南固始知縣未引見卒省寓

蕭連城 字和廷咸豐初諸生時中原雲擾黔中亦烽烟不靖苗回滋擾乃奮起從戎隨丁寶楨剿辦下游苗匪奉委入川受知川督駱秉章飭領軍征石達開

興仁縣補志

卷七

五

累功以知州留川補用洊升知府賞戴花翎同治十年引見以原官回川候補報捐三品頂戴光緒初丁寶楨督川以舊部得倚任幫辦鹽務嗣以緝獲巨匪布政使嵩藩嘉其績委署青神昭化各縣事總辦中壩鹽釐稱治丁亥補廣安知州戊子之官州故多盜恒微服至鄉偵盜數盜皆颺去平昔虛心訪治鞫囚決獄多所平反無枉縱民俗丕變廣安為古實地人文籍甚第課額多而膏火尠乃捐廉俸別置書院嘉惠士林故事州牧詣鄉勘驗取給屠捐歲約四五千金而勘驗又由鄉供應其費連城惡其煩索悉罷并

移局支勘驗費作書院膏火提公產息以益之不敷
由官籌給定勘驗必需之費具詳立案在官俸給所
餘嘗寄籍建宗祠葺寺觀仗助鄉里各善舉遷雲南
候補道過自流井以官餘營鹽業尋卒年七十五子
詩庭扶櫬歸葬城東鐵廠河吏部侍郎黃杰為文表
其墓從弟連陞以行伍起家投効達字營從征新城
叛回屢立戰功統領鍾開蘭保升守備歸安義鎮標
効力亂平補排杉汛千總兩次入都引見升實缺守
備未補官而卒弟連斗字星垣同治壬申中貴州鄉
試武舉丁寶楨督川時委解運餉鉛積功以游擊叙

興仁縣補志

卷七

六

用賜花翎光緒中委戍粵邊罹瘴卒

譚元輔 一名五受字贊堦巴林大堡塘人父士爵普

安廳學廩生好施濟有善人之目元輔年十二回變

距新城石達開部曲馮丞相過盤江縱兵焚掠家被

燬其父死於兵家人竄散與其姊避新城止於城外

空舍回帥馬河圖夜巡野馬驚逸搜獲之問姓氏侃

侃應答無稚習河圖器之攜歸另舍居其姊義子之

派為廝馬官蓋監督養馬者未半年食空浮支之弊

除馬皆茁壯因加親信暇令究心武事會攻安南久

不下河圖親與督師因獻策取道叢菁峻嶺中逾海

馬磳襲城身先士卒城果破命為安南元帥回衆自
是知其名林子清者驚悍善戰時無與敵官至雲南
提督書蓋世英雄四字於幟張於馬前奉命平新城
回入盤江所向克捷進營交那有滅此朝食之概馬
忠回中健將盤江各縣皆為所破以趙德昌軍之謀
三多負長勝名猶不能敵與子清遇狼狽敗走回用
憂懼不知所措有議納款者時元輔方率衆渡江攻
郎岱河圖飛書調回語衆曰如五受而敗降未晚也
衆腹笑之元輔與陣子清覷其短小似十餘齡童子
易視之交綏殊不敵志甚曰我去矣不與汝輩事躍

下裂其幟引還李蕃浦作詩紀之有句云梨花飛舞
電光閃從此爭呼王鐵鎗蓋紀實也貴州巡撫曾璧
光請旨用兵詔以湘滇黔各省兵會盤江統領何世
華先濟安南鐵索橋元輔與戰何敗北退營永寧州
新堡次日單騎詣營納款何喜甚命暫署安南都司
倚為前鋒乃更以書勸貞豐楊九及田泰祥降連破
安姑下山高武海河塘諸要隘新城回帥張定中聞
訊大驚失色語其屬曰五受叛變不特大勢去吾曹
其免於羅罟乎事平以副將補平越游擊光緒初臺
灣生番戕日人稱亂朝命黔撫岑毓英為閩浙總督

以圖之以元輔從積功封武功將軍回黔委長壩營
練軍管帶駐防新城年五十八寢疾卒於家

節舊志按

原稿有保提督引見授福建提督以艱似續不欲遠
離鄉里未任云云岑襄勤奏稿均不載奏調官軍亦

不及平越
營特刪去

龍雲階 以字行初名步衢其先世襲計營土守備別

具土官傳生而岐嶷讀書不求甚解惟摘英擷華類
能得其神髓年十七間闕出遊足跡遍大江南北過
粵投龍濟光部充各級尉官龍氏罷去展轉粵中各
軍師北伐軍興升營長轉戰湘贛所至有功洎克武
漢團長忌其才時思中傷憤然引去十八年己巳任

與仁縣補志

卷七

八

四十三軍支隊長無何李軍解體遂入滇道過滇軍
安旅長□□語移時安奇其才擢三十八軍暫編步
兵第一團第二營少校營附二十一年壬申改第十
路軍步兵第二旅三團一營營長二十五年丙子以
歷次剿匪累功晉中校尋調補充大隊長二十六年
丁丑補第四團團長中日戰起改編陸軍第六十軍
一八二師步兵五四零旅一零八零團團長奉令出
征君躍然曰十數年報國夙願今得償矣十月離滇
師出黔湘贛浙鄂蘇豫諸省部勒所屬秋毫無犯二
十七年四月魯南徐州會戰六十軍由平漢路馳援

遇敵於台邳綫奉令率部守辛莊二十三日敵悉銳
猛撲圖跨運河直趨徐州往復衝搏麥隴為赤卒不
得逞二十四日平旦敵復傾其最後之力向我猛攻
而左翼友軍突向後撤方延伸彌補敵騎竟啣後撤
友軍之尾郭索而至戰酣敵兵大增復駛坦克十餘
輛左右抄襲雲階中彈死年三十有九生平處人應
世個儻和洽善詞令每登臺演說汨汨滔滔聽衆為
之忘倦喜猜拳平日滴酒不沾唇拇戰一開則舉杯
豪飲鮮有及其量者煙酒之屬悉屏不御同袍以其
思想言行富革命性咸以老革命稱之元配前卒繼

興仁縣補志

卷七

九

聘隴氏未婚無子女昭生方幼依其姑母居貴筑寓

所六十軍韜重兵團團長尹
國標撰龍團長傳訪冊

論曰興仁著籍首推軍屯故數百年來居其間者
多以行伍著見燦奎發跡科名連城奮於諸生躋
身清顯猶加意地方建制尚矣順清同梅皆素位
而行者也元輔回翔回漢磊落光明雲階震撼強
敵慷慨激昂非士所謂大丈夫乎

興仁縣補志卷八

人物志 列傳二

氏族

王紹義

楊交泰

屠開勳

梁永年

汪自鑑附

邵鴻元

胡耀

熊太莊

劉子建

楊昌普

霍鍾池

李茂花

蕭乾樞

劉乾清

劉紹光

王紹義 一名蘭亭字子香先世居河南開封府滎陽

遠祖鑿明正德初相武宗曰嘉耀者以武功授左驍

興仁縣補志

卷八

衛將軍李自成陷京師與弟嘉賓嘉班及文臣十六

人奉永明王轉徙黔之安隆所依孫可望見可望無

人臣禮乃潛奉王入滇至緬甸王遇害避居易門慙

鄧氏生德功德科三發三發繼姑父紀克昭更名桂

芳以行伍起家授勛衛將軍守善安衛故嘉賓嘉班

同占籍於衛之南興德功原任尋甸守府生有聖有

才平粵西之亂旋師新城以疾卒其子有聖以痊授

海河塘千總遂居新城

有王家巷舊名

子元弼分防狗場塘

早卒妻何氏移居小紅崖元弼生廷良廷良生開泰

幼孤何及其媳汪氏孀居撫之比長以里長張玉祿

黨惡害衆乃挺然獨任上白沙驛應站因失學清嘉慶初仲苗肇亂焚普坪乃舉家逃平彝亂定搗二子一女歸續娶朱氏生紹義開泰性素爽為人排亂解紛不避權勢邑人重之卒年七十有四紹義生四歲其兄紹孔紹周以異出故強令析居父母慮不能撫年十三為娶於劉其兄又以奉養諉之劉氏躬耕佐讀就外傅大書境宇於座右深自刻勵二十成諸生旋居母喪因廢教讀以父饜餒不逮請續娶於彭服將闋又丁外艱越二年繼母又喪凡三葬親修墓追薦皆獨任愈費而家益起觀李氏益不平譖之於夫

興仁縣補志

卷八

二

屢寤辱之紹義引咎生敬李氏益豪狀如狼每課設之因遷居以避李漸悔往來如初丙午科試二等得增生因絕意進取然深心課子讀長鴻甲屢試不售入貲成例貢次鴻網十八成諸生以時際艱危惟德可恃凡一切方便利物之事皆力行之不衰故甲寅戊午土匪兩次竊發旋就寧謚府州縣優獎悉辭不受賊衆畏服屬在故舊事無大小悉肩任之提攜親故不責報嫉煙賭如仇饑咸豐己未回匪滋事被掠星夜縋入城與縣令議攻不允遂挈家逃安南居月餘入郎岱次年大疫夏妻劉氏歿十一月子鴻甲以

懋遷至老鷹崖被劫死乃授徒岱山書院著有新城
離亂賦一寫志律詩三十首語無泛設次年九月鬚

匪攻卽岱參議戰守髮匪去回衆績來攻乃雪夜舉

家逃安順晉省求援巡撫張亮基委辦軍糧乃李

字西熊永傅名得勝字心寧州牧齋趙晉宿將二師失陷復晉省乞師不

可得知時不可為遂隱居授徒據回亂出亡始末紀客普安州

十年遠近從遊成材者甚衆亂平歸里猶以排除紛

難為己任嘗語人曰吾在地方無可表見惟首事數

十年圍內未嘗搭過屍廠耳李一枝子香先生行述晚年訓子

孫曰余辦多年公事相求於人有益未嘗在利上用

興仁縣補志

卷八

三

心昧良偏袒顛倒是非既未作一昧心事并未取一

昧心錢到處皆遇好人逢凶化吉不貽半點惡名受

人指摘願汝輩好為之卒年九十有四所著弔官家

洞陳烈女文官家洞在安南縣境奇險可守回族集衆攻新城陳氏舉家避洞中十一年不

屈及金萬兆踞新城聞烈女名遣媒求婚兩兄不允烈女請許之免禍其家及期懷利刃欲刺金事敗死

之離亂賦寫志七律詩均軼惟手訂王氏家譜存未

梓行冊訪

楊交泰 原名時煥字理菴別號襄平普安學歲貢生

其先湖南寶慶人洪武十四年遠祖曰仙韻隨征南

將軍傅友德來黔平苗積功授百戶屯普安衛忠順

里楊泗屯世襲十三傳至應佩應佩以上譜佚失傳生榮盛榮

盛生先科先科生仕義仕義生文輔文輔生朝楷朝

楷生交泰事其祖父文輔及繼母周以孝稱幼師事

習安楊茂材後其師官廣東番禺召之至使筦錢穀

稱治歸授徒於鄉為教主裴行儉先器識後文藝之

說書手訂族規納閭族於軌物其叔祖文英之嗣以

其遺產作後裔讀書及成名獎勸之資咸豐中避亂

即岱隱於醫與廳丞孫清彥字竹雅為道義交越十年

卒年七十孫為聯挽之其辭四十載寓郎山利濟同

書遺教喜見珊瑚玉樹交枝子興麟字伯驥歲貢生

興仁縣補志

卷八

四

個儻善辭令持躬誠敬律人亦嚴道遇官貴嘗以義

諷之未嘗柔詞卑色不喜居積然一介不妄取樂天

知命達士也卒年六十五次興驥字仲驥普安學增

生襲父術為醫母陳氏疽發於隱診之外證不可得

薄覘之母不可興驥曰子診母疾不能辨析陰陽脫

有毫釐之差兒罪豈可贖乎卒審治之愈為人治疾

不索酬恭於兄語無謾訑兄以丁口繁恐相累請異

爨興驥執不可固請乃以沃產讓之好施貧苦來告

者靡不調恤光緒庚子新城大饑慨然捐倉儲請縣

丞李秉恭設局平糶并於湖廣會館施粥存活饑民

甚象平居傍晚常懷銅錢步街巷伺以樵蘇易米鹽
歸家未得者給以錢其隱德類如此卒於光緒三十
年甲辰五月初六日年六十

據訪冊
舊志稿

屠開勛 上伍旗人其先世居浙江象山北門荆竹巷
明初曰天祿者以武進士官侍衛好奕誤公遣戍黔
南洪武十一年隨軍征交趾以功贖十四年隨西平
侯沐英征普安有功授千戶世襲洪武末貴州都司
調征都勻叛苗以老辭繳還敕印時新城初置所苗
夷尚少向化軍戶惟劉汪黃馬孫林陳謝吳景十姓
屯軍用度咸責供億逃亡日多有令能出力辦差納

興仁縣補志

卷八

五

賦者得繼逃伍之門戶其子君義遂流為軍戶君義
生珂歲貢生珂生世傑世傑生正大王大生際昌生
際昌生吉吉生美增美增生暨勃暨勃生瀛生瀛生
生開勛暨勃有女一適魯屯李明心後官台灣道瀛
生往覘之得白銀三千兩歸築室新城之西關咸豐
九年燬於火故開勛仍業農性鯁直少語言任上伍
甲甲長恒窟於夫馬同治元年回亂亟挈家徙安南
逾年資盡妻孥以饑死次子紹林甫八歲鬻於唐姓
隻身歸住佃戶黃家遇楊氏賢而納之紹林逃歸光
緒初為娶於羅丙子生子啟富甫十歲由城至家忽

頭痛不止次晨語如老嫗羅問之曰汝何人曰吾汝
姑林氏也羅氏曰啟富為乳子何崇之曰是為吾孫
吾不崇之而誰與昔汝父死吾母子而娶楊氏今數
十年矣汝事楊逾所生置我於何地乎言訖大哭羅
氏曰姑死何地曰安南之塘子坎上尸骸今已風化
矣又哭不止羅曰然則招魂而藏之若何林曰姜遂
不語逾時啟富汗而蘇語其狀且問嫗何人羅曰兒
祖母也以告其舅開勛曰信遂持齋終身卒年八十

據屠氏
鈔譜

梁永年 字恒修思賢次子其先江南懷寧人明洪武

興仁縣補志

卷八

六

初遠祖海南征普定烏撒盤江諸處累功世襲安南
衛指揮僉事長子鼎復積功世襲指揮使遂居安南
少子復生迪迪生堯堯生懷懷生孟杰孟科孟杰玄
孫堪徙老松寨是為老松寨梁氏孟科徙舊院子為
舊院梁氏生順乾順乾生天明天明生棟棟生思賢
值仲苗叛閩族避大碇中俱及於難時嘉慶二年正
月廿七日也永年死復蘇燕襖挾從祖兄永俸出後
碇蛇行至排杉病有李姓食以薄粥稍瘥逃至五份
田苗復要之遇舊佃羅阿二令喬裝止其家執眷苗
去送之青山遂逃普安亂定歸取翁氏黃氏

據宣威
尹作和

撰生子光庭光宇光耀始歸普安興義普安廳以其

頗繫人望爭招致之問所止弗答營構畢備室了屯

終宵而落遂為了屯梁氏初任里長復其家平居嘗

以忍苦耐勞訓其子孫道光辛丑十一月廿七日卒

距生乾隆正月廿日得年八十七子光耀孫明經均

普安學武生明倫年廿五始下帷讀書卒成諸生永

俸歸里仍居舊院亦苗變子遺云

據梁氏家譜

同里汪自

鑑百戶汪伏後汪伏於洪武七年攻葉山寨頭功陞

總旗十四年征雲南十六年征西堡頭功陞實授百

戶廿二年征南撥守安南堡三十二年老疾子銘襲

興仁縣補志 卷八

七

永樂七年故子信襲旋故無出弟勇告保襲正統四

年病故子鉞小優給景泰七年襲弘治八年老疾子

洋幼小優給十六年限滿襲旋故弟必濶告准優給

嘉靖三十四年襲萬曆廿四年故子文洋應襲三十

七年告保起送適三狼作叛奉令取赴軍前効用因

傷勞廢子自鑑告襲舍人三十八年二月十六日給

襲其後世居了甲子姓寢蕃

據安南千戶所告襲結文其辭曰貴州都司

普安衛安南千戶所今於興執結事與執給為承襲

祖職事准保勘百戶文安邦關據第貳百戶汪必潮

伍甲從公保結得應襲舍人汪自鑑伊一世祖汪伏

甲辰年徐丞相下歸附從軍洪武七年攻葉山寨頭

功陞總旗洪武十四年征雲南洪武十六年征西堡

頭功陞實授百戶洪武廿二年征南撥守安南堡洪

武卅二年老疾二世祖汪銘係嫡長男承襲實授百
戶永樂七年故三世祖汪信係長男襲實授百戶故
無出三世祖汪勇係親弟永樂九年告保襲實授百
戶正統四年疾故四世祖汪鈺係嫡長男小優給景
泰七年襲實授百戶弘治十六年限滿襲實授百戶十
六年故伯祖汪必東係庶長男告保起送間病故無
出祖必淵係親弟彼年八歲告准優給嘉靖卅四年
保送襲實授百戶領憑回任萬曆廿四年故子文洋
應襲萬曆卅七年內告保起送間適逢三狼作叛奉
令取赴軍前効用因陣傷勞廢難以襲比告襲舍人
汪自鑑委係陣傷勞廢應襲舍人汪文洋同正妻袁
氏所生嫡長親男見年三十七歲少壯無疾不係乞
養異姓之子戶無爭執之人曾經送學禮操演弓馬
應該承襲中間不致扶同執給是實大明萬曆
卅八年二月十六日發給應該承襲人汪自鑑

邵鴻元 本普安廳邵氏其遠祖名霸王原居南京應
天府上元筭算均明永樂中隨軍南征有功遂居普

興仁縣補志

卷八

八

安同時有邵志欽湖南長沙人從潁川侯傅友德平
定南夷屯中左所之交那其後寢微普安邵氏以同
姓徙居於此數傳至爾德生子四長鴻元以拔貢生
官江西豐城縣知縣多惠政告養歸里卒於家鴻緒
爾德四子拔貢四川源江縣教授據邵氏家譜舊志稿按鴻元等為
霸王九世孫 平康字伯莊勤學善書寡言語回亂避居黃
草壩與劉統之官禮友善館其家十餘年顯潛顯世
昆仲咸執贄焉萬屯營盤有太平有象四字摩崖其
手筆也有恩字錫三民國二年任南區區長監修興
仁興義大道西至納利田東至土地坡有遜字退之

繼任區務修成交那三碕橋行旅稱便皆鴻元之族也
冊訪

胡耀 胡魁六世孫先世居湖廣寶慶府巖口洪武

二十四年魁從軍開安南衛按梁氏家譜梁海於洪武二十四年八月二十

六日奉命領軍往貴州開創安南衛築城守備魁之來衛與之相接宜為同時一事官千戶事

定屯田上瑤魁生必澄必澄生隆隆生紹堯紹堯生

再珍俱世襲次再珠廩生五世曰啟斌歲貢生啟俊

諸生未告襲而明亡六世孫耀生康熙四十八年己

丑正月丙午成諸生丁未廩襲千戶乾隆庚申移胡

家莊設軍人府壬戌補廩膳生甲申應貢己丑卒年

興仁縣補志 卷八

九

六十子三朗鏡清俱增生孫士先襲千戶嘉慶苗亂

死節鳳凰山次士表士彥曾孫本中本雲俱貢生本

中之後人文寔盛再世至燮堂以歲貢生選松栢廳

訓導光緒丙申到官尋調銅仁府教授越八年告歸

卒於家年八十六

熊太莊 字靜一本黃帝有熊氏後先世居江西豐城

其遠祖曰詩質生永元永亮按興義府志云江西人貢生於其籍未詳宜於

科名失考也康熙進士五十四年乙未特授普安知縣以

從姪世傑侍到官委監新城倉糧娶於潘生維道維

德維精維學維翰維屏維學普安學諸生娶於沈生

太宣太莊太勳太康太敏太莊乾隆歲貢生工詩文
中年出所學以教士一時執經問難者座為之滿人
以不得遊於其門為憾事母孝四十餘年溫清定省
如一日嘗語人曰孝友人之根本也推孝友之心逮
於天下即聖賢放之則彌六合之義士君子出則兼
善澤加於民苟退處而矜言獨善拔一毛而不為亦
自了漢耳博施濟眾詎以窮達異哉勤於治生漸致
殷實敦睦宗族周恤里黨鶴髮鳩杖飄飄若仙以道
光癸卯九月二十日卒距生乾隆庚午十月十九日
享年九十三

按熊氏家譜作九十八
張稿作九十五俱誤

子應弼字渭占

興仁縣補志

卷八

十

歲貢生

書屠姓壽聯沈氏墓
銘均自署歲進士

生國珍

增字伯瑤
廩生

國瓚

字程香
歲貢生

國珍生家恩家培家煥家相國琳生家

春家春生承祚承恩

廩生

國瓚生家政家駒家梁家駒

生承先次子應輔生國琦

廩生

國珮國珺國琦生家銘

家銓太勳之子曰應昌應高應昌生國璿國璿生家

猷家修家興家澤

後名子漁
字磻溪

家澤生承禧

字又漢
歲貢生

世守清德重倫常育人才端風化九世於茲稱為義

門應弼承家學汲經史通先天易數次子國琳亦知

易耿介不阿時為人鳴不平鼎力地方公益事早死

姪國琦字炫玉以子史學軼世潔身超舉有熊氏三

傑之稱國瓚簡練經史以文選名世初困童子試愧
報旋家與從祖兄國琦下帷奮志五月弟兄俱成諸
生時稱三鳳回踞新城建私第落享客國瓚壽以聯
回齒見之曰奇才也館之幕府逾年盡得回中虛寶
鑿坏遊去至馬家屯陸家屯各地集團練數百人謀
恢復第人少待援未得嘔血死家修工制藝文筆明
快時稱小試利器家澤沉酣經史兼善醫術光緒庚
子安義鎮總兵蔣宗漢中風治弗愈部屬潘開科薦
家澤往一藥而瘳蔣奉如神明款留署中令地方俊
秀執贄門下兼治醫學越三年癸卯卒城北李宅年

興仁縣補志

卷八

十一

七十有七承禧淵源家學博聞強記亦知醫濟世活
人不韋脂阿勢非公事不入公門不言人臧否民國
初元集同志倡辦進修女學粥粥羣雌少識之無頗
費一番苦心也承先字純武年十三侍其祖國瓚遊
跡陸家山每隻身入城購所需人稱其胆識過人光
緒辛巳投効譚管帶營泅擢巡部癸未從興義李文
魁赴越南拒法事平給五品功牌飭歸安義鎮標授
職旋棄去以農商終其身是又別樹異幟者卒民國
十六年丁卯九月十四日距生成豐七年丁巳冬月

二十四日享年七十

據熊氏家譜
及舊志稿

劉子建 字履周先世自贛商於黔家修文其大父洪
佐採汞濫木厥徙居安南下把字

下把字夷語音細
黑今名下嶺司

父國裕早歿母氏曾節烈另有傳年十三令負笈八

十里外從宿儒徐全中遊既事張敏軒樹堂

敏軒
木廬人

為其得意高足性耿介不阿與世寡合惟直諒之友

樂與之交家貧終未輟學咸豐丙辰成諸生尋補廩

膳生己未回變漢苗推刃地方岌岌可危乃乘機入

楊樹森幕樹森者相苗酋也既得子建倚如左右手

因勸開花江董箐等渡招復流亡禁漢夷讎殺佃農

納租如故募練團勇於是者相屹然自樹一幟漢回

興仁縣補志

卷八

十二

苗夷猜嫌胥泯逮楚軍至迎之以定貞豐復新城事

平楊以軍功擢平遠州守備子建敘教職光緒乙亥

加捐試用戊寅署平越州學正越八月以母老告歸

生平幼學學深於易家貧難致書得輒讀而規之於

易率能批卻導竅自闢出路光緒初元仇教風感新

舊學之爭亦熾所著好辯論變法論中西通好記早

立中體西用之鵠無主奴門戶見其識力有過人者

著有彙思集上下篇詩序論說等書已散佚僅遺詩

文雜鈔數十篇好交遊恒與清貢生王治熙王良甫

及耆宿龍伯超往還伯超以子為霖師事之卒傳其

學平居儉約事親克致其養教子幼未禮讓長訓詩書故其子宗曾早成諸生以教育英才為志如李焱龍裕仁彭祥英皆其再傳弟子云子建生道光辛卯

八月十六日光緒丁未五月二十七日卒於家年七

十有六原配方氏不育繼配陳氏生子宗顏宗曾再

配羅氏生宗孔宗孟孫男八

據楊純夫撰傳及劉宗曾先考行述

楊昌普

字濟航湖北麻城人世居楊家鎮雄於貲其

繼母以患死某家從術者言西徙入黔籍新城以

針灸活人回亂逃安順同治甲子春正月卒年七十

配劉氏王氏生忠炳忠燮忠勳忠熙忠烈忠勳早死

興仁縣補志

卷八

十三

忠炳字耀南普安學增生咸豐回變任城守目不交

睫者十餘日嘗語衆曰吾人食毛踐土累世於茲義

當與共存亡因泣下城破巷戰死忠燮字理廷號答

光善安學優廩生性冲和淡泊自甘四赴鄉試不第

遂沉詩酒怡然自樂郭外有圃掘小池引溪水灌之

畜魚蒔花種蔬以為養城陷舉家避卽岱安順均以

授徒供甘旨父母歿忠燮謀入滇道出金積堡遇巖

大五脅之降不屈殺之其家被難者男女十九人時

同治丙寅也事聞均予恤祀慰忠祠忠烈字偉廷幼

聰慧年十四成諸生逾年補廩膳生學使黃統按興

聰慧年十四成諸生逾年補廩膳生學使黃統按興

義試以白鸚鵡賦得高第調高才生以是其學更博
雅淹貫儕偶每下之回亂作聞其父兄懼於難橐筆
如蜀受知川督駱秉章游擢直隸軍糧判官亂定歸
成癸酉拔貢生朝考罷在籍隱居應物持正常執理
折服邑豪官紳憚之邑中興革大事恒與戚黨先事
區畫而後建議慎始慎終行無躑蹶卒年五十三忠
熙字敬廷同治壬申恩貢生工詩文沉酣經術咸豐
回變偕安順黃卓元奔四川鬻文自食歸里後遊黔
撫曾壁光幕於黔省肅清寨內保獎內閣中書候選
教諭好古文辭派衍桐城詩有白李風骨先是其父

興仁縣補志

卷八

十四

作別墅於東關名咏月詩集忠熙作咏月詩三十章
紀之既丁外艱成紀亂詩十五章其辭曰

愁雲密擁戀長空笑我東風力已窮故不勞斯
乳燕問天何事少殘虹無情強以瘕情翹有意還
須別意通破悶勿庸沽酒市一輪朝旭想瞳瞳

瞳瞳日景未三竿觸緒紛來陣陣寒木虎三槐纔

一嘯甲寅巴林王打匠與武生涂今恒火蛇幾回

欲久蟠丁巳普安直隸廳胡塗勦賊談何易與義

院大令督辦勦賊夏假姑爹做更難普安同知夏

每打仗回匪輒呼漢姑柳樹灣前殘白骨愁雲慘

淡夜漫漫戊午年四月二十四日夜知府統領兵
練三千餘至柳樹灣賊乘夜雨力戰全
沒師盡

漫漫夜雨欲何之軍士朦朧戰敗時是夜賊劫營官隊長并

統帶官均在夢中金佛運籌憑孰展頗有謀畧無如知府

忌而不用遂敗績崑山好勇也非奇陳崑山打賊素稱烏

張何異屠川獻賊首偽大元帥張鷟退不須破虜

騎善安知縣劉岱英至妙絕蓮城歌奏凱劉岱英

知於府由安南繞道回粉堂皇五馬暨輿碑遂命五

勒石銘功而五屬詔媚者盛稱德

政輿碑箭立鳴呼吾誰欺欺天乎

輿碑暨後果昇平禍嫁東吳不備兵己未五月初九

興仁縣補志

卷八

十五

日回匪擁至新城聲言曰吾等與普安應之沙陀

等處仇殺你家知府何帶兵練去勤洗我等非我

等故來欺銅馬奔蹶疑瘳犬於潘家莊馬五

你新城也毛羊鼓浪肖吞鯨六月十一日夜孫毛羊偷入城

頭銜少尉空搔首縣丞表如壘寸籌目識團丁未

點睛賊入城守塚守門之社肉一分奇計出二千

石說是虛驚守備陳繼陞獨能從容坐鎮與賊巷

事不諧以金帛嚙霖澍左右而霖澍疑之謂

虛驚疊疊竟猖狂既定婁猪勝虎狼自己未六月

後回匪肆行四大名山尊濫木濫木橋張琢山並

四大一般公役出阿岡善安知縣率領多役并兵

徒轟礮火青山地巧隱荏苒白氏莊知縣劉岱英率領多人至

青山苑放槍礮而賊戰罷虎牢袁刺史潛歸河北

埋伏於白家冲地賊奮鷹揚縣丞袁如堦帶多人至姑屯知劉岱英畏

揚揚得意把功論萬貫勞軍氣欲吞於縣丞袁如堦

不欲與圍白戰旌旗秋色古色為號以白紅燒婦孺

夕陽村八月二十日後匪若將猛虎添他翼鋪大坡

賊下窳合本竟引羝羊觸我藩本地賊勾合外寇

明時合倉卒兒童傳守堞失街不顧閉營門賊不出

意直進大街殺人方知賊至

營門旗鼓陣堂堂練勇東西各據方招勇守城以

興仁縣補志

卷八

實壹無五道羽書誰赴敵知縣劉岱英請五層殺

而五層竟無許多傀儡也登場當日執事諸揚湯

止沸休添厝决水臨河不設防與義知府胡霖謝

百以援新城誓之曰汝輩去能和則聽取鄰家村

來見余不能和可同新城賊去反

婦語春葱屈數漏聲長

長城萬里是孤城天末南飛一雁征五層無援師

出求救仗義龍雲先就道土司龍雲從帶土兵議

和馬五請行成本地回匪尚以謀和為可憐昨夜

星光隕土司龍雲從帶土兵救援至偏有凌霄劍

氣橫如此牢籠如此受漫天瓦釜奮雷鳴

鳴冤無地苦於茶總局諸公較六銖當日管局諸

人黑索頻牽犴獄滿白雲空累免讒誣逼勒桐輪不容減緩

衣飾折算不讓丁以六枝繁花練

監卡中人已滿搜丁冒頂狂於虎丁街入各家

城乘勢擄掠輪甲垛夫霄集烏守城團丁夜半猶

聞傳鐵馬要津據處總模糊賊圍城一月餘如影

老八馬五緣議和皆已餓倒

模糊小郭類琴焦萬里錢塘不湧潮賊斷乏水食

孰知茂陵司馬渴不操陋巷子淵瓢滿城人無水

缺饜嘮叨防禦揮刀死開仗失足被賊刃傷斃命

捧腹官民嘆腹枵安得陳搏眠處好邊城夜夜不

興仁縣補志

卷八

聞刁陳明經十月下旬帶練來解圍入城

刁鳴谷應奈他何掘井幾同挽絳河城中乏水處

以求賊號天兵千隊列四匪自雷轟地道一坑窩

惟四川會館前得小水不幸於花園打手空搏虎

白廟圍丁效撲蛾巴林之來救援者於文家花園

走塘敗嶺上紅梅猶茁蕊陽春報罷月舒波斯時已過

波濤洶湧走驚雷再圮城垣古堞頽十一月初一

地雷轟發城垣復日賊二次埋

坍塌三十餘丈滾滾紅塵昏白晝地雷轟發時

天蓋飄飄繡旆舞瑤臺急攻城陷處戈揮朱子

成忠老斧伐雙林惜茂材斯時邑義士朱雙林

賊而淚灑新亭空有恨年年春去杜鵑哀後朱雙

中鎗身

哀哀新邑去蟲沙己未十一月初五半壁江山問

落花猓仲頻呼先躍堞櫓掃處已無家當日缺

渴死守城者都已餓倒回以水行計於西城屠毒

何異遼東豕潰散直同井底蛙回性最慘刻屠城

腥血淋漓橫古道千年熒火化流霞由西城垣

至大橋河

流霞冉冉徧南天病入膏肓不可痊於新城之壞起

興仁縣補志 卷八

貪疲逆醜喪失正如病者之受疫而醫治以汗下

而誤致肢痺臟腐不可救藥非斯民之不欲治安

也無數奚囊歸惡犬許多子女付腥膻子女玉帛

而死於是役早知此日空空死翻悔當年愛愛錢

者猶不可計早知此日空空死翻悔當年愛愛錢

於人財乎何有吁哭我飄蓬常轉徙療飢不道筆

如椽

如椽大筆醉春宵緩撫琴絃細細調盤水無冰何

處去盤水為善安縣古名自己未新城失守迄今

拔王郎劍心瘁疇憐沈約腰若果重陰收漢表中

興事業頌熙朝

於始禍長寇城陷情狀描寫盡致洵詩史也以遭亂
離針灸術失傳乃究心湯液治宿疾輒效遂以醫鳴
於時晚年講學於家時以躬行導後進卒年六十有
五著有文辭詩賦及醫案多散佚子嗣綰字伯唐普
安優廩生能世其學性至孝丁外艱三年不出廬科
舉停以改革地方文化為己任然落落寡和孤芳自
賞時議非之每藉詩酒澆魂磊諷世俗人譏其疲懶
乃以懶即是福疲須養神聯語笑傲一切民國初元
創辦又新納敏小學成材頗衆平昔著作以疎懶不
經意無存稿戊午任省志采訪乾嘉道咸鄉先生行

興仁縣補志

卷八

十九

誼均由其一一撰出以其得聞於先人傳述也所著
興仁設縣溯源記未成而卒年四十九

節舊志稿

霍鍾池 秀悅季子其先封於霍以國為氏世居山西

按霍叔封邑即山西霍縣地

李唐中其支遷於贛趙宋再遷於鄂

元時曰明安者更遷於蜀清嘉慶初秀悅始遷黔之
新城鍾池以商饒於貲

節霍氏宗祠碑記

優禮師儒兄鍾寶

輕財好施有霍二善人之譽回衆肇亂大坡堡鍾池
方商於滇聞其鴟張歸報請早為之備有司弗納亂
亟嚴城防力任籌款奔走醮捐過南街城破遇悍回
死之回酋馬河圍入城即徇於衆曰不許傷霍二善

人卒遇之與至四川會館門閉河圍倉皇他往卒遇
書時咸豐九年十一月初五日也事聞予旌恤祀
昭忠祠光緒元年得旨鍾池子宗敬冒死走川黔間圖復讎
無成同治壬申亂平歸癸酉湘軍索餉譁變人情洶
懼宗敬曰把總謝正銘與謝明經過從甚密可覘之
因詢之明經曰刳於勢非所願也蓋沮之曰吾無此
辯才也曰若然請享之遂享於謝氏邑人熊子漁楊
興麟劉定中宋福堂唐時雍與焉酒半酣宗敬舉卮
起曰我公匡定回亂勞苦功高吾儕托庇麾下各安
耕鑿願以此為公壽正銘曰是在新貴我直待罪行

興仁縣補志

卷八

二十

間耳無能為也宗敬曰新城負山阻河林深箐密回
衆盤據十餘年官軍無如之何使五受不降全五不
叛吾知官軍至今猶躑躅於盤江北也我公挈百勝
之兵憑四塞之地進可以窺滇黔躡川粵尚何猶豫
不決乎正銘曰若軍門何當時事起倉卒吾忝有守
土之責恨無可恃之衆資臂助耳宗敬曰鋒鏑餘生
圍壯習於金革脫有緩急皆可收為公用但請速決
大計耳衆曰公肯造福地方削平叛亂所不與公同
生死共患難者有如日請勿多言正銘悅曰釋嫌明
疑吾任之調遣圍衆諸君任之乃敵正銘歸語地方

附和狀衆大喜及圍民入城逆首陶輔臣挾刃覓宗
敬將殺之宗敬見之來從容謂曰麾下何輕出曰來
殺汝曰吾謂豎子難成事今果然矣當茲大事方興
延攬賢士猶恐不及何反妄疑而殺好人汝不足教
固不足惜坐令大事中阻豈非天乎吾等悔無眸子
錯以汝為英雄也立前請之殺輔臣遜謝曰輔臣非
不知先生等之忠謀以圍兵進城無故是以疑耳宗
敬曰為圍兵進城乎公舉大事欲永據新城乎抑力
圖進取乎若圖據新城也固無事乎圍兵若欲進取
請問公兵幾何不調圍兵則分攻六屬尚何資乎輔

興仁縣補志

卷八

二十一

臣遜謝而退示敬召語其狀命為戒備次日禽陶輔
臣丁拐子黎正官等寘之法其沉毅有為類如此幼
敏慧年十二成諸生十六補廩膳生肄業貴山書院
學益大進為文郁麗勃勃自成一家詩宗晚唐好雕
琢涵義山集中玉棧莫辨所作迴文詩納川詩話曾
選載之晚年教授生徒因性誘導時名諸生多出其
門有詩文鈔新城志草藏於家卒年六十三其姪希
賢邑優廩生所作與其叔稱雙絕遊趙德昌軍門幕
佔取下山五穀坡之役微服探賊情潛至馬官田掃
祖墓焚楮燎原大駭奔回嘔血死年二十八

李茂花 字占魁先世自學文以上無考學文生大任

大任生逢春逢春生明岫明岫生桂尚後未詳桂芳子榮

致榮專俱遷黔居里未詳桂荄桂蘭子榮祖榮宗榮廷榮殿後俱無考桂荄生榮

華遷黔居里失考榮學居湖南寶慶府邵陽岩口鋪清官廟

田莊榮學生永興無嗣永禮子昌鳳現止遺一玄孫永定永定性

孝友兄禮遊黔不返踪之過於普安州要與還湘弗

聽歸奉母高氏以從偕止姑屯娶譚氏徙抱地卜居

雨木永定生昌林昌林生茂花茂春子二孫茂花生

道光六年丙戌六月十二日性侃直善生殖喜名譽

少值亂離未事詩書承平後雖家不中資恒以教子

興仁縣補志

卷八

二十二

孫宏祖業為務生維精維馨維暄維藩常兩子一孫

同事儒業脩脯之費給必先人光緒戊寅次于維馨

學成不惜重資謀入普安縣籍既成諸生茂花之所

以處鄉黨鄰里者猶一出以和平無分毫勢利見卒

於光緒二十九年癸卯十月二十二日年七十有八

維精生咸豐二年壬子三月二十五日性嚴正寡言

笑不輕然諾善率諸弟課其學業未嘗以家務紛之

年十七生子一枝治家事無鉅細咸承父命而任其

勞維馨出試入籍費入學冊報費父有所需罄家儲

不足稱貸以足之償時但取父一諾不以籌措累也

居常凜然使人望而生畏不任人取亦無取於人父所斥責於人者終身不見於言行一枝宣統己酉拔貢生子既責猶勤儉自持處鄉黨一循其父之舊以民國十一年壬戌十月初八日卒年七十有一維馨字馥園謹愿勤學授徒終身弟維藩子佩瑛姪一枝皆從學有成一枝不矜才不做物終其身不與官吏豪家相周旋得於庭訓者為多恂恂然儒者也

譜訪冊

據李氏家

蕭乾樞 字星甫先世居湖南湘潭豆芽街清初曰學宗者以武職來新城生世俊世俊生廷韶廷韶生其

興仁縣補志

卷八

二十三

章其章生名顯名顯生榮慶榮慶生華良華良生乾樞樞祿失枯祖母許母陳嫠居撫之少長令從舅父受書穎異嗜學年十五成普安學諸生旋補廩膳生性純孝不忍以家計累重幃乃棄儒業商母老茹素乾樞亦斷葷腥又以生於單微凡鹽米瑣屑之事罔不躬親尤慎筭鑰除虛糜戒嗜好薄於自奉而厚於公益民國初元設縣治創修女校均倡捐巨貲戚族婚喪無力者尤盡力資助不少靳任以地方公務則婉言謝却以性不喜入公門也子四長坤璧任地方教育積勞早世次坤琦業商次坤瑜坤璞女三長適

鄒次適郭季適胡生平持身謹嚴晚致豐裕常教諸子以保泰持盈之道民國二十三年甲戌春三月十三日卒於家年六十四

據訪冊蕭坤瑜坤璞先考行述

劉乾清字伯雅普安學諸生先世居閩福清大水井明季有應農者商於新城遂家焉應農生廷榜早死次廷棟生廣芝廣芝生仕芳仕芳生文正文正文才經才經生懋柏懋柏生定基定基生乾清文正父子績學不售故懋柏仍奮起於商慷慨好義回亂避居李官堡親友流亡者必量力傾助之亂定歸理舊業贍其家餘貲悉以作慈善事不置產曰毋以長子孫

興仁縣補志

卷八

二十四

惰性也年七十矍鑠若少壯寒不御爐暑不持篲八十仍善飯持重可數十劬行不扶杖光緒辛丑慈禧太后六十萬壽恩賜八品頂戴卒年九十七乾清慷慨如其祖沉毅剛正至性天成初業商際承平久新城綰轂西南商賈輻輳歲贏巨萬仍以周恤貧乏自奉薄大布之衣重疊補綴終身不改汪朝相劉海廷募修李官堡新橋工半而資罄中止弟乾學詰其故曰難為繼無顏再募歸語乾清曰第恣與促成之亦大好事勿白我我不汝咎也卒歲其事治家嚴親屬三十餘人雍雍穆穆遠近引為矜式民國初元任縣

議會議長繼任團務總局長激濁揚清直言無忌石
門坎苗人互訟鬻產競賄積年不息為抉其害相悅
折服而去人有餽遺輒拒弗納歲壬戌盤縣娘娘山
苗楊玉清倡亂邑苗應之元宵道城中衆洶懼乾清
方醉卧聞之急呼其渠諭以利害皆散去定黔軍興
滇招安軍第十五支隊長楊炯昌率衆入黔沿途擄
掠至城悉索徵繹備捆載乾清陽與周旋陰遣人速
正規軍兼程來興始引去至募役聞黔局底定復折
回乾清預於城內外設伏守衛另使人勞之楊見有
備不敢動悻悻繞城去舊俗傷害人致死屍家必率

興仁縣補志

卷八

二十五

衆毀其家搜其藏而訟之官黠者利人財物相率移
屍詐害鬻產立約時賣主有關係人須得酬金始簽
約謂之吃畫字脫遺則出而翻異纏訟人以為戒喪
事里中不舉火燼釜坐食名曰封喪飯日夜不息貧
富皆苦之乾清請於官命盜案件一繩以法餘悉勸
導資遣因勢措置數年積習盡除邑人陳沛龍熊伯
春均夫婦早死遺孤幼族人覬其產岌岌不保乾清
為擇人監護全其家幼漸舅父鄰國壘行誼遇事勇
為興替代謝繫地方安危者數十年子姓羣從燕居
私室飲食教誨無絲毫門戶見見者初不辨其為兩

姓也三十喪偶不復娶子坤樹留學日本明治大學
暑假歸病死常德慟甚猶強顏慰母母歿哀毀骨立
地方事無巨細仍取決於一言以是積勞死年五十
有九死之日邑人皆哭有鄉婦以冤情未白聞耗慟
絕甦復大哭曰吾冤不復得伸矣其感人之深如此
邑人為立紀念標於翠屏山麓鄉諺曰誠正據舊志稿訪冊
劉紹光 字吉三監生其先世居四川夔州府康熙初
以從軍平苗入黔遂居新城道光十二年有劉興劉
悅倡建四川會館蜀東劉氏始見於地方記載咸豐
回亂其世父定國父子與賊巷戰俱及於難城破其

興仁縣補志

卷八

二十六

父定榮隻身走安南兄紹芳挈家走郎岱以懋遷給
其家髮匪陷永寧紹芳被劫喪資尋以憂死紹光繼
為負販同治甲子以後聞回方要結人心不事殺戮
挈家返里旋徙居興義楊柳街販花紗為生亂定後
資從姪永昌永祿同營花紗均以致富平居愛清潔
喜早起於地方建設公益慈善事業提倡捐助惟力
是視視從姪如子雖所費不貲亦在所不惜應事接
物尤講信義故遠近交遊咸樂相從嘗戒子孫必勤
儉除不正嗜好違則不稍寬假子二長永康學成早
死次永春普安學武生孫崇漢崇德崇勛民國十四

年乙丑卒距生於清道光戊申享年七十有八其姪永祿字福齋紹基幼子亦以商致富叔姪競爽生光緒戊子六月二十八日卒民國二十九年庚辰五月七日年五十二子三長崇昭早殤次崇仁崇文

論曰古者官有世功以氏為族龍傅尹董之著於牂牁與漢同休戚者邈不可復考矣其次著籍最早者首土司須於職官附詳之次則軍屯然以兵燹迭經十不存一存亦數典忘祖可紀述者王楊屠梁邵胡諸氏語且不詳餘則熊劉諸氏居興久者不過二百餘年世系矍然譜牒可資紀而進之

興仁縣補志

卷八

二十七

亦以待後起者熊氏以佐治占籍而敦詩說禮蔚為望族聞永亮因不直虐婢者之所為遂註吏議是直以重人道去官去之日書讀書樂道守分安貧八字家訓遺處者明德之後所由來者遠矣豈偶然哉

興仁縣補志卷九

人物志 列傳三

德行

陳光耀

張朝綱

陳國藩

龍家駒

顏其心

張明義

林超凡

蕭禮禎

曹興讓

胡鵬山

潘老礮

楊雲鶴

馬斯才

李榮英

王中璞

陳占梅

元燦附

鄒國璽

熊軾

白光明

張光廷

吳登緇

興仁縣補志

卷九

楊守倫

陳光耀 字他山濫潭人光緒間歲貢生性拘謹與人

藹然無忤幼讀書穆氏私塾師督課嚴光耀奉命惟

謹寒暑不怠同人每迂之光耀則以為子貢之辯冉

有之才子張之逸終不如曾子之魯能為承道器也

守其固而不移乙未慈禧太后萬壽詔舉孝廉方正

有司錄光耀行義以聞光耀語人曰孝廉方正隱德

也修諸己不以炫諸人介之推曰身將隱焉用文之

吾方自甘肥遯何為豹變南山哉遂不應詔絕意進

取采身修行學問文章自成機杼門下士竊其餘緒

皆卓然成名若熊家樑劉乾清楊守成周斌陳紹香
朱明元朱明善龍士俊張維駿鄒定坤其著者也晚
年好道家言有清初徐靈胎遺風卒年七十餘

按其志稿

熊氏家譜
及訪冊

張朝綱 佚其字巴林河東街人嘉慶中成安南學諸
生門斗以大戩秤贓儀朝綱怒折其戩學官以狂妄
請褫之自此痛艾捏忍字於掌謙抑恂恂好施與凡
貧困者必盡力助之以監生入鄉闈中式時洪楊起
義中原俶擾無意仕進遂隱於醫居貴筑遇卧病呻
吟者不問名而診之清明飲於郊沉醉卧山路側羣

興仁縣補志

卷九

二

丐見之曰此診愈吾儕疾之張公也相與舁之歸家
人酬以錢不受曰今得畧報公德矣回變歸里一苗
掠去其棺蓋陰沉槨值數百金亂平奉白銀五百兩
長跪請酬其值朝綱語之曰喪亂之際珍奇為無主
之物汝不舁去亦終為他人所有我久已破甑視之
不復置意汝勿慮吾不言他人決不能禍汝也竟却
其金卒年九十五

節舊志稿

陳國藩 字瑞堂世居東門外廣東街代煥第三子也
回據新城代煥奮然曰回衆稱兵肇亂據城肆殺是
欺漢族無人也我當有以報之會何統領率衆至遂

入伍回衆分兵攻興義請追之至納利田遇伏死報
至家人懼逃去國藩問母曰兄等何畏葸若是而敢
置我母子我當報父仇也越五年國藩年十三仍投
効何營何壯其志憐其小准留營待用適興義圍紆
劉官禮率衆來援次土地坡國藩約同志十數至劉
營大言打賣價一頭顱取直銀十兩劉許之給銀而
退至雙河壩遇賊徑斬首三級以還劉益異之留之
營中後隨攻魯屯馬鞭田累著戰功亂定授新城汛
把總以父死事狀上聞奉准從祀昭忠祠乃改葬事
寡母至孝母垂老預為葬具年終常以俸餘儲糧濟

興仁縣補志

卷九

三

貧之春秋必為死國事者招魂薦食邑貢生劉文淵
嘗語人曰陳公親親仁民措施有序可法也

龍家駒 字伯超計營世襲土守備其世次土官另有
傳故事土司於營戶婚索賀喪索賻甚至日用所需
勺粒寸薪咸責供億家駒襲職時悉罷免之部人大
歡咸豐回亂村舍為墟舉家走安南台子堡依劉氏
亂定歸里卜納壁以居與計屯儒生王治熙王良輔
劉履周相切劘以道義畢生以忠恕自克而亦常舉
以勉人先世產素豐中更喪亂半蕪廢家駒經整有
法不數年家復大裕德安南劉氏舉千金產酬之邑

有饑饉輒糶穀以劑其平病者藥歿者槥遇他善舉必首輸以為之倡既倦勤以世職讓弟玉成並代為贖先產學尚經濟不驚詞章其子為霖歷知冊亨清鎮安順遵義威寧縣事卓著賢聲蓋有本於家學云卒民國十七年戊辰二月初十日年七十有五子二長為霖次汝霖孫男六孫女六

據婺川轟樹楷撰龍伯超墓志

顏其心

普安附貢生家故貧日則助父執業以謀饗

飡夜則苦讀並教其弟既成諸生以非貨殖難致富乃獨立懋遷漸充裕弟其智學成其心復援例納貢一家雍睦鄉黨無間言凡鄉人有親屬齟齬者見之

興仁縣補志

卷九

四

無不為其潛移默化蓋其既能以身作則又善辭令也卒年五十三

張明義

字直齋監生少時負販憇道側見布囊試之

覺沉重知為銀物以笠覆之同行者促行明義故作疲憊狀佇候失主簿暮失者倉皇返尋明義驗實舉以還之其人感激無已既為商物不二價應物推誠一介不苟取邑人重之好善舉凡施藥掩骼濟貧無不盡心力為之鄉賢謂其不捨遺金有彭羨風格而利人則繼美竇氏也

節舊志稿

林超凡 字干祿白屯人先世居福建明初其始祖名

茂者以軍功為安南衛指揮封明威將軍子孫遂世居於此超凡性嚴正鄉閭子弟視為楷模孝繼母敬兄長恂恂悝悝弱冠父兄死雖戚戚於哀勤學不倦屢赴秋闈不捷從事耕桑佃民數百戶仰超凡省耕周給環區無凍餒者死之日感恩頌惠之聲達於道途

舊志稿

蕭禮禎 邑商人冲和敦雅交友全終始嘗與粵商貿易負款近千金粵商歸十年始來禮禎如數歸之後粵商罹疫死寓書其子備言商事羸絀狀且趣之來既為經紀歸葬清理債務償其銀以去好善舉嘗捐

興仁縣補志

卷九

五

金修斷石龍大道設義塾教族中子弟且敬恭嚴肅一舉一止足為矜式每出必整衣冠揖於祖先歸亦如之終身如此顛沛流離未嘗輟焉

曹興讓 字敬齋小名老八幼孤貧又值回亂母王氏不能自給攜興讓渡北盤江改醮焉興讓稍長以奇人羅下為非計舍之傭於人流離盤江南北回平歸里以小本經紀稍能濟饜餒即憤然曰人生天地間有父母而不能朝夕承歡者豈人也哉立渡江尋母年餘資盡繼以行乞又一年始還之蓋其母早轉徙於蜀中矣與俱歸重營舊業娶妻室不數年頓成巨

賈蓋天之所以報其孝行也樂善好施濟困扶危動以百金不稍吝惜年垂老母恒呼其小名老八興讓亦伊嬰若赤子其至性至情有為士君子所難能者宜乎為士林所尊重有子早死卒無嗣

胡鵬山 字雲程剛正敢言鄰里有勃谿則婉言勸諭或直斥其非所至迎刃而解鄉人習多邪僻鵬山刊送格言多方化導漸次悔悟遂各務正業衣食漸裕無復染舊污者其家臨通衢凡空乏者至必推食食之遇荒必留積穀以賑鄉里晚年致力佛學洵一鄉善士云

興仁縣補志

卷九

六

潘老礪 阿王寨仲族幼失怙家貧出傭以奉母勤於操作人爭雇之終身不娶人怪問之曰今婦人鮮能養其姑者吾方求之未得也每得酒肉不私食雖數十里遙必夜奉其母然不誤主人事每逢場必備甘旨冬則單衣不完母則夾棉重襲如富室人母老失明不能自具衣食夜則奉之寢晨則侍之起具饔飧乃出母年七十餘染痢疾親侍澣溺者二月餘母死衣棺咸具老礪日夜號泣鄰人感動賻葬之老礪年五十乏嗣

楊雲鶴 邑回教長也平靜和藹飄然有出世概初以

軍功官雲南授參將回教主馬光烈傳教至稟官從之歸適縣屬三家寨回道堂成光烈以之為教長管理所定滇黔十二方回民以其心堅道務也博愛遇人忠恕行身回民多所觀感曩者回漢不洽動成水火至是潛移默化民國紀元各省騷動雲鶴所管各方桀驁者暗中煽惑勢已成惟待雲鶴口喚而起口喚猶命令也雲鶴得其情假光烈口喚戒飭各方勿妄動蓋回衆對光烈尊為聖人信仰極堅以是地方為安每見回有黠者亟教諭之納之軌物今漢回和睦雲鶴感格之力為多卒年九十七回漢均惋悼之

興仁縣補志

卷九

七

馬斯才 字雲亭亦回族和易慷慨善經紀懋遷初學販有粵人向之購貨淨給百金而去既覺謂多得不義追粵人而還之信義之名大噪商民爭與交易家以日起喜施濟捐金與田昌燮許成熙等創辦宏毅兩級男校悉心慕道日禮拜五次必先洗浴雖祁寒酷暑不渝其習年五十八無疾卒

李榮英 字竹清先世自江西遷雲南轉徙普安州父宗發移居貞豐娶保氏生榮英竹明國華竹明有子四居縣屬馬家屯國華徙居甘肅榮英少孤失學及冠奉母徙縣屬潘家莊業商明允篤誠遠近樂與交

易善生殖操奇計贏因致巨富買宅奠居事母孝母
老目盲而癱舉動維艱榮英在家便溺必扶掃除必
親經商遠出必告以所去地歸必身詣母所以貿易
羸絀詳告之母室嘗置爐焚檀辟穢居家外出不斷
晚年學生平債券悉焚之曰勿貽後人訟累也卒年
七十有九娶張氏生子四皆義教之長少牧貴州講
武學校畢業游升八五師二旅旅長兼二團團長次
少湖南明中學畢業歷任七八兩區區長高武鄉長
次少泌安龍中學畢業歷任七區義勇隊長縣府保
警隊長次少剛安龍中學畢業游擢二十五軍七團

興仁縣補志

卷九

八

一營連長

據訪冊

王中璞 字玉田幼有至性見其父操勞過度請服勞
以助之年十二學為商久之善權子母競錐刀之利
家漸裕其兄中瑤中琪乃得專力於學成諸生制科
罷資其弟中珩留學省門其子興政興治興漢興道
興仁興銓孫男賡弋賡扶賡猷各隨資稟高下使事
師省內外歲壬申中日交惡京滬騷動興治興漢奔
嘉定杭州電請濟資因謂家人曰與其為兒曹謹守
現產不如變作兒曹留學費及時竟其學但使各具
相當能力便為余所給與之無窮遺產矣亟鬻產以

應鑒於地方教育不興舉凡清理城鄉公產興安學
產創辦中學靡不力任其難其重視文化類如此中
璞以民國七年戊午出長商會時幣制未一貨幣換
算軍民每生齟齬不時居間調停秩序得以維持庚
申貴州政變軍事繁興滇軍來黔所至騷擾中璞時
任城區團務軍需供億無理責難十七年戊辰周李
內訌縣城屢瀕於危親友率請避之中璞曰我去若
大衆何惟與地方共存亡每值暴力劫持無端侮辱
均委屈隱忍徐謀對策晚年醉心建設如開劍平河
築縣城市街路靡不悉力贊襄以積勞致疾語家人

與仁縣補志

卷九

九

曰余家自曾祖以次享年均不過五十今余已六十
一矣生平無他過人惟對人以誠持躬以正為公任
勞怨故天假以年耳民國三十年辛巳八月初二日
卒於家距生清光緒六年庚辰十月初八日年六十
有一鄉諡莊毅有子六女一孫男六孫女四

據訪
冊

陳占梅 字先春警敏喜談兵投効丁寶禎營襄辦軍

務丁軍所至無役不從以勞績保知縣引見籤分雲

南歷任要差積勞告歸卒於家子元燦字建廷既成

諸生秉承先人遺訓捍衛桑梓清末大小羅因禁煙

聚衆毆委員章光炎殺其從人及安南法警知府鮑

世爵請勦肇事地方三十里殺無赦人情洵懼難作
元燦以所居毗連慮波及亞昇章至其家悉心調治
章甚德之世爵至轉為緩頰因得改勦為撫擒禍首
寘之法餘悉歸農其事遂寢迴龍廠乾海子向隸興
義府其地有公租四十石改隸興仁遂為勢家侵匿
元燦力爭後經省委調解縣與貞豐各得二十一石
定為學校基金民國乙卯縣饑捐資千元由安順運
米到縣平糶其見義勇為類如此晚年佞佛卒年五
十有八

鄒國璽 字瑞廷例貢生少業商多心計咸同回亂展

興仁縣補志

卷九

十

轉兵間慷慨任俠故人多附之亂定創鴻發源號與
粵商互市貞豐之百層貨值平色劃一不二久之信
大著凡函貨運輸有碼單有商標但其封識宛然關
卡商肆無事盤驗業以日起百層初無居人互市後
聚為村落進為商埠光宣之世紅水江流域操舟販
賈之流無不知有鴻發源者國璽教也新城西南館
穀冠蓋往來共餽無乏凡泉貨盈虛材技需求悉網
紀而物色之遂漸交通官府同治壬申道員徐達邦
同知嚴雋熙至新善後辟任參事拓城撫亡多所建
白普安縣學舊有冊報陋規任意索取寒峻苦之國

璽親歷各里甲釀金購產供之學官而除之縣治移設新興後置縣丞駐新城刑名重案例不敢專民習狡黠命盜時發富室蕩盡自陳占書蕭連城等請設專員後楊忠烈熊軾相繼呈請均格於例國璽引為大戚乃資遣地方志士如省游說建議改革後卒獲分疆各治遂另籌巨款修監獄建秩祀拓城垣清租稅暨界碑倡辦小學興仁縣治得以岷然成立國璽宣力為多平居家事商業類倚辦於其甥劉乾清昆仲己則遂遂於社會人事之遷流消長斟酌調劑而兩姓一家待哺者六十餘人雍雍睦睦訢合無間數

與仁縣補志

卷九

十一

十年如一日局度實有過人者民國己未正月卒年

八十

節舊志稿

熊軾 字紫湘普安歲貢生父國琛官雲南普朋州

判調署羅平州以軾從好讀書習為吏咸豐丙辰國

琛卒於官軾扶櫬歸奉母依叔以居回變起避居郎

岱以能吏受知總兵趙德昌入參軍務積功保縣丞

學使韋祥業按試補學官弟子員仍留行間主文案

惟孝友譽重一時好詩文尤工於詩有齊梁格調興

致高潔喜善行嘗傾囊濟人之急而自安澹泊譚元

輔官新城汛千總入參戎幕為療貧也晚年不問世

事時以讀書自娛民國□□月卒年七十九有子
將彬能繼其志

節舊志稿

白光明 字應科其先江西人始遷祖曰松齡三傳至
秀魁因亂遇害秀魁生玉成玉成生光明光華光志
光明幼失學父足跛無以為生祖母撫之比長教以
織日夜作積貲乃業商以其贏贍家用年十六母死
季弟甫三歲自此家庭之教賴其祖母食用屬之光
明旦暮勤勞十數年無懈弛兩弟既成立家亦漸裕
援例捐貢生清季新城遠隸普安吏役以事至恣為
寇虐民怨沸騰同光之際遂起復縣運勤屢仆屢起

與仁縣補志

卷九

十二

卒成與仁縣治光明與有力焉辦理地方團務以公

正稱晚年理亂不聞卒年七十有二

據訪冊

張光廷 字子明邑監生業商苦居積初無子術者且

決其不壽引為大戚或語之曰陰德可造命也遂習

為豪爽光緒初紳耆至省請復縣治資以白銀三十

兩既議撥公租六石償之不受辦團三十餘年排難

解紛嘖嘖人口待子姪如一凡親屬家貧有子女不

能撫者輒呼之來學為經紀及長為婚配嘗施棺倡

修雙河大橋後生三子皆長成年八十有六無疾卒

據訪冊

吳登緇 字佩文監生世居大灣子饒於貲奉劄辦團
不斂錢不宿諾不徇情挾私鄉民有爭議每以數語
決之令得其直以去去無翻異自屯脚上羊場大灣
子界牌一帶地方終登緇之世相安數十年少獄訟
寨中子弟能讀者勗之讀能耕者督之耕一早一晚
必到寨巡查晚不睡早不起者必召至詰責之當時
猶有怨之者近則羣思之不能置也

熊澤普
正紳錄

楊守倫 一名得貴字松亭幼孤失學依祖母為小員
販既棄而從戎光緒諒山之役累功擢游擊以不樂
仕進告歸家居悉心辦團閭閻賴安不識之無然聽

與仁縣補志

卷九

十三

誦公績能正其錯落字句排難解紛明察如神有辯
才嘗於廣座中以數語折服豪右使軌於正光緒壬
寅粵匪陷興義新城毗連岌岌可危守倫調團進保
城區地方以安既以孤城無援稟准於所居楊泗屯
田壩中築堡一周圍植柳並於柳中掘深壕兩行曲
通又於屯中砌圍牆附近四面建文昌三皇觀音諸
閣互相照應更於二里外之毛栗寨築小堡一與楊
泗堡成犄角勢工成屹然為城東一屏障近時堡柳
皆合抱遊其間者不惟服其險設天塹所建亭閣池
沼點綴風景有身入畫圖之概晚年好佛重慈善附

舊志

弟守紀名占

近道路不時修葺卒年七十有五
魁字梅亭亦以諒山之役累功擢藍翎把總四黔歸
安義鎮標實授舊營汛把總舊營介盤普興義之交
為雲南入黔間道漢回苗夷雜居錯出讎殺強劫夙
稱難治守紀詰姦禁暴一繩以法旋就寧謐平居沉
默寡言遇事明決卒年六十有九

新采

論曰陳光耀張朝綱經明行修偉矣龍家駒型仁
講讓楊雲鶴守經達權皆一邑豪傑無文王猶興
者也能軼懷才不試樂道安貧所謂二惠競爽者
其餘以一行著善善不妨從長也潘老礪曹興讓

興仁縣補志

卷九

十四

未事詩書而至孝天成雖曰未學其行乃益純篤
矣楊守倫奮起行間洵登仕版卒能傲屣介冑盡
瘁鄉國又非得天獨厚者哉

興仁縣補志卷十

人物志 列傳四

忠義

歐陽春魁

李遵化 霍祖佑 周鍾仁 附

楊仕傑

千紅 附 里西

朱本達

林燦 雙 附

羅廷贊

方蔚方華

李慶元

忠 王 附

王美中

陳占春

胡明德

應泰 應 附

周廷蘭

劉忠 附 詔

僧蠻子

小二和尚

劉定國

蕭榮封

陳

彭武 陳 附

陳永榮

吳治 附 鈞

李花農

謝明賢

林中杏

李藝圃

興仁縣補志

卷十

陳紹祥

王俊輝

周兆麟

蕭鴻漸

歐陽春魁

普安學廩生性耿介工詩文設帳授生徒

惟以忠孝勵來學拙於謀生饜飿不繼晏如也咸暨

四年紅巾亂曾出奇計佐戰守九年回變起力籌防

禦回斷城中汲道因察城南隅蟻緣牆根謂其下必

有水且引管子之言以實之時有年耄者至曰是有

筭井久湮矣尚依稀識之乃命李遵化率丁壯掘之

回覘其異置地雷水見象大噪地雷忽發城圯井埋

遵化死之丁壯死者□□□人越□日城破回繫春

魁春魁勸諸回反正陳說利害議論風生回厭其語
殺之其子友柳友蘇聞難奔赴同時被害婦孺皆殉
僅二孫男以身免遵化訓導李同梅猶子幼孤鞠於
叔父學書不成棄而業屠勇於趨事遂及於難同役
知名者有霍祖佑周鍾仁二人鍾仁居西街回象驟
至舉家避城中汲斷親病渴引飲不得因手鋤隨衆
掘泉城圯回象冒烟突入鍾仁擊以鋤鋤折執柄奮
驅之斃數回他回環攻死之

節舊志稿

楊仕傑 邑武生入右營効力積功授新城汛把總頗
知兵乾隆六十年從征銅仁苗右脇中矛猶不却嘉

興仁縣補志

卷十

二

慶初苗叛禦之巴林奮戰久力絕無援死之陣亡士
兵三十一人知名者唯傅紅旗何千里馬二人俱祀
慰忠祠苗變以守城著稱有郭某詳大事志

朱本達 嘉慶元年恩貢生先世家泗水遠相曰天錫
順治十八年諸生子三其季曰軾字若瞻一字可亭
康熙進士累官文華殿大學士吏部尚書居高安卒
諡文端子二長文鸞次文鳳文鳳康熙五十六年官
江西特授吉安府知府後居安福朱家村長子世元
商於黔遂居新城東關世元生應龍應麒應龍以教
讀居興義應麒生本發本達嘉慶二年仲苗攻新城

至米市街遇本達殺之訓導李同梅蹟之曰誠哉達公遇賊盡忠精神永在史冊

留本發乾隆五十三年諸生起芳文起芳起芳起秀

起芳生恭寬信武敏恭生燦璋生燦璠生寬生燦珍

文燦瓊燦瑾燦瑛燦瑜燦瓊以武生歸標充萬兵成

豐元年從征粵西立功大潢江尋隨總兵李瑞趨昭

平迎經略賽尚阿抵古樹村薄暮賊衆萬餘掩至劇

戰官軍死者百數十燦瓊奮力潰圍保瑞出險轉戰

桂林積功賜五品冠服賞戴藍翎旋以事回里四年

隨安義鎮總兵金剛保平紅巾之亂於新城斬悍酋

數名進克安南九年回圍新城燦瓊部署團防與戰

興仁縣補志

卷十

三

守掘泉之役回以地雷轟城城圯燦瓊植立圯城上

督象禦之烟塵蔽天昏不見指回蜂擁迭衝不得逞

中以爲銃與族人朱雙林俱及於難雙林東廂廣東

街人從征柳樹灣著戰績因敵夜襲營潰脫險歸里

卒殉燦瓊之難城破其父寬諾父信敏從兄弟皆以

身殉按柳樹灣之役寬即和府率兵三千餘被襲師虞一役詳楊忠熙傳

羅廷贊 冬瓜林仲族回將大舉仲夷陰附者衆廷贊

聞其謀首告官府不為動迨叛跡既彰與弟廷華及

家族戚友互誓不為逆時令人四出探報賊情並為

官費羽書求援鄰封城圍急率衆五十餘人搗賊營

殺回仲多人挫賊鋒銳因入城助戰守晝夜交經未嘗少餒仲族附回者遙謂之曰爾何為漢族而我同種也廷贊讓之曰我義士也不以種族而壞大義與其附逆而貽罵名於後世寧死為忠魂留義聲與人稱說耳城破廷贊退踞冬瓜林圍再舉回屢攻之均不利十一年普安知縣胡祖寅進攻青山營大屯吳家沖以廷贊為犄角祖寅兵潰回遣王巨林王金林王阿勒羅麻保併力攻之逾四晝夜陷之閤宅三十人無少長皆死

方蔚方棠方英方華 兄弟也世居四十畝負忠義嫻

興仁縣補志

卷十

四

擊技遠近知名咸豐四年紅巾亂弟兄隨團練撲滅有功均獎六品軍功九年馬河圍至王家莊聞其名遣孫毛羊招之不應復約曰不入夥請壁上觀我攻冬瓜林勿相援也亦不答徐語毛羊曰他事不知有犯境者殺之而已毛羊復命河圍大怒兩分其衆一由貓貓坪襲四十畝一由方家營吳家沖攻冬瓜林方氏聞方家營吳家沖皆失守率衆援之回即乘虛火其寨分衆尾追之方議迎敵遙見四十畝大火而攻冬瓜林賊復分兵截其前弟兄不知所為乃奪路奔新城至卧雞田壩遇伏華棠死戰不能脫被執回

鬻割之蓋惡其倔強而梗其進路也蔚奔興義府知府胡霖澍以為親兵護衛英走普安請任鄉導十一年知縣胡祖寅進攻青山屯吳家冲營潰黨遇難蔚旋奉命探新城賊其族弟方矮二方阿牛利其家產以間諜首告回捕殺之時同治元年夏四月也

李慶元李忠玉 粃粃舖人所居多回每協戚友為不義弗從即被戕辱慶元等素憤之亂作陰約普安侯長國侯慎國沈應包羅馬四等共起圖賊長國等壯其謀諾之又遣同里孫九思張世龍四出招集得義勇百數十人部署成因遣使報長國等約期赴敵長

興仁縣補志

卷十

五

國等率隊東來回設伏鑰匙灣夾擊之激戰竟日象皆慙夜懈於防被襲歿於亂兵慶元等聞耗率衆直撲新城營黃土坡初戰頗利回象素懼慶元驍勇盡銳輪攻之從勇死散殆盡慶元猶奮臂鏖戰晝夜無寧息陣亡城西隍內李忠玉孫九思張世龍等皆死之

王美中 計屯人安南學諸生讀書觀大略刺取古名人嘉言懿行以教子弟族黨咸宗仰之三時之暇輒集鄉於場圃講演格言如是為常回亂集丁壯數百人諭以大義率之禦回教戰輒有斬馘後與回戰於

擦耳巖部衆死亡過半猶擐旗搏戰力竭陣亡
陳占春 安逸里大山人好擊技有膂力能挽兩石弓
掌能破厚寸許石塊習射嫻弓馬試入武庫紅巾之
亂以鄉團從知府張鏜於新城擒斬亂首三人馘附
從者二十餘人進攻普安斬馘二十餘人轉戰安南
俘亂首五人斬從賊十餘人後攻雞場坪深入敵陣
力竭陣亡

胡明德 左里胡家莊人生有材武好擊技嘗聚佃戶
壯健者教以擊刺回變安南知縣檄辦鄉團部勒胡
家莊王家莊兩村丁壯訓以兵法九月二十三復令

興仁縣補志

卷十

六

督所部到縣進剿至純德里八梅突遇敵回狡而勦
明德所率皆農人當輒披靡孤立無援戰歿其子應
泰興義學武生運輜重從行聞父被圍率健兒數人
橫槍在前叱咤之聲驚震山谷羣回相率辟易因突
圍入見父尸漬血泊中擗踊痛號回復糾圍之應泰
命從人負父尸奮身奪路右突左衝血花飛濺力竭
死之其弟應兆數與回戰不敵退奔興義中途遇伏
死同殉者五十人

周廷蘭周廣蘭 西街人兄弟也回變起嘗與官紳談
防守謂附郭各街巷應駐重兵不可徒憑城不納九

月二十二日回突至乘勢踞附郭各民房負固作戰城防大受牽制廷蘭頓足曰余言如何今已矣惟拼一死耳與弟俱出揮戈衝殺大呼殺賊街民無應之者遂俱死有劉忠詔邑絲商父早死繼嗣於楊姓敦厚好武事紅巾之亂以軍功得獎六品功牌回事急隻身揮戈陷敵陣死之

僧蠻子

江西會館住持以勇悍故名會館舊偏南城

邪

時城未擴故會館尚在城外

回圍城蠻子率徒衆閉門升屋頂

禦之與城內為聲援汲道絕僧衆不時偷水濟城中逾月城不拔回憤蠻子之作梗力犯會館蠻子擊殪偽元帥馬小固都督杜克端回愈憤輪攻無虛時蠻子死守十餘日不稍懈回於鄰塔高處中以銃蠻子驚仆死回乘勢火江西會館僧衆死者十餘人

小二和尚

勇敢善射膂力過人咸豐初獅子墳雙泉

寺老僧啞於虎鄉人羣聚莫敢櫻小二過之奮拳擊

虎脫老僧於險僧感其德遂止之年才十五耳其為

僧者養晦也每酒酣耳熱拔劍擊柱歛歔流涕似有

隱痛然終不肯以告人以是無從知其過去為誰者

先是杜文秀據滇東以叛普安廳大河堡一帶回衆

見誘蠢動官府措置乖方遂釀成燎原之勢回圍新

興仁縣補志

卷十

城知縣劉岱英憑城固守剝袍壓羽書求援各處團
衆大山陳占壁募兵以應小二與馬道出巴林請於
汎千總王憲謨願為前鋒並請營香爐山乘機觀釁
候援兵齊至分兵繞鴉橋搗其巢不難一鼓蕩平憲
謨以為怯弗納並促其行小二率所部三十六人以
進振臂當先回盡披靡守者疑為回計閉城不納回
出奇兵截其殿致首尾不相應從人星散念事闕全
城生命射書入城守者固作壁上觀小二收合殘餘
據圓通寺城中絕食接濟多為回所攫歷七晝夜粒
食未入口猶驅疲憊之衆斬將擐旗追奔逐北回退

興仁縣補志

卷十

八

文家花園以避之未幾中銃死回勢至此益張

節志稿

劉定國 定榮兄回攻新城勢銳甚定榮請避其鋒定

國曰吾家久沐國恩不殺賊誓不生當此危急存亡

正大丈夫捨身報國之時即死亦可驚天地泣鬼神

率四子與賊巷戰至十字街力竭均死焉四子者阿

雲阿壽阿貴阿易也

據劉氏家乘

蕭榮封 廩生蕭乾樞叔祖其先世真乾樞傳復城之

役率衆猛攻城東砲台與子茂源均及於難蕭葬東

較場

據蕭坤謀先德述聞

陳 韜 國學生初以商起家操奇計贏百不失一道

咸之際鄉里稱爲富室性恭謹雖婦孺見必禮敬之未嘗與人忤妻李氏和易亦如之夫婦賓敬八旬偕老有子國典國楨國柱國興國選皆諸生國柱以武生歸標積功擢馬鞭汎把總亂作回約與俱叛不應請餽糧又不應解甲歸來敬恭桑梓見義勇爲回亂急斃力任籌款方奉白鎗三百兩送公局充餉適城破回縛之籍其家引鞫夫婦至其渠張凌翔曰是善守藏者可作閩人稽出入釘諸門射殺之子國典等五人皆死愛國柱才與熊國瑜並繫於獄國瑜逃去凌翔疑其同謀窮詰之無所得縛而寘之南門引衆

興仁縣補志

卷十

九

犬至今刳其肉不得大於錢每割輒大呼曰疤三此汝之錢也將以予犬汝痛惜否已復以火烙之越七日體無完膚氣未絕復射殺之疤三國柱小字也其族陳文陳武時任地方團保與鞫同黨辦公持正馬家屯猾回素銜之亂作力率團衆禦敵身先犯難不稍却城陷縛之西郭并射而鬻之比死罵不絕口陳氏一門男婦及僕來喜俱以身殉婢曰秋紅亦雉經

節菴
志稿

陳永榮 邑處士平易明決善居積然不吝於財遇公益事輒傾囊捐助無告者常受其惠金錢不苟故地

方公款出納常依異之有大故必公推決策臆度多
中回亂急總理城防籌畫無遺算城陷與子發枝均
被害發枝普安學廩生同時被害者有例貢生吳治
鈞邑富商也嘗捐巨金平治高武馬乃大道施楊掩
駱回亂城被圍者數月民苦飢渴治鈞設法贍之城
陷回以其司公局度支搜而殺之陳屍通渠橋邊
李花農 普安學廩生年五十值回變城防無資倡捐
首輸衣飾充軍用身親刀斗巡守不解誓義勇禦南
城城陷巷戰腦門中刃而仆回徒恣其頑抗剝磔之
謝明賢 邑處士嫻武事子蘭芳亦驍勇善戰回攻城
與仁縣補志

卷十

十

急父子同登陴十一月初五回梯垣入南城明賢手
刃數人餘回虜至與其子均中銃死女墻間三日猶
直立不路回首敬而瘞之

林中杏 普安學諸生回變其戚黨家郭外者咸遭焚
掠因痛憤與弟中杰中杞及其子侄發科發勳等禦
南城晝夜登陴伺隙擊之斃多人回以是銜之甚城
破指名索得之磔於其宅諸弟諸子皆被害

李藝圃 普安學優廩生才氣恢宏然不露鋒稜渾如
太璞教授生徒以敦重倫常急公好義為先務從遊
者年約數十人回事急聚門下士用威繼光練兵法

部勒民團頗具條理無如承平日久耽於逸居卒無
濟城破死之其子捷三隻身投趙軍謀復仇不克流
寓省垣湘軍至投効達字營以平回功存升守備光
緒初從征台灣生番晉游擊師還補右營新城汎千
總卒於官

陳紹祥 普安學武生富膂力知忠義回圍新城知縣
劉岱英嬰城固守任紹祥巡查責城破保岱英走羽
毛坳回追及以身障之中創死

王俊偉 歲貢生工制藝博極經史三赴秋闈不利絕
意進取設帳授徒循循善誘弟子問難灑灑解答必

與仁縣補志

卷十

士

聽者渙然乃已回變與城防嚴巡邏匝月未交賊城
破死之其弟俊士普安學優廩生工詩文下筆成章
若宿構研小學知六書工大小篆得岫巖神韻其師
楊茂材官廣東番禺召襄出納稱治歸授於家鄉人
從學者象城破被執不屈殺之東郊子秀超字伯舉
既成諸生學為商性耿介不趨權勢娶李氏無出再
娶方氏生繼謨卒無嗣

周兆麟 普安學諸生邢家巷人素有血性趨義恐後
人咸重其行回圍城入城預防守晝夜巡邏督勵丁
壯誓與賊不兩立城破驅象禦西街戰歿回初入城

東郭董發科董長均立城樓大呼曰回衆大至矣速
逃去回怒殺之城門並屠其家

蕭鴻漸 高石塢人普安優廩生回變預城守與邑父
老謀稱貧以賑飢伐園木供守兵炊爨城破亡去投
總兵趙德昌營充哨弁以勇敢稱迭挫賊鋒後攻苦
箏箐陣亡同治十年亂平有司上其事得旨旌祀慰
忠祠

論曰大亂之興始於積怨久則各爭存亡遂漬決
不可復止與戰守者事敗駢死多慘酷無人道怨
讟之積也久矣聞父老言苗亂為軍民之爭故以

興仁縣補志

卷十

十一

屯戶受禍為最烈回亂為回漢之爭故以客籍受
禍為最烈然殺機之發當路實有以速之微乎危
乎楊仕傑捍衛有責見危授命禮也若朱氏之一
門忠貞兩膺大難免置所謂干城者非耶謝明賢
死事同而獨獲禮葬回猶知重忠義哉

興仁縣補志卷十一

人物志 列傳五

儒林

閻丕忠 子端附

劉雲從

唐慶元

許如璧

孔毓珩 杏附

集成附

張廷選

張維鏡

楊育之

李蕃甫

王安全

胡國琛

謝明章 經附

君謀君附

閻丕忠 字丞武歲貢生居西關廂性醇謹工制藝授

徒於家一時從學者衆講授殷勤獎勵實踐門下士

多為名諸生初食饒學官以其學行足式庠序拔充

興仁縣補志

卷十一

齋長士林敬服晚年杖履優適道貌岸然鄉飲為大

賓無不謂其威儀堪式一鄉云 按丕忠原稿不著為何時人謂學官重其

學行宜在縣治未移以前諸生問子端其裔也授徒終其身重規

矩明體用加意貧兒以其愛教機會倍少也凡講授

資稟聰穎者課之以程魯鈍者喻之以術邑中諸生

師事受益者頗多 能澤普嚴師傳

劉雲從 字化龍性鈍讀書須百遍始能成誦勤攻苦

年三十五成諸生遂無意進取以啟迪後進為任其

學以主敬為本故其從遊者多自好之士行誼傲僻

生平不履公門晚年酷好黃老之學靜養耕釣以自

娛學者稱化龍先生或稱猶龍云

節舊志稿

唐以恒 字慶元邑諸生幼以能文噪一時投徒負笈來學者萃門下通小學識訓詁推邑經師回亂急同籌城防奮力堵禦城破死之男女與難者十六人子煥章以身免煥章字文軒早歲成諸生幼承家學精音韻反切解詁得小學真傳口吃釋文析義則綿綿弗蹟工篆籀隸筆資適勁富藏碑帖臨摹殆遍故其書法饒漢魏丰致而自成一家晚年教授於鄉嘗語門人曰小學為學問根本不知小學則識字不真能不妄解曲譬耶南人鳩舌音多失正以訛傳訛莫之

興仁縣補志

卷十一

二

或吏料而一之惟音韻耳惜時方重科名攻制藝傳其學者卒解亦西南文化一厄運也卒年七十六

訶如壁 字月川白巖人遷於城同治中補學博弟子

員文多散佚存者有火山教讀賦其辭曰普安縣之安逸里有名山焉萃然起於莽山之中雖大不及五嶽而高實有千尋勢若游龍天矯兮蟠於石上行如鳴鳳踟躕兮舞於松陰堪羨百里來脈星羅碁布英嫌半邊局勢地僻山深特朝則玉屏擁翠結穴則土

角流金龍虎兮重重包裹鶯燕兮時時流音綠水繞村波秧河真如玉帶青山當戶排杉汎高列雲岑長

松鬱鬱修竹森森人無俗障地少塵侵無言而桃李
自成初來誠面有情而芝蘭共契堪訂知心盤就曲
池佇看魚龍變化生成勝地常有豪傑登臨仲也繼
繼承承莫居業於磐石伯兮彪彪炳炳作官吏於鬱
林則有士人許月川者自以為命途多舛際運常艱
既不能致君為堯舜亦何敢比德於孔顏不曰白而
不曰堅徒嘆半生辛苦能勿勞而能勿詢每恨二子
愚頑然而身雖處於人世志則出乎塵寰久仰賢關
聖域常慕泗水東山敢云已可為師學不厭而教不
倦竊願蒙以養正簡則就而繁則刪裁成念切樂育

興仁縣補志

卷十一

三

情殷樵赤松而盤桓銀缸坐守願青雲之直上丹桂
高攀棧杼一家亦佳構也性平易喜禪宗主靜了澈
南華玄理能繪事作山水人物有沈藍田遺意知醫
有求治者雖深夜必至不矜能不索酬有善人之目
卒年六十七其墨跡存者人咸珍視之

孔毓杏 字文垣歲貢生毓珩字景山普安縣學廩膳
生聖裔也兄弟皆穎慧古文宗桐城頗得方氏神髓
非徒襲皮毛者回亂歸里藜藿僅可自充燕如也絕
意進取學為商教子姪以求身自好每謂燕翼貽謀
縱不能光昭先人之令德亦應世守祖武不能自我

而聚皇皇之彝訓也兄弟友恭老年益篤然杏卒年六十七毓珩七十三孔繼文字集成毓杏族也初居迴龍廠後徙者相承家學能文章遭世亂投筆從戎同治初如省乞援時欽差大臣田興恕沉酒聲色賊勢坐大集成上書極諫其辭曰竊聞之智者不以細行而累大德仁者不忘民困而使身圖勇者不忽國難而耽逸樂古之良將純臣未有不先天下之憂而憂後天下之樂而樂者方今內憂未寧外患迭起上則九重宵旰下則羣黎顛連正大臣卧薪嘗膽之秋而壯士委身圖報之日也恭維大人以天下之英任

興仁縣補志

卷十一

天下之重豐功偉烈赫赫在人耳目固無待生之屈計而纓陳矣然以近日目睹耳聞其行動措置間有知不及知檢不及檢之處殊難以下合輿情為威德之累者而親近幕友隔於勢分而不盡言同屬官僚碍於情面而不輕言內外紳民怵於威嚴而不敢言生何人斯焉敢肆談以自速禍哉竊念彼蒼於國步艱難之際篤生此間世一遇之人海內之屬望於麾下者重且深故生之激發於鄙忱者切而篤諗知從諫如流故不避斧鉞鼎鑊之誅致繩愆糾謬之意從來酒色之禍流毒匪輕而為大將者身在行間尤宜

慎重蓋螭首蛾眉伐性之斧卽戕壽之妖佳釀名醪
亂性之媒卽釀禍之水昔吳玠魏美姬於武穆而武
穆辭之曰天下未平非人臣戀美色時也然每食不
甘味不茹珍對北涕流淚染匕箸迄今讀岳武穆傳
未嘗不為之掩卷涕泣也今天下盜賊蜂起外寇內
侵英夷逼近京師髮匪竄擾各省大人思繼先烈深
受國恩際此存亡危急之秋應有寢不安席食不甘
味者矣奈何慕風流之盛名耽酒色之樂事今日貨
艷姬明日親美妾以致頻頻物色而不饜哉夫嗜慾
多則壽算易促精力耗則神智易昏今也醇醪之後

興仁縣補志

卷十一

五

繼以名烟名烟之餘繼以美色身非金石馬能受此
百端之戕賊哉夫姑蘇之臺吳王不返椒湯之禍子
反不歸以蒼生託命之身蹈此宴安鳩毒之習竊為
大人不取今黔中髮匪蔓延教匪猖獗回匪鼎張於
上游苗匪蠢動於江外時勢若此尚堪問哉所恃有
撥亂反正之人維持其間庶可轉危為安轉亂為治
者大人膺朝廷之寵命作萬里之長城欲為斯民計
安全當先為斯民惜財用乃戲演梨園動需百萬緡
之賞燈買佳節不惜十萬貫之錢曾不思黔省十三
府之衆滿地瘡痍呼天疾首引領而待麾下者尚不

止百萬生靈生道自興義來所過兵燹之地自擊心傷城郭村落半為荒墟田廬里居可憐焦土壯者散之四方老弱轉乎溝壑腥氣沖霄天地於焉盡暗卧屍橫野鬼神為之夜號其有幸而不死延殘喘以至今日者尚翹首以待麾下出水火而登諸衽席也嗟嗟顧鴻雁之哀鳴誰其矜此鰥寡瞻貔貅之暴戾尚其拯此飢溺顧乃使曲眉豐頰妒寵而自恃粉白黛綠爭妍而取憐大丈夫過知於天子用力於當世者豈僅如是而已哉今夫釐金稅銀商賈之膏脂也倉廩紅粟農夫之血汗也今聚兵數萬日費斗金雖百

興仁縣補志

卷十一

六

計搜羅尚慮不足顧乃以有用之財置諸無用之地烏能使捐金者踴躍爭先贏糧者輸將恐後哉即使捐俸自娛不動公帑謂可告無愧於羣黎百姓何知恐不能為麾下曲諒也况一身之舉動千萬人於此瞻得失焉稍有不檢則衆論紛騰輿碑口頌可不懼諸然則為麾下計亦易易耳欲止羣黎之謗莫若罷一切糜費之習欲求將士之心莫若檢一身舉動之失將所勸於士者身先為之將所懲於士者身先戒之天下咸知而諒起焉早起晏息庶務親裁稍有餘閒則留心經史不致蹈不學無術之譏天下咸知而

奮勤焉屏聲色以養精神減土藥以培元氣惜財用以保小民之血脈遠矚笑以杜宵小之覬覦天下咸知而敬慎焉銅匱之制意美法良設之未久旋復撤去非所以示信於天下也伏祈重開銅匱廣採條陳復羅致敢言直諫之士置之左右用代諫鼓謗木以警將來勿挾貴以驕之勿挾勢以怵之勿以直慧而踈之天下咸知公之納諫如流誠如是也可以為儒將可以為純臣可以定黔疆且可以均平天下撥亂而反正之其在斯乎其在斯乎生自弱冠從戎於今五年矣每念時勢多艱需才孔亟非豪傑挺生莫濟

興仁縣補志

卷十一

七

其亂及去冬請援來省獲覩麾下則見其將勇而肅其兵整以暇而其令則信而嚴不禁喟然而嘆曰斯人一出蒼生之幸也惟圭璧之瑕尚須濟以磨礪庶日月之食須望布其光明伏冀麾下為宇宙之完人故如是披肝瀝膽冒死極諫非藉此為沽名之具假此為進身之階伏乞不棄葑菲下採為莛善其身以慰四海之望惜其財以定百世之功天下幸甚億兆幸甚生草茅微賤干冒虎威不勝戰栗待罪之至書上不報尋馳歸亂平復理儒業成歲貢生以授徒終

張廷選

字永之性恬融好辯論滑稽有東方朔風初

以諸生教讀班生徒識力相當者按課評臨而進退之書令訂簿本多不過十二篇每本加箋五六道使易熟暇則縱談軼事以起其趣入夜散步竊聽以察諸生勤惰而獎懲之授徒數十年人爭師之旋捨去集多人為儲蓄會勸其齒積納會金雖負販如依其計畫十年可足衣食初辦百人會決議最終一會為公積金三年辦畢會者均稱便即以公積金翻修城東西大街大著成效邑人及他邑入會者爭趨如磨蟻不兩年間已接會者貧不能還未接者惟知索息會因瓦解廷選以是破產識者惜之以其防患未周

興仁縣補志

卷十一

八

也據熊澤甫嚴師舊志稿

張維鏡 字鑑清宣統庚戌歲貢生性嚴謹雖隆冬祁

寒感暑燕居私室必正襟危坐未嘗隱几袒裼一介非義不取嘗有誣讎為盜者具稟送官袖百金請署名立擲之戶外曰我豈飲糲而醉者耶人可瞞天不可欺也以是全被誣者食餼後舉家藏帖括焚之曰願子孫勿持此敲門輒也今國家貧弱誰為厲階無限才智消磨其中皓首揣摩不辨菽麥遑論經濟之道未幾詔停科舉興學校人以是服其卓見與王心

一王小谷等創辦巴林兩級小學任校長數年學子

多成材者年必捐金修治道路急人之急舉救荒平糶周濟無不優為鑒於生產蕭索崇實業以為鄉人倡躬督家人播桑除自種五十株外另種萬餘於各公地講求飼蠶知事王敬彝徵其絲送省獲獎狀另自種桐四千均成林工詩賦詩法盛唐有素怡軒草未梓行嘗以倫德勵人殷殷導諭鄉人有作不義者曰勿令樹林張公聞之為善事則曰是可以告公矣嗜清潔衣履十年如新履必審而後步終身慎謹坐不垂堂晚年嗜靜養日惟蒔花種竹涵養天和類有道者卒於家年六十有一

興仁縣補志

卷十一

九

楊育之 鷄窩井人性莊重讀書識忠孝大節壯際世變國勢貼危世風趨下痛倫紀之莫振補金甌而無力憤而返躬獨善隱居遁志不求聞達力農商以儒術教諸子治生一法陶朱公能聚能散不吝不侈施財藥以濟人刊格言以訓俗有司以耆碩見稱夫婦偕老學使陳雲昌題楹額序其行誼榜於門卒年七十餘

李蒼甫 查刺人歲貢生家居回首馬河圖致之幕下因勸以肅紀律勿讎漢人同治初元回族一反昔日所為民獲安居皆其力也工詩文善書神似石菴設

教新城與陳光耀霍宗敬齊名

王安全 計屯人安南學思貢生操守謹嚴力學甘淡
泊不喜趨炎附勢無意纓冕辦團二十年一介不妄
取並請建義倉以濟青黃不接之農人編聯保甲守
望相助閭閻安堵府縣以品正行端表其門

胡國琛 字獻之安南歲貢生巴林清潔鄉人泌水樂
居肆力於詩古文辭以自怡咸同之際世風日偷吸
烟淫博滔滔皆是引為大戚欲挽之未得其道會以
義倉坐誣陷安南獄數載獄中有唱歌詞者至動情
處聽者輒歎歔流涕以是知唱歌詞之最能感人也遂

興仁縣補志

卷十一

十

日夜竄思從事創作稿凡三易歷時四載成五病回
春風波亭喬女淚唱詞各一部五病回春描寫淫博
吸烟刻薄鬪狠之害風波亭敘忠義奸邪並立之難
喬女淚則標榜從德節孝深含藝術興趣尤富暗示
魔力繪形繪聲淋漓盡致讀之使人喜使人懼使人
悲使人壯學者謂其當舉世方酣於帖括之際而創
作遠合百年後羅曼文學派之傾勢其識見之超越
有大過人非虛語也書甫成展轉傳鈔近百里內雅
士僉父幾至人手一冊年六十餘卒於家

謝明經 字榮九其弟明章字煥廷均幼孤母劉氏孀

吾撫之兄弟事母以孝聞明經知醫以是得交官府
同治壬申湘軍索餉譁變道員周康祿仰藥死人情
洵懼守備謝正明故與明經聯宗情好極密紳耆因
問計焉明經曰吾儕小人能與軍事秘密乎衆曰地
方安危實寄戎府以子與都聞有一日之故容可以
正義告之耳明經曰不能無已請為之介任諸公游
說之乃享於謝氏定計逮諸首悉寘之法明章幼失
學少長晝販於市夜則執經問字於其兄以故知大
義居積百金其侄阿元蕩產盡悉以資之與人合資
經商其人折閱其母明章憐其窘慨舉己資讓之濟

興仁縣補志

卷十一

十一

人之急惟恐不及庚子歲饑饉丞李秉恭設粥廠辦
平糶明章昕夕在公為助彌多平居尊師重道故其
子君謨君誥克世其家君謨字賜襄安南學廩生少
從霍清甫熊子漁治經通性理之學束身自好敦孝
友謹言行既講學於家重威儀嚴教條納諸生於軌
物邑中子弟樂從之遊喜其能以身教也弟君誥性
魯受書於兄力學不倦卒與齊名時稱大謝小謝居
恒以養志娛親為樂問寢侍膳形影相隨每課餘輒
依父側分談軼事其父年逾六十駐顏如四十許人
蓋得於頤養者為多君謨先父卒年四十君誥民國

初元致力地方教育十四年乙丑以佐戎駐鎮寧卒

於軍年六十餘

據訪冊
嚴師錄

熊澤普
舊志稿

論曰為學於荒陬之地能自拔於流俗者絕鮮而唐氏之小學孔氏之詞章張氏維鏡之經濟胡氏國琛之詞曲皆足以卓然名家蓋得之師承者深也記曰善歌者使人繼其聲善教者使人繼其志豈閭丕忠劉雲從許如璧張廷選謝君謨輩之謂乎

興仁縣補志

卷十一

興仁縣補志卷十二

人物志 列傳六

列女 賢明 節烈 貞孝

列女一 賢明

張氏 藍氏 張氏 鄒氏 張氏媳附

郭氏 刁氏 王氏 孫德江氏附

張氏 峽山張先題第四女長歸朱國瑞生子華斗甫

歲餘回亂急舉家逃興義府至上羊場夫兄國鳳嫂

陳氏以女金妹依其姑前行覓宿所未半里遇害家

人聞變間道趨貞豐至大步塘兩山聞殺聲國瑞語

興仁縣補志 卷十二

氏曰事急矣我負母奔警鈴山汝負華斗及金妹繼

進行二里殺聲又作逃者踵接被截髮割乳者雜至

氏慮不免釋華斗道旁曰生死聽汝命負金妹徑趨

蔣宅見姑問華斗安在曰棄之矣姑嗤曰離亂之世

棄男顧女何愚也氏泣告曰男孩媳所生生死可付

命數兄嫂今己不幸欲姑見此女如見兄嫂耳次日

趨貞豐無何貞豐又陷乃渡百層奔安順轉徙普安

廳亂定國瑞遂歸聞馬乃屯陶隊長 俗呼陶有大爺率隊追

回時在大步塘拾一子育之家中今成人矣往覘之

果華斗也重酬陶氏攜之歸教以弓馬成普安學武

生金妹後適老鷹寨屠啟珍亦武生氏卒於宣統三年
辛亥年六十八子五長華斗次華堂華雲華英華
美冊據訪

藍氏 與貴長女白秀魁妻生嘉慶二十年乙亥幼稟
母教嫻婦德歸白氏十年無出勸夫納妾家庭和好
無間年三十生子玉成回亂舉家逃近郊至告化洞
遇賊秀魁死子傷妾被掠氏佯死得免賊去氏負子
逃展轉流離以針黹度日嘗飲泣曰余初不殉夫死
於地下者以白氏一塊肉無人付託耳子年二十餘
足跛為娶媳周氏生子三媳復喪又撫諸孫仍操勤

興仁縣補志

卷十一

二

不輟諸孫既婚配見曾孫三氏時已八十始色喜曰
余辛苦五十年及見爾輩若此余願畢矣夫復何憾
但望爾輩勤慎立身誠實處世勿令人以寡婦無教
譽我也卒年八十有四冊據訪

張氏 交那邵家瑛妻與義外八寨人咸豐己未家瑛
奉母避回亂止其鄉賢之因委禽焉亂定歸門戶頽
然田園荒穢氏略無怨苦傭工開墾值休憇輒話滑
稽故事以怡之從者興奮日作倍程豐獲累歲遂振
其家生子五而夫死氏勤劬逾昔畫必慰貼庶事而
後食夜必紡紗數兩而後寢聰敏強記凡先人嘉言

懿行鄉里故家盛衰軼事燈下爐邊則叨叨不絕於口而以某也當法某也當戒詔其子孫故終氏之身三遭回祿家道未嘗中落卒年八十有二子有仁有義有禮有智有常均能守母教世其家

據訪冊

鄒氏 朝英女諸生劉乾清母歸劉後習於舅姑約而好施之教汲汲以卹族為事伯舅懋蘭客死安南夫弟定遠雲遊不歸各遺子一均召歸為授室其姪乾均夫婦早死撫其孤女長英成長擇婿嫁之一族人與居性暴珍所棄蔬菜氏則陰拾洗潔曝乾待其求而予之因加教誨卒改其行治家勤飯後輒集家人

興仁縣補志

卷三

三

教以興衰之理歷舉往史以可法戒者為鑿漏鼓初動必寢黎明必起一家三十餘口率其教無敢違生平不役奴僕曰吾後世子孫得免為人奴僕足矣中年即長齋奉佛每歲暮輒計親友之貧者適其乏而餽之常與次媳張氏製冬衣歲寒伺瑟縮者以事召入衣之行三十餘年親友有力者多助以金廣其施子乾學居積亦漸裕乃先市故衣於十月朔日施送又十年年七十餘卒自氏卒後十月施衣之事廢張氏仍手製踵行之終其身民國乙丑歲大飢與夫乾學節食煮粥施濟就食者眾老弱多向隅乃語其夫

請城中大户同時施濟歷二月餘活人無算里人稱之以為德出一門云

據劉厚文撰先祖母事畧

郭氏 安南上虎場定邦女生而慧敏八九歲時父授以毛詩四子等書能通其義年十六歸普安學厚生鄒定坤事舅姑以孝聞姑病癱瘓幾四年晝夜不去側每窗下坐繡舅姑過門外雖隔簾必起立性和易家人或犯之未嘗有怒容人以是多之郭氏世為安望族定邦以忤府縣陷冤獄氏心傷之時粵西游勇破興義舉家避上虎場氏因入獄省親相持大哭歸而病劇臨終抱姑泣曰兒恨不能終養也時光緒二

興仁縣補志

卷十一

四

十八年十月二十一日得年二十七日子西樵甫四歲即教以唐詩至今為邑風人

刁氏 刁家箐朝輔次女生光緒五年己卯顛直天成嫉自私者如仇讐年十九適陸官堡李開祥家務農自耕僅得一飽氏喜氣自若初生子女天年二十八始舉一子三十一復舉一女生甫八日而開祥死竭蹶營葬家徒四壁氏除間得母家資助外恒勞作以自給農時耕種暇則鬻糞賣漿勤劬撫育未嘗匱乏子女均得長成家道亦殷實晚年信佛清齋十餘年卒年六十有四

據訪冊

王氏 伯齡大樹脚王姓女李執中祖母也性淑善待家勤能居恒以樂善好施忍辱睦族勉子媳同治壬戌歲大飢鄰居多乏食氏磨玉蜀糝計口分食之故道瑾相望比閭無饑光緒戊寅冬十一月三十日以疾卒距生嘉慶八年癸亥四月二十七日年七十有六孫媳江氏曉星寨江明先女生道光三十年庚戌三月二十五日歸李後濡染氏教溫仁明大義勤能亦如之奉翁姑睦妯娌撫子姪曲盡恩義族鄰口角常引義婉勸使歸和好娣姒有違言略一分辯即置不較臨僕婢無疾言厲色處鄉鄰多諒情推與敬禮

興仁縣補志

卷十一

親賓義教子女終其身不改卒於民國十七年十二

月三十日年七十有九

據訪冊

論曰張氏藍氏存人之孤而終延其嗣鄒氏王氏濟人之急而皆永其年天道宜贖贖哉張氏刁氏艱苦起家鄒氏詩書裕後皆母儀足稱者世謂子之賢多出於其母能教若張氏鄒氏尤過人遠矣聞鄒氏常侍其姑母禮佛暑為揚篋寒為置爐却之不去此皆潛德宜其子之賢也天道豈贖贖哉

列女二 節烈

曾氏 許氏 氏媳 陳氏 鄒氏

李氏 徐氏 聶氏 陳大姑

曾氏 張氏 鍾氏 氏媳匡

曾氏 王育 德妻 朱氏 曾禮 良妻 陳氏 李弟 文妻

劉氏 蕭英 夔妻 王氏 方永 祖母 康 霍氏 陳枝 王要 紀

駱氏 蕭鴻 漸妻 胡氏 張載 陽妻 陳氏 王要 紀

梁氏 夏國 清妻 魯氏 周廷 和妻 張氏 明謝 妻光

楊氏 唐尚 華母 趙 陳氏 王氏 鄒學 均附

劉氏 楊多 林氏 附 霍氏 唐氏 附 唐氏 姪媳 陳氏

李氏 蕭小 附 許氏 黃六姑

李長妹 蕭氏 景氏

興仁縣補志 卷十一

駱氏

劉氏

曾氏 貞豐坡柳亭納弄寨文燦女幼知諱惡其父深

器之道光十年庚寅歸安南下把字劉國裕長似虐

遇之國裕為不平氏曰君忠實過人予固相安弗與

較弗忍人將謂君家有河東獅矣越二年夫歿子子

建生未週歲母子仰息伯氏詎許時至氏憤語曰曩

之示弱畏夫綱之不振今若此是不相容矣余豈能

長為人婢遂析居又十有二年翁姑相繼歿氏獨力

營葬家益貧子建學坐廢年十三令負笈坡柳亭從

徐全中至必窮日之力年中無多往返人諷之曰何地與其長相思孰若聚首一堂之快也氏曰是宜以義勝情耳若父暝然長逝猶能忘之豈生離反重於死別乎必歛歔痛兒如村媪誤吾兒矣從遊六年歸使事張敏軒樹堂考廉濶木廠人費頗鉅氏略無難色及成諸生泣語之曰是蓋祖若父望之求之未能遂願者也汝好為之青雲有路矣咸豐己未回亂漢夷分黨讎殺村人皆逃氏獨往夷寨刑牲與盟不相讎卒安無事流亡漸復辛未亂平子建以軍功敘教職丙子有司上氏大節旌如例子建以戊寅授平越州學正

興仁縣補志

卷十一

七

越八月告歸氏喜甚曰吾今乃知家庭之樂矣至是日以弄孫娛目渾忘其貧生平不佞佛不茹素五十餘年門無巫覡跡然春秋祭祀粢盛庶飴之屬必備必豫治家嚴諸婦有過輒呵責而壯烈之中深寓慈祥好恤隣壬戌世亂饑人相食氏廣種蔬煮粥濟鄉人鄰居火其家人皆出冒入為出斨火裹之其媳陳驚覺突焰擁之歸髮焦顏爛逾月始平其急人之急類如此以是得衆心臨大難弗怯生嘉慶己巳八月

二十四日光緒丙戌十二月十二日無疾卒年七十

八子一孫男四

據劉宗曾先大母行述

許氏 蕭榮慶妻歸八載夫死子華良甫六歲葬夫後
寒燠不問飢飽不計苦守遺孤比長為娶劉氏未年
而殂又娶陳氏丁回變舉家徙安南廖箕箒依舅氏
居同治己巳生子乾珍辛未生乾樞未逾年華良死
乾珍繼殤姑媳宵夜涕泣慮蕭氏卒斬天相其節大
亂旋平乾樞亦崢嶸成立似續得以不墜姑媳形影
相依垂四十年乾樞嘗曰余自束髮受書迄於食餼
吾祖母暨母氏無時不矜惕謹持懼或顛躓凡余之
飢寒貧病勤勉荒怠靡不息息相關處境之苦惟余
知之匪外人所能想像也光緒中有司以兩世懿行

興仁縣補志

卷十一

八

上聞旌如例姑許前卒年八十五庚子八月二十六
日媳陳氏卒距生道光癸卯七月初四日年五十有

八據舊志稿蕭仲瑜坤璞先大母行述又霍祖佑妻顧氏苦節終身其

叔宗敬錄行上聞旌如例節舊志稿

鄒氏 周顯麟妻老西門鄒朝英女年二十歸周生子
不育回攻城急其夫禦之西門中創死氏覓得其屍
草瘞之城陷賊欲擁之去氏投簪并不死自刎賊奪
其刃雉經而縊絕局之小閣復投閣賊知其志不可
奪舍之氏曰脫再至吾無死所矣折其門齒蓬髮髻
面以自晦弟國璽慰而歸之知其性烈易恚凡飲食

服用必備心虔並以戒其家人一夕忽不見急踪之
沒於小池蓋散步荒園見百卉凋零不禁身世之感
思速死求解脫也扶之歸百端譬喻遂安之弟好交
遊每當賓朋燕集但談諧笑傲酒食皆吐嗟辦勿煩
指顧幹練善馭舉家內外率其教無敢違城鄉咸尊
以大姑凡市集置座門首鄉人以蔬果見遺率受而
納之若者衣若者食各如其分以予之同治十三年
旌性好佛孀居後茹素持般若波羅蜜多心經觀音
經年五十清齋持金剛經準提咒大悲咒每夜禮佛
已集家人檢討日程談軼事夙興禮佛已部署家事

興仁縣補志

卷十二

九

作急有時終其身無間卒年九十四

節舊志稿

李氏 王永年妻燦春女年二十來歸逾年而夫歿氏

憤不欲生翁姑慰止之回甦起避居郎岱家貧寡翁

商於外有宦家子見氏寡居謀娶為室氏聞投井求

死遇救免翁歸質之理得直後至雲南皈依高僧持

戒十餘年夫弟永芝迎之歸以其子中璞嗣之光緒

戊戌其侄中琪呈准學使傅增湘彙題旌如例並以

志堅金石表其門卒年七十四

節舊志稿

徐氏 武生陳紹祥妻昌言母紹祥身翼昆令劉岱英

殉節羽毛凹忠義另有傳氏聞耗收殮權厝西郊跡

翠子女星夜逃所寨遂矢志守節紡績撫孤教子嚴
故昌言卒繼父志成令器亂定歸禮葬其夫生值喪
亂備歷艱辛昌言既成諸生錄行上聞當道以義節
齊芳表其門卒年八十同時以節著者有陳行政妻
李氏二十三而寡矢志撫孤孤八歲又殤親故勸再
醮弗從清節冰操歷五十年性和窈生平無妄語尤
考其翁姑卒年七十有一

據訪

聶氏 武生陳國柱妻咸豐己未回攻陷新城國柱遇
害遺孤連陞甫六歲連沛甫四歲氏挈之逃出雜流
民居城外十四年推恩任智卒免於難亂定歸使長

興仁縣補志

卷十一

十

子經商給家次子仍習弓馬光緒乙未成武生中氏
苦節學使葉在琦以貞操拔俗表其門卒光緒丙午
年六月十四日距生道光辛巳年七月初四日年八
十有五連沛有子曰登高娶場壩王永芝女年二十
五登高死生遺腹子俊賢氏矢志撫教迄於成立又
國柱女兄曰大姑并年在室城破懼污投廁死人謂
節萃一門云

據訪

曾氏 聖清女郭儀璜妻年未二十而寡遺腹生女不
育舅姑憂鬱成疾纏綿床褥者累月氏晝夜侍卒割
股藥之始霍然全愈時夫弟儀祥甫十二歲小姑才

九歲氏勤苦操作上盡孝養下完婚嫁十餘年如一日儀祥授室未暮而又歿遺腹生子德厚氏喜甚曰郭氏宗祧不墜矣與弟婦熊氏共撫教之比長為娶於蕭生男五女二乃出資築室於城東以居勤苦逾昔氏孀居即奉佛茹素四十餘年民國壬申無疾卒年六十一越十年壬午弟婦亦卒年六十有四時稱郭氏雙節云

張氏 大坡舖回族幼勤儉善女紅年十八歸馬高園二十三而寡遺子女各一矢志撫之子習回經敦孝道氏嘗語人曰簷前水滴舊窩不負我一生辛勤矣

興仁縣補志

卷十一

十一

晚年家境裕如猶日夜作不輟卒年一百有三或問其養生之道其子曰無他異日早起勞其力而不倦其心夜能安寢胸中無欺仄生意滿腔得悠然之趣如斯而已君子曰是參老莊三昧之旨者也其永年也宜哉

鍾氏 張正修祖母年二十五而寡子光明光廷光國均髫稚回變挈之逃流離顛沛矢志不渝回平歸里復其家為光明娶匡氏匡事姑孝恒得歡心光明又早世氏慟不欲生姑泣謂之曰吾兒舍我恃有汝也汝再如此得毋逼我歸泉壤乎氏乃稍殺其悲事姑

如平時家貧氏親販布足求贏以供甘旨兼供諸子
脩脯姑卒年七十邑人咸高其節光緒辛丑正修成
諸生上其行學使趙惟熙以德並唐陶表其門又王
育德妻曾氏曾孔良妻朱氏人計也李夢文妻陳氏泥白
人田蕭典獲妻劉氏方永康祖母王氏陳發枝妻霍氏
蕭鴻漸妻駱氏張載陽妻胡氏王懷紀妻陳氏巴林
人所夏國清妻梁氏巴林周廷和妻魯氏巴林河謝光
明妻張氏人陰崖唐尚華母楊氏功德趙陳氏巴林
學淵妻王氏人小寨均以節著未旌

劉氏 增生楊忠炳妻回亂棘忠炳誓死守遺其弟忠

興仁縣補志

卷十一

十一

變奉父母遠徙以避之令氏率子姪從紆途遠安順
聞城陷其夫及家人留守者皆及於難憤以身殉得
救甦翁姑慰之曰汝夫死王事老幼養育之責寄重
於汝今汝激一時之憤從夫地下死而有知將以大
義責汝矣氏乃收泣孝養如恒同治丁卯隨夫弟忠
愛如興義道經金積堡遇苗匪巖大五忠變遇害氏
抗罵賊怒殺之其子姪樹滋潤兆魁祈祐正達常
安汝霖正喜等依氏肘腋牽衣號泣賊並殺之忠愛
之死也其女多娣以身翼之中矛創劇痛持不去均
死之其妻唐氏城破投繯死屍經旬不變胞弟唐煥

章發葬之面若生姊婦林氏忠熙妻回圍城久知難
倖全預蓄毒為自盡計書絕命詞於襟底其辭曰兒
身本自渾如金嫁得文郎般鍊深大義當知倫紀重
那堪醜類漫相侵完全太璞返天真結果成期義烈
人莫道柔腸是弱女拼將一死見精神愚魂仍惹戀
庭幃為惜身名纔與遺孺子雖頑知有母聲聲莫叫
喚娘歸飲鴆若飴我自甘癡心祇念壻單寒如來肯
遂無退願再結良緣也不難城破氏即仰藥不殊復
雉經以殉數日得棺殮與妣唐氏同居氏增生林中
杏女幼讀書解文義能詩詩成時父母均健在夫方

興仁縣補志

卷十一

十一

遠徙蜀中故屬辭如此姊婦霍氏拔貢生忠烈妻隨
翁姑走永寧咸豐十一年辛酉將如安順道出費官
堡苗匪掩至欲掠之投崖折股死同治十年丁未御
史諱鈞培彙題旌如例

唐氏 諸生熊崑妻城破投廁瀾死姪媳陳氏以身殉

陳氏 縣丞熊戩妻事聞旌如例

李氏 武舉蕭連斗妻城破自刎死其小姑聞變牽母

裾母曰事急矣聽兒自擇尋將不保也小姑曰兒無
他惟死耳母泣不可仰小姑引剪截喉死同治十年

事聞旌如例

許氏 四十畝方華妻方華死難事具忠義傳氏於家宅大火時逃至卧雞田壩見夫死於賊戟指痛罵賊怒寸磔之同治十年事聞旌如例

黃六姑 鐘鼓樓黃姓女待字閨中勤操女紅僱傭蕭某蠢男子也未禁其出入庭戶見六姑羨之一日晨起家人方酣睡蕭懷利刃入閨中脅之六姑怒罵呼救其兄驚起蕭傭情急圖脫抽刃刺六姑身死家人共禽之送官訊得實擬絞立決得俞旨並旌六姑准建坊坊在東大街當道皆有題詞蓋道光十六年事也

興仁縣補志

卷十一

古

李長妹 增生李蓮舫從女土井巷人年及笄待字深閨嫻針黹秀麗溫雅舅姑楊陶氏愛之時迎至其家與居處時有中表邀與秋祭晚歸遇惡少楊三保覲其姿色擁之去長妹嘶拒遇救旋羞憤服毒死其母訴諸縣不得直勸女死非命訴於司按察使全懋績劄縣逮楊三保解司發審委員勘驗嚴鞫得實依律擬絞監候上刑部尋得旨楊三保依律處決李長妹准旌表建坊坊在兩大街當道亦有題詞蓋光緒三十年事也

蕭氏 秦夢銀妻子盛富普安學武生回亂生計繼賊

黨孫毛羊知其寃請充鄉導氏覺而責之並斥毛羊
毛去憤其子從逆欲自裁盛富大懼慟哭求宥殺賊
以自贖因絕毛羊毛羊慮生變異朝夕伺隙圖之及
總兵趙德昌率師渡盤江盛富喜曰殺賊此其時矣
稟其母請作內應謀洩毛羊以聞回首張凌翔執而
殺之時方夜靜氏起見子死突於火光中見孫毛羊
戟指大罵以頭觸柱死年八十二其媳胡氏見夫姑
均死亦以身殉

景氏 巴林汎干總王憲謨妻與義府景其濬女憲謨
援負豐陣亡氏聞耗痛不欲生或勸以夫嗣為重乃

興仁縣補志

卷十二

十五

毀容率子女避牛場箬大碇中矢志冰霜嚴於授受
絕糧回遺以糧氏曰此亦盜泉也不受卒餓死

駱氏 辜葛高妻咸豐己未石達開別將竄盤江淫掠
焚殺所過為墟氏懼被污溺於站馬田河逾數日屍
浮面如生

劉氏 陳叔飛妻黔督軍劉顯世從女也叔飛於護法
之役著績川南當道恃為長城庚申率師回黔殿川
軍於尖山子中流彈死氏聞語家人曰夫死而有遺
孤未亡人應偷生存夫嗣今寧馨未抱應從之地下
何必樓上殘燈望白楊而興作柱之悲乎遂仰藥死

時論以叔飛陣亡為忠氏死夫為節忠節雙輝壁聯
玉共夫兄伯祥為建忠節樓遠近美之詩歌頌者成
帙云

以上據舊志稿拙自
蕭氏以下均未確

論曰理欲者人禽之辨也先王治世以從一而終
著之為經所以立人道之極則未嘗以難能責衆
人也節烈之婦往往千萬人中不得一人非守禮
之難所資以為守者之為難也興邑以節著者曾
氏以下得二十有九人若曾若鄒皆德足以歷諸
艱才足以應萬變者其他大率類是祇以文獻無
徵不能傳其懿行耳以烈著者十七人劉氏姒娣

興仁縣補志

卷十一

十六

居其四女子居其一蓋有為之後者也莫為之後
其淪於荒烟蔓草者又不知凡幾以弱女子繫名
教綱常之重王者所以旌之也近世謂為食人禮
教是直縱欲忘反而已矣夫至於縱欲忘反人道
已漸滅盡矣宜禮教之喫人哉

列女三 貞孝

張德貞

馬貞姑

曾滿姑

李翠姑

邵蘭貞

王永姑

霍六姑附

張德貞 世學季女姊適謝君謨德貞甫四歲世學夫

婦俱死依其姊以居及笄君謨為擇配不悅曰吾幼

孤蒙兄收撫兄父母即我父母也願隨奉甘旨以報
君謨憂之屢勸遂啜泣弗食幾欲自盡乃聽之遂從
周鄒氏茹素奉佛經紀君謨家政敬奉其父母至是
人均視為謝小姑不復識為張氏子矣後君謨父母
相繼歿家漸落與其姊曰夕操作撫君謨子少安底
於成少安從戎卒於軍遺孤永權方髫齡時其姊已
歿德貞慨然曰今正我為程氏嬰撫孤兒以報謝氏
時也勤苦倍昔時既遣永權歸父骸師長車鳴驥留
之從諸子讀德貞為忘忘屢函促歸督教如嚴師既
受室曰吾報謝氏之願已償可以對其兄於地下矣

興仁縣補志

卷十二

七

卒年七十一

據訪冊

馬貞姑 回教主光烈妹光烈成立三家寨道堂留貞
姑於此楊雲鶴另築石室以居之飲食起居侍以老
媪有稟謁及請口喚亦由老媪將命雲鶴及回象鵠
侍戶外屏息無譁蓋視貞姑猶光烈也居道堂二十
餘年無人親其道貌光烈歿後其姪迎之北上封雙
所居之室今回象至室前者必焚香致敬表尊崇云
曾滿姑 巴林曾廷佐女字大堡塘譚光中既請期光
中突病歿赴至廷佐戒家人勿洩忽為所聞立服毒
出拜父母曰女子之義從一而終兒雖未登譚氏之

門拜姑嬖侍中櫛然人已知兒身屬譚矣望父母勿以兒為念者般薄命不祥之身偷生何顏言未已毒發死不殭面如生口祭香溢室中

李翠姑李二姑 響水冲人姊妹也幼孤依叔居叔母虐遇遂別居矢志勤紡織善居積衣食以裕養葬叔父母均如禮翠姑前卒年五十三二姑卒年六十一邵蘭貞 以祖母張老無依侍之終身

王永姑 營葬父母修祖墓又霍六姑痛夫慘死均不再字以貞考著永姑計屯落水洞人卒年五十八六姑歲貢生宗敬妹初字陳氏子城陷陳死遂祝髮卒

興仁縣補志

卷十一

六

年五十一

論曰歸震川謂女子未嫁人而為其夫死或終身不改適者為非禮少其以身許人也夫未嫁從夫義不及於夫既嫁從夫為其父母降服聘為父母之事女子不自知其身之誰屬何能以身許人婦氏之言為人道之大防也常也處人倫之變而激於至性發於至情或舍己成人或守身養親或痛門戶之衰而延血食於將斬若張德貞邵蘭貞王永姑霍六姑李翠姑之傳古志士仁人孝子孤憤耿耿驚天地而泣鬼神者亦猶是耳馬貞姑篤守

教義抱道自尊又可以常禮律之哉

興仁縣補志

卷十二

十九

興仁縣補志卷十三

賦役志

田賦 役政

禹分九州任土作貢而賦興焉然夏之貢殷之助周之徵皆什一也春秋以遷政煩賦重於是布縷之徵粟米之徵力役之徵此中州之賦法也漢置初郡十七各以其故俗治無賦稅是開後世羈縻遠方之漸明代設衛置屯遂有屯糧民間墾種田畝升科輸官遂有科糧官署驛站各以人民應差遂有徭役而官署供億又不時誅求於民遂有課程有歲用清承

興仁縣補志

卷十三

明代條鞭之制併貢役於田賦而師元代差發之遺改徵地丁除力役凡官署驛站須徵民力者皆由官出資雇募承充民國初元因之革命軍興百廢俱舉土地國有之說甚囂塵上已不能涉薄賦輕徭之想惟遙溯經制近測民力職在方志興仁初屬普安置縣以前漢里皆屬安南所

所與衛系統各別與義府志牽入安南衛遂多鐫錫土

里皆隸魯土營設縣之初撥三漢里三土里隸普安尋析三土里為馬乃樓下安逸鼠場阿計五里而以忠順安逸二里隸新城明其分合之迹而近代賦役亦可識其崖略旁及物產生業則此邦之民力斷可

識矣

明代土田

普安州

多墾田無頃畝

嘉靖通志田地隨山開墾漫散不一難以計畝止量各營地方廣狹納糧

普安衛

水陸田地八萬三千一十九畝七分

嘉靖通志水陸田地七萬八千四百四十四畝七分

水田三萬五千四百六十八畝六分
陸地四萬二千九百六十六畝二分
口食田四十五

興仁縣補志

卷十三

二

百七十五畝

按此時平疇沃壤均已置屯故州屬土田不能計畝

田賦

安南守禦千戶所

土科糧一千八百石六斗五合七勺五抄

嘉靖通志屯糧歲納一千六百八十石科糧一百九十

二石六斗五合七勺五抄場稅每季該銀九兩法用四十五兩二錢六分

編戶

普安州

官民雜役三千一百四十一戶 三萬九千五百二十五丁口

普安衛

查城官軍二千六百五十六戶 六千九百九十八丁口

按明代漢土戶口都入州衛無從分析

徭役

新興驛

歲征馬價供館白銀二百三十四兩三年解銷陳二十

興仁縣補志

卷十三

副站夫三百二十五名

嘉靖通志新興驛馬三十四匹於普安州泗城州出辦
每年馬價連供館共征白銀三百九十兩廣西泗城
州每年馬價連供館共征白銀一百五十六兩供館
隨馬答應鋪陳二十副於冠帶土婦安氏並營長交
鞏固下三年自造解驛

又新興所站夫三百二十五名

按普安州轄 有尾灑新興湘滿亦資孔等驛尾

灑驛不言承當地方湘滿由黃宗仁出辦宜為黃

平營亦資孔由營長阿宗安鞏固出辦是新興一

驛由魯土各營出辦已可想見

普安州

歲征雜差一百四十三名

嘉靖通志普安州柴薪夫二十六名馬夫三十六名
皂隸三十名弓兵二十一名刷磨匠一名儒學齋膳
夫六名庫子一名禁子二名

普安衛

歲征兵差二百三十七名

嘉靖通志普安衛柴薪夫一名門子十名鋪司兵一
百一名有馬旗軍一百二十五名

興仁縣補志

卷十三

四

按上列徭役雖係普及州衛全境然不能謂與縣
域先民無涉維時軍民逃亡見於地方志乘私人
紀述者往往而有良以漢人移殖時尚無多椎髻
烏言終駭官府故有司之役惟漢人軍衛之役惟
卒伍諸夷當役於官府者各以漢人卒伍代之而
取其直是漢人卒伍一身而衆役萃矣及其倣也
直不可得役不能免乃使衆漢人卒伍共佐之是
衆人一身而衆役萃矣此逃亡之漸也上伍旗屠
氏家譜曾言之可按也

清代田賦

普安縣土田

額田一萬五千三十二畝有奇

康熙通志額田一萬七千七百六十一畝餘乾志八千

五百荒蕪田八千三十九畝餘乾志六千九百六十畝實在成

熟田九千七百二十一畝餘乾志一萬一千五百一十六畝

興義府志按檔冊原額田二萬一千四百六十七畝

除荒蕪外實在成熟田一萬五千三十二畝五分五

釐 又云縣田分徵糧徵銀糧又徵銀三等徵糧不

徵銀田二萬按二萬字二千一百一十一畝有奇

忠順里之屯田科田及減則屯田忠順仁等里之新

興仁縣補志

卷十三

墾田是也其徵糧又徵銀田二千八百三十九畝有

奇仁義禮智信五里之民田及減則民田徵折色米

又徵折色歲用馬館銀是也至旱科田則徵銀而不

徵糧矣

普安縣秋糧

實徵秋糧本色米二千零二十七石有奇

康熙通志原額本色米二千五百二石餘乾志二千五百四十

石田荒無徵米八百三十三石餘乾志六百一十七

石餘實在有徵米一千六百六十九石餘乾志一千

餘九石

興義府志按檔冊普安縣徵糧不徵銀田一萬二千一十七畝一分二釐七毫內忠順里屯田二千五百六十一畝四分三釐科田三千七百四十九畝二分三釐一毫仁讓二里科田一千九百五十四畝五分又忠順仁讓等里新墾科田三千三百二十六畝零九釐又乾隆十八年至四十七年新墾科田一百六十畝零五分五釐各則例起徵不等以上共徵秋糧本色米一千五百零一石八斗六升四合又徵糧復徵銀田內仁讓二里屯田一千四百九十五畝五分三釐除徵歲用折色銀外每畝徵本色米三斗三升四合三勺共徵本色米五百二十四石三斗三升九合二勺都升徵米二千零二十七石二斗九升六合八勺

按此總數從四柱冊今將二數核之其尾數實二十六石二斗四合六勺

額徵秋糧耗米三百四石有奇

興義府志徵檔冊秋糧耗米三百四石一斗一升

實徵秋糧折色米一百二十四石有奇折色銀五十七兩有奇

興義府通志云原額折色秋米麥糧五百九十一石

餘該折色輕費銀二百九十三兩餘田荒無徵秋米

麥糧四百五十四石餘折色銀二百二十三兩餘實

在有徵秋米麥糧一百三十七石餘折色銀六十九兩餘

興義府志按檔冊征糧又征銀之田內仁義禮智信五里民田一千三百三十二畝五分減則民田一十一畝七分除征歲用馬館銀外每畝征折色米九升二合九勺共征折色米一百二十四石八斗七升六合一勺又仁讓二里屯田一千四百九十五畝五分三釐除征歲用馬館銀外又征秋糧本色米五百二十五石三斗有奇每石折徵銀四分七釐共征折色輕費銀五十七兩一錢九分二釐

按折色銀以及歲用馬館銀皆留撥

興仁縣補志

卷十三

七

驛費造冊報銷

旱科田銀四錢有奇

興義府志按檔冊旱科田二十畝七分六釐每畝征銀二分共征銀四錢一分五釐二毫

普安縣丁賦

額征地丁正銀四百三十兩有奇耗銀二百一十六兩乾隆貴州通志普安縣原額戶口四百二戶新增九百四十一戶原額人丁一千九十六丁逃亡八百五十二丁康熙三十五年編審實在征差二百四十四丁原征丁差銀二百六十九兩餘逃亡無征銀二百

九兩餘康熙三十五年編審實額徵丁差銀五十九兩餘三十五年至五十年增徵四十四丁康熙五十年編審實徵差人丁二百八十八丁徵銀六十九兩餘

與義府志按檔冊舊額徵丁銀六十九兩八錢五分乾隆四十二年奉文攤入田賦起徵今考四柱冊地丁正銀四百三十八錢八分一釐耗羨銀二百一十六兩此亦兼條編輕費馬館等銀而言

又按條編歲用銀五十二兩有奇條貴州通志云原額七十七兩實有徵銀五十二兩零七釐其起徵之額仁義今條編歲用銀五十二兩零七釐其起徵之額仁義

興仁縣補志

卷十三

八

禮智信五里民田一千三百三十二畝五分減則四畝十一畝七分每畝徵銀二錢五分釐七毫四絲共徵銀三十四兩九錢九分九釐每石徵銀三錢二分三釐二毫二絲二忽共徵銀二十七兩四錢四分六釐馬館銀二百六十兩有奇通志云原額馬館銀九百六十八兩實有徵銀五錢四分釐五里民田及減則田每畝徵馬館銀一錢五分釐九分釐共徵銀二百零六兩九錢九分七釐八毫

田賦

興普分治由普安撥入忠順馬乃安逸阿計四里與鄰縣華雜地方又各依天然界限區畫互撥語具輿地志建置沿革篇於是興仁額徵地丁正銀二百九十六兩有奇秋糧二千三百四十九石有奇表詳一附徵率各從其

湖正項而外有耗羨有盈餘有規費每丁一兩折征銀
 一兩至二兩一錢二分年應征銀五百零六兩糧每石
 折征銀一兩二錢至三兩不等

附表一

興仁縣丁糧實應徵額數表

撥入項下

項別 撥入屬別 撥入年月 撥入銀兩 數

普安縣 元年十二月 二百二十五兩
 三年十二月 七錢三分九釐

地 安南縣 三年一月 四十九兩五錢三分
 至九月

興義縣 四年一月 三十九兩五錢二分

興仁縣補志

卷三

九

興義縣 四年一月 八兩一錢

盤縣 四年二月 二十三兩七錢八分六釐

丁 南籠縣 四年二月 八錢四分四釐

小計 三百四十七兩
 五錢一分九釐

項別 撥入屬別 撥入年月 撥入米石 數

普安縣 元年十二月 八百四十二石
 七年七月 八合

秋 普安縣 四年八月 二百零一石九
 斗五升九合

安南縣 三年一月 八百五十二石三斗九升
 至九月

同 同 右 八十石零六斗

同 同

右 六十二石七斗九升九合

興義縣 四年一月

九斗六升四合

同 同

右 一十一石六斗四升

盤縣 四年二月

一百一十四石九斗一升

南籠縣 同

右 二石九斗三升

小計

二千六十二石三斗四升

糧

撥出項下

項別撥出屬別撥出年月撥出銀兩數

地 貞豐縣

興仁縣補志

卷十三

安南縣 三年十一月

南籠縣

丁 興義縣 七年九月

四縣共四十八兩七錢二分一釐五毫

安南縣 六年四月

小計

五十一兩四錢五分一釐五毫

項別撥出屬別撥出年月撥出米石數

貞豐縣 三年十一月

秋 安南縣 同 右

興義縣 七年九月

三縣共四石九斗九升三合

安南縣六年四月

興義縣七年九月共八石二斗六升

小計 一十三石二斗五升三合

實在應徵項下

項別縣 別額徵銀兩數折徵例每年應徵數

普安縣 一百七十七兩零 二分三 三五兩〇〇

安南縣 四十九兩 五錢三分 二〇〇 四九〇〇

興義縣 二十九兩 五錢二分 一八〇 五一〇〇

同 八兩一錢 十〇〇 八一〇

總縣 十一兩零 五分六釐 二〇八 二三〇〇

興仁縣補志

卷十三

十一

丁

南籠縣 八錢四分四釐 二〇〇 一六八

小計 二百九十六兩零 六分七釐五毫 五〇二〇 五〇八二〇

項別縣 別應徵米石數折徵例每年應徵數

普安縣 八百四十二石 七斗七升八合 二五〇 二二〇六兩

同 九百九十六石 九斗六升六合 三〇〇 五九〇八八

安南縣 八百五十二石 三斗九升 二二〇 一八七七四六

同 八十石零六斗 一八〇 一四五〇八

同 六十二石七斗 九升九合 一三〇 七五三六

興義縣 九斗六升四合 四〇〇 四八六八〇

秋

同	六十一石	二·五	一四·五六
盤	一百零六石	三·二	二〇七·七八
南龍	二十九石三斗	二·〇〇	五八·六〇
共計	二千三百四十九石零八升七合		五,五六二·七五

現在田賦

與仁地政作始於民國二十七年由省令委賀鑄超桂朝襄吳學禹及助手三十餘人至縣設處辦理七月一日處成召各區長聯保主任保甲長及民衆戶一人到處聽取土地陳報之意義及程序首正各聯保經界次於保內分段段為一組遣編查員實施編丈挨保遞進

興仁縣補志

卷十三

分頭効功六月畢事乃由業主填單呈報彙交縣政會議審核比對復查抽丈造冊公告定賦給照而事備通計全縣編得可耕地一十四萬三千八百六十九畝七分內計水田三萬二千七百三十八畝六分旱田五萬五十二畝四分旱地六萬一千七十八畝七分另荒地即免稅地五千二百六十七畝二分照三等九則定賦最高每畝三角低額畝四分一等以二為差二等以三為差三等以四為差歲額征銀二萬一千八百九十元六角八分自二十八年起征二十九年照額倍征銀四萬三千七百九十九元三角六分三十年照倍征

元數改折實穀每元二市斗歲額征穀八千七百五十
 九石有奇嗣後加征縣級公糧每元折穀一市斗都計
 年應征穀一萬三千一百三十九市石有奇
 十人合作六個月才六千日耳行程能插牌編者號止編其地
 預備須占二分一月程三千日則所辦理者不識
 耳天以草草了事之誰何且三成不變則原以九州第其知
 者亦任其為美之誰何且三成不變則原以九州第其知
 高下衡之興地上者皆下耳租稅須富一紳縮力至
 可應國地需要之緩急而張弛之然必先有一大至
 不之標準此又豈一般不識
 正之民衆所能俾致者哉

附表二

與仁縣田地糧額等則表

興仁縣補志

卷三

等	字	等	字
則三	段一	則一	水
9351.8	二	5819.2	田旱
2431.46	八	1745.76	田旱
		32738.6	地
		50052.4	
		61075.7	
		143869.7	
			合

戶數	坵號	免稅地	合計	等別三	三		等		二	
					則二	則一	則三	則二	則一	
22612	75051	5267.2	143869.7	22563.2	19903.3	23753.3	21612.3	15880.3	18234.0	
			21899.68	902.53	1592.24	2050.32	3457.95	3017.95	4011.43	

興仁縣補志

卷三

分治時普安咨送公租清單

彌勒屯等處逆絕租穀八十六石

紫霞馬嵐二山廟租穀六十石

樓下里公租穀一百二十石

以上三項 共穀二百六十六石 撥歸普安縣

彌勒屯逆絕租穀一十三石五斗

彌勒屯學租穀二十五石

馬家屯逆絕租穀六十三石

雙泉寺廟租穀四十石

興仁縣補志

卷三

十五

純寨補廳公租穀十二石

金鰲山廟租穀七石

玉皇三官二閣座租穀三十石

魚塘寨冊報租穀七十五石五斗

以上八項 共穀二百六十六石 撥歸新城縣

土地陳報

興仁縣土地陳報業務係於民國二十七年奉令舉辦

工作人員賀鑄超桂朝農吳學禹等三十餘人自七月

一日成立成立後即由處召集各區長聯保主任保甲

長及民衆每戶一人聽講陳報之意義定期六個月當

時因宣傳有力如期完成案查辦理程序係先劃定聯保界線及保內之分段派編查員分組即赴各聯保費施土地編查丈量時均以市畝為計算之單位每畝合市尺六十方丈合計全縣編獲可耕田土壹拾肆萬叁仟捌百陸拾玖畝柒分荒田土伍仟貳百陸拾柒畝貳分冊載坵號柒萬伍仟零伍拾壹號戶數貳萬貳仟陸百壹拾貳戶原糧賦額貳萬壹仟捌百玖拾玖元陸角捌分後由業戶陳報陳填送業戶即經縣政會議審核比對復查抽丈造冊公告改定科則頒發土地管業執照全縣土地陳報業務可告完善土地陳報處即將各種

興仁縣補志

卷十三

夫

冊表交縣政府田賦徵收處保管於二十八年開始徵收田賦法幣每畝分三等九則

附表

等 一		
則一	則二	則三
三角	二角八分	二角六分
等 二		
則一	則二	則三
二角二分	一角九分	一角六分
等 三		
則一	則二	則三
一角二分	八分	四分

役政

自戶籍行而編審密兵役興而徵調繁二十六年度全縣配征兵額四百四十五名嗣即逐年增加至三十一年止共配征額五千七百二十八名征送兵員五千一

特務團

六〇

六〇

上數准抵月額

後勤部

一五四

四六一〇八

特征

三〇 監護大隊

二八〇

二八〇

三次征送共數

九二師

二一九

二一九

後勤部

八〇

八〇

運輸三

三八

三八

一八八師

一五九

一五九

一八八師

一六八

一三二

三六

第二期額征數

是年十月奉令月額增為五十六名第四期應征如上數

安興師

七

七

學兵

第三區保

四

五

一

興仁縣補志

卷十三

六

保一團

四二

四二

防空台

三

三

三一 補訓處

二八二

二八二

提征第三第四期月額

三黨

三三六

三四一

五 第一二期月額

第九兵站

一六八

一六八

特征

昆明行營

一〇八

一〇〇

八

部隊開拔餘額未交

安興師

七

七

學兵

貴陽市

一〇〇

七〇

三〇

接兵幹部離縣未交餘額

第二團

八七

二〇

六七

第二團

五六

五六

實數特征額

補充第

三四

七二

一八

軍政部
特務團

二四

二四

提任三十二年二月月頭

以上據縣府檔冊

興仁縣補志

卷三

興仁縣補志卷十四

食貨志

物產

要俗氣
候附

物產

曰食曰貨民以資生養欲給求視乎物產縣惟食鹽仰
給滇蜀糖亦取之鄰疆其他布帛菽粟粗能自足勤植
礦三界及人工製造品不乏可紀之物亦有非民生日
用所必需者采訪錄之不沒其有非貴異也亦非若三
都賦盧橘夏熟玉樹青蔥之徒侈美談也

動物

興仁縣補志

卷十四

禽類 雞 鵝 鴨 竹雞 野雉 山雞 箭雞

秧雞 黃鸝 鷹隼 鷓鴣 鷓鴣 鷓鴣 鷓鴣

鸚鵡俗名八哥 鸚鵡 鸚鵡 鸚鵡 鸚鵡 鸚鵡

鷓鴣 鷓鴣 鷓鴣 鷓鴣 鷓鴣 鷓鴣

鳳又名掛 大鵝 布穀一名催 啄木鳥

獸類 馬 牛 羊 豕 犬 貓 山羊 野豕

豪豬 野貓 兔 豺 青狼 獾 狐狸 猿

鹿 麋 麂 駿騮馬之異種或曰龍坑馬靖道稱

為溥德里 虎 豹 獺較多皮毛溫厚甚貴

竹 繩係鼠類而四足大小與人同受傷後面

或傷之上塗之則肉中之物自出假如手心有傷則以油塗於手背手背受傷塗於手出餘可照推

鱗介類 鯉 鯽 鱖 鱗 鱸 鱉

鯢 俗呼姓魚又曰狗魚有足無蹠山脆亦鱈之

有斑產山澗中不似食之必居 穿山甲 金錢龜

如其小 蝦 蟹

蛇 蟲 類 脆 蛇 捕 者 尺 許 遍 體 斑 斑 伏 草 澤 間 出 入 有 度

持之酒或油醃之其頭治上毒身治中風毒除癩

下毒試 編 蝠 砂 者 用 鴉 入 藥 以 治 目 疾 飛 虎

細形能螞蟥物產於安逸里及花江濱巖穴中亦有

也產物 蜂 蟻 螢 蜻 蜓 絡 繆 蠶 戴

興仁縣補志

卷十四

俗名場 藥子

植物

穀類 黃黏穀 黑黏穀 白黏穀 麻雀黏穀 北

風黏穀 冷水黏穀 矮黏穀 黃瓜黏穀 羊毛

黏穀 銀粳黏穀 黃毛穀 紅毛穀 黑毛穀

黃糯穀 白糯穀 紅糯穀 埽帚糯 秤桿糯

矮脚糯 豬屎糯 黍糯 黃絲糯 黑糯 早稻

晚稻 毛稻 冷水稻 銀稻 麥 小麥 燕麥

苦蕎 甜蕎 稷 黍 糜 芑 秬 馬尾高粱

糯高粱 飯高粱 黏粟 糯粟 玉粒 包一穀 黍

菽 紅菽 芝麻 苧麻 火麻 苦麻 脂麻

豨子 又名龍瓜 種 隱苳 俗名

豆類 黃豆 即大 黑豆 飯豆 滾豆 蠶豆 豌豆

豆 黃泥豆 紅豆 綠豆 白菓豆 茶豆 冬

豆 靴豆 四季豆 豇豆 泥鰱豆 角豆 刀

豆 兔眼豆

菌類 雞縱菌 青桐菌 頭色菌 茅草菌 香菌

木耳 石花菜 凍菌 竹參

蔬類 菘菜 即白 圓稗青菜 油菜 一名 蕨 柴胡

菜 又名羅鬼菜 俗名姨媽菜 牛皮菜 韭 早蔥 胡蔥 四

興仁縣補志

卷十四

三

季蔥 芥菜 俗呼 土苧菜 冬苧菜 白茹 碧

澄茹 俗呼木 海菜 薑 菠薐菜 大小芹菜

土芋頭 山藥 馬鈴薯 俗名 蘿蔔 胡蘿蔔

蒿笋 莢菜 苦蕒菜 即苦 蔓青 即諸 茼蒿菜

多心菜 大蒜 薺菜 玉蘭笋片 茭笋 蓂荷

薯蕷 或曰紅薯 香菱 即頭菱 椿芽 薤 大

頭菜 薇藍 一名芥 蒿子 似蒜 頭蒜 與蒜 府志云

問以淡紅實即藍之根也李時珍云薤一名薤子因

其根白呼為薤子又云如小蒜一本數顆相依而生

亦宜按藥品薤白宜連心腸即此物也俗呼苦薤

老鴉蒜 鴉之者甚衆 茨菰 羊角菜 鰾兒菜

折耳根 洋蓮花

瓜類 王瓜瓜即黃 金瓜 匏瓜 冬瓜 南瓜其籽可食

絲瓜 苦瓜 土瓜 北瓜 西瓜其籽可食 香瓜

地瓜 瓠瓠 木瓜 八月瓜 蕉瓜

竹類 荊竹 筋竹 粉竹 筇竹 蠻竹 梭竹

斑竹 紫竹 慈竹又名淡竹 桃枝竹 鳳尾竹 藍

竹又名清風竹 淡竹 白竹 金竹 青竹 水竹

苦竹 豫竹 人面竹 鎗竹 紙竹 蒲竹 毛

竹 野竹 竿竹 刺竹 蘆荊竹

木類 松 柏 羅漢松高三二丈結實如羅漢色赤

興仁縣補志 卷十四

味此為僅見接 枝移種不能活也 杉 楮 冬青 皂莢 槐

楸 梓 黃楊 白楊 柳 西河柳俗名三春柳

疹洗之能去毒蒸湯 樟 檀 柁又名柳 化稿又名

服之亦可止咳 樟 檀 柁又名柳 化稿又名

青桐 夜光木 梧桐 油桐 刺桐 烏柏子可榨油

椿 椴 桑 樗 油桐子 苦茶 檜 棟 黃

荆 棘 香楓 楠

果實類 吳萸子 羊躑子 雞蘇子 葵子係草本一名向

日 訶松子 葶薺 落花生 芭蕉果 無花果

楊梅 柿 葡萄 銀杏又名白果 榴 李 棗 杏

香櫞 枇杷 梅子 大桃 胭脂桃 胡桃 白

蠟桃 黃蠟桃 櫻桃 雪梨 栗 冬梨 烏梨

蓋梨 檉欖 青果 板栗 毛栗 榛子 山楂

蘋果 林檎 花紅即柰 長生果 黃果 橘 柑

佛手柑 油橙 紫羅橘 刺梨 和尚果細圓味甘如

美 糯米果粒細若米味甘實堅 救軍糧子一名紅 茶子作可

油

花類 春蘭 秋蘭 澤蘭 龍頭蘭 吊蘭 壽星

蘭 形葉潤如蒲花大有似碗花中有蕊 紫竹蘭葉竹葉似

香開如蘭色 以上二種誠奇卉也 珍珠蘭 菊種按菊

多朝朝衣醉揚妃十老僧袖白藕金絲絲珠諸種而已

興仁縣補志

卷十四

五

茉莉 夏至四月 間花萼異 牡丹 芍藥 桃 李

杏 桂 梅 竹節梅 洋芍藥 珍珠蝴蝶 剪

緞梅 蠟梅 綠萼梅魯土魯署有老梅一 蓮

千日紅 月季俗名月月紅 夾竹桃 獅子頭 草繡

球 木繡球 向日葵 蜀葵 秋葵 海棠 金

風 玉簪 芍藥俗名玉蘭 雞冠 午時花 虞

美人 水仙 梔子 棠梨 木槿 薔薇 石榴

芭蕉 紅蘭花又名美人蕉 山茶 剪春羅 白杜鵑

剪秋羅 萬歲紅 茉莉 木芙蓉 薔薇花 玫

瑰 棗棠花 青蒿即苦蒿 水鏡球 燈籠花 牽

牛花 石葛蒲 葛蒲 錦屏松 紫藤花 仙人

掌 馬鞭草 獅子草 藍一名欒可 菸葉 紫

荆花

藥類 何首烏 葛根 石斛 厚樸 草蓯蓉又名

鹿脚草 金櫻子 楮實即構 益母草 霸王鞭

車前草 蒼耳子 稀莨草 旱蓮草 獨脚蓮

桑寄生 玉竹一名 馬鈴薯 黃精名 女貞子青實

又名竹而短又名綠竹實白如黍米 又名米舖根如嫩薯又名野生薯 女貞子青實

白茛 蒲公英花一名黃 土茯苓 硃砂蓮 金銀

花即忍 香附子 山茨菇 龍膽草 羊蹄 菜

興仁縣補志

卷十四

六

萸 水檳榔 五爪龍 射干 薺芫 沙參 天

門冬 百部 薏苡仁 威靈仙 薄荷 仙茅

夏枯草 青葙子即雞冠 劉寄奴 大薊 小薊

續斷 草烏頭 兔絲草 蓬蘽 蛇莓 覆盆子

山豆根 羊桃 山丹 貫衆 金毛狗脊 括箕

爬巖香 金星草 景天興義府志云一名辟火陶

上可辟火貴州團經云金置屋上春生苗葉似馬齒

寬而大莖極脆弱裏中開紅紫碎花神農本草云治

大熱火瘡身熱煩邪惡氣別錄云治蝨毒 四塊瓦

酸漿草 紫蘇 杜仲 蓖麻子 殺精草 草決

明 鈎藤 牛膝 柴胡 前胡根即離 鬼菜 李根

白皮 木瓜 山樅 萊服子即藟子 糯米 槐角

荊芥 桔梗 百合 橘皮 枳實 枳殼實虛大為

枳殼 薦蒿俗名竹葉菜類竹葉較又名薦竹 桑白皮即桑皮 小

茴香 木通 紅花 木瓜之獨 楸謂 夜明砂 蛇

床子 五加皮 矮駝駝 葉上果 抓地虎 花

椒 豉 文蛤 艾 仙桃草 日採之水田邊立夏前桃

垂垂形如黃豆大每條葉全用泡酒過期則蟲飛損傷

矣用法連桃及根莖條葉全用泡酒過期則蟲飛損傷

亦治傷神效平人服之大有補血氣若專摘桃在陰

乾為末力尤大按中州各地所產之仙桃草多陰

地且采當在小滿前後十日不同地亦不同

且所調用法僅治跌打損傷不知作補益品也 商

陸除興義府志云爾雅謂之蓬蒿神農本草云通瀉治腫

陸除興義府志云爾雅謂之蓬蒿神農本草云通瀉治腫

陸除興義府志云爾雅謂之蓬蒿神農本草云通瀉治腫

陸除興義府志云爾雅謂之蓬蒿神農本草云通瀉治腫

陸除興義府志云爾雅謂之蓬蒿神農本草云通瀉治腫

陸除興義府志云爾雅謂之蓬蒿神農本草云通瀉治腫

陸除興義府志云爾雅謂之蓬蒿神農本草云通瀉治腫

陸除興義府志云爾雅謂之蓬蒿神農本草云通瀉治腫

陸除興義府志云爾雅謂之蓬蒿神農本草云通瀉治腫

陸除興義府志云爾雅謂之蓬蒿神農本草云通瀉治腫

興仁縣補志

卷十四

礦物

水銀 產迴龍廠民國五年源興公司開採出砂甚富且已出紅砂鍊成水銀售之出省因交通不便成本過高無甚進展明一統志亦載縣境其他各地多產硃砂水銀雄黃

錫 出縣治八區馬乃壘環馬乃壘之放馬坪大山縱橫數十里皆產是礦前有裕豐股份有限公司提倡開辦然尚未著手以當日部章嚴禁一時難以辦到今如有資本及富礦識者為之開辦誠吾縣絕大之利源也查此礦脈平鋪蔓延由鴨子坡銀廠坪延袤

興仁縣補志

卷十四

八

以達安南屬之南城民國六年源昌公司開礦於廠坪大昌公司開於鴨子坡雖未大見成效然已具規模先是興仁富商陳能韜喜礦業曾將此礦運至香港請西人化鍊謂此礦本須那門台得即錫養百分含錫八十三與法屬剛司旦台納之所產無異能韜因集資創辦繼以辦法未善而停

硃砂 產六區魯土營安乃山溪中縣境其他各地亦多產

鐵 縣境各區多有產地

鉛 四區花江濱之兩障西南方之擦耳巖及八區之

核桃寨均有鉛礦

硝磺 二物縣產均多

煤 各區均有產地分糠煤油煤鐵煤麵煤石炭煤白炭煤等諸種

泥 各區皆有以四區之白泥田為多斡衣墜壁用之
謹按興仁諸採鑛純用土法於洞口壘石為門入
洞腹則以木板架廂紆迴而進所需器具並無新
式機械以鐵錘鐵錐力鑿巖石覓酸道引導而錐
取之或用炸藥其法用八稜鋼錐鑿鑛石為穴納
炸藥而火之礦則碎片紛落工人拾負出聚煉於

興仁縣補志

卷十四

九

爐成為純礦煉爐各不同煉鐵則用高爐用風
箱鼓火鎔瀉成鐵塊煉鉛則用平爐猛火鎔之煉
硝則用釜加熱於底而凝之煉磺用兩罈俯仰接
口磺貯俯罈加熱於俯罈之周磺鎔而滴於仰罈
傾於範而為塊水銀之燒煉無論爐之大小均以
釜盛礦籠陶甕於其上揉鹽泥塗其合口釜底加
熱則粒珠懸甕上而成水銀矣錫砂之燒鍊如一
次鎔純錫者用衝天爐或倒鎊爐或開闕爐分廂
置罐煅而鎔之然極費燃料且其罐必須耐火者
錫之鎔汁方不滲出罐料用火坭筆鉛與舊瓷砂

相和為之此礦燒至暗紅時必蓋以鹼類之渣再
壓以舊碎鐵塊俟鎔入模待冷再燒去鐵硫即成
純錫此土法也

補遺 石英甲戌春高加索博士吉日羅至興謂
地方人曰貴全縣均產石英可燒玻璃

製造物

染料

靛 以靛葉入水塘內澱其粉質可為藍色染料

布類

苗布 苗女以色絲織之者

興仁縣補志

卷十四

十

棉布 有頭合二合小布之別

棉葛中

線布

麻布

灰渣布

高車布

土布

縐綢

綿線

光大綢

黃絲

白絲

食品

女貞酒 以女貞子釀製者

刺梨酒 以刺梨實成者

雞爪梨酒 以雞爪實釀之

大麴酒

米酒

包谷酒

豆腐乾

興仁縣補志

卷十四

十一

茶凍蜜 糖食 香椽 冬瓜 大棗 佛手柑 山

查 以上各物均以蜜汁浸製味殊甘香

醬油

花生油

豆粉絲 縣境及巴林甚多年售粵西者約數萬斤

椒醬 以椒合麥粉為醬

紙類

楮皮紙 以新廠三家坡所出為良

草紙 以三道溝所出為多年銷滇省者萬馱

器物類

竹具 竹籤或片所作物品多係家用之羅篋筐籃之類

陶器 碗缸盂等類

瓦 在在能燒

帚刷 以豬毛或椴絲各質料製之

油類

菜油 即蔞蔞籽所榨之油

芝麻油

茶油

桐油

興仁縣補志

卷十四

十二

梘油

漆油

蘇麻油

葶麻油

風俗

俗敦儉樸風尚廉義民氣任俠能安所素

明一統志云普安縣境風俗喜佛老

興義府志云新城即今縣治風俗士多溫文俗多商賈女

多紡維

按興仁縣治新設轄境雖由鄰近諸縣撥隸然風俗大率相同士則絃誦彬彬農則耕鑿勤劬商賈頗重信用肆工巧拙不齊而能自製物品無論貧富紳庶之家皆自紡自織力崇節儉抑亦盤南各縣之難得者

縣境漢里之民多明初平黔將士之裔來自江南尚有江上遺風後來者皆川湖人民亦文物盛族仕宦則文多能吏武多奇勳家居習於淳樸男好讀書聲琅琅比戶相聯女好織機聲軋軋不間壁籬初縣無蠶業紡織者皆恃湖粵之棉近來政府提倡蠶桑縣

興仁縣補志

卷十四

十三

境已樹有桑數百餘萬株椽標亦稱是家蠶野蠶不難日見發達今且有學織緞綢府綢者矣

婦女躬織緝操井臼親主中饋鮮有役婢僕者中產之家婦多自負嬰兒於背而勤女紅即十齡幼女亦絡緯不置手兼習刺繡近今解除纏足弊習更可以力肩家務矣

工業最樸拙無奇巧技第建築及製造日用物品尚足以備緩急

商旅多贛閩滇蜀楚粵之人粵棉吳綾滇銅蜀鹽及洋紗布疋之類網載而來內地坐賈交易均以龍元

銀幣為市值

邑有汞廠錫廠貧民多作鑛役謂曰砂丁入鑛廠便染聞狠習要在經理鑛務者有以矯鎮之

民俗崇佛老重巫祝祈卜事日見不鮮雖士夫家亦所不免信教者有天主教耶穌教回教

細民率真畏法而好勇亦其特性知書之子尤任俠慕義若親鄰有難不惜被髮攔冠以赴抑亦可尚婚

嫁遵六禮始由婿家倩媒以雙月雙日問名女家許

諾則仍以雙日通庚俗謂訂親至婚嫁相當時擇吉納聘

俗謂發八字並納吉俗謂日子送至婚期先二日或一日納采

興仁縣補志

卷十四

俗謂過禮預夕女家自為新婦簪笄俗謂上頭至日婿親迎以

采輿迎新婦新婦服色或紅衣綠裙或青衣紅裙薦

紳家則冠帔裙襖如其職以紅錦蒙首父兄扶之登

輿前導以采旗二燈二炬二婢抱銀鵝二取義雁義若薦

紳仍用儀制執事媒四女家送嫁之男婦亦禮服次

第導行送至婿家俗謂送親扶輿用二童子大抵新婦之

幼弟或幼姪婿俟門外新婦至婿家設香案於庭贊

禮者鞠躬致祝刑牲以饗俗謂車馬然後請福德老婦

扶新婦出輿升堂行交拜合卷禮次日廟見俗謂會親婿

家女家之族戚咸來宴會新婦出堂拜見名贈拜儀

新婦躬傳茶點

俗謂吃糖茶

又次日新婦入廚是夜女家

以興來迎新婦婦寧婿亦同往至則茶點招待隨贈
鍼黹文具之物即送返俗謂接回門

喪則始於父母疾篤即遷正寢彌留立集子女至寢
室以聽遺囑若兄弟姊妹同聚相訣別既屬殯子婦
擗踊以檀煎水為親沐浴浴畢易巾履襲死者生平
整潔遺衣大斂舉屍納棺襲以衾子婦哭盡哀有服
制者皆與視含同環哭三日成服封喪卜地卜吉每
晨夕上食如事生孝子設木主書親名延達尊紳官
詣堂刺子指血和硃以題謂之點主親串中有題銘

興仁縣補志

卷十四

十五

旌以附棺葬者葬之前二日堂祭行三獻禮三歌堂
祭詩初獻有祝其詞多斂死者生平苦樂狀況冢子
冢婦行合門禮前一日辭靈祭亦三獻孝子匍匐泣
奠牲葬日戚友皆來會孝子衰麻執杖扶柩前行孝
婦以帛覆首哭隨柩後至葬所窆成下柩考眷親
搗土掩柩封如馬鬣孝子廬墓葬三日祭墓謂之復
三自親死後之第七日起至七七日皆祭百日設祭
孝子始薙髮小祥有祭禫有祭除服再祭

祭凡四時節序如元旦上元端午冬至除夕諸節皆
祭神祭祖若祖宗之生辰死忌亦設祭井戶門竈中

雷之祀以時舉之元宵夕送燈於墓清明節祭墓以一陌紙錢著竿懸墓頭謂之掛青有合族同斬牲祭墓者男婦跌坐墓側席地宴飲謂之上大墳新葬未闋服者必於社日前祭掃諺謂新墳不過社藉表哀也中元節秋祭自七月朔始朝暮祀祖焚楮帛謂之燒包穀熟以新米作飯具醴饌以祭謂之嘗新

陰曆正月元日鄉里拜賀往還謂之拜年自初九夜起街市有龍燈獅燈花燈諸戲連宵燈火不息花炮聲隆隆觀燈者邀遊漏下三四鼓猶往復不絕錫簫聲裏雜以言笑殊令人聽官不靜二月初行儺逐瘴

興仁縣補志

卷十四

十六

俗謂打清醮三月將祈靈於東嶽之神首事者鳴鉦告衆三月二十四日散花佈衆二十五日舉大攤於

東嶽廟昇東嶽神像偶出巡衢謂之出會或以小木

采樓冒于首曰頂案或藍纒作乞丐狀或紙枷繩鍊

囚車羈纒作罪人狀以酌神願頂案者為昏迷狀至

民家作神語怒則擊門庭若為警告意盈街香繞士

女喧闐至二十八日止四月八日浴佛無子者焚香

祈嗣五月五日各戶懸艾虎飲雄黃蒲酒並以五

采絲繩繫小兒肘間謂可免疫城鄉皆於六月六日

釀資祀土地神盛設宴飲是日曝書曬衣立夏食炒

米糗至食粥中秋以餅餌祀月送瓜無子者迎至家
謂可胤嗣立春食菜菔十二月初八日謂之臘八以
五種豆煮粥食之二十三日婦女以糖菓祀竈神謂
之送竈此興仁縣風俗之大略也有苗來格現亦讀
書知禮通俗與漢從同其有別於從衆者雜見於後
苗類中

附詩

按咏俗之詩不必高雅惟能道其真像將一方風
氣景物歷言如傳神寫照使人偶一讀之即儼然
若見斯之謂妙故竹枝詞尚焉

興仁縣補志

卷十四

七

新城竹枝詞

道光刻 張國華撰

家家兒女紡綿紗民聚川湖俗尚華竟日機房歌聲
滿踈燈茶館話生涯

三月春深看會場神迎東嶽競拈香紙枷木案紛價
願愚婦愚夫勢若狂

迴龍廠上集遊民日自忘身採水銀驚看負荒初出
塋無袴赤身可憐人

郊原野菜味偏濃夏末秋初菌易逢山下夕陽山上
雨野人入市賣雞蹤

右采自張國華貴州竹枝詞三百五十首中

興仁縣夏鮮酷熱冬鮮嚴寒瘴癘不作卑濕困患地氣蒸而為潮墻屋雖潤而什物之微變者少遇陰雨連旬窗壁皆濕霽日一出潤氣即消惟雨則生涼所謂四季無寒暑遇雨便成冬者氣候然也雨多晴少則為豐年六七月間田禾發秀吐華鍊漿結實之時更宜得雨若晴多則害稼揚花時忌午風入秋忌大風尤忌冷露太早如是則禾皆不能成實按通志云三月始犁四月播種五月插禾九月十月納稼此固貴州通例而興仁近二十年來氣候既催人工亦奮以春分為早秧清明次之

興仁縣補志

卷十四

六

穀雨又次之東作稍遲則禾不茂選種以油粘穀為最佳有紅白大小數種此穀得氣最早上田種之約四十五日可以分秧栽插栽後一百二十餘日即可收穫其中田而種又次者約五十日始可分秧至一百三四十日始可收穫瘠薄之田則又次之雨露雖同而得氣之先者亦視其種類也麥以小麥為上米麥俗名老麥次之皆秋末播種夏初收穫米麥之收較早一月地工之蕎一年

兩種兩收故有春蕎秋蕎之名又有苦蕎甜蕎之別甜蕎為上苦蕎次之播種五十餘日即可成熟然氣候之宜亦有今昔稍異者舊傳春分前後播種小滿收穫秋

分前後播種小雪收穫按近十數年則地氣舒達春季之蕎種收如前而秋季之蕎則大暑後即可下種寒露後即可收穫氣候變易於此可見近年烟禁森嚴山土概種包穀早者二月播種六月收成若高粱小米豆菽等其收成較包穀稍遲昔者鄉人常相傳曰六月七月青黃不接由今觀之青黃不接則不在六七月而在二三月矣蓋以前烟苗遍種之時二三月間收烟可以易粟禁種後鄉里農人不免困於斯時矣民國五年創辦蠶桑桑已成林天氣溫和育蠶頗宜十年後廢續提倡可望抵補禁烟之利興仁地勢發越較之三十年前氣

興仁縣補志

卷十四

九

候已大變矣天道運行可於物之舒攸者驗其氣之盈縮也又如三四等月烈日炎騰則恆有冰雹之患陰後則陰霾四布寒氣充塞最能傷禾亦沴氣使然比年氣候和平此患亦尠北區下山等處山多藏水則冷冽霧氣尤重望之如絮糝糊一片上下相連東區大羅小羅及麻沙河等處層巖疊嶂無井泉以洩地氣炎熱如焚冬鮮冰雪地氣催而耕獲早昔傳有瘴今則烟戶稠密陰陽和而沴氣消矣

縣境地極磽薄童山叢攢就全縣面積而言可耕種之地不過十分之六而其中土多於田將及十分之七土又皆石骨嶙峋傾瀉不平沙礫不毛雖墾而種無收穫高亢之故常為風雨所侵蝕以致全縣之農作物僅可供縣人之需要稍有盈餘以出售一遇歲歉無三餘足九之儲而餓殍載道矣比之中原田疇平行膏腴相懸天淵名曰山國誠不虛矣

清嘉道間丈量田土縣所有已闢成熟之屯科田略計

興仁縣補志

卷十四

三十餘萬畝又據清初香安衛升科則例注冊法所載凡領屯科田一畝隨田攤丁加給陸地十畝計算其數則陸地之可耕可種者應有三百十餘萬畝是興仁全縣共有田土三百三十餘萬畝而縣境面積約二萬一千二百七十五方里所言不及乎十分之六者根據於此耳乃廢冊所載者僅二十五萬畝故則荒蕪之田又佔原田額十分之三且強丁咸同大亂收平後各後局所查辦丁糧田土類多無實有田無糧或田去糧存花戶紛紛具控縣審判此種案件終無把握因當日糧柱戶口花名冊有一柱而分為十數家者有不掛冊而幫

種高有餘空隱匿而影射者有糧書共同飛灑包粟者
有京口逃亡者有故絕荒蕪者種種弊端不堪指數非
重新釐定田賦清丈田畝不得其實得其實則田賦均
而負擔必輕刻間調查都係略計就此田畝情形則縣
境農業生業狀況思過半矣縣屬各區除忠里淳德里
安仁里之田土稍為肥沃外餘皆瘦薄所謂十種九不
收也可以概乎其意矣出產以米麥菽豆包穀高粱為
大宗其收成則穀米佔十分之四包谷則佔十分之六
豆與高粱為附產大抵於播種時以豆及高粱種於包
谷畦隙故豆與高粱之收成不足比於包谷之產量也

與仁縣補志

卷十五

三

縣境地廣人稀農人往往棄耨鋤肥從前鴉片盛行之
時冬末春初農人以播種鴉片為事自禁烟森嚴乃易
種麥菽俗所謂小春者也夏季賴之為食天故全縣食
料以包谷為大宗小康之家率皆滲雜包谷蓋不如是
不足以供給矣

自咸同大亂以後縣人流散四方近年川人遷來者漸
復昔年編氓之數第人口雖增而田土之荒蕪者尚多
全縣地面除放馬坪約六十餘方里之地原係荒蕪不
毛外如南向之三昧十脚各地荒蕪約七八十畝第四
脚約荒二百餘畝北向下山高武大坪油菜冲西向馬

乃第四脚内荒蕪亦約四百餘畝東向田土雖曰肥沃然近各地以水氾濫及地質含硝質均不利耕稼所在皆有不過零落而已其未經芟治之故約有數端墮農自安未肯竭力開墾草萊荆棘野獸為害質而言之則地廣人稀最大之原因也

興仁雖夙重紡織然均買棉於外省不知自種委為氣候土質不宜然蠶桑未嘗不利也民國六年政府倡育種蠶桑令飭各縣設所專司公植樹模以為範復勸令民間種植不時派員巡視桑區培壅灌溉之法躬自指點漸有成效全縣約十有五萬童童桑蓋青蔥可愛惜

興仁縣補志

卷十四

三三

近年來未繼續進行虎頭蛇尾深負當日一翻苦心矣

林業

縣境山多岡巒綿亘箐密森林所在皆是如西之龍頭箐與箐口南隅之鐘鼓嶺箐交那長箐北隅羊腸箐苦參箐鵝毛箐牛場箐南隅之黃岡箐燕子箐東隅之那扎箐螞蟻箐簸箕寨箐頭魯照箐口磨香大箐遮依長箐披借長箐依泥箐尾等地皆天然森林佳木葱籠兵燹以後成材者斬伐罄盡目下雖有復萌之蘗樵採者不知護惜又從而戕伐之欲恢復昔日葱鬱之感不卜

何日矣

縣境產杉桐楸樺楓松楊栗瓜柳青桐諸木尤以松桐楸樺楊楓為最多杉以製棺餘材則棟樑是賴青桐僅以為炭禾飼山蠶及生白耳餘雜木不過充炊爨之薪已耳倘交通方便運出銷售經濟亦可藉此展裕矣茶子可製茶油近年賣於安順者甚多樟樹隨地皆有從無人熬煉樟腦漆樹無人培植雖割漆而價廉質不甚美近外商亦每來購販楮樹剝皮造紙然造紙之楮用其嫩條無待成材歷歲兩週即伐而禿其皮近年售於滇省花紅雪梨紅柑近亦有以為業者白泥田之胡桃或收頗巨雖不足以資生然亦可以賴之以牽蘿補屋

興仁縣補志

卷十四

二五

也

縣境林業率皆自生長無培養保護之法邑人素乏林業知識亦唯聽其自然清香雖頌有森林法令究未實行春初燒野平常牲畜踐踏極有害於蕃植樵採之損猶其小焉者耳

工業

紡織業 縣境各鄉夙重紡織前清嘉慶道光時業棉者幾無空戶以縣城而論千餘戶中而有彈弓五百張於此足徵其盛也每弓日彈棉花十四觔一人彈絮一人捻條紡織則老婦幼女均手一車織機唧啞比戶相

聞自洋紗盛行以後土棉銳減彈房數家僅供製作衣被而已織雖如故而利僅蠅頭有織業會每歲捐金辦會調查城中尚約有機三十餘架每六日一趁集一人六日可織大布三疋每疋祇獲利三角或四角中布可織五疋每疋能獲利二角或三角小布可織七八疋每疋能獲利一角或一角五仙自禁烟後織業生計漸進發達

染業 則各區皆有以縣城為盛現有染坊百餘家其染法有天然化學作用欲作藍必用鈎或鹼以和之然後取其汁為染料所染色以平缸青為最次則天藍靛

興仁縣補志

卷十四

五

灰二藍月藍膠青為著名近來織染工業馳聲遠近如滇之陸涼板橋桂之西隆百色黔之安南關嶺水城郎岱盤縣興義普安各城市莫不購販以去行商往來所夕不斷可謂暢銷然染料之靛泥產於縣屬之巴林安逸阿計安仁諸處製造靛泥者蓄靛葉於池池面覆杉枝雖久不敗每歲除供本城染坊外滇商購者人馬時絡繹於途

粉絲業 以巴林為多其次則本城與交那亦有之製粉者先以綠豆或紅小豆麻小豆漬水三日磨成粉調成餡由鐵漏瓢中滴絲入釜中熟而為條曬乾捆束謂

之粉絲亦名粉條縣屬全境每歲入冬客販赴桂之百色出售以佐席餐出售約計百萬飭計獲利倍蓰此外金石土木縫紉刺繡鑄竹器諸工技率無精巧及大宗出品足以致人採購者唯自供縣人之需耳

商業

興仁縣境居盤八屬之中心四境崇山峻嶺跬步無坦途蠶叢鳥道與馬難並行水不過緣山溪澗淺狹險陡又奔流急湍不通舟楫商務之不發達地理使之然耳縣人無商業之興趣大都六日一集以其所有易其所無其或貿易於境內之各場市資本多不過千百元不

興仁縣補志

卷十四

五

過負販而逐什一已耳

清嘉道以來多鄂粵兩省人販運洋棉湖棉至縣出售迨棉業衰落而經營商務之得擅勝場者厥惟洋紗紗商多係外省人其由南籠之坡脚貞豐之百層運輸達縣者曰粵商其由興義盤縣運輸入境者曰滇商近年因無大宗土產出口商務減色昔日開設行號之滇粵商旅多歇業以去他若蜀賈每販綾綢緞羅來斯銷售歲約三四萬金之交易亦猶昔也

每歲輸出之商品以靛為大宗其他藥材土布竹紙粉絲銷量不豐至於草蓆竹笠之類只供縣境之購買而

已

縣小廉之家百中僅一欲發達商業非採用合資式不足
以避大資本家之壟斷然尚須建築馬路非內成與
安與盤諸路外通滇桂各省輪蹄環接不足為功也

興仁縣補志

卷十四

二十六

興仁縣補志卷十五

別錄志

請設縣治之一切公牘

請設專員稟

具稟興義府普安縣舉人陳占書同知蕭連城武舉蕭連斗訓導林鐘桂楊文泰縣丞熊軾廩生楊忠熙生員熊子漁武生尹秀春監生徐建國等為懇設專員以圖久安事緣國朝設興義府縣安南貞豐普安廳五屬坐鎮邊防新城地居六屬心腹康熙年間平馬乃之變又設普安縣於新城中外懾服多年安靖因鄂督憲道出

興仁縣補志

卷十五

一

白沙辦站失宜遂移縣於今縣治夫縣治之設一在乎可以治民一在乎可以保城普安一縣八里本城則曰仁里由南二十五里名板橋即普安廳地由北三十里名江西坡即安南地西北隅羊腸一綫至一百五十里則曰讓里東北一面華雜相間犬牙相錯屈屈盤盤至一百七十里則曰新城忠順里樓下里馬乃里由新城直下距縣城二百八九十里則曰安逸里阿計里在承平時劫搶巨案多經府主代為緝捕且官屢遷而民猶有不知官之姓名者民何以治縣城僻在一隅城內全無商賈則聚財之道殊甚艱難城外山高地瘠或三十

里或二十里烟戶零落村鄉散漫則聚民難聚糧更難歷年賊至卒未聞縣城有能戰守一日者縱守之亦無可守耳城何以保前歲卸署縣主許稟請縣還舊治誠有卓見且親至新城見新城之風俗民情戶口市廛較勝於普安縣城百倍乃面諭生等謂讓里應設縣丞新城應設正縣安置頗覺得宜其後不知何因不即據實具稟反為朦混鈞鑒竊思本朝二百餘年以來其五屬治亂得失之故不能不縷陳思憲者前土官馬乃造逆不攻安南而首撲新城狎匪王囊仙造逆起自北鄉亦不攻府城而首撲新城次及黃草壩馬蟻之變皆以新

興仁縣補志

卷十五

二

城為先咸豐年間涂令恒由巴林起事首破新城而安南普安兩縣治失守普安廳及興義府縣被圍回逆馬河圍由潘家莊肇禍首破新城而六屬一律被陷夫亂不始於新城而歷來亂者莫不先有事於新城良以合縣倉糧屯儲新城七省商賈聚新城烟戶叢集首屈新城控制六屬宜居新城此賊所以必爭而首先有事於新城也咸豐六年李麻五將欲作亂幸遇周縣主在新城嚴拿正法逆散不能成事又咸豐八年馬二安亦將欲為逆幸遇劉縣主在新城捕殺數賊首逆散亦不能成事其王囊仙涂令恒馬河圍等之所以能成事者

因縣主適未在新城隔遠難遠分縣無生殺之權耳苟仍以分縣設置中樞案不歸結平日恩威未逮臨時呼應何靈而欲地永保無虞未敢必也大人為國家奠磐石之安為閩閩造無疆之福凡在黔疆均蒙再造審衝握要新城實居中樞尤為特甚為此繪成六屬輿圖附以詳說連稟呈乞大人閣前賞准設立正印專員於新城畫割版圖責成專治新城無虞六屬亦無虞則億萬蒼生沾感不淺矣

請於新城設縣稟

緣新城為前明朝新城所順治年間因平馬乃土目之

興仁縣補志

卷十五

三

變以其地當孔道處雜五方東去興義府一百一十里南去興義縣一百三十里西北去盤州廳一百八十里北去安南縣一百二十里東北去貞豐州一百二十里城為興義六屬之腹心滇粵各省通衢漢回夷苗居住溷雜命盜案件事權不專始設正縣於新城名曰普安縣並設正副學官文廟書院倉廩及載在祀典各廟是以權專法立頑風漸歸淳樸文教因之昌明中外懾服多年安靖詎至雍正年間以辦白沙驛站窻遠未便遂移縣於今縣治新城僅設縣丞一員學官無有一存教化因而中絕民俗仍然頑梗故嘉慶二年苗民即變起

自北鄉不攻府城而首撲新城次興義等縣咸豐四年漢奸又變由巴林造逆不攻安南而首破新城隨陷普安安南兩縣而府城州城俱被圍九年徇逆由潘家莊肇亂皆以新城為先而六屬一律被陷夫亂不始於新城而歷來亂者莫不先有事於新城蓋緣新城形勢瀾濶控制各方守之有餘攻之不易此賊之所以必爭而首先有事於新城也惟縣丞僅有緝捕之責而無生殺之權地面本屬繁難插花又多混淆匪類往來無常奸究最易滋聚加以地棍土豪勾結盤踞遇有劫殺等案各屬遠莫能制半多互相推諉此挈彼竄弋獲尤難以

興仁縣補志

卷十五

四

致匪徒窺破一切礙難情形得以肆行無忌如縣治不移有犯即懲小民雖愚孰不顧身家妻子而甘心為賊為亂耶就縣城而論有三漢里曰仁讓忠順里者是有五土里曰馬乃鼠場樓下安逸阿計里者是今縣城則仁里也北至犢子窰三十里前後皆普安地而縣城地處叢山之巔山多田少種而不獲者十有六七前縣主高已有山城大如斗栽種年無收之詩形於歌咏矣故城中人烟稀少半多書差為業郭外村寨零落居民難聚前縣主王欲教民紡織而不能許縣主前稟所謂僻處一隅訟賦趨公多有不便新城風俗民情戶口市廛

較勝於縣城百倍謂讓里應設縣丞新城應設正縣安置頗覺得宜由鑽子窰而北去百里即讓里也山險溪深概屬夷居東西北皆別屬惟中數十里南通一綫以至縣城由西南崎嶇而下則曰樓下則曰鼠場皆去縣城將二百里而去新城則六七十里五六十里不等田土雖非沃腴與種而不收者異矣但恨去縣太遠時有棍徒盤結若縣在新城亦可望一變至道者也至東南去或二百里三百里內外不等曰馬乃曰安逸曰阿計不特去縣甚遠况地非連接須越安南普安與義各界始能達實有鞭長莫及之勢一應訟情全憑書差說和

興仁縣補志

卷十五

五

了息雖數年終不到案質理以故民不知官習成頑悍若距新城則僅四五十里或七八十里實近而易治也通籌全計縣城僻在一隅遠隔各里車塵罕到抑且教化難及縣設彼地實非所宜新城地居衝要每多變故不惟六屬安危所繫之地且為人材依附之區新城安則六屬俱安新城危則六屬亦危縣設新城實於國計民生大有裨益况當今之日盜賊竄起時局艱危豪強則恣意橫行會盟則明目張大剽掠劫殺械鬪憤爭所在皆是若再遷延不改仍以事權不屬之微員位置其間案不能辦害不能除民不能治一任匪徒殘殺兇毆

肆無忌憚習以為常則頽波逝流無有底極而欲地方禍亂不生永保無虞未敢必也生等思維再四如移縣或有未能而新城又非印官不能治理惟有仰乞分據六屬零星之地統歸新城設立專員方可轄制如蒙鴻慈代陳允准擬請由新城東至安南縣屬之卡子七十里南至盤州廳屬之阿洪六十里西至本屬之青山六十里北至盤州廳之安姑六十里東南至興義府屬之大水井五十五里西南至普安州屬之魯土營五十里東北至普安縣屬之安逸里八十里西北至安南縣屬之白寨六十里以內之地撥歸新城改設通判專員以

興仁縣補志

卷十五

六

資管轄除錢糧地丁仍歸各屬司收徵收外所有一切詞訟命盜案件可以自理完結勘驗擬議詳請例究似此權專法立治理有人殘暴畏威而革面良懦感化而興仁地方靖而民治安又何禍亂之不為止息哉為此不揣冒昧聯名稟懇大人恩施逾格俯准代陳施行

黎巡撫批

拔貢楊忠烈稟為官不設專民難聊生等由撫部院黎批新城地方應設專員以資控制自當舉行惟貴州辦理軍務歷年一切改建添設者尚多不獨新城一處仰候善後事竣即行稟奏並飭善後局查照此批

清末葉預備立憲各省成立諮議局建議國計民生
各要政

宣統二年四月縣人具稟請予主持設縣

張百麟稿

伏竊自天下郡縣而後歷代無不因山川之形勢察土地之咸宜建為城邑羣民而居劃界分疆設官治事使世治則易資治理世亂則足固吾圉此古人建城設官之本意也然而世運迭更滄桑遞變今昔之時局不同先後之形勢互異處此百度維新之時欲求政學之進步生民之治安有不能不改弦更張因地以制宜者如吾普安縣之新城是也新城居興義六屬之中為普安

興仁縣補志

卷十五

七

八里之冠北之蓮城東赴珉州東南至郡西南適興義縣要不過二日程耳獨西距普安較遙然實位于其腹心之地位居民逾二十家城郭環二三里居中馭外控制易設誠盤江流域之奧區也但以五方雜處奸究易藏良少莠多生事易大而其治理之官則惟一權輕之縣丞其所屬之縣又為最遠之普安權輕不足資彈壓縣遠不易於控制因而釀成巨患流毒生靈阻進步之機妨治安之道徵之歷史考之時事其害有五請得而申言之 (一) 叛逆據為根據以蹂躪六屬也新城因地勢之阨要故歷次叛亂逆賊皆取為巢穴而次第禍被

於六屬如乾隆時之苗匪嘉慶時之王仙姑咸豐時之
王打匠同治時之回匪光緒初之耿小六皆往事之歷
歷可徵者也其禍之烈者尤以回匪為最巨該匪據新
城至十餘年之久勞王師至一萬餘之多幾歷屋甯數
易渠帥至周軍門達五乃克掃穴擒渠而六屬已無完
城百姓幾無噍類矣設當日治有專官官有特權能燭
究于幾先消患于未著而何至養成此尾大不掉之勢
哉 (二) 匪徒藉以藏身以擾害治安也新城民多強悍
舉動野蠻故搶劫殺命之案屢見於城中如□□二姓
之因械鬪而鎗斃旁人湖南匪黨之屢持刀而逞凶街

興仁縣補志

卷十五

八

市□□兄弟之五次殺人□□兄弟之薩尼抄括其擾害
社會之安寧已如此其極也而匪等皆得逍遙於法外
者緣以距城數里皆六屬插花甄脫之地比挈彼仄匪
易藏身縣丞權輕既不氣越界提挈縣官遠隔又急切
難于捕治殆夫遷延日久而當寧者不得不敷衍結局
以故効尤者象居民時有風鶴之警使長此不變真不
至蹈咸豐同治間之覆轍不止也可不哀哉 (三) 新政
推行之不易也以新城重要適中之地當此新政繁新
之時倘非責有專歸則何能做進步而收良果即如近
來預備立憲各事日日言自治而社會之紛亂如故日

日言教育而學堂之腐敗如故任盜賊之充斥而警察未辦因實業之難興而民生益蹙漫漫長夜將待旦于何年莽莽陸沉必新邑為禍首傷心秉筆竟不知涕之何從也 (四)賦稅徵納之累民也普安倉厰皆在新城蓋以其地之道中而便於收納也但九月開徵之期官至不過數日而民間貧富不一徵收遽難完數官既歸後則多數丁糧自不能不假手於蠹吏猾胥之手弊實叢生小民實蒙其害矣 (五)分署訟費之擾民也分署各款項公費取用惟恃訟端故其每案案禮至四五兩之多此外猶有所謂茶敬差錢票禮名單鋪堂各費名

興仁縣補志

卷十五

九

目象多合計一案用至十餘金以至數十金不等小民因鼠牙雀角之爭則必破終年衣食之費况縣丞權位既輕差役亦畏惡欺善故強暴者任其自由良懦者遭其蹂躪循此不改民何以堪綜以上五害觀之不特害及新城而實影響於六屬究其所以發生之故亦不過治無專官耳茲若從根本上以振理之或劃清疆域而改設專員或移普安縣以治臨斯土二者必行其一而後巨患可除教育可興民困可蘇地方可治其不收事半功倍之効者吾不信也况今日之改設不似創辦之艱難何則蓋新城自設立分縣以來一切衙署

此乃行台改作

其規模壇廟公所城垣學堂無不備具不須籌款另建

甚宏只易一官其便一應有應行添建之處

如捕廳衙署即監獄等

可因綠營舊遺公地蓋自綠營裁撤後所遺公地其值頗巨此等改作必不致動公帑其便二設有不敷地方因轄有專官治安可望亦願捐資籌辦必不使公家增損事之虞其便三若主設專官之議則可因光緒六年善後局劃新城四方六十里歸新城專轄之案照圖撥定不必因裁割而牽動六屬若主移縣之議則疆域一仍其舊可也其便四至於六屬附近新城甌脫之地得一官居中以鎮撫彈壓之則六屬可免鞭長莫及之患

興仁縣補志

卷十五

十

兼顧難周之虞其便五由是觀之則改設之謀益不可以不決矣生等目擊時艱情殷桑梓徒抱杞人之憂實無尺寸之柄特具呈巔末呈請貴局建議施行倘能有成則不徒普安一邑之幸亦六屬之幸也臨筆無任盼禱之至

貴州巡撫復諮議局劄

貴州巡撫部院龐劄覆事案准呈稱據興義府普安縣貢生熊軾等以該處戶口日漸殷繁請設縣令以專責成而資保障事陳請建議前來查局章第六章第二十一條第十二條有收受本省自治會或人民陳請建議

事件之權茲據該紳等請願指陳地方情形利害顯然况該處居興義各屬之中豈匪回匪歷次據為戰地前撫憲岑襄勤公早已擬設專員旋以升任未果當此盜匪猖獗之時馭五方雜處之象僅委佐貳難資鎮攝以新城設正官實於統馭大有裨益或將該分縣與該管知縣互相遷調或將該分縣奏設專官實為因地制宜之策茲經本局議員全數議決理合陳請查核酌奪施行等由到本部院准此查新城居興義六屬之中心地勢本為重要上年普安彭令壽恒曾經稟請移住該處在案所呈設治及移縣兩層自係為因地制宜起見但

興仁縣補志

卷十五

十一

此事有無窒碍應亟從長計議以昭鄭重除行藩司核議具覆外相應劄覆查照須至劄者劄諮議局准此宣統二年五月十四日

普安縣程鑾章縣主批

批閱稟並檢考輿圖新城在縣屬可以襟帶八里在六屬實足關鍵中樞左引右控面面交衝為用武所必爭即為奸宄之孽藪不特建設藉可消禍未萌實於地勢確踞形勝况復鄰壤交錯山徑分歧小則狗盜雞鳴此拿彼竄大而揭竿斬木拊背扼喉往事堪徵後車足鑒本縣忝任司牧寧忍心懷惟建設事件重大非牧令所

可抗論應即照稟具詳附以條議祇候各憲示遵六月廿五日

巡撫部院批

撫批公稟閱悉查普安縣屬新城地方戶口繁盛地當要衝從前曾有移置縣治之議以象論未能僉同迄未定議自應審度地勢考察輿情以求折中至當仰布學法三司會同巡警勸業兩道迅即妥協核議詳候核奪稟發仍繳

新城紳士請將知縣移駐新城稟

為懇將知縣移駐新城縣丞移駐縣城以資鎮懾而圖

興仁縣補志

卷十五

十三

久安事緣生等前以新城地方緊要戶口殷繁縣丞官卑難資彈壓擬請移縣或改設專官以資轄制各情由陳請諮議局議決呈懇撫憲查核酌奪施行當奉劄覆示諭查新城居興義六屬之腹心地勢本為重要上年普安彭令壽恒曾經稟請移駐該處在案所呈設治及移縣兩層自為因地制宜起見但此事有無窒礙亟應從長計議以昭慎重除行藩司核議具覆外相應劄覆查照等因生等聞之不禁歡欣鼓舞感念再造理應伏候何敢再瀆惟查新城為前明朝新城所順治十八年因馬乃土司之變以其地當孔道處雜五方東去興義

府一百一十里南去興義縣一百三十里西南去盤州
廳一百八十里北去安南縣一百三十里東北去貞豐
一百二十里誠為興義六屬之腹心滇粵各省之通衢
漢回夷苗民居夾雜命盜案件事權不專治設正縣於
新城名曰普安縣並設正副學官文武聖廟書院倉廩
及載在祀典各廟是以權專法立頑風漸歸淳樸文教
因之昌明回苗懾服多年安靖康熙年間督憲鄂文端
以今普安縣地當驛站縣令寯遠辦站夫宜遂移縣於
今縣治夫縣治之設一在乎居中控馭一在乎扼要駐
守從前鄂文端有事西南以縣城當兩省往來要道為

興仁縣補志

卷十五

十三

軍糧轉輸之所必經移縣就之所謂扼要駐守也今驛
站已改設去縣六十里之白沙縣城道路險惡不特無
軍事之必要且為行旅所不由無關於扼要駐守之必
要明矣通普安一縣區分八里曰仁曰讓曰忠順曰馬
乃曰安逸曰樓下曰鼠場曰阿計今縣城則仁里也東
至江西坡三十里為安南縣地西至九峯寺十二里南
至蓮花山十五里西北至鑽子窰三十里皆盤州廳地
而縣城地處萬山之巔山多田少種而不獲者十有六
七前縣主高已有山城大如斗栽種半無收之詩形於
歌詠矣况縣城烟戶二百餘家半多以書差為業貢廩

生監及武生雜職亦僅二十三人求不食鴉片而又品行端正者實無一二郭外寒村寥落居民難聚前縣主王劉教民紡織而不能許縣主前稟所謂縣城僻處訟賦趨公民多不便新城戶口市廛風俗民情較勝縣城百倍謂正縣宜還舊治縣丞應設讓里安置頗宜由饋子窰北去百里即讓里也東西北皆盤州廳地惟南通一綫以至縣城由西南崎嶇而下則曰樓下毗連樓下則曰鼠場皆去縣城將二百里距新城僅六七十里五六十里不等至東南去二百里或三百里內外曰馬乃安逸阿計不特去縣甚遠且地非連接須越安南盤州

興仁縣補志

卷十五

十四

興義各界始能達實有鞭長莫及之勢一應訴訟惟憑書差舞弊弄權雖數年終不到案以故民不知官習成頑悍若距縣城僅六七十里實較近而易治地勢居中賦稅不便猶可說也查全縣倉糧二千零三十四石附郭之仁里及讓里僅收二百餘石其餘一千七百餘石概儲新城地丁四百餘兩亦以新城為最非若縣城僻在一隅難資控馭也通籌合計縣城遠隔各里非獨軍塵罕到抑且教化難及縣設彼地實於二者不合新城地居要衝戶口繁盛每多變故不獨為六屬安危所繫之地且為各里依附之區新城安則六屬俱安新城危

則六屬亦危縣設新城不獨地勢與情兩得其美且於
國計民生大有裨益况當今時局艱危盜賊蠶起匪徒
則肆意橫行會盟則明目張大剽掠劫殺械鬪逆爭所
在皆是加以近年鴉片禁種別無出產蠢蠢小民貧瘠
異常然以田土戶婚之故須越數百里而控本官往返
候訊廢時失業以故良懦者皆裹足不前豪強者愈大
張惡斂命盜案不得已而赴愬書差至處犯已遠馳兇
犯法外逍遙長官恐干處分遂任書差說合了息蹂躪
殆遍亦置不問有竟因一命而釀出數命者有因一案
而抄據數村者書差頃成巨富小民已不聊生至於應

興仁縣補志

卷十五

五

享權利新城百不得一應盡義務新城竟十居八九同
是朝廷赤子虐待幾同化外雖無匪類滋擾亦應解此
倒懸况又盜匪猖獗乎似此岌岌可危之地仍以事權
不屬之微員位置其間案不能辦害不能除民不能治
一任匪盜殘掠強劫肆行無忌習以為常則頽波逝流
無有底極而欲地方禍亂永保無虞足以附憲政之驥
尾未敢必也生等生長斯土利害攸關豈敢徒挾私見
妄請改革竊念世居新城將三百年慘遭兵燹已經五
次六屬無一完城百姓幾無噍類偶念及此疾首痛心
現在元氣未復禍機時露不早綢繆恐蹈覆轍為此不

梟冒昧稟呈大人台前俯准移設俾銷患未萌免遭巨禍生靈幸甚大局幸甚再新城衙署城垣及祀典各廟較縣城堂皇雖有應修監獄一應款項自願捐款興修決不糜費公帑動衆勞民合併聲明須至稟者

新城紳士擬請設專官稟稿

為請改設專官以資統馭而圖治安事緣生等前以新城地方緊要戶口殷繁縣丞官卑難資彈壓擬請移縣及改設以資轄制各情由陳請諮議局議決呈懇憲台撫憲查核酌奪施行當奉劄覆示諭查新城居興義六屬之中心地勢本為重要上年普安縣彭令壽恒曾經

興仁縣補志

卷十五

十六

稟請移駐該處在案所呈設官及移縣兩層自係為因地制宜起見但此事有無窒礙亟應從長計議以昭慎重除行藩司核議具覆外特劄覆查照等因生等聞之不禁歡欣鼓舞感恩再造理應伏候何敢再瀆惟查新城自順治十八年平馬乃土目之變以地當孔道始設正縣於新城原名普安縣並設正副學官倉廩書院文武聖宮及載在祀典各廟以資鎮攝嗣於康熙年間因辦白沙驛站差事失宜遂移縣於今縣城僅設縣丞一員詎知新城處雜五方地居形勝誠為興義六屬中樞要害滇粵各省通衢相距各屬均一百數十里而去縣

城又一百七十八里漢回夷苗居民雜處商賈輻輳地多插花匪類往來無常地棍勾結為患縣丞無生殺之權正縣鞭長莫及地方多故禍亂頻仍蓋緣於此且新城自城以外六七十里之內皆與義府縣安南善安貞豐六屬地村落錯雜其中為縣本屬者不過十之一二較之犬牙相錯尤覺混淆間有緝捕縣丞亦不能越境為理各屬又遠難遙制一應訟情惟憑書差紛出繁擾薰赫串和若遇逃匿兇盜此輩彼竄弋獲尤難以致民不知官習成頑悍况當今之日盜賊叢起時局艱危而豪強則恣意專橫欺壓良懦會盟則肆行無忌藐視長

興仁縣補志

卷十五

十七

官剽掠劫殺械鬪憤爭所在皆是若再遷延不改仍以事權不屬之微員位置其間案不能辦害不能除民不能治一任匪徒殘殺兇毆肆無忌憚習以為常則頑波逝流無有底極而欲地方禍變不生永保無虞未敢必也假使邑有印官專治遇有此等匪徒不法事件立時嚴拿究辦笞杖流徙斬絞監禁生之殺之嚴辦數人使彼兇頑咸知法律之不可犯自必畏罪畏死而不肯以身試嘗將見強暴革面而改行盜賊聞風而斂迹令行化洽比戶可封地方靖而民治安又何禍亂之不永止息哉生等籌思再四如移縣或有窒礙而新城又非印

官不能治理惟有仰乞鴻慈審衝握要因地制宜分撥
六屬零星之地統歸新城設立專員如蒙俯准擬請由
新城東至安南縣屬之卡子七十里南至普安廳屬之
阿洪六十里西至本屬之青山六十里北至普安廳之
安姑六十里東南至興義府屬之大水井五十五里西
南至普安廳屬之魯土營五十里東北至興義府屬之濫
木廠八十里西北至安南縣屬之白寨六十里以內之
地撥歸新城改設通判專員以資管轄除錢糧地丁仍
歸各屬司牧財政徵收外所有一切詞訟命盜案件可
以自理完結勘驗詳究似此權專法立治理有人暴除

興仁縣補志

卷十五

六

民安實於國計民生大有裨益為此不揣冒昧再續稟
懇大人台前垂慈賞准酌奪施行

新城貢生熊軾等稟懇核奪詳請移設一案與義府
江批

批據稟各情尚屬實在惟既據通稟有案應候各憲核
示再為轉行飭遵可也切切此批

請設專官續稟

為公懇建治消患未萌安六屬以重邊陲事竊興義六
屬各城邊隅惟普安縣屬新城扼其中黔自乾嘉咸同
光歷次變故其賊匪猖獗莫不以該處為巢穴小則波

及六屬大即牽動全省勞師費帑動以巨萬更兼生靈塗炭地方疾首痛心某等屢欲聯名稟懇專員鎮攝消隱憂以安六屬無如事件重大莫敢提議茲閱報端內載該處建治既經諮議局議決呈請建移復由該管官承允附條具詳具見利害所關一辭衆口而某等屬毛離哀痛癢相連尤屬不敢緘默為此事近切庸不避嫌疑特聯名公懇伏乞某台前能否賞鑒建設施行須至稟者

請設縣續稟

為公懇詳請移設以安六屬事緣生等前以新城地方

興仁縣補志

卷十五

九

戶口繁盛地當要衝公懇建治銷患未萌俾安六屬以重邊陲等情懇撫憲賞鑒建設施行當蒙批示查普安縣屬新城地方戶口繁盛地當要衝從前曾有建治之議以象論未能僉同迄未定議自應審度地勢考察輿情以求折中至當仰三司會同憲台迅即妥議詳候核奪等因生等理應伏候何敢再瀆查新城地方在縣屬可以襟帶六里在六屬實足關鍵中樞左引右控面面交衝為用武所必爭即為奸宄之叢藪不特建設藉可銷患未萌實於地勢確踞形勝况復鄰壤交錯村寨星羅小則狗盜雞鳴此拿彼竄大而揭竿斬木村背扼喉

往事堪徵後車足鑒生等毗連斯土痛癢相連屢遭池魚之害敢作壁上之觀用是不揣冒昧繪成輿圖附以記說稟呈大人台前俯准移設則億萬生靈感恩無既矣

輿義府圖說

府境僻處西南介於南北兩盤江之間劃江分界三面陡絕獨西與滇連在全省中別為一區域其交通之阻亦較諸郡為最蓋地理上之關係固然也然自明洪武中吳復克關嶺取徑旁若數年通道雲南崇禎中參政朱家民鍊鐵為絙懸兩崖以渡盤江國朝洪經略承疇

興仁縣補志

卷十五

二十

復增修之所謂盤江鐵索橋也由此道今安南普安出盤州以達雲南而府遂為衝要焉即今盤江廢驛是也其內地交通則東渡花江達募役以通省城西道青山出盤州以指雲南之平彝又由青山南走興義通滇粵二邊滇粵商賈由焉其南則趨郡城之道也三道皆會於新城則新城者固全郡之腹心而普安之所以立縣也考普安之設自順治十八年平馬乃土司之變以地居要害設普安縣以鎮之定縣治於前明新興所以通南籠之聲氣得居中制馭之道也自鄂文端有事西南以轉饟之重移縣治於今治以任之所以當驛道之衝

權宜以就一時之功而不暇計地方政治也事定之後卒以道徑險惡改設北站而縣治所在則因而不改相沿以至於今不可謂非當道之疏也夫有事則重在轉饟無事則重在治民普安地勢華雜北境延長屈曲陡入盤州狹處不絕如帶居民少而物產稀崎嶇山谷之中勢同甌脫惟南附近新城一帶稍成片段殷繁之戶膏腴之壤均於是在徒以縣治遠隔地方要政概未舉行是可惜已夫縣之有令所以守土地治人民也故令所駐之處稱之曰治今縣所治其地則甌脫也荒山之外即他境也其民則數十家之不成戶也今所與共事

興仁縣補志

卷十五

十一

者書差而外無人也而舉五方雜處人烟輻輳之新城而懸屬之無惑乎命盜相仍而主名莫得也新城者四會五達之區也西南商賈出其途五方游民聚其處地之衝要不待言矣方今境內安謐兵家形勝可不必談然往者嘗有事矣回苗之變皆以盤踞新城斷省城東路之援致郡城淪陷垂十餘年其為要害可知也由此觀之則新城者固普安之所以成縣抑郡城所以共安危者也雖處驛道之衝煩猶當舉而復其故况驛道已北徙哉夫黔省地多脫離插花懸屬所在皆是盜賊匪徒多蝨其間然縣治所在則皆腹地故迹亦稍斂所未

治者皆甌脫也未有置縣治於甌脫而遺腹地於不治如普安者故附圖而備論之以俟芻蕘之採焉

普安縣紳反對移縣公稟

具公稟普安縣紳民張芳地孔憲佳姜開科暨但至昌等為挾私改制擾害治安公懇轉詳仍循舊治以安人心事緣普邑自康熙二十四年改所設縣至今將三百年矣列聖均守舊章原以地雖小邑控滇黔之門戶扼六屬之咽喉凡遞解餉犯辦站供應近居七里之中輪蹄必經易於呼應且邑民疊經兵燹皆知仗節先義不若新城烟戶雖云略多實居六屬插花地中出城里許

興仁縣補志

卷十五

三

四圍皆屬鄰界其人民又罔知大義咸同間賊勝從賊兵勝從兵往來歷歷可據同治十一年許縣主椿齡漫不加察徒見新城之隆屢高墉遽萌純干凍雀之想既而覆加查核未便更張立稟上憲請免遷移光緒六年該處紳民復捏稱奉院批准改設再縣主煥章以普邑人民惶惑詳稟岑襄勤公亦有朝廷定制森嚴不准再議改設之示檔案俱存非偏愛於普邑有憾於新城也不過以先皇舊制事關重大若遽改革內恐激人心之變亂外懼防驛站之蹉跌因不肯妄動輕舉及光緒十六年新城劣貢某某等又復稟請前縣主熊遷移旋經

各上憲批駁即歷任亦惟從例以治乃上年前縣主彭聽新城劣紳之慫恿即借稟設習藝所公件兼請移駐新城查舊圖普邑在八里之中新城偏居一隅彭主任意改圖希惑上聽本城貢生張世泰等風聞該謀曾赴省上控事遂中止今閱貴州公報新城劣貢某某等徒挾數人私見不顧全局之公益又以設縣令陳請諮議局建議本局議員業經全數議決呈請撫憲酌奪普邑人士聞知衆心皇皇頗有洪水潰堤之勢夫全數議員之議決從表面觀之似六屬國人皆以為可之例然平心而論不過臆揣而遙度並非躬勘而實驗所稱岑襄

興仁縣補志

卷十五

二十五

勤公早已擬設專官原屬無稽之言不知襄勤公不准再議改設普邑猶存有原示至新城本有縣丞治理本有守備鎮懾如不遷調而設專官本朝廷自有之權普邑原不敢過問如必將分縣與正縣互易於治安既大有擾害於因地制宜之道更大有相妨如謂新城稠密本城寥落不思北京屢經事變先皇不舍燕翼之凋敝而遷吳蜀之繁盛實非畏難而苟安誠恐勞民而動衆今無故妄思改革壞累朝之大計駭八里之聽觀破萬民之秩序讀撫憲有無窒碍從長計議之言仰見闕懷國計軫念民瘼之苦衷可知事關重要未必遽易何敢

妄為邀懇但以輿情沸沸橫決莫遏恐貽後憂是以不
避斧鉞聯名公懇伏乞大人台前賞准作主核奪飭遵
轉詳上憲俾仍循舊制以安人心則普邑生靈頂祝不
朽矣

普安縣紳耆等以挾私改制等情公懇仍循舊治一
案批文

撫憲批查此案前據該縣屬新城貢生熊載等陳請諮
議局建議當經議長議員議以或將該縣丞與該管知
縣互相遷調或將該縣丞奏改專官等情呈請核奪前
來當經札飭藩司檢查舊案悉心核議具覆並劄覆諮

興仁縣補志

卷十五

五

議局查照在案茲據該紳耆等具呈前來究竟有無窒
礙仰布政司併即悉心核議詳覆酌奪以昭鄭重而順
輿情切切呈粘併發仍繳六月十三日

普安縣紳耆稟明前署縣挾私移縣各情由批文
撫憲批單稟及抄件閱悉查此案昨准諮議局呈業札
行藩司查照核議在案茲據稱民情惶疑傳謠聚眾各
情仰布政司迅速議覆飭遵並先飭該縣剴諭紳民等
靜候核示毋任浮動滋事切切稟及原件並發仍繳六

月十五日

督部堂李批文

雲南督部堂李批稟圖均悉此案前據普安縣紳民等稟當經批府查覆旋據興義府具稟復經批司查核委員勘稟由司酌核詳辦嗣又據縣紳民張芳地等聯名續稟當以普安縣治究竟應否改移批司速議各在案茲據興義府五屬紳士景芳鑑聯名稟懇專員鎮懾以消隱憂各情仰貴州布政司併入前案迅速遵批委勘妥議詳辦勿稍擱延致令藉瀆稟圖併覆仍繳宣統三年辛亥三月十六日

興義知府為設縣案覆大府稟

敬稟者案奉藩撫憲札案准諮議局代理議長譚某呈

興仁縣補志

卷十五

三五

稱據興義府普安縣貢生熊某等以該處戶口日漸殷繁請設縣令以專責成而資保障事陳請建設前來等因除原文免錄外後聞飭府體察情形悉心核議稟覆核辦計抄發稟單各一件奉此正遵札核辦間復奉藩憲札奉撫憲批同前由飭府一併查覆各等因奉此並據該紳等具稟到府除批飭聽候查明請示遵外署府遵即檢閱檔案與圖體察該縣地方時宜謹為我憲台縷晰陳之查府志內載普安縣地乃明時之新興所地也洪武十六年吳復築新城即今縣丞所駐之城二十

三年始設新興所即今知縣所駐之城永樂中於西北

衝地設普安州二所皆隸之至國朝順治十八年始析
普安之馬乃鼠場樓下三營地又析安南衝之阿計安
逸二營地與仁興讓二里及新興新城二所各地而置
普安縣與新城所同城治理其時縣治在新城也康熙
十年始裁新城所併入普安縣縣治仍在新城二十二
年又裁新興所乃徙普安縣治於新興所城即今知縣
所駐之城由是始名新興城曰普安縣城南界興義縣
西北界盤州廳北界安南縣東南與府接壤距府城二
百餘里新城距府城一百餘里新城與縣城南北相對
二百有餘里此原日設縣移縣及該縣地界之情形也

興仁縣補志

卷十五

三十五

伏以天下無墨守不變之事理時勢有難於仍舊之機
關總須權其輕重緩急求在得當而後已查普安縣城
雖孤懸一隅高矗嶺表而共轄八里亦甚聯屬合宜唯
與新城相距過遠鞭長莫及新城雖只一里之地而衝
繁險要與各里迥不相同該處東界府境南界興義縣
西界盤州廳北界安南縣東南與貞豐接壤各屬相距
均百數十里之遙實居五屬腹心尤據各區要害故歷
來遭遇兵燹官兵賊匪莫不趨重於新城他屬陷賊援
兵但守新城各處皆能策應若新城有失則五屬牽制
一律戒嚴如嘉慶二年苗匪由府屬之北鄉猖亂首撲

新城各屬遂相繼沉淪咸豐四年土匪由安南之巴林起九年徇苗各匪由縣屬之潘家莊起均係先破新城各屬遂先後受禍嗣後規復仍自新城先定各屬始次第肅清一由地勢扼要攻守異形一由土著之民視官兵之勝負為從違是以屢次亂事若合符節若不改設正印之官何能靖地方而資教養此形勢輕重之明證者一縣屬戶口數百合之所轄各里人民亦甚充實風俗雖然教樸近年來外匪竄入勾結內匪以致搶劫時聞使緝捕如果勤能盜風尚不難於清戢新城民戶一千數百之多商賈出入路所必由地方之殷實繁華尤

興仁縣補志

卷十五

二十七

非他里能及什一無如五方雜處良莠不齊土著則漢少回多奚止倍蓰互挾猜嫉自昔為然動輒尋仇務在報復地方既與縣治遠隔縣丞權僅彈壓斷難懾服事機遲滯每釀巨案從前案件姑不置論如本年回匪桂蘭先由窩鉛廠竄入普安縣不藏匿於縣城而盤踞於新城之青山勾結土匪何鳳山回匪馬惻之等開會張盟公然搶擄該處一帶土匪土著回民與匪頗結感情齎糧觀釁樂於禍成知縣兵差不到縣丞莫敢誰何若非鎮府等覺察尚早捕治較速禍機一發何堪設想刻下夥匪雖除匪首尚在逃逸時聞誓回之謠漢民心志

雖固回衆則未敢必其誠服若不改設正印官員實非長治久安之道此事機緩急之明證者一再查康熙年間之改設縣治蓋為白沙設驛距新城過遠所有傳遞公文往來供應與及解餉解犯多有未便遂移縣治於新興而設分縣於新城未始非昔年一時之權宜然宜於昔者未必宜於今日今之復議改設實有重於昔年也該縣紳耆未將全局熟籌堅以驛務有碍訴訟跋涉為言遂謂更張不如仍舊爭論不休近日更稱若移縣治必致激動民心等語殊不知今日之權移縣治於新城正欲以泯回漢猜嫉之禍除各屬腹心之顧慮苟使

興仁縣補志

卷十五

三六

改移無益何以近年該縣熊彭各署任均以為言耶此舉之輕重緩急不待辯而自明斷不能因一爭而復擱置也署府更有請者驛務雖屬要件本可兼辦於分駐之官惟民間訴訟今其遠道跋涉不無可憫可否於移設之中略示變通之道擬請知縣仍照原日改設於新城移縣丞於普安並請改知縣為知州改縣丞為州同酌撥經征錢糧自理命盜刑名一如冊亨州同體制似於普安新城均無窒碍而於南方邊防大有裨益也再此等改移事件情節較為重大署府雖云慎以圖終無如賦性庸愚誠恐識慮未周於事件未能吻合有負委

任之明合無仰懇憲恩再委幹練之員前赴普安縣新城復行履勘悉心體察果無一切窒碍再行定案以昭慎重是否之處理合肅稟呈請憲台大人俯賜查核批示祇遵為此具稟

藩司批文

藩批興義府貢生景方鑑等稟請縣治改設新城一案由稟圍均悉查此案前奉撫部院批當即札飭興義府查覆嗣據該府覆到並據新城紳耆稟明担任修建經費前來復飭普安縣傳集稟內人等公同商酌俟籌款就緒稟覆再行酌核詳辦仰即知照此諭

興仁縣補志

卷十五

三

普安縣屬紳民張芳地等公稟挾私改刑一案批文府批公稟閱悉聽候據情轉詳但此案業經諮議局議決呈由撫憲核飭辦理矣該紳等仍須公呈諮議局並稟撫憲查核批示

軍都督府批答

新城釐金委員鄒壽設縣治案文
興義府知府

呈附各件均悉據稱新城改設縣治劃撥插花地一段一案擬請先劃地設縣然後勘撥插花擴充區域懇請查核一節計慮周詳步次不紊自應照准除轉行外合行批答飭遵

民政司批

據呈會勘情形及所擬先後辦法秩序井然有條不紊於四廳縣會議時復能折衷至當劃撥平允足見該印委悉心任事籌劃切實將來辦理手續大致不外乎此惟茲事體較大不能不慎重於先仰候都督及軍務司批示後再為遵照辦理可也稟單存

軍務司批

軍務司批會呈及清單均悉查劃撥插花改設縣治原為便於治理起見該印委會議新城應與普安劃分兩縣並將盤州安南興義各屬附近插花地段分別撥歸管轄拓充區域委任專員假以權力先行改縣次撥插

興仁縣補志

卷十五

二十

花庶免刁頑紳團出而阻撓其餘新普兩縣地方公款租谷區分由該各縣員紳經報辦理學校及地方公益之費所擬甚屬妥協應候咨請民政司核飭示遵至應否即予定案並頒發新城縣印之處仍候都督暨民政司批示飭遵清單存此批

民國元年拾月軍都督據民政司呈裁撤新城縣丞改設知縣咨內政部咨文

咨案據民政司呈稱竊維設官分職必因時而制宜度地居民貴截長而補短華離甌脫之地每紛爭於此疆彼界縣丞令佐之官實難責其催科撫字况中華民國

初建行政區域宜分苟非正經界而專責成奚以安人
民而資治理貴州素稱瘠土跬步皆山考四境之幅員
半分撥於川滇湘粵即一隅之地段亦交錯於府廳州
縣以致盜賊有地潛藏負隅據險長官遇事推諉廢政
弛刑不早清釐僉滋騁犄惟事體重大固難合全省而
輕議更張而揆度事機正可即上游而先行試辦查興
義府六屬插花最多而地段畸零袤長首尾不能相顧
者則以普安縣為最溯其建置之始縣令實駐新城後
裁撤新興所因該處距白沙驛較遠始移知縣往駐即
今之普安縣治是也縣治既移遂於新城改縣丞以資

興仁縣補志

卷十五

三十一

分治相沿不改迄今已二百餘年惟新城地方最佔形
勢論攻則新城得各城次第可平言守則新城失各城
相繼不保歷稽前清嘉慶以後同光以前苗回諸變屢
煩兵力皆以新城之得失為勝負此其明効大驗也蓋
壤地雖狹實居於各屬中心而形勢又最為扼要祇以
各屬插花文錯其附近於新城者距各城治均百有餘
里故犯案匪徒皆藉以為逋逃之藪此挈彼竄十不獲
一即文移關提而縣丞權僅彈壓莫敢誰何坐是民情
習於獷悍忌憚毫無若不設正印官長實不足以資鎮
懾從前屢議仍將知縣移駐因距驛站窵遠又以改設

建築費用甚鉅是以不果昨據該縣紳民復呈請將普安新城分設兩縣蒙批示允行良有鑒於今昔情形不同不能不因地制宜變通盡利並批令本司轉飭該府縣詳加議覆妥籌辦法茲據該守令等先後呈覆前來僉以為兩縣分治事勢宜然惟普安地僅八里分置兩邑疆域不免太狹若將盤州安南興義各廳縣附近插花地段分別撥歸兩縣管轄則酌劑夫盈虛自利便于治理但手續繁重若合撥地與設縣一時舉行誠恐阻礙遽延驟難辦到不如分為兩段先行改縣次撥插花較易著手擬請就普安原轄八里地面剖而為二與新

興仁縣補志

卷十五

三五

城各轄附近四里其屬於普安者曰興仁興讓鼠場樓下其屬於新城者曰忠順馬乃安逸阿計俟定界之碑新城縣完全成立之後再派明幹之員專辦劃撥插花統就興義各屬情形一律秉公勘撥互相改隸務期方圓團結便於治理並請出示曉諭立碑定界一面頒發印信遣委幹員馳赴新城縣任籌辦一切等情據此本司當即會商軍務司劉顯世均以為似此辦法先後井然尚屬妥協旋奉批准裁撤縣丞改設知縣並頒發新城縣印到司本司遵即呈請委任喬令運亨署理新城縣知縣即責成該令馳赴新任後會同興義府知府聶

守樹楷普安縣知縣李令上理召集各屬士紳將插花地址查勘明晰繪圖貼說呈覆核奪並飭該守令等和衷共濟商酌辦理詳加審度折衷至當務使各得其平勿致操切誤事本司又查悉安義總兵劉鎮顯潛籍隸興義於各屬情形尤為熟悉並咨請督率該守令等辦理在案惟事關建設縣治改置印官例應咨部立案未便久懸所有裁撤新城縣丞改設知縣擬劃撥盤州安南興義各屬插花分別改隸各緣由理合備文呈請先行咨明內務部查核立案一俟改撥完竣再行繪具與地界址核算丁糧數目暨一應建設各事宜詳細造冊

興仁縣補志

卷十五

三

呈請咨部查考庶南北盤之流域按圖可稽十三郡之封疆從今漸正奏弦歌而數雅化不再嘆犬牙之縱橫賣刀劍以事春耕無難偕鶉音而變格等情前來本都督覆查辦理各節尚屬妥協相應備文咨請貴部查照希即立案施行實為公便此咨

都督府批文

都督批呈及清單均悉查新城普安劃分縣治紛爭日久該員等議分區域公費丁糧等項均屬妥協自應照准由民政司轉飭該員等迅即會同正紳立碑定界曉諭兩屬人民等一體遵守俟縣治劃定後仍將盤州安

南等處插花究應如何劃撥之處妥議辦法呈候核奪
印信由民政司轉發仰即遵照此批八月十六號
貴州都督府為新城設縣一案咨請內務部呈報大
總統立案准部咨復轉令民政司令文

為令飭遵事案准內務部咨覆前准本都督咨稱據民
政司呈興義府六屬劃撥插花地段暨裁撤縣丞添設
縣缺各情形尚屬妥協請查照立案到部查劃撥區域
增設知縣關係行政極為重要當經本部據情呈請大
總統鑒核指示遵行現奉大總統批據呈已悉既據該
都督聲稱辦理情形尚屬妥協應准由該部先行立案
與仁縣補志

卷十五

十五

此批等因奉此除由本部立案外相應咨行查照辦理
可也此咨等由准此合行令仰該司即便查照此令

興仁縣補志校勘記

卷一

2頁18行 「肥饒」，原本誤「肥磽」，據史記。漢書校正。
4頁5行 「此智之如目也」，「之」，原本誤「不」，據韓

非子改。

4頁67行 「速若飄風」，原本漏「若」字，據商子改。

4頁7行 「蛟」字原本寫作「蛟」，據商子改。

4頁8行 「死於垂涉」，「涉」，原本作「沙」，據商子改。

4頁16行 「謂此」，原本誤「此謂」，據民國貴州通志改

(以下略作民國通志)。

興仁縣補志

校勘記 卷一

一

4頁18行 「以止之」，原本漏「之」字，據民國通志增。

5頁1行 「裨將軍」，「裨」，原本誤「稗」，據史記改。

5頁2行 「韓魏」，原本誤「韓衛」，據史記改。

5頁17行 「雖頗歧出」，原本漏「歧」字，據民國通志

增。

5頁17-18行 「實無三人」，原本漏「三」字，據民國通志

增。

5頁19行 「郭子章」，原本漏「子」字，據民國通志增。

5頁20行 「惡知」，原本作「安知」，據民國通志改。

6頁13行 「分侯支黨」，「黨」，原本誤「長」，據民國通

志及本書第二頁二十行改。

7頁1行 「半」，原本誤「羊」，據民國通志改。

7頁7行 「使監祿無以轉餉」句，原本脫漏，據淮南

子增。

7頁8行 「君譯」，原本誤「君澤」，據淮南子改。

7頁13行 「謫徙」，原本誤「謫徙」，據漢書改。

7頁13行 「秦始皇」，原本誤「秦史皇」，據史記、漢書

等改。

8頁19行 「遺」，原本誤「遣」，據史記改。

9頁10行 「常類」，原本誤「常類」，據史記、漢書等改。

興仁縣補志

校勘記 卷一 二

10頁8行 「十餘鍾」，「鍾」，原本誤「鐘」，據漢書改。

11頁3行 「七月」，原本誤「七年」，據漢書武帝紀改。

11頁17行夾註 「巨」，原本誤「巨」，據史記改。

11頁18行 「十餘鍾」，「鍾」，原本誤「鐘」，據史記改。

11頁20行 「北置朔方之郡」，「郡」，原本誤「都」，據史

記改。

13頁12行 「因感言大國」句，據史記，漢書應作「因

感言漢大國」。

15頁2行 「臣瓚」，原本誤「臣讚」，據漢書及中國人名

大辭典改。

15頁3行 「交趾」，原本作「交趾」，據漢書改。

15頁5行 「初郡」，原本誤「初部」，據漢書改。

15頁8行 「賦法」，原本漏「法」字，據史記、漢書增。

15頁17行 「姑繒」，原本誤「姑繪」，據漢書及民國通志

改。

15頁19行 「牂牁」，原本誤「益州」，據漢書 民國通志

改。

16頁5行 「毋賦稅」，「毋」，原本作「無」，據漢書改。

16頁56行 「南陽漢中以往郡各以地比」，原本漏「郡」

字，據漢書增。

興仁縣補志

校勘記 卷一

三

16頁8-9行 「大農」二字，原本闕，據漢書增。

16頁10行 「毋乏」，原本作「無乏」，據漢書改。

16頁15行 「河平」，原本誤「何平」，據漢書改。

16頁17行 同右。

17頁6行 「應劭」，原本誤「應邵」，今改。

17頁10行 「誅興等」，原本漏「等」字，據漢書增。

17頁14行 「察」，原本誤「查」，據漢書改。

17頁18行 「必焦沒」，漢書作「往必焦沒」。

19頁2行 「後定為九州」，「後」，原本作「復」，據漢書

改。

19頁3行 「謹以」，原本作「乃以」，據漢書改。

19頁4行 「正始」，原本誤「正史」，據漢書改。

19頁11行 「印綬」，原本誤「印授」，據漢書改。

1920頁201行 「將兵擊之」，原本漏「兵」字，據民國通志

增。

20頁14行 「等夷」，原本誤「等邑」，據民國通志改。

20頁19行 「更遣」二字據民國通志增。

21頁1行 「軍師放縱」，原本漏「軍」字，據民國通志

增。

21頁56行 「保境」，原本作「保郡」，據華陽國志改。

興仁縣補志

校勘記 卷一

四

21頁15行 「永興元年」，原本誤「永嘉元年」，據後漢書

改。

24頁9行 「其使人器之」，據三國志作「其使人也器之

」。

24頁19行 「……以與吳，以聞為……」，據民國通志作

「……以與吳，吳以聞為……」。

25頁8行 「明復反耳」，據資治通鑑（以下簡稱通鑑）

作「明日復反耳」。

25頁9行 「其叛愈速」，據通鑑作「其叛亦速」，「若殄

盡遺類」，「遺」，原本誤「餘」，據通鑑改。

25頁10行 「非仁者之情」，據通鑑作「既非仁者之情」。
「能也」，據通鑑無「能」字。

26頁8行 「加夷新喪破，父兄死傷」二句，據民國通
志轉引通鑑輯覽原文如此；據三國志 資治
通鑑及本志原文，作「加夷新傷破，父兄死
喪」。

27頁2行 「改益州為建寧」句之下，華陽國志有「以
李恢為太守」一句。

27頁23行 「分建寧越傷置雲南郡」句之下，華陽國志
有「以呂凱為太守」一句。

興仁縣補志

校勘記 卷一

五

27頁11行 「丹漆」之下，華陽國志有「畊牛」二字。

28頁11行 「建寧郡」，原本誤「建寧軍」，據三國志改。

29頁2行 「統事如前」，原本誤「使事如前」，據三國志
改。

29頁67行 「阻險斗絕」，原本誤「阻絕斗險」，據華陽國
志改。

29頁8行 「然後可果」，原本闕「果」字，據通鑑增。

29頁10行 「周上疏曰」，「疏」，原本誤「書」，據華陽國
志改。

29頁19行 「霍弋以強卒鎮夜郎」句之下，據三國志尚

有「蜀土險狹，山水峻隔，絕巖激湍，非步卒可涉」四句。

30頁10行

「守死無所」，「守」，原本誤「寄」，據通鑑改。

30頁11行

「晉主善之」，「善」，原本作「嘉」，據通鑑改。

32頁1行

「進乘」，原本誤「進勝」，據晉書、民國通志

改。

32頁2行夾註

「作乘」，原本誤「作勝」，據晉書、民國

通志改。

32頁4行夾註

「雍鄉」，原本誤「雍邱」，據晉書改。

32頁6行

「南秦堂狼狎柯郡領縣八萬壽」十二字，原

興仁縣補志

校勘記 卷一

六

本將「南秦」誤「南昌」，闕以下十字，據晉

書及民國通志增改。

32頁9行夾註

「談柏」，原本誤「談指」，據晉書及民國

通志改。

32頁9行夾註

「毋劔」，原本誤「毋飲」，據晉書及民國

通志改。

33頁10行夾註

「鑑作許」，應作「通鑑作許」始正。

33頁12行

「致執弟耐罪」之上，據遵義府志有「部曲

二字。

33頁13行

「李猛有才幹」句之下，據遵義府志有「弟

為功曹」一句。

34頁8行 「二年」，原本誤「三年」，據通鑑及民國通志改。

34頁10行 「城邑皆空」四字，原本闕，據通鑑增。

34頁16行 「建寧太守」，原本漏「寧」字，據華陽國志及民國通志增。

35頁1行 「上疏」，原本作「上書」，據華陽國志及民國通志改。

35頁16行 「逋逃」，原本誤「逃捕」，據華陽國志改。

36頁2行 「樵草炙鼠」句，原本作「茹草炙鼠」，據華

興仁縣補志

校勘記 卷一

七

陽國志改。

36頁3行 「秀伺夷急緩，輒出軍掩破」二句，「伺」

「輒」二字，原本誤「俟」「策」，據華陽國志及民國通志改。

36頁5行 「追贈少府」四字，據華陽國志增。

36頁6行 「通博」，原本作「博通」，據華陽國志改。

36頁9行 「以寧州城中」，原本無「寧州」二字，據華陽國志增。

36頁11行 「西夷校尉」，原本作「西南夷校尉」，據華陽

國志刪「南」字。

36頁14行夾註 「通鑑」，原本誤「史鑑」；又「荆江八郡」，誤「荆江八縣」，據通鑑改。

37頁2行 「訐哀」，原本誤「訐忠」，據晉書改。

37頁9行 「不下其板」，「板」，原本誤「報」，據華陽國

志改。

37頁10行 「以趙濤父渾」，「渾」，原本作「混」，據華陽

國志改。

37頁14行夾註 「當作岑」三字，據華陽國志增。

37頁18行 「夜郎郡」，原本漏「郡」字，據民國通志增。

38頁2行 「毋劔」，原本誤「毋飲」，據晉書及民國通志

興仁縣補志



校勘記 卷一 八

改。

38頁4行夾註 「史記」，原本誤「史記」，今改。

38頁5行夾註 「首藩」，原本將「藩」誤「潘」，據民國

通志改。

39頁3行夾註 「地道記」，原本誤「地道紀」，據民國通

志改。「戰處在律高」，原本漏「戰」字，據

民國通志增。

39頁12行夾註 「自四年起至六年止」，原本將「四年」

誤「是年」，將「六年」誤「六月」，據民國通

志改。

46頁3行

「爨量」，原本誤「爨亮」，據華陽國志、通鑑等書改。

40頁4行

同右。

40頁6行夾註

同右。

一保興古盤南」，原本漏「保」字，據華

陽國志增。又「前陵伯」，原本誤「乾陵伯」，

據華陽國志改。

40頁13行夾註

「還」字，原本脫漏，據民國通志增。

40頁16行

「嘉慶」，原本誤「嘉靖」，據民國通志等書改。

41頁6行夾註

「特權志」，原本誤「特權志」，據民國通

興仁縣補志

校勘記 卷一

九

志等書改。

41頁10行

「嘉慶」，原本誤「嘉靖」，據民國通志等書改。

41頁15行

「督護」，原本誤「護督」，據晉書、通鑑及民

國通志等書改。

42頁5行

「增置郡二」，原本作「增置二郡」，據十六國

疆域志（洪北江全集）改。

42頁6行

「毋劔」，原本誤「毋飲」，據晉書及十六國疆

域志改。

42頁19行

「晉書」，原本誤「漢書」，據民國通志改。

45頁16行

「載記」，原本誤「載紀」，據晉書改。

45頁17行 「符」字，原本誤「苻」，據晉書改。

46頁4行 「二年春」，原本將「春」誤「秦」，據晉書及
民國通志改。

46頁5行 「益州」，原本誤「夷州」，據晉書及民國通志
改。

46頁13行 「十年二月乙酉」句，原本將「十年」誤「
十二年」；「乙酉」誤「己酉」，據晉書及民國
通志刪改。

46頁18行 「涼寧五州」，原本脫漏「寧」字，據通鑑及
民國通志增。

興仁縣補志

校勘記 卷一

十

47頁11行 「加散騎常侍」五字，原本闕，據晉書、通
鑑及民國通志增。

47頁13行 「監秦梁二州軍事」，「監」，原本作「兼」，據
晉書、通鑑等改。

47頁14行 「江陵」，原本誤「江寧」，據晉書、通鑑等改。
47頁15行 「領巴西梓潼二郡軍下涪水」句，「潼」，原
本誤「潼」，據晉書、通鑑及古今地名大辭典
改。

48頁2行 「氏王」，原本漏「氏」字，據民國通志增。

48頁19行 「安順府志」，原本漏「府志」二字。

一頁7行 「母單」，原本誤「毋單」，據宋書改。

一頁8-9行 「昆澤」及夾註的排列地位，原本互相顛倒，

今參考宋書改正。

一頁9行 「萬壽」，原本漏「壽」字，據宋書增。

一頁10行夾註 「晉太康」，原本誤「晉太寧」，據晉書等

改。

一頁11行 「平蠻」，原本脫漏「平蠻」二字，據宋書增。

一頁12行 「領縣四」，原本漏「縣」字，據宋書增。

4頁5行 「經略」，原本作「侵略」，據民國通志改。

興仁縣補志

校勘記 卷二

十一

4頁14行 「世詢」，原本誤「世洵」，據梁書改。

4頁19行 「南征賦」，原本作「征南賦」，今從梁書張紘

傳改。

4頁20行 「苛慝」，原本誤「苛匿」，據梁書改。

「始開」二字，原本顛倒，據民國通志改。

5頁14行 「李慶綜」，「綜」，原本誤「綜」，據南齊書改。

6頁10行 「經略」，原本作「侵略」，據民國通志改。

7頁7行 「會景密遺騎……」，「景」，原本作「侯」，據

梁書及民國通志改。

8頁12行 「方輿紀要」，「紀」，原本誤「記」，今改。

8 頁 18 行 「恃德」，原本誤「世德」，據隋書改。

8 頁 18 行 「益州」，原本誤「行軍」，據隋書改。

9 頁 1 行 「上疏」，原本誤「上書」，據民國國通志改。

9 頁 4 行 「殷象」，原本作「殷威」，據隋書改。

9 頁 5 行 「泰始」，原本誤「太始」，據晉書及兩千年中

西曆對照表等書改。

9 頁 5-6 行 「至佛梁南寧州」六字及「被湘東」三字，

據隋書增。

9 頁 14 行 「兵馬」，原本作「軍馬」，據隋書改。

10 頁 5 行 「長城公」，原本漏「公」字，據隋書及民國

興仁縣補志

校勘記 卷二

三

通志增。

10 頁 7-8 行 「兼散騎常侍」，原本漏「兼」字，據隋書增。

10 頁 16 行 「長史」，原本誤「刺史」，據隋書改。

12 頁 5 行 「遣使招諭」，原本漏「遣」字，據通鑑增。

14 頁 2 行 「又引蘇軾曰」，「引」，原本誤「列」。

14 頁 12 行 「後比」，原本誤「復此」。

14 頁 18 行 「南詔蠻傳」，「詔」，原本誤「詒」。

15 頁 1 行 「南詔」，原本誤「南詒」。

15 頁 7 行 「鄒漢勳」，原本誤「周漢勳」，據貴陽府志改。

15 頁 78 行 「分為四縣」，據元和郡縣圖志（以下簡稱元和志）

舊唐書等增。

16 頁 8 行 「至蜀先主」，原本闕「至」字，據元和志。

舊唐書等增。

「又增置一縣」，原本脫漏，據元和志，舊唐

書等增。

16 頁 10 行 「涪陵蠻帥」，原本闕「涪陵」二字，據元和

志，舊唐書等增。

16 頁 14 行 「務」、「舊」二字，據元和志，舊唐書增改。

17 頁 2 行 「玳州」，原本誤「剌州」，據新唐書、通鑑、

興仁縣補志

校勘記 卷二

七

元和志、玉海及中國古今地名大辭典等書改。

17 頁 8 行 「黔史」，原本作「貴州紀年」。

17 頁 14 行 同右。

17 頁 20 行 「管内」，原本闕「管」字，據舊唐書增。

18 頁 4 行 「上元三年」，原本誤「咸亨元年」，據舊唐書

高宗本紀改。

18 頁 6 行 「廣文黔」，原本作「交廣黔」，據舊唐書高宗

本紀改。

18 頁 7 行 「都督府」，原本闕「府」字，據通鑑增。

「注擬」，原本誤「擬注」，據通鑑改。

「簡擇」，原本作「簡選」，據通鑑改。

18頁8行 「每四年」，原本誤「每并」，據通鑑增。

18頁19行 「貴州紀年」四字誤，應作「黔史」。

19頁1行 「又罷」二字，原本作「廢」，據元和志增改。

「復以」，原本闕「復」字，據元和志增。

19頁6行 「罷播州都督府」，原本漏「罷」字，據元和

志增。

「黔中」，原本作「黔州」，據元和志改。

19頁11行 「列置州縣」，原本闕「縣」字，據新唐書增。

19頁17行 「擬」，原本誤「建」，據新唐書改。

興仁縣補志

校勘記 卷二

五

「邦」，原本誤「邦」，據新唐書改。

19頁18行 「莪」，原本誤「莪」，據新唐書改。

20頁2行 「暉」，原本誤「暉」，據新唐書改。

20頁3行 「侯」，原本作「侯」，據新唐書改。

20頁5行 「卿」，原本誤「鄉」，據新唐書改。

20頁16行 「二年」，原本誤「三年」，據新唐書改。

20頁19行 「刺史之職」，「職」，原本作「制」，據新唐書

改。

21頁8行 「不能如採訪使處置之並管……也」句，

據民國通志應作「不能如採訪處置使之並

管……也」。

22頁7行 「特嘉之」，原本闕「特」字，據舊唐書增。

22頁15行 「新唐書」，原本漏「唐」字。

24頁13行 「徐王延年婚請以延年子」，原本脫漏「婚請以延年」五字，據舊唐書及民國通志增。

27頁9行 「十八年十二月戊申」，原本誤作「十七年十二月」，據舊唐書及民國通志增改。

27頁16行 「並賞國信物」，原本漏「國」字，據舊唐書增。

28頁9行 夾註 「今猶謂之羅鬼」，「猶」，原本誤「稱」。

興仁縣補志

校勘記 卷二 五

據民國通志改。

28頁13行 「所歸者又為何地」句，原本脫漏，據民國通志增。

29頁8行 「不申戶賬」，「賬」，原本作「賬」，據舊唐書及民國通志改。

29頁15行 「遺謝良震來朝」，據舊唐書應作「遣使謝良震來朝」。

30頁1行 「昆川」，原本誤「昆州」，據新唐書改。

「龍和」，原本誤「知龍」，據新唐書改。

30頁2行 「二川」，原本誤「二州」，據新唐書改。

30頁5行 一屬中國亂，原本誤「屬中國因亂」，據太平寰宇記改。

30頁56行 一梁元帝，原本漏「梁」字，據太平寰宇記增。

30頁11行 一徒莫祇蠻，「徒」，原本作「從」，據新唐書改。

30頁12行 一傍·丘」二字，原本作「旁 邱」，據新唐書改。

30頁1617行 一高宗以左領軍將軍趙孝祖，原本誤「孝祖乃以左領軍將軍」，據新唐書改正。

興仁縣補志



校勘記

卷二

六

30頁18行 一都于，原本作「都于」，據新唐書改。

30頁1920行 一每歲戶出一牛或一羊，原本脫漏「戶」字，據新唐書增。

30頁20行 一必有兵，「有」，原本作「以」，據新唐書改。

31頁1行夾註 一新唐書，原本誤「舊唐書」。

31頁5行 一後此，原本誤「復此」。

32頁8行 一擅有寧州，「擅」，原本作「據」，據貴陽府志改。

志改。

一又號為，原本作「又名」，據貴陽府志改。

32頁89行 一羅氏世屬保氏，「保」，原本作「爨」，據貴陽府志改。

陽府志改。

32頁9行 「別為盧鹿部」，原本漏「別」字，據貴陽府志增。

32頁11行 「今貞豐」，原本作「清」，從貴陽府志改。

32頁12行 「今安順」，原本作「清安順」，從貴陽府志改。

32頁12行 「語演為」三字，原本作「謠」，據貴陽府志增改。

「昆明大鬼主羅殿王」，原本闕「昆明大鬼主」五字，「殿」作「旬」，據貴陽府志增改。

32頁14行 「羅殿王」，原本作「羅旬王」，據貴陽府志改。

興仁縣補志

板勘記 卷二

十七

32頁15行 「定初乃之」，原本闕，據貴陽府志增。

32頁17行 「宣宗」二字，據通鑑綱目及新唐書均。

「寇陷播州」，「陷」字原本脫漏，據通鑑綱目增。

32頁18行 「間清溪道」，「間」字原本作「通」，據通鑑

綱目改。

32頁19行 「粟給」，原本作「廩給」，據通鑑及通鑑綱目

改。

33頁4行 「領兵復之」，原本「兵」字下衍「明」字，

據明史刪。

33頁19行 「楫」字原本誤「建」，據民國通志改。

34頁2行 「偽蜀」，原本誤「偽」為「謬」，據民國通志改。

34頁134行 「佳期」，原本誤「佳期」，據民國通志改。

34頁14行 「民國貴州通志」六字，原本闕，今增。

34頁18行 「到發許住一月」，原本漏「到」字，據舊五代史增。

35頁3行 「宋朝化」，原本誤「宋」為「宗」，據新五代

史改。

35頁5行 「羅殿王」，原本作「羅甸王」，據新五代史改。

興仁縣補志

校勘記 卷二

六

35頁9行 同右。

「各差」，原本作「各遣」，據新五代史改。

35頁10行 「官告」二字，據新五代史增。

35頁11行 「權武泰留後」，「權」，原本作「為」，據通鑑紀事本末改。

35頁13行 「故蜀鎮江節度使張武」，原本闕「蜀」字；

「張武」誤「張神武」，據通鑑紀事本末增刪，

35頁134行 「十一月戊辰張武至渝州」句，原本脫漏，

據通鑑紀事本末增。

35頁145行 「朱僮」，「僮」字原本誤「涯」，據通鑑紀事

本末改。

35頁15行 「武泰節度使」，原本漏「使」字，據通鑑紀事本末增。

35頁20行 「天寶末」，「末」字原本誤「未」，今改。

「其州無官府」，原本漏「府」字，據通鑑增。

36頁4行 「蜀王」，原本作「蜀主」，據民國通志改。

36頁38行 「彭士愁」，新五代史作「彭士然」，與通鑑及

貴陽府志所引異名。

36頁8行 「嘉靖通志」，「通」，據民國通志應作「各」。

九行同。

興仁縣補志

校勘記 卷二卷三

十九

卷三

1頁10行 「不通朝貢」，原本作「不通中國」，據文獻通考、宋史及華陽國志等書改。

1頁15行 「羅波源」，原本誤「波羅源」，據宋史改。

1頁18行 「鷄平部落」，原本多一「部」字，據宋史刪。

「訓州」之一「訓」，原本脫漏，據宋史增。

2頁1行 「康貴二志」，原本作「康熙通志」，據民國通志原文改。

2頁5行 「部落」，原本漏「落」字，據民國通志增。

2頁11行 「羅波源」，原本誤「波羅源」，據宋史改。

二頁15行 「又來貢」，原本漏「又」字，據宋史增。

二頁20行 「兼蒼落使」，原本脫漏「兼·使」二字，據宋史及民國通志增。

三頁8行 「羅殿王」，原本作「羅甸王」，據大定府志改。

三頁11行 「反居濠阿」，「反」，原本作「及」，據大定府志改。

三頁12行 「八獻方物」，原本闕「八」字，據大定府志

增。

四頁3行 「仍退居延江之南」，「仍」，原本作「始」，據

大定府志改。

興仁縣補志

校勘記 卷三

十

四頁10行 「龍漢琚」，據宋史·文獻通考作「龍瓊琚」。

四頁11行 「四十七人」，原本作「四十四人」，據宋史及

文獻通考改。

五頁5行 「龍漢璿」，「璿」，原本作「瓊」，據宋史·文

獻通考及玉海三書改。

五頁7行 同右。

五頁10行 「向通漢」，「漢」，原本作「溪」，據宋史改。

五頁16行 「龍漢瓊遣其使龍光進率西南蕃祥柯諸蠻來貢方物」，原本略為「西南蕃祥柯諸蠻來貢」，

據宋史增。

5頁17行

「詔授漢瑒寧遠大將軍封歸化王」，原本作「詔封西南蕃王龍漢瑒為歸化王」，據宋史改。

5頁20行

「西北接嘉敏」，「接」，原本作「直」，據宋史及清波雜志改。

6頁3行

「至道」二字，據宋史及清波雜志增。

6頁10行

「詢」字，據宋史及清波雜志增。

6頁11行

「十數輩」，原本作「數十輩」，據宋史及清波雜志改。

6頁19行

「歌舞」，原本闕「舞」字，據玉海及民國通志增。

興仁縣補志

校勘記 卷三

三

7頁5行

「龍光映」，「映」，原本誤「映」，據宋史改。

7頁6行

「千餘人」，原本闕「人」字，據宋史增。

7頁13行

「映」字原本誤「映」，據宋史改。

「景德元年詔……援之」二句，原本誤作「

景德元年今廣南西路發西南牂牁諸國進奉使」，據康熙貴州通志及民國通志改。

7頁19行

「八月」二字，據玉海原文增。

9頁11行

「來享之勤」，「勤」，原本作「誠」，據郎溪集

改。

9頁13行

「使引入拜於庭」句，原本誤作「而引使入

拜於庭」，據宋史改。

「西南龍蕃」，原本作「西南番」，據宋史改。
「八兩渾鍍銀腰帶」，原本將「八兩渾」三字
誤為「洋」，據鄭溪集原文改正。

10頁11行夾註 「通鑑」應為「續通鑑」。

10頁19行 「貧窶」，原本誤「貧陋」，據宋史及貴陽府志
改。

11頁9行 「峒丁」，原本誤「峒下」，據建炎以來朝野雜
記原文改（下簡稱朝野雜記）。

「始」字據朝野雜記增。

興仁縣補志

校勘記 卷三

五

12頁5行 「端綺」，原本作「純」，據朝野雜記，宋史兵

志改。

「四千匹」，原本漏「匹」字，據朝野雜記。

宋史兵志增。

「二百萬斤」，「斤」，原本誤「介」，據朝野雜

記，宋史兵志改。

12頁6行 「五百匹」，原本漏「匹」字，據朝野雜記。

宋史增。

「馬必四尺二寸乃市之」句，原本脫漏「馬

必」及「二寸」，據朝野雜記，宋史兵志增。

其直為銀」，原本無「為」字，據朝野雜記、宋史兵志增。

12頁7行 「六七十兩」，原本闕「六」字，據朝野雜記、宋史兵志增。

12頁8行 「在其出處，或博黃金二十兩」，原本闕「在」其出處，或「五」字，據朝野雜記、宋史兵志增。

12頁18行 「孝宗」二字，據續資治通鑑及民國通志增。

13頁3行 「犀蟹帖服」，「帖」，原本作「貼」，據宋史改。

13頁6行 「為最重」，原本闕「最」字，據續資治通鑑

興仁縣補志

校勘記 卷三 三

增（以下簡稱續通鑑）。

13頁9行 「谿峒」，原本作「溪洞」，據續通鑑改。

13頁12行 同右。

13頁13行 「可不適選其人」，原本闕「不」字，據續通

鑑增。

14頁4行 「羅鬼國」，原本作「羅甸國」，據宏簡錄及民國通志改。

14頁10行 「為此慮者」，「為」，原本作「如」，據宏簡錄及民國通志改。

14頁16行 「思播州」，原本闕「州」字，據續通鑑增。

14頁18行

「萬兩」，原本脫漏「萬」字，據續通鑑增。

「約羅鬼為援」，原本「約」字下有「結」字，

據續通鑑刪。

15頁1行

「普東」，原本作「普通」，據安順府志及民國

通志改。

15頁13行

「開烏蒙道」，「烏蒙」，原本作「西南」，據民

國通志改。

16頁8行

「復為普安路」，「復」，原本作「後」，據嘉靖

貴州通志及民國通志改。

17頁5行

「復叛」，原本作「後叛」，據元史及民國通志

興仁縣補志

校勘記 卷三

三

改。

17頁11行

同右。

17頁12行

「八番」，原本脫漏「番」字，據元史及民國

通志改。

17頁13行

同五行及十一行所改。

20頁1行

「也速解兒等」，原本漏「等」字，據元史紀

事本末增。

20頁2行

同右。

20頁3行

「元史紀事本末」，原本誤「通鑑紀事本末」，

今改。

20頁14行 「昆接」，原本誤「昆接」，今改。

21頁2行 「宣慰使」，原本誤「安慰使」，據乾隆貴州通志改。

22頁2行 「甘肅等處」，原本作「甘肅八番等處」，據新元史刪。

「始仕」，原本作「始任」，據新元史改。

22頁3行 「歷仕」，原本作「歷任」，據新元史改。

22頁54行 「其子孫弟始承蔭」句，原本作「子孫弟兄始承蔭」，據新元史改。

卷四

興仁縣補志

校勘記 卷三卷四

三五

1頁8行 「左右副將軍」，原本闕「左右」及「將軍」

四字，據明史、明紀、明通鑑、明史紀事本末增。

1頁10行 「入普定」，原本作「趨普定」，據同右各書改。

1頁12行 「大軍」二字，據同右各書增。

1頁13行 「彼此牽制，疲于奔命」二句，據同右各書

增。

1頁18行 「夜二鼓」，原本闕「夜」字，據同右各書增。

2頁2行 「貴州」，原本漏「州」字，據明史及民國通

志增。

「則仍屬湖廣」，原本作「仍屬湖南」，據明史及民國通志增改。

2頁6行 「銜所」二字，據明史及民國通志增。

2頁11行 「傳諭傅友德等曰」，原本闕「傳」字，脫漏

「等」字，據明史紀事本末增。

2頁13行 「然去雲南尚遠」句，原本闕「然」字，據

明史紀事本末增。

2頁14行 「布政使司」，原本闕「司」字，據明史紀事

本末增。

2頁16行 「鶴翠筆」原本漏「筆」字，據明史紀事本

興仁縣補志

校勘記 卷四

二五

末增。

2頁16行 「亦難守也」，原本作「不能守也」，據明史紀

事本末改。

3頁1行 「諸部人民」，原本脫漏「諸部」二字，據明

史增。

3頁5行 「等曰」，原本闕「等」字，據明史增。

3頁6行 「恐大軍一還」，「還」，原本作「返」，據明史

改。

3頁8行 「所居之地」原本闕「之」字，據明史增。

3頁9行 「專指……言」，原本誤「指」為「置」，今改。

4頁3行 「吳復」二字，原本脫漏，據明史、明紀、明通鑑、明史紀事本末增。

4頁5行 「以抗大師」，原本闕「以」字，據同右各書增。

4頁9行 「子普旦襲」，原本闕「子」字，據康熙貴州通志增。

4頁14行 「命以銀二十萬備糶」，原本闕「命」字，據明史增。

5頁56行 「囉囉種若麻部」原本誤「囉」為「羅」，誤「若」為「苦」，據明史紀事本末改。

興仁縣補志



校勘記 卷四 七

5頁7行夾註 「龍海」，原本作「海龍」，據明通鑑改。
5頁89行夾註 「詔英會征南將軍傅友德討之」，原本脫漏「英會」二字，據明通鑑增。

5頁9行 「復帥」二字，據明史紀事本末增。

5頁10行 「斬其渠滿已青」，「渠」，原本作「酋」，據明史紀事本末改。

5頁141行 「二十二年春正月」，原本脫漏，據明史紀事本末增。

5頁156行 「沐英還寧正……豈能盡滅我輩」一段，原本脫漏，據明史紀事本末增。

6頁1行 「天兵」，原本作「大兵」，據嘉靖貴州通志改。

6頁4行 「史紀」，原本誤「史記」。

6頁7行 「明史地理志」，原本漏「志」字，據民國通志增。

志增。

7頁6行 「鑿杓」，「杓」，原本誤「柄」。

7頁13行 「三衛軍」，原本作「三衛兵」，據明史改。

8頁3行 「柵」，原本作「棚」，據明紀改。

8頁4行 「木荅箐」，「荅」，原本作「容」，據明紀改。

「普安衛」，原本漏「衛」字，據明紀增。

8頁13行 「三千餘石」，「石」，原本作「碩」，據明史改。

興仁縣補志

校勘記 卷四

天

9頁7行 「三千餘石」，「石」，原本作「碩」，據明史。

明通鑑 明紀及興義府志改。

9頁9行 「若時有不同」，據興義府志並參證明史等增。

9頁9行 「後世當以時損益」，原本闕「後世」二字，

據興義府志並參證明史等增。

9頁10行 「豈可執一，不知變通之道」，原本闕「據興

義府志並參證明史等增。

9頁12行 「苗賴子」，「賴」，原本作「賴」，據興義府志

改。

9頁16行 同右。

10頁1行 「普安」，原本作「普定」，據民國通志改。

10頁4行 「賴子」，原本作「癩」，據興義府志改。

10頁6行 「二月」，據通鑑輯覽增。

「布政使司」，「使」字據通鑑輯覽增。

10頁9行 「洪武年」，原本脫漏，據通鑑輯覽增。

「及普定」三字，原本脫漏，據通鑑輯覽增。

10頁14行 「已而思南田宗鼎……貴州為內地自此始」

一段，原本闕，據通鑑輯覽增。

10頁15行 「田茂安」，原本漏「安」字，據明史紀事本

末增。

興仁縣補志

校勘記 卷四

五

10頁16行 「以爭沙坑故」，原本「沙坑」下行「地」字，

據明史紀事本末刪。

10頁19行 「取以自屬」，原本「取」字上行「有」字，

據明史紀事本末刪。

11頁2行 「鎮遠侯顧成」，原本闕「鎮遠侯」三字，據

明史紀事本末增。

11頁3行 「寂無知者」，原本闕「寂」字，據明史紀事

本末增。

11頁4行 「日構殺」，原本闕「日」字，據明史紀事本

末增。

11頁6行 「夏元吉等曰」，原本作「夏原吉等」，據明史紀事本末增改。

11頁9行 「遂設貴州布政司……屬焉」一段，據明史紀事本末增。

11頁14行 「二月」，原本誤「六月」，據明紀改。

「布政使司」，原本漏「司」字，據明紀增。

「都指揮使」，原本漏「使」字，據明紀增。

12頁7行 「永樂元年」，原本作「初」，據嘉靖貴州通志改。

「以上首慈長為安撫」句，原本作「授土首

興仁縣補志

校勘記 卷四

三

慈長」，據嘉靖貴州通志增改。

「十三年」，原本作「十二年」，據嘉靖貴州通志改。

12頁9行 「謂部長曰營長」，「謂」，原本作「設」，據嘉靖貴州通志改。

12頁12行 「狗場」，據興義府志增。

「籓箕」，「籓」，原本誤「籓」，據興義府志改。

12頁15行 「民人」，原本作「人民」，據明史改。

12頁18行 「於是始設普安州流官知州廢普安軍民府，

以其地入州」，原本略作「於是始設普安流官

「據興義府志增改。」

13頁14行 「宣宗宣德」，據明史 明紀、明通鑑及乾隆貴州通志等書增。

14頁2行 「妨宜」，原本作「防宜」，據明史改。

14頁3行 「寨底」，原本作「底寨」，據明史改。

14頁4行 「為寇」，原本作「為亂」，據明史改。

15頁2行 「貴州取中七名」，「七」，原本作「十」，據乾隆貴州通志改。

15頁8行 「是年貴州取中十名」，「十」，原本作「十一」，據乾隆貴州通志改。

興仁縣補志

校勘記 卷四 五

15頁156行 「以百人為率」，「以」，原本作「一」，據明通鑑改。

18頁15行 「另置」，原本闕「另」字，據民國通志增。

18頁178行 「梁瑤調雲南兵由烏撒會於畢節」句，原本誤作「梁瑤調烏撒兵會於畢節」，據乾隆貴州通志增改。

19頁2行 「道路皆通」，原本闕「路」字，據乾隆貴州通志增。

19頁13行 「所奉詔書」，原本闕「所」字，據明通鑑增。

19頁14行 「復請」，原本闕「復」字，據明通鑑增。

19頁16行 「蘇松諸府浙江江西」，原本作「松蘇諸府」，據明通鑑增改。

20頁10行 「十六名」，原本漏「名」字，據乾隆貴州通志增。

20頁17行 「應捕欽」，「欽」原本作「之」，據明史、明紀改。

21頁6行 「前書」，原本作「前此」，據民國通志改。

「殆雲貴」三字，據民國通志增。

21頁8行 「九月」，據明通鑑增。

21頁12行 「毀」，原本作「毀」，據明史改。

興仁縣補志

校勘記 卷四

三

21頁13行 「暢走雲南」，「暢」字據明史增。

21頁14行 「毒暢死」，「毒」，原本作「醜」，據明史改。

21頁16行 「米魯欲並殺之」句，「米魯」，原本作「阿保」，據明史改。

21頁20行 「珀」，原本誤「均」，據民國通志、興義府志改。

22頁7行 「左都御史」，「左」，原本誤「右」，據明史改。

22頁9-10行 「及諸長官司土兵萬三千有奇」，原本誤作「及諸士兵萬有奇」，據興義府志增改。

22頁11行 「父子」二字據興義府志增。

22頁12行 「百三十有奇」，原本作「百有奇」，據興義府志增。

「殺傷官民無算」，原本作「殺官及兵民無算」，據興義府志改。

22頁13行 「自贖」二字，據興義府志增。

22頁14行 「陰資米魯兵五百」，原本作「陰予米魯兵」，據興義府志增改。

22頁15行 「密遣」，原本作「別遣」，據興義府志改。

「米魯且投牒鎮巡官」，原本略作「米魯投牒」，據興義府志增。

興仁縣補志

校勘記 卷四 三

22頁17行 「巡按御史」，原本無「御史」二字，據興義

府志增。

22頁19行 「象倚之，率兵」五字，據興義府志增。

23頁3行 「督貴州軍務」，原本作「提督軍務」，據明史改。

「普安賊婦」，原本作「貴州賊婦」，據明史改。

23頁156行 「使致仕都督王通將一軍」句，原本闕，據明史增。

23頁178行 「安南衛圍」，原本作「安南之圍」，據明史改。

23頁18行 「而愷通及都指揮李政亦各破賊砦」句，原

本闕，據明史增。

24頁23行 「俘獲一千二百」句，原本闕，據明史增。

24頁18行 「以普安州及普安」，「及」字，據興義府志

增。

25頁12行 「永曆六年」及夾註「順治九年」，原本誤為

「永曆元年」。「順治四年」，據明史 明通鑑

三藩紀事本末，興義府志，民國通志等書改。

25頁19行 「馬乃」二字，據興義府志增。

卷五

1頁7行 「領千總經歷儒學教授各一」，原本漏「領千

興仁縣補志

校勘記 卷四卷五卷六 三

總」及「儒學」五字，據興義府志及民國安

南志（抄本）增改。

2頁1行 「徙普安縣治於新興所」據興義府志，一所

「字下有「城」字。

3頁5行 「寒單」，據乾隆貴州通志等志書藝文志，應

作「單寒」。

4頁20行 「仁宗嘉慶二年」，據興義府志，「二年」下

有「正月」二字。

卷六

1頁5行 「仍令李誠標為縣丞」句，原本作「立令李

誠渠仍為縣丞」，據興仁縣志改。

1頁6行 「樞密院長」四字，原本闕，據興仁縣志增。

1頁10行 「令李誠渠」四字，據興仁縣志增。

1頁16行 「又成立」三字，據興仁縣志增。

12頁7行 「似為煽惑」，疑有漏誤。

13頁17行 「辨認」，原本誤「辯認」。

20頁5行 「欲殺城中人而甘心」，原本誤「欲甘心地方

人」，今改。

20頁6行 「周積善率隊入城後」，原本作「周軍入城後

」，據興仁縣志增改。

興仁縣補志

校勘記 卷六

三五

20頁7行 「方能劫城」四字，據興仁縣志增。

21頁7行 「對未殺城中人猶不甘心」句，原本脫漏「

未殺」及「中」三字，據興仁縣志增。

21頁12行 「直隸」，原本作「直接」。

21頁14行 「隊伍」二字，據興仁縣志增。

21頁16行 「冀去羽翼」，「冀」，原本作「意」。

21頁17行 「周主席」，原本作「周政府」，今改。

23頁6行 「不分晝夜」，「晝」字應作「晝」。

24頁9行 同右。

28頁3行 「梓潼閣」，「潼」，原本作「種」。

28頁18行

「不分書皮」，「畫」，原本作「星」，今改。

31頁18行

「變賣」，原本漏「賣」字，今增。

32頁18行

「復暨」，原本作「覆暨」，今改。

32頁19行

「審查」，原本作「審察」，今改。

33頁4行

「共軍」，原本作「共匪」，今改。33頁1行同。

33頁7行

同右。

33頁11行

「城中人」，原本漏「中」字，今增。

33頁16行

「共軍」，原本作「共匪」，今改。

34頁4行

同右。

34頁14行

同右。

興仁縣補志

校勘記 卷六卷七

三

34頁19行

同右。

36頁1行

同右。

36頁5行

「羅渭村」，原本作「洛渭村」，據興仁縣志改。

36頁13行

「共軍」，原本作「共匪」，今改。

36頁19行

同右。

38頁12行

「保管」，原本誤「保款」，今改。

38頁19行

「說報」，原本誤「說報」，今改。

卷七

5頁12行

「有有學官而避居境外」句，「境外」二字

下應有「者」字。

6頁4行 「過自流井」，原本漏「過」字，據興仁縣志

增。

8頁16行 「改任」，原本作「改編」，今改。

卷八

3頁6行 「隱居」，原本誤「阮居」。

3頁7行 「從遊」，原本作「徒遊」。

「排除」，原本闕「排」字。

5頁6行 「西平」，原本誤「武英」，據明史改。

5頁8行 「叛苗」，原本誤「苗叛」。

5頁10行 「供億」，原本誤「共億」。

興仁縣補志

校勘記 卷七卷八

三

8頁2行 「汪信」，原本誤「汪姓」。

8頁3行 「景泰」，原本誤「景奉」。

8頁5行 「萬曆二十四年故」，子文泮應襲「二句」，原

本脫漏，據興仁縣志增。

11頁3行 「落享容」，「落」，應作「落成」。

12頁8行 「倚如左右手」，「如」，原本誤「入」。

15頁3行 「矇朧」，原本誤寫「矇矓」。

15頁6行 「屠川獻」，據興仁縣志作「沒川獻」。

16頁7行夾註 「九月十九日」，據興仁縣志作「九月二

十九日」。

17頁9行 「勞刀防禦揮刀死」，「刀」，原本誤「刃」，據興仁縣志改。

17頁10行 「陳搏」，原本誤「陳搏」，據宋史隱逸傳改。

19頁7行 「魄壘」，應作「魄磊」。

20頁2行 「均予恤」，據興仁縣志作「予旌」。

20頁3行 「昭忠祠」，「忠」，原本誤「宗」。

20頁5行 「祀總謝正銘」，據興仁縣志作「守備謝正明」。

卷九

2頁3行 「遺風」，原本作「餘風」。

興仁縣補志

校勘記 卷八卷九卷十 三

4頁17行 「掩皆」，「皆」，原本誤「眈」。

8頁4行 「辟穢」，「辟」，原本誤「僻」。

9頁19行 「秉承」，原本誤「稟其」。

10頁8行 「佞佛」，「佞」，原本誤「倭」。

13頁13行 「興義」，原本誤「遵義」。

「友宥可危」，原本誤「汲汲可危」。

14頁5行 「詰姦」，原本誤「誥姦」。

「寧謐」，原本誤「寧謐」。

卷十

1頁「歐陽春魁」條，據原本應列於2頁「朱本達」條。

之後。

5頁19行 「集鄉人場圃」句，原本作「集鄉於場圃」，今改。

6頁15行 「躡躡」，原本誤「躡躡」。

10頁5行 「民苦飢渴」，「民」，原本誤「氏」。

11頁9行 「博及經史」，「及」，原本作「極」。

12頁1行 「董長均」，原本脫漏「均」字，據興仁縣志增。

12頁6行 「得首旌」，「旌」，原本誤「均」，據興仁縣志改。

興仁縣補志

校勘記 卷十卷十一

五

卷十一

2頁7行 「工篆籀隸」，「工」，原本作「攻」。

4頁11行 「赫赫在人耳目」，「在」，興仁縣志作「昭」。

4頁16行 「馬敢肆談」，「馬」，興仁縣志作「烏」。

5頁1行 「臻首蛾眉」，「臻首」，興仁縣志作「皓齒」。

5頁10行 「則壽算易促」，「易」，興仁縣志作「必」。

5頁11行 「馬能」，興仁縣志作「烏能」。

6頁9行 「豈僅如是而已哉」，「哉」，興仁縣志作「耶」。

6頁12行 「踴躍爭先」，「踴」，原本誤「湧」。

6頁18行 「莫若檢一身舉動之失」、「之失」，原本作「
之得失」，據興仁縣志刪改。

6頁20行 「不致蹈不學無術之譏」，原本闕「致」字，
據興仁縣志增。

7頁1行 「以養精神」，原本漏「以」字，今增。

7頁16行 「葑菲」，原本作「菲葑」。

9頁2行 「生產蕭索」，「蕭」，原本作「消」。

9頁16行 「行誼」，原本作「行義」。

10頁17行 「羅曼」，原本作「羅漫」。

卷十二

興仁縣補志

校勘記 卷十二

甲

3頁6行 「汲汲以郵族為事」，「郵」，原本誤「收」。

3頁16行 「行三十餘年」，「行」字原本闕，今增。

「多助以金廣其施」，「助」字原本闕，今增。

3頁17行 「於十月朔日」，「朔」，原本誤「潔」。

5頁14行 「贖贖」，原本誤「贖贖」。

5頁17行 「楊策」，「楊」，原本誤「楊」。

6頁1行 「徐氏」，原本脫漏，今增。

「聶氏」下之「媳王氏」，原本誤「媳李氏」，

又「陳大姑」漏「陳」字，今依正文增改。

6頁2行 「鍾氏」，原本誤「舒氏」，今依正文改。

6頁3行 「朱氏」下之「曾孔良妻」，原本漏「孔」字，今依正文增。

6頁7行 「楊氏」下之「唐尚賓尚華母」，原本誤「唐尚賓妻」，今依正文改。

6頁8行 「劉氏」下之「楊多娣……」等四人，原本均作獨立大寫，今依正文改。

6頁9行 「黃六姑」，「六」，原本誤「小」，今依正文改。

7頁12行 「不佞佛」，「佞」，原本誤「倭」。

8頁9行 「貪病」原本誤「平病」。

10頁15行 「遺腹子」，原本漏「服」字。

興仁縣補志

校勘記 卷十三卷三

四

12頁5行 「方永康」，「康」，原本作「唐」，據第六頁目錄改。

14頁12行 「舅姪」，原本誤「舅姪」。

18頁4行 「姊妹也」，原本誤「兄弟也」。

卷十三

1頁19行 「明其分合之迹」，「迹」，原本誤「凡」。

1頁20行 「生業」，原本誤「經業」。

7頁17行 「乾隆貴州通志」，原本無「貴州」二字，今

增

8頁10行 「徵銀五十三兩有奇」，原本脫「有」，今增。

12頁14行

「計水田三萬二千七百三十八畝六分」，「三十八」，原本誤「二十八」，據本書附表改正。

16頁5行

「荒田土伍仟貳百陸拾柒畝」，「陸拾柒」，原本誤「柒拾陸」，據本書12、14各頁所載有關

資料改正。

18頁13行

「附記」欄「提征第三第四期月額」，「期」，原本誤「區」，據本頁第八行附記欄改。

18頁18行

「欠征」欄內之「三〇」，原本誤列入「起征」欄內，今改。

18頁19行

「撥補部隊」欄內之「第二補訓處」，原本作

興仁縣補志

校勘記

卷三卷四

里

「第二集□處」。

卷十四

3頁14行

「蕪菜」，原本誤作「菠菜」。

3頁17行夾註

「瓣如百合」，原本「百合」誤「白合」。

3頁19行夾註

「茅酒」，原本誤「芒酒」。

4頁12行夾註

「小兒麻疹」，「痧」，原本誤「痧」。

5頁1行

「蠟桃」，原本誤「臘桃」。

5頁3行夾註

「即柰」，「柰」，原本誤「奈」。

5頁13行

「蠟梅」，原本誤「臘梅」。

6頁2行

「紫藤花」，「藤」，原本誤「籐」。

6 頁 9 行 「土茯苓」，「苓」，原本誤「岑」。

6 頁 16 行 夾註 「陶弘景」，原本誤「弘」為「宏」。

6 頁 17 行 夾註 「神農本草」，原本誤「神農本志」。

7 頁 14 行 夾註 「夷堅志」，原本誤「夷志堅」。

9 頁 5 行 「泥」字之上，應有「白」字。

9 頁 8 行 「覓酸道引導」，「酸道」二字有誤。

16 頁 1 行 「元宵夕」，「宵」，原本誤「霄」。

16 頁 3 行 「跌坐」，原本誤「跌坐」。

16 頁 7 行 「陰曆」，原本誤「陰歷」。

16 頁 8 行 「連宵灯火不息」，「宵」，原本誤「霄」。

興仁縣補志

校勘記 卷五卷十五

聖

17 頁 2 行 「立冬食菜菔」，「立冬」，原本誤「立春」。

19 頁 9 行 「廣續提倡」，「倡」，原本誤「個」。

20 頁 145 行 「而縣境面積，約二萬一千二百七十五方里

」，數字疑有誤。

21 頁 5 行 「忠順里」，原本漏「順」字。

22 頁 2 行 「均不利耕稼」，「稼」，原本誤「嫁」。

22 頁 3 行 「惰農」，原本誤「隋農」。

卷十五

3 頁 45 行 「審衝握要」，「衝」，原本誤「衝」。

3 頁 12 行 「西南」，原本作「西北」。

4頁89行 「奸兇」，原本誤「奸究」。

5頁18行 「剽掠」，原本誤「劇掠」。

7頁14行 「奸究」，原本誤「奸究」。

8頁67行 「燭兇于幾先」，「兇」，原本誤「究」。

8頁15行 「難于捕治」，「捕」，原本誤「遁」。

9頁2行 「待旦」，原本誤「待且」。

11頁2行 「歷次」，原本誤「歷歷」。

12頁16行 「窒礙」，原本誤「窒礙」。

17頁5行 「不過十之一二」，原本誤「不過十之二」。

17頁8行 「薰赫」，「赫」，原本作「嚇」。

興仁縣補志

校勘記 卷十五

四

20頁3行 「無既」，原本作「無暨」。

20頁9行 「崇禎」，原本誤「崇禎」。

22頁9行 「仗節」，原本誤「伏節」。

23頁2行 「方紳」，原本誤「另紳」。

25頁18行 「乃明時」，原本誤「乃時明」。

27頁19行 「何堪設想」，「何」，原本誤「尚」。

28頁19行 「慎以圖終」，「終」，原本作「維」。

33頁5行 「熟悉」，原本作「熟習」。